

শিউলিবাড়ি

সুবোধ ঘোষ

Get Bangla eBooks
Bangla ebooks in pdf

www.banglabooks.in



মডার্ন কলাম

১০/২এ, টেমার লেন, কলকাতা-৭০০ ০০১.

SIULIBARI

A nobel by Subodh Ghosh

প্রথম প্রকাশ : বৈশাখ ১৩৬২ ।

প্রকাশক : লতিকা সাহা । মডার্ন কলাম । ১০।২এ, টেমার লেন, কলকাতা-৯ ।

মুদ্রাকর : গোপালচন্দ্র পাল । স্টার প্রিন্টিং প্রেস ২১এ, রাধানাথ বসু লেন, কলি-৬

প্রচ্ছদ : সুরত চৌধুরী

একবার দেখলে অনেকবার মনে পড়বে ; আর, একদিন দেখলে অনেকদিন মনে থাকবে—এ রকম একটি চেহারা ।

চোখ দুটি বেশ টানা-টানা ; কিন্তু দুই চোখেরই কোল দুটো বেশ কুঁচকে গিয়েছে, এবং বোধ হয় সেই জন্যই মনে হয়, সব সময় হাসছে চোখ দুটো । তা ছাড়া, কাঁচাপাকা একজোড়া গোঁফও একটু শিথিল হয়ে ঝুলে পড়েছে । তাই বোধ হয় মনে হয়, যেন ঠোঁটের উপর একটা হাসির ছায়া লুটিয়ে পড়েছে ।

বারো মাস ওই একই সাজ ; খাকি কামিজ, খাকি হাফ-প্যান্ট আর খাকি মোজা । দু'পায়ে কালো চামড়ার একজোড়া ভারি বড় । আর মাথায় একটা হ্যাট ।

হ্যাটটা শোলার, কিন্তু মাঝে মাঝে খেজুর পাতার হ্যাটও তাঁকে পরতে দেখা যায় । এ জিনিসটা তাঁর নিজেরই হাতের কারুকলার একটি কীর্তি । কেউ শিখিয়ে দেয়নি, কারও কাছ থেকে দেখা-শেখা ব্যাপারও নয় । নিজেই ভেবে-চিন্তে, বার-বার পরীক্ষা করে, শূন্য একটা পেন্সিল-কাটা ছুরির সাহায্যে তিনি খেজুর-পাতার হ্যাট তৈরি করে থাকেন ।

একটা একনলা বন্দুক, সেটা কখনও পিঠের সঙ্গে আবার কখনও বা তাঁর সাইকেলের রডের সঙ্গে বাঁধা থাকে । ষাট বছর বয়স, তবু এই সেদিনও তিনি ষাট মাইল পথ সাইকেল চালিয়ে সেই কুলডিহা থেকে এই শিউলবাড়িতে পৌঁছে গিয়েছিলেন । মাসটা ছিল আষাঢ়, সারা দিনে তিন পশলা জোর বৃষ্টিও হরোঁছিল । কিন্তু ঠিক সময়মত, অর্থাৎ সন্ধ্যার জোনাক জ্বলে উঠতেই বাড়ির দরজার কাছে এসে সাইকেলের ঘান্ট বাজিয়ে ডাক দিয়েছেন—
আম এসেছি নিরু ।

লোকে জানে, প্রাতবেশারাও শূনে আসছে, রোজই ঠিক সন্ধ্যার

সময় বাড়ি ফিরে ঠিক এইরকম একটা ~~কথা~~ এই-
ভাবেই ঘণ্টা বাজিয়ে ডাক দিয়ে থাকেন এই ভদ্রলোক : আমি
এসেছি নিরুদ।

ঘরের ভিতর থেকে লন্ঠন হাতে দরজার কাছে এগিয়ে আসেন
নিরুদপমা। মাঝে মাঝে নিরুদপমাকেও কথা বলতে শোনা যায়।
যেন একটু বেশি খুশি হয়ে আর হেসে কথা বলছেন নিরুদপমা—
এত তাড়াতাড়ি ফিরলে যে, এখনও তো জোনাকি জ্বলেনি।

ভদ্রলোক হাসেন—আমি ঠিক সময়েই ফিরেছি। সন্ধ্যাটাই
আসতে একটু দেরি করেছে।

সেই ভোজপুরী হালুয়াই রামসিংহাসন আজও বেঁচে আছে ;
রামসিংহাসন জানে, বাঙালীবাবু আজ পঁয়ত্রিশ বছর ধরে ঠিক
সন্ধ্যার সময় বাড়ি ফিরে এসে আর দরজার কাছে দাঁড়িয়ে সাই-
কেলের ঘণ্টা বাজিয়েছেন, আর, বউকে নাম ধরে ডেকেছেন।

আজকাল অর্থাৎ এই পাঁচ বছর ধরে বাঙালীবাবু কিন্তু মাঝে
মাঝে অন্য একটা নাম ধরেও ডাকেন—আমি এসেছি নন্দু।

ঘরের ভিতর থেকে লন্ঠন হাতে নিয়ে দরজার কাছে এগিয়ে
আসে সুনন্দা। সুনন্দাকেও মাঝে মাঝে বলতে শোনা যায়—
আজ কিন্তু একটু দেরি করেছে বাবা।

রামসিংহাসন শুনতে পায়, বাঙালীবাবু তাঁর মেয়ের সঙ্গে
হেসে হেসে কথা বলছেন—আমার দেরি হয়নি নন্দু, সন্ধ্যাটাই
একটু তাড়াতাড়ি ঘনিয়ে গেছে!

রামসিংহাসনের বাড়িটা এমন কিছু দূরে নয়। বাঙালীবাবুর
বাড়ি আর রামসিংহাসনের বাড়ি, মাঝখানে শুধু একটা পেঁপে-
বাগানের বাবধান।

এই শিউলিবাড়ির কেনা চেনে বিজনবাবুকে? কিন্তু বিজনবাবু
নামটাকে কেউ জানে বলে মনে হয় না। জানে শুধু তারা, যারা
আজকাল মাঝে মাঝে এখানে কলকাতা থেকে হাওয়া বদলাতে আসে
আর বিজনবাবুর সঙ্গে প্রথম পরিচিত হয়ে নাম জিজ্ঞাসা করে।

সন্ধ্যায়, আজ পঁয়ত্রিশ বছর ধরে এখানে আছেন। এই রেল-লাইন আর এই শিউলিবাড়ি স্টেশনও যখন হয়নি, তখন থেকে তিনি এখানে আছেন। আর্থ-কাটিং অর্থাৎ মাটি-কাটার ঠিকাদারী করেন ভদ্রলোক। পার্লিক ওয়াকসের, রেলের আর জেলা বোর্ডের যত কন্ট্রাক্টর, আর মাটিকাটা যত মজদুর, সকলেই বিজনবাবুকে যে-নামে চেনে আর ডাকে, সেটা একটা অন্য নাম—মাটিসাহেব। পাঞ্জাবী কন্ট্রাক্টরেরা বলে—মিটিসাব।

মাটিসাহেব বিজনবাবুর খাকি-সাজের রঙ; তা-ছাড়া মুখটার, হাঁটু দুটোর আর কনুই থেকে আঙ্গুল পর্যন্ত হাত দুটোরও রঙ, যদিও দেখতে মেটে-মেটে বলে মনে হবে, কিন্তু তাঁর কামিজের কলারটা একটু এলিয়ে পড়লেই দেখা যাবে, কী চমৎকার ফরসা একটা গায়ের রঙ খাকি কামিজের আড়ালে ধবধব করছে। কোন সন্দেহ নেই, পঁয়ত্রিশ বছর ধরে একটানা মাটি-কাটা ঠিকাদারীর জীবন, যত পাহাড়ী ডাঙার ধুলো, শাল-জঙ্গলের হাওয়া, আর বারো মাসের রোদ-জল-হিম বিজনবাবুর পরিশ্রমের শরীরটার ষেটুকু ছুঁতে পেরেছে, সেটুকু মাটি-রঙ করে ছেড়েছে।

তিনি যখন এখানে এসেছিলেন, তখন এ-জায়গাটার কোন নামই ছিল না। পালামৌ জেলা বোর্ডের রাস্তাটা এখানে এসে রাঁচি যাবার সড়কটার সঙ্গে মিশেছে; তাই এখানে সড়কের পাশে শূন্য একটা সরাই ছিল, একটা হালদুসাইয়ের দোকান ছিল, আর মহুয়া চোলাই করবার একটা ভাঁটি ছিল। পঁয়ত্রিশ বছর আগে রেল লাইনের জন্য মাটি কাটবার ঠিকাদারী নিয়ে বিজনবাবু এখানে এসে সেই সরাইয়ের একটা ঘরে ঠাই নিয়েছিলেন। সরাইয়ের পিছনে একটা মহুয়ার নিচে সারা রাত ধরে দুই নেকড়ের মারামারি আর ঝগড়ার শব্দও শুনেনি সেদিনের যুবক বিজনবিহারী।

কিন্তু, সেজন্য জায়গাটার উপর একটুও রাগ করেনি বিজন-বিহারী; কোন ভয় নয়, একটু বিরক্তিও নয়। বরং, ঠিক একটি বছর পরে, সড়ক থেকে একটু দূরে মাঠের উপর কাঁচা-ইটের

দেওয়াল-দেওয়া একটি বাড়ি তৈরি করেছিল ~~বিজ্ঞানবিহারী~~
পর একদিন সেই বাড়িতে ঢুকে আর হেসে হেসে সম্মুখদীপ
জ্বলিয়েছিল নিরুপমা ।

চারদিকে জঙ্গল, কাছে ও দূরে ছোট-বড় পাহাড়, সড়ক দিয়ে
সারা দিনে একবার মাত্র জোড়া উটের ডাকগাড়ি যায় আর আসে ;
তাও সপ্তাহে তিন-চার দিন বাদ যায় । এহেন এক জগতে বাঙালী
বিজ্ঞানবিহারীর ওই কাঁচা-ইটের বাড়িটাই হল প্রথম গৃহস্থের
বাড়ি ; যে বাড়ির চারদিকে চারটে শিউলির চারাকে বিজ্ঞানবিহারী
নিজের হাতে রোপন করেছিল ; আর বাঁচিয়ে রাখার জন্য অনেক
যত্নও করেছিল ।

নিরুপমা হেসে হেসে বলেছিল—বাংলাদেশের শিউলি, এই
পাথরে মাটিতে বেঁচে থাকতে পারবে কি ?

খুব পারবে । আমি পারিয়ে ছাড়ব । বাংলাদেশের শিউলি
বলে নয়, সেদিনের পঁচিশ বছর বয়সের বিজ্ঞানবিহারীর কাছে সে
শিউলির আরও একটা মায়া ছিল । সে-বড় অদ্ভুত মায়া ।

কিছুদিন আগে সড়কের মোড়ে উটগাড়িটা চাকা ভেঙে আর
বিকল হয়ে অনেকক্ষণ দাঁড়িয়েছিল ; আর, একজন যাত্রী গাড়ি
থেকে নেমে বিজ্ঞানবিহারীর সঙ্গে আলাপ করেছিল ।—আমার নাম
পীতাম্বর । বাড়ি কটক । সাসারামে সিংহবাবুদের বাড়িতে মালীর
কাজ করি ।

এই পীতাম্বরের সঙ্গে একটা বন্ধুড়িতে একগাদা চারা গাছ
দেখতে পেয়ে জিজ্ঞাসা করেছিল বিজ্ঞানবিহারী—ওগুনি কি ?

পীতাম্বর—শিউলির চারা । বাংলাদেশের শিউলি । নেবেন
কয়েকটা ?

বিজ্ঞানবিহারী—না ।...আচ্ছা দাও ।

নিরুপমাকেও বলতে ভুলে যায়নি বিজ্ঞানবিহারী—হঠাৎ মনে
হল, বাংলাদেশের শিউলি মানে তুমি । তাই নিলাম ! তা না হলে
বাংলাদেশী জিনিস আমি ছুঁতামও না ।

নিজের হাতে রোপা সেই শিউলিতে যেদিন ফুল ধরেছিল, সেদিন ভোজপুরী হালুয়াই রামসিংহাসন একটু আশ্চর্য হয়ে প্রশ্ন করেছিল—কোন ফুল বা ?

শিউলি ।

শিহুলি ?

নেহি নেহি, শিউলি বোলিয়ে ।

শিউলি ! শিউলি ! রামসিংহাসন বেশ খুশি হয়ে হেসেছিল ।

কাঁচা ইটের সেই বাড়ির সামনে একটা কুরো কাটিয়েছিল বিজনবিহারী । ডিনামাইট দিয়ে পাথর ফাটিয়ে কুরো কাটা ! বিজনবিহারী সেদিন সেই জংলী নিভূতের শান্ত বুকটার উপর যেন প্রচণ্ড এক বিস্ময়ের বিস্ফোরণ ঘটিয়েছিল । আট ক্রোশ দূর থেকে মূন্ডা নরনারী আর ছেলে-মেয়ের দল সে দৃশ্য দেখতে এসেছিল ; যদিও রামসিংহাসন ভয় পেয়ে আর ঝাঁপ নাড়িয়ে দোকান বন্ধ করে দিয়ে তিন ক্রোশ দূরের একটা বড়ো বটের কাছে গিয়ে বসেছিল ।

বিজনবিহারীর কুরোর জলের সুনাম চারদিকে রটে যেতে বোধ হয় এক মাসেরও বেশি সময় লাগেনি । যেমন মিঠা তেমনই ঠান্ডা চমৎকার জল । প্রথম সার্ভিস বাসের ড্রাইভার সড়কের মোড়ে বাস থামিয়েই খালাসীকে ডাক দিত—চল জী, শিউলি-বাড়ির কুরোর জল খেয়ে আসি ।

কেউ চেষ্টা করে নামটাকে তৈরি করেনি ; যেন মানুষের ভাষা নিজেরই খুশিতে মূখর হয়ে বাঙালী বিজনবিহারীর কাঁচা-ইটের বাড়িটাকে শিউলিবাড়ি নাম দিয়ে ফেলেছিল !

দুটো বছর যেতে না যেতেই বিজনবিহারী দেখেছিল, বাস-সার্ভিসের টিকিটে একটা নতুন জায়গার নাম ছাপা হয়েছে—শিউলিবাড়ি ।

তারও তিনটে বছর পরে যখন রেল-লাইন হল, আর স্টেশনটা তৈরি হল, তখন দেখা গেল, প্ল্যাটফর্মের উপর মস্তবড় কাঠের বোর্ডের

উপর ইংরেজীতে স্টেশনের নামটা নতুন রঙে ~~করে~~ **করছে**—শিউলিবাড়ি।

এই ইতিহাসটা জেলা গেজেটিয়ারে লেখা নেই, কিন্তু এটা একেবারে বর্ণে বর্ণে সত্য একটা ইতিহাস। শিউলিবাড়ি নামটা এক মাটি-কাটা ঠিকদারের, বাঙালী বিজনবিহারীর, আজকের এই মাটি-সাহেবেরই জীবনের একটা ঘটনার দ'ন। তা না হলে, চারিদিকের যত ডিহা-ডিহির মধ্যে একটা জায়গার নাম শিউলি-বাড়ি হয়ে যেতে পারত না।

রাতের অন্ধকারে সড়কের মোড়ে দাঁড়িয়ে যখন কোন আদিবাসী ওঝা কিংবা মন্দিয়ার সঙ্গে মন্দিারী ভাষায় গল্প করেন মাটি-সাহেব, তখন কারও সন্দেহ করবারও সাধ্য হয় না যে, বাঙালী বিজনবিহারী রায় কথা বলছেন। শুধু কথা নয়, মন্দিারী ভাষায় গানও গাইতে পারেন মাটিসাহেব! এই সেদিনও তাঁকে দেখতে পাওয়া গিয়েছে, জেলা বোর্ডের কাঁচা সড়কের উপর গাছতলায় দাঁড়িয়ে মন্দিারী ভাষায় ছড়া কাটছেন, আর মাটি-কাটা মেয়ে-মজরের দল হেসে লুটিয়ে পড়ছে।

আজকের শিউলিবাড়ির চেহারা দেখে কারও কল্পনা করবার সাধ্য নেই যে, পঁয়ত্রিশ বছর আগে এখানে শুধু শাল-জঙ্গলের ছায়ায় ঘেরা নিতান্ত দীনহীন একটা সড়কের মোড়ে ততোধিক দীনহীন তিনটে মাটির ঘর শুধু পড়ে ছিল। নেকড়ের উপদ্রবের জন্য দিনের বেলাতেও কোন গরুর গাড়ি এই পথে একলা যেতে সাহস পেত না। আজকের শিউলিবাড়িতে, স্টেশনের দিক থেকে এগিয়ে এসে সদার সূচেত সিং-এর সেগনের আসবাবের প্রকাণ্ড দোকানটা পার হলেই অন্তত চারটে বেশ ভাল চেহারার স্টেশনারি দোকান দেখতে পাওয়া যাবে। আর, তার পাশেই আছে পর পর তিনটে ফলের দোকান। চারদিকের যত কোলিয়ারির মালিক আর ম্যানেজারের গাড়ি, প্রতিদিন অন্তত আট-দশটা গাড়ি এখানেই আসে আর সওদা করে চলে যায়।

তঃ মিস্টার দণ্ডিয়ারের দক্ষণের গা ঘেঁষে চমৎকার চেহারার যত বাংলা-বাড়ির বাড়ি দেখা যায়, সেগুলির বেশির ভাগই বাঙালীর বাড়ি। অনেকদিন আগেই শিউলিবাড়ির জল-হাওয়ার সন্ধান কলকাতা পর্যন্ত পৌঁছে গিয়েছিল। এমনিতেই নয়, এই মাটিসাহেবই রেল-বিভাগের অনেক বড়-বড় বাঙালী অফিসারকে বুদ্ধিয়েছিলেন, আর তাঁদেরই দিয়ে শিউলিবাড়ির স্বাস্থ্যের গৌরব প্রচার করিয়েছিলেন। শীতের সময় এইসব বাড়ির কোনটাই খালি থাকে না। বাড়ির মালিকেরা নিজেরাও সপরিবারে আসেন; আবার চার-পাঁচ মাসের ভাড়াটে হয়েও অনেকে আসেন। সে-সময়ে এক-একদিন শিউলিবাড়ির শান্ত কুয়াগাভরা সন্ধ্যার বন্ধে যেন নতুন দীপালির আনন্দ মধুর হয়ে হেসে ওঠে। ছোট ছোট ছেলেরা একলব্য অভিনয় করে। আর, ত্রৈলোক্য অপেরা এসে সুভদ্রাহরণ গেয়ে চলে যায়।

হাওয়া বদলাতে কলকাতা থেকে বাঙালীরা যারা আসেন, শূন্য তাঁরা নন, বদলি হয়ে স্টেশনের নতুন স্টাফ হয়ে বাঙালী কর্মচারী যারা আসেন, তাঁরাও দেখে আশ্চর্য হয়ে থাকেন, শিউলিবাড়ির বাজারে কইমাছ কিনতে পাওয়া যায়। সে কইয়ের স্বাস্থ্যের তুলনায় যশোরের কইও রোগাটে। দামও অন্তত কলকাতার বাজারের চেয়ে কম গলা-কাটা। শিউলিবাড়ির চারদিকে ঝুমরা রাজ এস্টেটের যত ঝিল আছে, তার প্রায় সবগুলিই কইমাছে ভরে গিয়েছে।

আরও নানাবিধের চেহারা শিউলিবাড়ির এই ছোট বাজারেই দেখতে পাওয়া যাবে। হালুয়াই রামসিংহাসনের দোকানে সর-পুঁরিয়া আর ক্ষীরমোহন পাওয়া যাবে। আদিবাসী মেয়েরাও ঝড়ি-ভাঁতি মড়ির মোয়া নিয়ে বাজারের ভিতরে এক সারিতে বসে আছে। রাঁচির পাইকারের লোকজন চাঁপা কলার কঁাদি কেন-বার জন্য এই শিউলিবাড়ির বাজারে এসে ভিড় করেছে; দশ বছর আগে ওরা শেওড়াফুলিতে যেত।

তিন দিকে পাহাড় আর প্রায় চারদিকেই জঙ্গল—বাংলাদেশ

থেকে এত দূরের একটা নিরালার বৃক্ষের ঠিক পথের উপর কে যেন আলাদীনের প্রদীপের সেই অদ্ভুতকম দাস-দানব-টির মত শক্তির হয়ে বাংলাদেশের মাটির যত সাধ তুলে নিয়ে এসে ছুড়িয়ে দিয়েছে।

অনেকেই জানেন, এই সবই মাটিসাহেব বিজনবাবুর পঁয়ত্রিশ বছরের একটা একরোখা চেষ্টার কীর্তি। অনেকে শুনছেন, ভদ্রলোক এই পঁয়ত্রিশ বছরের মধ্যে একদিনের জন্যও এই শিউলি-বাড়ি ছেড়ে থাকেননি। হালুয়াই রামসিংহাসনও ভেবে পায় না, মাটিসাহেব কেন এই পঁয়ত্রিশ বছরের মধ্যে একদিনের জন্যও নিজের দেশে গেল না?

ফিকে সবুজ রঙের চেহারার যে শৌখিন বাড়িটার দরজায় বাঘছালের পর্দা ঝুলছে, সেই বাড়ির মালিক মিস্টার দস্তিদার একদিন মাটিসাহেব বিজনবাবুর রায়েকে বাড়িতে ডেকে নিয়ে আর বেশ খুশি হয়ে গল্প করেছিলেন।—আপনাকে দেখলেই আমার স্যার সেমিল রোডসের জীবনের যত ঘটনার গল্প মনে পড়ে যায়। জঙ্গলের যত জংলীপনাকে মেরে-কেটে সরিয়ে আপনিও যে একটা উপনিবেশ তৈরি করে ফেলেছেন মশাই। শিউলিবাড়ি যে সত্যিই আপনার রোডেসিয়া। আপনি সত্যিই একজন ফাস্ট'ব্রাশ অ্যাডভেঞ্চারার।

মাটিসাহেব যেন লজ্জিত হয়ে আর মাথা হেঁট করে হেসেছিলেন। কোন কথা বলতে পারেননি।

মিস্টার দস্তিদার—শুনেছি, জুপলা পাহাড়ের উত্তরের ওই জঙ্গলের ভেতরে বলবলা নদীর প্রপাতটা আপনিই আবিষ্কার করেছিলেন।

মাটিসাহেব তাঁর পিঠের বন্দুকটাকে একবার কাঁধে দুলিয়ে একটা ঝাঁকুনি দিয়ে বিনীতভাবে হেসেছিলেন—আমিই ওই সাংঘাতিক ঝনটাকে একদিন খুঁজে বের করেছিলাম। তাছাড়া, আপনাদের ওই দামোদরের উৎসটাকেও...

মিস্টার দণ্ডিদারের চোখ দুটো আরও খুঁশি হয়ে চমকে ওঠে—
সেটাও কি আপনি খুঁজে বের করেছেন ?

মাটিসাহেবের চোখ দুটো ঝিকঝিক করে ।—আজ্ঞে হ্যাঁ, তিন দিন ধরে একাই হেঁটে হেঁটে, আর শুধু পাকা বটফল খেয়ে...। বলতে বলতে যেন আরও লজ্জিত হয়ে, শেষে নীরব হয়ে যান মাটিসাহেব ।

মিস্টার দণ্ডিদার কিন্তু ছাড়েন না ।—বলুন বলুন, থামলেন কেন ?

মাটিসাহেব—সে জায়গাটার নাম হল চুল্‌হাপানি । পাহাড়ের গায়ে এক জায়গায় ছোট্ট চুলোর মত একটা গর্তের উপর টুপ্ টুপ্ করে একটা চোরা ঝনার জল ফাটা পাথরের ভেতর থেকে ঝরে পড়ছে । এই তো...আপনার ওই মহাদেব ঢোড়া, বোদা পাহাড় আর ধওরা পাহাড় পার হয়ে, ল্যাটারাইটের খাদান ছাড়িয়ে যে পাহাড়টা, সেটারই প্রায় মাথার কাছে একটা বড়ো পাকুড়ের পায়ের তলায় উৎসটা গুব্‌গুব্‌ করছে । ওদিকের দামোদরটার আমি একটা নামও দিয়েছিলাম স্যার ।

কি বললেন ?

হ্যাঁ স্যার, আমি নাম দিয়েছিলাম দেবনদ । ওদিকের গাঁয়ের লোক আজও কিন্তু ওই নাম বলে থাকে স্যার ; দামোদর বললে ওরা বুঝতে পারে না ।

খুব করেছেন ! অদ্ভুত কান্ড করেছেন ! হেসে হেসে চেঁচিয়ে ওঠেন মিস্টার দণ্ডিদার ।

মাটিসাহেব—ডেপুটি কমিশনার হাবার্ট সাহেব কিন্তু শুনে খুব অসন্তুষ্ট হয়েছিলেন ।

কি বললেন ?

দামোদরের উৎসের খবরটা আর জায়গাটার একটা ম্যাপ এঁকে আমি জেলা বোর্ডের চেয়ারম্যানকে পাঠিয়েছিলাম । কিন্তু চেয়ারম্যানের ভাইপো রঘুবাবু আমাকে এসে বললেন, সাবধান,

দামোদরের উৎস ওই চুল্‌হাপানি চুল্‌হামে যায় ; আপনি এসব! ব্যাপার নিয়ে কথ্‌খনো লেখালিখি করবেন না ।

মিস্টার দাশিদার আশ্চর্য হন—কেন ? এরকম ভয় দেখাবার মানে কি ?

মাটিসাহেব হাসেন—হার্‌বার্ট সাহেব চেয়ারম্যানকে জানিয়ে-ছিলেন, আমার ঠিক পনের দিন আগে তিনিই দামোদরের উৎসটা আবিষ্কার করেছিলেন ।

মিস্টার দাশিদারও হেসে ফেলেন ।

আর-একবার, সে বছর এখানে হাওয়া বদলাতে কলকাতা থেকে এসেছিলেন প্রফেসর বিনোদ দত্ত । তিনিও একদিন আশ্চর্য হয়ে মাটিসাহেব বিজনবাবুকে চা খেতে নিমন্ত্রণ করেছিলেন ।

প্রফেসর বিনোদ দত্ত বললেন—আপনাকে দেখলে আমার সত্যিই সেই পিলগ্রিম ফাদারদের কথা মনে পড়ে । দঃসাহসে আপনিও কম যান না মশাই । তাছাড়া, এ-তো আর অ্যাডভেঞ্চারারদের মত শূধু কাটাকাটি করবার দঃসাহস নয় । আপনি সেই পিলগ্রিম ফাদারদেরই মত জঙ্গল সরিয়ে সেখানে দেশের যত ফুল ফুটিয়েছেন, ফল ফলিয়েছেন । আপনাকে হাজার ধন্যবাদ দিতে ইচ্ছে করা মশাই ।

মাটিসাহেব তাঁর সেই অদ্ভুত নম্রতার ভঙ্গিতে, লজ্জিত হয়ে আর মৃদুভাবে হেসে, মাথা হেঁট করে চায়ের পেয়ালায় চুমুক দেন ।

প্রফেসর বিনোদ দত্ত যেন মৃগ্ধ হয়ে বলেন, আপনি নাকি জঙ্গলের গাঁয়ে বাংলা ভাষা-টা যাও চালাতে চেষ্টা করেছেন ।

ভাষা নয় স্যার, একটা গান চালিয়েছিলাম ।

কিসের গান ?

বাংলা গান ।

কি গান ?

হরি দিন তো গেল সন্ধ্যা হল ।

বলেন কি ? এ-গান এখানে চলেছে ?

হ্যাঁ স্যার । রাতু চিলোয়া আর মুরি পাহাড়ের মন্ডাদের আর ওরা ওঁদের ছেলেমেয়েরাও এ-গান গাইতে পারে ।

প্রফেসর বিনোদ দত্ত যেন মূগ্ধ হয়ে মাটিসাহেব বিজনবাবুর মূখের দিকে তাকিয়ে থাকেন ।—আপনি একটা অলৌকিক কান্ড সম্ভব করেছেন । ধন্যবাদ আপনাকে, হাজার ধন্যবাদ ।

কিন্তু আজ এই সাত দিন হল কলকাতা থেকে হাওয়া বদলাতে এসেছেন যিনি, রিটায়ার্ড হেডমাস্টার করালীবাবু, তিনি আজ মাটিসাহেব বিজনবাবুর সঙ্গে দেখা হতেই নাক কাঁপিয়ে একটা অদ্ভুত হাসি হেসেছেন ।

মাটিসাহেব বিজনবাবু কিন্তু তাঁর স্বভাবসুলভ সেই লজ্জিত হাসিটাকেই আরও নরম করে নিয়ে জিজ্ঞাসাকরেন—আপনি নতুন এসেছেন বলে মনে হচ্ছে স্যার ?

করালীবাবু—হ্যাঁ, আমি নতুন এসেছি, আর আপনার নামও শুনেছি । কিন্তু চিনতেও পেরেছি ।

মাটিসাহেব—আজ্ঞে ?

করালীবাবু হাসেন—আপনি তো একজন মিউটিনিয়ার ।

মাটিসাহেব—আজ্ঞে ?

করালীবাবু—বুঝলেন না ?

মাটিসাহেব—আজ্ঞে না ।

করালীবাবু—মিউটিনি...অর্থাৎ মস্ত একটা বিদ্রোহের কান্ড করেছেন, আর সেই জন্যে ইচ্ছে করে এখানে এসে একটা বনবাস খুঁজে নিয়েছেন । নয় কি ?

মাটিসাহেবের লাজুকহাসির মূখটা সেই মূহূর্তে শোকাতে'র মূখের মত করুণ বিষাদে ভরে যায় ।

পঁয়ত্রিশ বছর ধরে রোজ সন্ধ্যায় ঘরে ফিরে আর দরজার কাছে দাঁড়িয়ে সাইকেলের ঘণ্টি বাজিয়েছেন যিনি, সেই মাটিসাহেব বিজনবিহারী রায় আজ সন্ধ্যা হতে ঘরে ফিরেও দরজার সামনে যেন হতভম্বের মত পমকে দাঁড়িয়েছেন, ঘণ্টি বাজাতেই ভুলে

গিয়েছেন। ঘণ্টা বাজাবার শক্তিটাও যেন হঠাৎ অলস হয়ে হাতটাকে অলস করে দিয়েছে।

আশ্বে আশ্বে ডাকেন মাটিসাহেব — আমি এসেছি নিরুদ।

পেঁপেবাগানের ওদিকে নিজের ঘরের দাওয়ার উপর বসে বড়ো রামসিংহাসনও শূন্যে আশ্চর্য হয়; এ কী রকমের উদাসীর মত ভাঙা গলায় আশ্বে আশ্বে, যেন ক্লান্ত প্রান্ত হতাশ মানুষের মত কুণ্ঠিতভাবে ডাক দিচ্ছেন মাটিসাহেব? মাটিসাহেব আজ কি একটা জ্বর-জ্বালা নিয়ে ঘরে ফিরেছেন? এই পঁয়ত্রিশ বছরের মধ্যে মাটিসাহেবকে একদিনের জন্যেও তো কোন অসুখে ভুগতে দেখেনি রামসিংহাসন।

লন্ঠন হাতে দরজার কাছে এগিয়ে এসেই চমকে ওঠেন নিরুদপমা। এ কি? চিরকালে দুঃসাহসের মানুষটার মুখের উপর আজ এ কোন হতাশ সন্ধ্যার অন্ধকার থমথম করছে? সেই যে পঁচিশ বছর আগে এক মাঝরাতে থানার লোক বাঁশের ডুলিতে বয়ে নিয়ে বিজন-বিহারীকে যখন বাড়ি পেঁগে দিয়ে গিয়েছিল, তখনও তো বিজন-বিহারীর মুখে একফোঁটা আতঙ্কের চিহ্ন দেখতে পাননি নিরুদপমা। ভালুকটার ভয়ানক খাবার নখ বিজনবিহারীর পিঠটাকে তিন জায়গায় আঁচড়ে দিয়ে মাংস উপড়ে নিয়েছিল। সেই রক্তাক্ত যন্ত্রণার মধ্যেও নিরুদপমার মুখের দিকে তাকিয়ে হাসতে পেরেছিল যে বিজনবিহারী, সে আজ এত বিষণ্ণ আর এত গম্ভীর কেন?

চেঁচিয়ে ওঠেন নিরুদপমা — কি হল? ওরকম করে তাকিয়ে আছ কেন?

ছুটে আসে সুনন্দা — একি বাবা? কি হয়েছে? অসুখ করল নাকি?

বিজনবিহারী হাসতে চেষ্টা করেন — না, কিছু না।

ঘরে ঢুকেই কিন্তু ক্লান্তভাবে বিড় বিড় করেন বিজনবিহারী — একটু একলা হয়ে কিছুক্ষণ বারান্দার উপর বসি। খাবার-টাবার একটু পরে দিস নন্দা, লন্ঠনটাকে সরিয়ে নিয়ে যা।

॥ দুই ॥

একলা হয়ে বসে থাকলেই তো সব কথা মনে পড়ে যায়। আজ যেন ইচ্ছে করেই সেসব কথা মনে করবার জন্যে একটু একলা হয়ে বসে থাকতে চেয়েছেন বিজনবিহারী।

মাকে একটুও মনে পড়ে না। কিন্তু বাবাকে খুবই ভাল করে মনে পড়ে। পনের বছর বয়সের খাড়ি ছেলে হয়েও সে-ছেলে বাবাকে দহাতে জড়িয়ে ধরে লৌহভীষচূর্ণ খেলেছে, সে কি করে বাবার মূখের সেই আহ্লাদের হাসির ছবিটা ভুলে যেতে পারবে, সে-ছেলে যদিও আজ ষাট বছর বয়সের এক মাটিসাহেব?

বাবা শুধু যে নায়েবী করেই জীবন কাটিয়েছিলেন তা নয়; এককালে খুব ভাল কুশি লড়তেন। বাবার মাথাটা তাই সাদা হয়ে গেলেও বুকটা টান ছিল, আর হাত দুটোর মাস্‌ল্‌ও কত মজবুত ছিল। প্রাণপণ জোরে বাবার হাতের গুলি টিপেও সেই শক্ত মাংস-পেশীর গর্ব একটুও খর্ব করা যেত না, বিজন নিজেই হাঁপিয়ে পড়ত। বাবা হাসতেন—বৃথা চেষ্টা বিজ্ঞ, তোর সাধ্য নেই। জিমন্যাস্টিকের মাস্টার তোর ওই মেজমামাও যে হার মেনে যায়।

মামাদের বাড়িটাও কেষ্টনগর থেকে বেশি দূরে নয়। দিগ্‌নগর যেতে পথের উপরেই নোনা আতার আর কামরাঙার বাগান দিয়ে ঘেরা সেই মামাবাড়িতে যখন-তখন চলে যেতে আর থেকে আসতে কোন বাধা নেই। বাবাই বলেন—যা বিজ্ঞ, লক্ষ্মীপুজোর দিনটা মামাবাড়িতে গিয়ে পেট ভরে নারকেল নাড়ু খেয়ে চলে আস।

বিজ্ঞরও আপত্তি নেই। মামাবাড়িটা এত কাছে যে, এক দৌড়ে পেঁছে গিয়েও হাঁপাতে হয় না। দেরিও করে না বিজ্ঞ, লক্ষ্মীপুজোর আগের দিনেই বিকালে স্কুল থেকে বাড়ি ফিরে এসে, আর ব্যস্তভাবে দুটো মূড়ি চিবিয়ে নিয়েই মামাবাড়ির দিকে দৌড় দেয়। আর, শুধু নারকেলের নাড়ু নয়, কাঁচা-পাকা কামরাঙাও

পেট ভরে খেয়ে নিয়ে লক্ষ্মীপুজোর পরের দিনে বাড়ি ফিরে আসে।

বাবা বলেন—দৌড়ে গিয়েছিলি, না হেঁটে হেঁটে ?

বিজু—একদমে দৌড়ে গিয়েছিলাম।

বাবা—বহুৎ আচ্ছা। পেট ভরে কামরাঙা খেয়েছিস তো ?

বিজু—খেয়েছি বাবা।

বাবা—বহুৎ আচ্ছা। হ্যাঁ...পরীক্ষাটা পার হয়ে যাক, তারপর দেখব, সাঁতার দিয়ে জলঙ্গী পার হতে তোর ক'মিনিট লাগে ?

মেজমামা বড় কড়া মেজাজের মানুষ। কিন্তু কি আশ্চর্য, বিজুকে গাছ উজাড় করে কামরাঙা খেতে দেখেও কিছু বলেননি, যদিও চোখ পাকিয়ে অনেকক্ষণ বিজুর মুখের দিকে তাকিয়ে ছিলেন। সন্দেহ হয় বিজুর মেজমামা বোধ হয় বাবার দু'হাতের মাস্‌ল-এর চেহারাটা স্মরণ করে বিজুকে কোন কড়া কথা বলেন না। সন্দেহ কেন, মাঝে মাঝে বেশ বদ্ব্যভিচারেও পারে বিজু, বাবাকে বেশ ভয় করেন মামারা। বিজুকে আদর করে দুটো কথা বলতে যেন বড় ফেটে যায় মামাদের ; কিন্তু অনাদর করবারও সাহস পান না। মেজমামা একদিন অবশ্য বেশ সাহস করে আর রাগ করে চেঁচিয়ে উঠেছিলেন—এটাকে বারান্দায় আসনপেতে খাবার জায়গা করে দাও ছোট বউমা।

বিজুও চেঁচিয়ে ওঠে।—বারান্দায় কেন ?

মেজমামা—হ্যাঁ।

বিজু—না, আমি রান্নাঘরের ভেতরেই বসে থাক।

তখন রান্নাঘরের ভেতরে ঢুকে চেঁচিয়ে উঠেছিল বিজু—আমাকে শিগগির ভাত দাও ছোটমামী।

এত কড়া রকমের রাগ করেও মেজমামার চড়া মেজাজ যেন ফস্ করে দমে গেল। বোধ হয় বদ্ব্যভিচারেও পেরেছেন, পনের বছরের ঢেঁকি হয়েও যে আদরে ছেলে এখনও বাপের সঙ্গে এক থালায় ভাত খায়, সে ছেলেকে একেবারে ঘরের বাইরে একটা বারান্দায়

পাত পেড়ে ভাত খাওয়াবার সাহসটা ভাল সাহস নয় ।

বড়দা আর মেজদার মেজাজ অনেকটা মামাদেরই মেজাজের মত । বড়দা থাকেন জলপাইগুড়িতে, আর মেজদা ডিরগুড়ে । দুজনেই সরকারী চাকরি করেন । বড়দা ডাক্তার, মেজদা অ্যাকাউন্টেন্ট । পুজোর ছুটিতে বড়দা আর মেজদা বাড়িতে এসে যে-কটা দিন থাকেন, সে-কটা দিন বিজুর মুখের দিকে দুজনেই যেন যখন তখন গম্ভীর ভাবে তাকান । দশমীর সন্ধ্যাতে বিজু যখন হস্তদন্ত হয়ে বাড়ি ফিরে বড়দা আর মেজদাকে প্রণাম করে, তখনও কেমন যেন কাঠ-কাঠ একটা চেহারা ধরে আর শক্ত হয়ে দাঁড়িয়ে থাকেন দুই দাদা, একটা কথাও বলেন না । বিজুর মাথায় একবার হাত-টাও রাখেন না ।

ছোড়দা কিন্তু একেবারে উল্টো মেজাজের মানুষ । ছোড়দা অনেকবার ফেল করে এখনও বি-এ পড়ছেন, দিন-রাত পড়তে আর লিখতেই ভালবাসেন ছোড়দা । আর ভালবাসেন বিজুর সঙ্গে গল্প করতে । বিজুর জামা কবে ছিঁড়ে গেল, আর, দুটো নতুন প্যান্ট না হলে যে চলে না—এসব খবর ছোড়দাই রাখেন । ছোড়দা নিজেই বিজুকে সঙ্গে নিয়ে কাপড় কিনতে যান, দরজির দোকানে গিয়ে জামার ছাঁটের রকম-সকম দরজিকে ভাল করে বুঝিয়ে দেন ।

প্রতি রবিবার ছোড়দা নিজের হাতে বিজুর গায়ে সাবান ঘষে ঘষে যেন বিজুর সাত দিনের মাটিমাখা দূরন্তপনার সব ময়লা ধুয়ে পরিষ্কার করে দেন । বাড়ির ঠাকুরও হাসতে থাকে । এরকম একটা খাড়ি বয়সের ভাইকে এত যত্ন করতে কোনও বাড়ির কোন দাদাকে দেখেনি ঠাকুর ।

ছোড়দার সঙ্গে এক বিছানায় না শতে পেলে বিজুরও ঘুম হয় না । যদি কোন দিন বাবার সঙ্গে এক বিছানায় শতে হয়েছে, বিজুর আত্মাটাই যেন হাই তুলে আর এপাশ-ওপাশ করে বিনা ঘুমে ছটফট করেছে । বাবা বলেন—যা, কমলের কাছে গিয়ে শুয়ে থাক । কমলের গায়ের গন্ধ ছাড়া তোর ঘুম হবে না ।

এক লাফে বাবার বিছানা ছেড়ে দিয়ে ছোড়দার বিছানায় উঠে, আর ছোড়দার পিঠের কাছে মুখটা গুঁজে দিয়ে শূরে পড়ে বিজ্ঞ। আঃ, সত্যিই কি চমৎকার আরামের ঘুম। চোখের পাতা জড়িয়ে ধরছে। ঝুপ ঝুপ করে বৃষ্টি পড়ছে, থেকে থেকে বিদ্যুতের ঝিলিকও ফুটে উঠছে, আর ঝড়ো বাতাসের শব্দটাও বেশ শনশনে। একটু শীত-শীতও করছে।

ছোড়দার প্রাণটাও যেন থামোমিটারের মত একটা যন্ত্র। চট করে বৃষ্টি নিতে পারে, বিজ্ঞর গায়ের তাপ বেশ ঠান্ডা হয়ে গিয়েছে। তা না হলে, তখনই ধড়ফড় করে জেগে উঠে আর পায়ের কাছে রাখা চাদরটাকে টেনে বিজ্ঞর গায়ে জড়িয়ে দেবেন কেন?

বড়দি আছেন এলাহাবাদে। বড় জামাইবাবু নাকি মস্ত নাম-জাদা উকিল। কিন্তু বড়দিকে আজও চোখে দেখেনি বিজ্ঞ। ছোড়দা বলেন, অনেকদিন আগে, তুই যখন খুব ছোটো তখন বড়দি একদিনের জন্য এসেছিলেন। কিন্তু এক রাত্রিও থাকেননি।

কেন ছোড়দা?

বড় জামাইবাবু বড়দিকে থাকতে দেননি। বড়দি খুব কেঁদে-ছিলেন।

কেন ছোড়দা?

বাবার উপর বড় জামাইবাবুর খুব রাগ ছিল।

বিজ্ঞ বলে—আমি তখন যদি একটু বড় থাকতাম, তবে বড় জামাইবাবুকে বৃষ্টিয়ে দিতাম

ছোড়দা বলেন—চুপ কর।

বিজ্ঞ বলে—বড়দা আর মেজদাও নাকি বাবার উপর রাগ করে বিয়ে করলেন না।

ছোড়দা—জানি না।

বিজ্ঞ—তুমি নিশ্চয় বিয়ে করবে, ছোড়দা?

ছোড়দা—নিশ্চয়।

মেজদির শ্বশুরবাড়িটা কিন্তু মন্দ নয়। কথা ছিল, এনট্রান্স পরীক্ষা দেবার পর বিজ্ঞ গিয়ে মেজদির বাড়িতে তিনটে মাস থেকে আসবে। কিন্তু ওপরের ক্লাসেই উঠতে পারা গেল না। এনট্রান্স পরীক্ষাটা কপালে আছে কিনা, তাও ভগবান জানেন। এত অপেক্ষা সহ্য হয় না। বিজ্ঞ তাই এই এক বছরের মধ্যে তিনবার মেজদির শ্বশুরবাড়িতে বেড়িয়ে এসেছে।

মামাবাড়ির মত মেজদির শ্বশুরবাড়িটা অবশ্য কেষ্টনগরের এত কাছে নয়, আবার বড়দির শ্বশুরবাড়ির মত অত দূরেও নয়। মানকর ছাড়িয়ে, মাইল দুই হাঁটা দিলেই মাণিকপুরের বাবুদের একটা কাছারিবাড়িতে পৌঁছনো যায়। জায়গাটার নাম শিবপুকুর। সরকারমশাই বটুকবাবুও বেশ ভাল লোক। কিছুই বলতে কইতে হয় না, বটুকবাবু নিজেই একটা গো-গাড়ি ডেকে আনেন, আর, বিজ্ঞ সেই গো-গাড়ির ভিতরে চুপ করে বসে, ঝিমোতে ঝিমোতে আর ঘুমোতে ঘুমোতে আট ক্রোশ দূরের মাণিকপুরে পৌঁছে যায়।

মেজ জামাইবাবু খুব বড় জমিদার। মেজদিদের বাড়িটাও বিরাট। ছাদটা এত বড় যে, ফুটবল খেলতে পারা যায়। কিন্তু খেলবার উপায় নেই। হাজার হাজার কবুতরের ভিড়ে ছাদটা সব সময় ছেয়ে আছে, আর তাদের কী অদ্ভুত বকম্-বকম্ আওয়াজের ঝড়!

মেজদি সাবধান করে দেন—ছাদে যাসনি বিজ্ঞ। মাণিকপুরের পায়রা ভয়ানক হিংসুটে, নাক-চোখ ঠুকরে দেবে।

ইস্, সাধ্য কী? ছোলাথেকো কবুতর আমাকে ঠুকরোবে?

সিঁড়ি ধরে এক দৌড়ে ছাদে উঠে আর একটা বাথারি দুলিয়ে সারাটা বেলা কবুতরগুলিকে উত্যক্ত করে, ভয় দেখিয়ে, অতিষ্ঠ করে আর উড়িয়ে উড়িয়ে ক্লান্ত করে তোলে বিজ্ঞ, তবু নিজে একটুও ক্লান্ত হয় না।

মেজদি বিজ্ঞর চেয়ে দশ বছরের আর ছোড়দার চেয়ে দু'বছরের

বড় । প্রায় দশ বছর হল, মেজদির বিয়ে হয়েছে ; কিন্তু এখনও চেষ্টা করলে মনে মনে দেখতে পারি বিজু, ঘুমভরা চোখে চাঁদের দিকে তাকালে যে-রকমের ছবি চোখের উপর ভেসে ওঠে, যেন সেই রকমের একটা ছবি । মেজদির যেদিন বিয়ে হয়ে গেল, তার পরের দিন ঝকঝকে বেনারসী শাড়িতে সেজে, টায়রাপরা কপালের উপর ঘোমটাটি টেনে দিয়ে আর হেসে হেসে শব্দরবাড়ি রওনা হবার জন্য মেজদি গাড়িটার দিকে এক পা এগিয়ে গিয়েই কি-ভয়ানক ফুঁপিয়ে কেঁদে ফেলেছিলেন । বিজুর গলা জড়িয়ে ধরে পুরো পাঁচটা মিনিট এক ঠায় দাঁড়িয়ে ছিলেন মেজদি । বিজুও মেজদির শাড়ির আঁচলটা শক্ত করে ধরে রেখেছিল ।

কে জানে কেন, মেজদির সেই কান্না, আর বিজুর গলা জড়িয়ে-ধরা মায়ার কান্ডটা দেখেও মেজ জামাইবাবু যেন ঠোঁট চেপে একটা অদ্ভুত হাসি হেসেছিলেন । মেজমামা তো চোখ পাকিয়েই রেখে-ছিলেন । শুধু বাবা আশু আশু এগিয়ে এসে মেজদির মাথায় হাত বুলিয়ে দিলেন, আর বিজুর একটা হাত ধরে বললেন—মেজদিকে যেতে দাও বিজু ; তুমি আমার কাছে এস ।

মাণিকপুরে মেজদির বাড়িতে যতবার এসেছে বিজু, ততবার বিজুকে দেখতে পেয়েই চেঁচিয়ে ডাক দিয়েছেন মেজ জামাইবাবু—দেখে যাও রমা, তোমার অদ্ভুত ভাইটি এসেছে ।

মেজ জামাইবাবুর এই চেঁচানো খুশির ভাষাটা শুনতে একটুও ভাল লাগে না বিজুর । একদিন মেজদিকেই আচম্কা জিজ্ঞাসা করে বসে—মেজ জামাইবাবু আমাকে তোমার অদ্ভুত ভাই বলেন কেন ? কথাটার মানে কি ?

মেজদির মুখটা হঠাৎ যেন করুণ হয়ে যায়—ওটা একটা কথার কথা ।

বাংলাতে ফেল করলেও আমি বাংলাভাষা একটু বুঝি মেজদি । অদ্ভুত মানে তো কুৎসিত ।

মেজদি হেসে ফেলেন—তোমাকে কুৎসিত বলে মনে করবে,

কার মনের এত সাধি আছে ? খুঁজে বের করুক দেখি তোমার জামাইবাবু, সারা মাণিকপুরে এরকম ফরসা রঙটি, এরকম টানা-টানা চোখ দুটি, এরকম ঢলঢলে সুন্দর মুখটি কোন্ ছেলের আছে ?

বিজ্ঞও হেসে ফেলে —তবে ওকথা বলেন কেন জামাইবাবু ?
সেই জন্যেই বলেন । অদ্ভুত ভাইটি মানে সুন্দর ভাইটি !

॥ তিন ॥

মাণিকপুরে মেজদির বাড়িতে এই এক বছরের মধ্যে তিনবার বেড়াতে গিয়ে মাঝপথের আর-একটা বাড়িকেও খুব ভাল লেগে গিয়েছে । শিবপুকুরের সেই কাছারিবাড়ির সরকারমশাই বটুক-বাবুর বাড়িটা ।

সত্যিই একটা পুরনো শিবমন্দির আছে, আর সেই শিব-মন্দিরের সামনে একটা পুকুরও আছে । পুরনো মন্দিরটার এক দিকে কাছারিবাড়ি, আর অন্য দিকে সরকারমশাই বটুকবাবুর বাড়ি ।

নিতান্ত একটা মাটির বাড়ি । চালাটা টিনের । প্রথম স্বেচার মাণিকপুর যাবার সময় মানকর স্টেশন থেকে দুটি দিগে এই কাছারিবাড়িতে এসে উঠেছিল বিজ্ঞ, সেবারই বটুকবাবুর বাড়ি থেকে এসে বিজ্ঞকে প্রথম অভ্যর্থনা করে বাড়িতে নিয়ে গিয়েছিল যে, সে হল বটুকবাবুর মেয়ে, নাম কাজলী, বয়সটা দশ বছরের বেশি হবে না ।

কাজলীর মা বেশ যত্ন করে বিজ্ঞকে কদমা ক্ষীর আর মন্ডি খাইয়েছিলেন । জলের গেলাসটা কাজলীই নিয়ে এসে বিজ্ঞর হাতে তুলে দিয়েছিল ।

যতক্ষণ গো-গাড়ি আসেনি ততক্ষণ কাজলীর সঙ্গেই গল্প করেছিল বিজ্ঞ ।

বিজ্ঞ বলে —কাজলী আবার কেমন নাম ? কাজলী তো এক রকমের ধানের নাম । শুনতে একটুও ভাল লাগে না ।

কাজলী বলে—ভাল না লাগে তো বলো না । আমার নাম ডাকতে তোমাকে বলছে কে ?

এর পরেও তো আরও পাঁচবার শিবপদকুরের কাছারিবাড়িতে আসতে হয়েছে বিজ্ঞকে । মাণিকপুরে যাবার সময় দুবার, আর ফেরবার সময় তিনবার । দ্বিতীয়বার, তার মানে সেই প্রথমবারই মাণিকপুর থেকে ফেরবার পথে গো-গাড়িটা কাছারিবাড়ির কাছে এসে পেঁছতেই কাজলী ছুটে এসে বলে—আজ কিন্তু ভাত খেতে হবে ।

নিশ্চয় খাব । বিজ্ঞও গো-গাড়ি থেকে একটা লাফ নিয়ে নেমে পড়েই হেসে ওঠে ।

কাজলী বলে—কিন্তু রান্না শেষ হতে একটু দেরি হবে ।

হোক না । ভালই তো ।

কাজলীদের বাড়ির সবই ভাল, বিজ্ঞর প্রাণটা যেন এরই মধ্যে টের পেয়ে গিয়েছে । কাজলীর বাবা আর মা, কাজলীদের বাড়ির কদমা ক্ষীর আর মুড়ি, সবই ভাল ।

উঠানের বেলগাছটার দিকে তাকিয়ে জিজ্ঞাসা করে বিজ্ঞ—এ বেলগুলো পাকে না ?

কাজলী হাসে—পাকে বইকি ! বোশেখ মাস পড়লেই পাকবে ।


এটা কি মাস ?

এটা তো ফাগুন ।

চুপ করে কি-যেন ভাবে বিজ্ঞ । কিন্তু কাজলীই যেন বিজ্ঞর সেই ভাবনাটাকে চমকে দেয় ।—বোশেখ মাসে আসবে তো আবার ?

কি বললে ?

বোশেখ মাসে এলে কিন্তু পাকা বেল খেতে পাবে ।
আসব ।



বোশেখ মাস আসতে দেরি করেনি। বিজ্ঞও মাণিকপুরে মেজদির বাড়িতে আর-একবার বেড়িয়ে যাবার জন্যে ব্যস্ত হয়ে উঠতে দেরি করেনি।

কাজলীও দেখা হওয়া মাত্র বিজ্ঞকে বলে দিতে দেরি করেনি—
অনেক বেল পেকেছে।

ছিঃ, সত্যিই কি পাকা বেল খাবার লোভে আমি এসেছি ?

তবে কেন এসেছ ?

এসেছি তোমার বাবা আর মার সঙ্গে একবার দেখা করতে।

দেখা কর তাহলে।

করবই তো। কিন্তু সেজন্য তুমি ছটফট করছ কেন ? আমার যখন ইচ্ছে হবে, তখন দেখা করব।

তবে এখন কি করবে ?

চল, তোমাদের হাঁসের ঘর আগে দেখে আসি।

শুধু হাঁসের ঘর দেখে নয়, কাজলীর সঙ্গে গল্প করে করে আর বেড়িয়ে আরও অনেক বিস্ময়ের জিনিস দেখে নেয় বিজ্ঞ। মন্দিরের পিছনে একটা পুরনো চাঁপা গাছ আছে, একশো বছর বয়স। ওটার নাম গৌরীচাঁপা।

বিজ্ঞ বলে—আশ্চর্য ! মহাদেবের বউ গৌরী এই গাছটাকে পুতেছিল নাকি ?

কে জানে ?

কুমোরের চাক ঘুরছে, আর নরম মাটির তাল চেপে ধরে দহ-হাতের কায়দায় হাঁড়ি সরা আর কুঁজো গড়ছে, কুমোরেরা কাজলীর সঙ্গে কুমোর-পাড়াতে গিয়ে এই দৃশ্যও দেখে আসে বিজ্ঞ।

কাজলী বলে—দেখলে তো ! আর কখনও দেখেছ ?

বিজ্ঞ হাসে—কেস্টনগরের ছেলেকে মাটির কারিগরীর গর্ব দেখাচ্ছ তুমি ? মনে করেছ, আমি আশ্চর্য হয়ে গেছি ? আমাদের কেস্টনগরের কুমোরদের কাছে তোমাদের এই শিবপুকুরের কুমো-

রেরা যে আঁতুড়ে-শিশু ।

মেজদি বলেছেন—অ্যান্ড্রয়াল পরীক্ষাটা এগিয়ে এসেছে, কাজেই এখন আর এত ঘন ঘন এখানে বেড়াতে আসিস না বিজু । মন দিয়ে পড়াশোনা কর, পরীক্ষাটা দিয়ে নে, তারপর আবার আসিস ।

ছোড়দাও বাবার সঙ্গে তর্ক করেছে—বিজুকে আপনি যখন-যখন মানিকপুরে যেতে দিচ্ছেন কেন ? তিন মাসের মধ্যে দুবার তো গেল । আবার যাব-যাব করছে ।

বাবা বলেন—যাক না ।

ছোড়দা—তা ছাড়া, এভাবে একা-একা ট্রেনে চেপে ছুটোছুটি করাও এই বয়সের ছেলের পক্ষে একটু বেশি বাড়াবাড়ি হয়ে যাচ্ছে । পথে বিপদ-আপদ তো লেগেই আছে ।

বাবা বলেন—এখন থেকেই ট্রেনিং নিক । একটু বিপদে-আপদে পড়তে অভ্যাস করুক ।

ছোড়দা জানেন, বাবাকে আর বেশি বুঝিয়ে বললেও কোন লাভ হবে না । তিনি বুঝবেনই না । বাবা এই সেদিনও, বষারি জলঙ্গী সীতরে পার হবার জন্য বিজুকে যেভাবে উৎসাহিত করেছিলেন, দেখে খুবই বিরক্ত হয়েছিলেন ছোড়দা । ভাগ্য ভাল, বাবা আর জেদ করেননি । বিজুও বোধ হয় মানিকপুরে বাবার ব্যাকুলতার বষারি জলঙ্গী সীতরাবার লোভটাকেও আপাতত ভুলে বসে আছে ।

কিন্তু উপায় নেই, বিজুকে বলেও কোন লাভ হল না । আবার মানিকপুরে চলে গেল বিজু । এবার ঘুড়ি-নাটাইও সঙ্গে নিয়ে গেল । বাবা নিজেই হেসে চেঁচিয়ে বিজুকে উপদেশ দিলেন—মানিকপুরের সব ঘুড়ি এক এক গোঁস্তায় বোকাটা করে ফিরে আসা চাই ।

আবার শিবপুকুর । আবার কাজলী ।

ঘুড়ি-নাটাই দেখে খিল খিল করে হেসে ওঠে কাজলী—হিঃ, একেবারে ছেলেমানুষের মত কান্ড ।

কি বসলে ?

আমি কিন্তু তোমার সঙ্গে মাঠে মাঠে ঘুরতে পারব না ।

ঘুরতে হবে ।

না । তুমি ঘুড়ি উড়াবে, তোমার সঙ্গে থেকে আমার লাভ
কি ?

আমার তো লাভ আছে ।

ছাই লাভ ।

সত্যি বলছি, তুমি সঙ্গে থাকলে খুব ভাল লাগে ।

কেন ?

তুমি তো তোমার মার চেয়েও সুন্দর ।

কাজলী প্রকট করে তাকায় ।—মাকে বলে দেব ?

যাও, এখনি গিয়ে বলে দাও । আচ্ছা, আমিই গিয়ে বলে
দিচ্ছি । কেষ্টনগরের ছেলেকে তুমি ভয় দেখাতে এসেছ ?

আচ্ছা, আর বলব না ।

কি বলবে না ?

কারও কাছে কোন কথা বলব না ।

বাস, তবে চুপটি করে এস আমার সঙ্গে ।

না ।

কেন ?

ভাল লাগছে না ।

তবে আমারও তোমাকে ভাল লাগছে না । ঘরে যাও তুমি ।

বিজ্ঞান একাই ঘুড়ি-নাটাই নিয়ে চলে যেতে থাকে । কাজলী
বলে—রাগ করে চলে যাচ্ছ, কিন্তু মনে থাকে যেন... ।

কি মনে থাকবে ?

আমি ছাড়া তোমার গতি নেই ।

বিজ্ঞান হৃৎকার শোনবার অপেক্ষায় আর দাঁড়িয়ে থাকে না
কাজলী । দৌড় দিয়ে বাড়ির দিকে চলে যায় ।

আর, বিজ্ঞান চলে যায় ধানক্ষেতের দিকে । আলের উপর

দাঁড়িয়ে ফুরফুরে হাওয়াতে ঘুড়ি ভাসিয়ে দিয়ে আর নাটাই
দুলিয়ে স্নতো ছাড়তে থাকে ।

কিন্তু, বোধ হয় আধঘন্টাও পার হয়নি, নাটাই গুটিয়ে নিয়ে,
আর খুঁড়িয়ে খুঁড়িয়ে হেঁটে, কাজলীদের বাড়ির কাছে এসে,
কাটা তালগাছটার ধড়ের উপর চুপ করে বসে থাকে বিজু ।

ছুটে আসে কাজলী—কি হল ?

একটা গতের মধ্যে পা পড়ে গিয়েছিল। পা'টা বেশ মচকে
গিয়েছে ।

খুব ব্যথা করছে ?

সে আর বলতে ?

তাহলে ? কি করব বল ?

একটু বাটা হলুদ গরম করে আর একটু চুন নিয়ে চলে এস ।
কিন্তু খুব সাবধান, মাসীমা যেন টের না পান ।

মা টের পেলেই তো ভাল । তাড়াতাড়ি চুন-হলুদ গরম
করে...

না, কখুনো না । মাসীমা তাহলে আমাকে খুব অপছন্দ
করে ফেলবেন ।

কাজলীও সত্যিই চুপি চুপি একটা সরাতে গরম চুন-হলুদ
নিয়ে ফিরে আসে ! পায়ের পাতার উপর আর গিঁটের চারদিকে
চুন-হলুদ লাগিয়ে নিয়ে আর হেসে হেসে কাজলীর মূখের দিকে
তাকাতে গিয়েই বিজুর পনের বছর বয়সের দূরন্ত চোখদুটো যেন
চমকে ওঠে । জীবনে এই যেন প্রথম একটা বিস্ময়কে দু'চোখ দিয়ে
দেখতে পেয়েছে বিজু । কাজলীর চোখ দুটো ছলছল করছে ।

কি হল ?

বলেছিলাম না, আমি ছাড়া তোমার কোন গতি নেই । কে
চুন-হলুদ এনে দিল ?

গল্পটা মেজদিকে না শুনিয়ে থাকতে পারে না বিজু । কদমা
আর ক্ষীর থেকে শরুদ করে হাঁসের ঘর, বোশেখী বেল আর

গৌরীচাঁপা পৰ্যন্ত গল্পের সব কথা শুনেন নিয়ে মেজদি বেশ গম্ভীর হয়ে গিয়ে বলেন—কি বলেছে কাজলী ?

কাজলী বলেছে, আমি ছাড়া তোমার গতি নেই ।

বেশ করেছে । কিন্তু তুমি, লক্ষ্মী ভাইটি, তুমি কাজলীর সঙ্গে আর কথা-টথা বলো না ।

বিজ্ঞান আশ্চর্য হয়—কেন মেজদি ?

কাজলী আজ ভাল কথা বলছে, কিন্তু একদিন হয়তো খুব শক্ত একটা কথা শুনিয়ে দেবে ।

মেজদিও এবার নতুন রকমের একটা ব্যবস্থা করে দিলেন । মাণিকপুর থেকে যে গো-গাড়িটা বিজ্ঞানকে নিয়ে যাবে, সেটা আর শিবপদকুর কাছারিবাড়িতে থামবে না । সোজা চলে যাবে মানকর ।

গো-গাড়িটা ঠিক যখন শিবপদকুরের কাছারিবাড়িটা পার হয়ে চলে গেল, তখন সন্ধ্যার জোনাকিজ্বলতে শুরুর করেছে । কাজলী-দের বাড়িটাকে আর চোখে দেখতেও পার না বিজ্ঞান । কে জানে কেন, গাড়ি থেকে নামবার জন্য বিজ্ঞানের মনটা একবার ছটফট করে উঠেই শান্ত হয়ে গেল ।

॥ চার ॥

বাইরের ঘরে বসে বাবা ডাকছেন—বিজ্ঞান ! বিজ্ঞান কি মাণিক-পুর থেকে ফিরেছে ?

ছোড়া ভেতরের বারন্দায় দাঁড়িয়ে উত্তর দেন—হ্যাঁ ।

বিজ্ঞানকে এখানে একবার পাঠিয়ে দে ।

কেন ?

কেন আবার কি ? আসুক না একবার ।

•বিজ্ঞানকে পড়তে বসিয়েছি ।

এখন আবার কি পড়ছে বিজ্ঞান ?

বাংলা ব্যাকরণ ।

বাংলা ব্যাকরণ থাকুক এখন ।

বেশ তো, এখন তাহলে ভূগোল পড়ুক ।

আরে না না । বিজ্ঞ এখানে একবার আসুক, আমার সঙ্গে একটু পাঞ্জা-টাঞ্জা লড়ুক । তারপর না হয়...।

আর বেশি বলতে হয় না ; বিজ্ঞ নিজেই একটা লাফ দিয়ে, যেন এতক্ষণের ব্যাকরণ-ভীরু প্রাণটাকে নাচিয়ে দিয়ে বাইরের ঘরের দিকে ছুটে চলে যায় ।

বাবার সঙ্গে পাঞ্জা লড়ে বিজ্ঞ । বাবা বলেন—মন্দ নয় । এই এক বছরে তোর কব্জির জোর বেশ বেড়েছে বলে মনে হচ্ছে ।

বিজ্ঞ বলে—কিন্তু তোমার হাতটা গরম কেন বাবা ?

বাবা হাসেন—জ্বর হলে গা তো গরম হবেই ।

জ্বর ? তোমার জ্বর ?

বিজ্ঞর পাঞ্জার উপর আশ্বে আশ্বে হাত বুলিয়ে বাবা আবার হাসেন । —হ্যাঁ রে বিজ্ঞ ।

তারপরেই কেমন-যেন হাঁপিয়ে-হাঁপিয়ে কথা বলেন বাবা—
আচ্ছা, তুই এখন যা । কমলকে একবার পাঠিয়ে দে ।

বাবারও জ্বর হয়, বাবাও হাঁপায় ? বিজ্ঞর বিশ্বাসের জগৎটা যেন ভয়ানক একটা বিস্ময়ের প্রশ্নে আহত হয়ে মনমরা হয়ে যায় । কিন্তু উপায় নেই । চোখের উপরে দেখতেই পাওয়া যাচ্ছে, রোজই বাবাকে দেখবার জন্য ডাক্তার আসছেন আর ছোড়দা ওষুধ আনবার জন্য ছুটোছুটি করছেন ।

বাবাও এমন নিশ্চল হয়ে খাটের উপর শুয়ে পড়ে থাকতে পারেন ? এমন অসম্ভবও সম্ভব হয় ? কেষ্টনগরের কে না জানে, রাজনগরের নায়েব রুদ্রবাবু একবার নবদ্বীপঘাটের ফেরি লণ্ডের উপর রাগ করে গঙ্গা সাঁতরে ওপারে গিয়ে উঠেছিলেন, আর সময়-মত আদালতে হাজির হয়েছিলেন । কারণ, যে লণ্ডের সকাল আটটায় ছাড়বার কথা, আটটা বিশ মিনিট হয়ে গেলেও সে-লণ্ড তখনও কুমড়ো-বোঝাই হবার জন্য পাইকারের নৌকোর অপেক্ষায় অলস

হয়ে ভাসছিল।

কিন্তু বাবা যে মরতেও পারেন। সেদিন ডাক্তার চলে যাবার পরেই ছোড়দা যখন চেঁচিয়ে কেঁদে উঠলেন, তখন হতভম্ব বিজ্ঞুর বুকটা যেন পৃথিবীর সবচেয়ে নিষ্ঠুর বিস্ময়ের আঘাতে রক্তাক্ত হয়ে কেঁদে ওঠে। বিজ্ঞুও এত চেঁচিয়ে কাঁদতে পারে? বাবা দেখতে পেলেন যে লজ্জা পেয়ে আর চেঁচিয়ে হেসে ফেলতেন... ছিঃ বিজ্ঞু, তুইও যে চেঁচিয়ে কাঁদিছিস!

রাত্রিবেলা যখন ছোড়দার গা ঘেঁষে শূরে থাকতে হয়, শূধু তখন বিজ্ঞুর বকের ভিতরের ছটফটে কান্নাটা যেন শান্ত হয়ে যায়।

বিজ্ঞুর দাঁচোখের ছলছলে ভাবটাও শান্ত হয়ে শূকিয়ে আসতে থাকে। বড়দা এসেছেন, মেজদা এসেছেন, আর মেজমামা তো সকাল-সন্ধ্যা ব্যস্ত হয়েই আছেন। বাবার শ্রাদ্ধের জন্য বেশ জাঁকাল-রকমের একটা আয়োজনের পর্ব শূরু হয়ে গিয়েছে।

কিন্তু, ঠিক শ্রাদ্ধের দিনেই, ষোল বছর বয়সের দূরন্ত যে বিজ্ঞুর চোখ দুটো কান্না ভুলে গিয়ে শান্ত হয়ে গিয়েছে, সেই শান্ত চোখ দুটো যেন ভয়ানক একটা সন্দেহের আঘাত পেয়ে চমকে ওঠে।

বড়দা মেজদা আর মেজমামা এত আপত্তি করছেন কেন? বিজ্ঞুর মাথা কামাবার দরকার নেই কেন? বড়দা মেজদা আর ছোড়দা, তিনজনই যদি মাথা কামাবে, তবে বিজ্ঞুই বা বাদ যাবে কেন?

ছোড়দা জেদ ধরলেন—না, সেটা হবে না। হতে পারে না। বিজ্ঞুও মাথা কামাবে।

বড়দা মেজদা আর মেজমামা নিতান্ত একটা অনিচ্ছার সঙ্গে কোনমতে আপস করে শেষে রাজি হলেন। বিজ্ঞুও মাথা কামালো। কিন্তু, বিজ্ঞুর প্রাণটা যে কোন মতেই মনের সেই ভয়ানক সন্দেহটার সঙ্গে আপস করতে পারে না। কেন? কিসের জন্য? বড়দা

মেজদা আর মেজমামা কোন্ সাহসে এমন কথা বলে ?

ছোড়দাকে জিজ্ঞেস করলে ছোড়দা বারে বারে ওই একই জবাব দিয়ে সরে পড়েন—ওদের কথা ছেড়ে দে। ওদের মাথা খারাপ।

শ্রাম্ধ তো মিটে গেল। বড়দা আর মেজদাও চলে গেলেন। কিন্তু মেজমামা তবু ব্যস্ত। নিজের বাড়ি ছেড়ে দিয়ে এখন যেন এ-বাড়ির অদৃষ্টের গার্জেন সেজে বসেছেন। রোজই একগাদা কাগজ-পত্র নিয়ে উকিলবাড়িতে যান আর আসেন। মেজমামা কি সাপুড়ে জাদুকরের মত সংসারের আরও বড় কোন রহস্যের ডালা তুলে ফেলবেন, আর, আরও ভয়ানক কোন বিস্ময়ের সাপ হিস্ হিস্ করে ফণা তুলে বের হয়ে আসবে ?

ঠিকই, তাই হল। সম্ভাবেনা আদালত থেকে ফিরে এসে চেঁচিয়ে উঠলেন মেজমামা।—সব ব্যবস্থা হয়ে গেল রে কমল।

কি হল ?

মেজমামা—সম্পত্তির পার্টিশন হয়ে গেল। তার ভাগে পড়ল এই বাড়িটা। রাজনগরের বাড়িটা ধীরেন আর নরেনের সমান দুই ভাগে, আর পলাশীর জমিদারীটা তাদের তিন ভাইয়ের সমান তিন ভাগে।

বিজু বলে ওঠে—তবে আমার ভাগে কি পড়ল ?

মেজমামা বলেন—কিছু নয়। তুমি চুপ কর।

বিজু চেঁচিয়ে ওঠে—কেন চুপ করব? বাবার সম্পত্তি শুধু তিন ভাই পাবে কেন? আমি কি মরে গেছি ?

মেজমামা বিরক্ত হয়ে বলেন—তুমি মরেই ছিলে। তোমার থাকা আর না-থাকা দুই-ই সমান। দেখছিস কমল, এইটুকু ছেলের কিরকম টনটনে সম্পত্তিজ্ঞান ?

বিজু বলে—আমি এখনই উকিলবাড়ি যাব। দেখি, কে আমাকে কোন্ সাহসে ঠকাতে পারে ?

ছোড়দা বিজুর হাত ধরে বলেন—আর, আমার সঙ্গে, আর,

একটা কথা বলব, শুনেন যা। আর বিজ্ঞ।

বিজ্ঞকে হাত ধরে টেনে নিয়ে গিয়ে আর গাছপাকা পেয়ারার গন্ধে ভরা উঠানের এক কোণে দাঁড়িয়ে ফিসফিস করে, যেন নিবিড় একটা প্রতিজ্ঞার আশ্বাস ঢেলে দিয়ে কথা বলেন ছোড়দা—আমি থাকতে তোঁর আবার সম্পত্তির চিন্তা কেন বিজ্ঞ? আমার ভাগের সম্পত্তি তোঁরও সম্পত্তি।

কিন্তু মেজমামা তো সে-কথা বলছেন না। উকিলবাবুও সে-রকম ব্যবস্থা করেননি।

ও ছাই দলিলে যা-ই লেখা থাকুক না কেন, আর আইনে যা খুঁশি বলুক না কেন, তুই তো আমাদেরই ভাই।

চমকে ওঠে বিজ্ঞ—আইনে আমি বুঝি তোমাদের ভাই নই?

বিজ্ঞর মাথাটা দু'হাতে জড়িয়ে ধরে ছোড়দা হাসেন না রে ভাই, কিন্তু তাতে কি আসে যায়?

না, আমি তোমার বাজে কথার মানে বুঝতে পারছি না। আমাকে ছেড়ে দাও ছোড়দা। আমি আজই জানব—উকিলবাবুকে, বিধুবাবুকে, সাবিগ্রীমাসীমাকে সবাইকে জিজ্ঞেস করব। আমি এখনই বের হয়ে গিয়ে জেনে আসব, আমি তবে কে?

ছোড়দা—ছিঃ, কোন দরকার নেই। আমি আমার সম্পত্তির একটা ভাগ তোঁর নামে দলিল করে দেব বিজ্ঞ। তুই কিচ্ছু ভাবিস না।

ছোড়দার সেই ব্যাকুল আদরের হাত দুটো যেন দমবন্ধ করবার দুটো ফাঁসির দড়ি। কিংবা, একটা মিথ্যে মায়ার মিথ্যে তোষামোদ। সহ্য করতে পারা যায় না। ছোড়দার হাত দুটোকে দূরন্ত একটা ঠেলা দিয়ে সরিয়ে দিয়েই ছুটে চলে যায় বিজ্ঞ।

অনেক রাত, মাঝরাতও বোধ হয় তখন পার হয়ে গিয়েছে, বাড়িতে ফিরে এসেই দেখতে পায় বিজ্ঞ, একটা নোনো লন্ঠন আঁকড়ে ধরে আর জুতো পায়েই বিছানার উপর যেন দুর্ঘটনায় মরা একটা মানুষের মত এলোমেলো হয়ে শুয়ে পড়ে আছেন।

ছোড়দা। বৃষ্টিতে পারা যায়, বিজ্ঞকে খুঁজতে বের হয়ে আর অনেক হুসরান হয়ে ফিরে এসেছেন ছোড়দা। এখন বোধ হয় স্বপ্ন দেখছেন, বিজ্ঞ ফিরে এসেছে, কিংবা খোঁজ করলেই বিজ্ঞকে পাওয়া যাবে।

না, অসম্ভব। বৃষ্টি স্বপ্ন দেখছেন ছোড়দা। বিজ্ঞ এ-জীবনে আর এ-বাড়িতে আসবে না।

ছোড়দার মাথার বালিশের কাছে চিঠিটা রেখে দেয় বিজ্ঞ— সবই জেনেছি ছোড়দা। আমি বাবার ছেলে বটে, কিন্তু তোমাদের ভাই নই। আমি বাবার রাজনগরের বাড়ির এক ঝিরের ছেলে। আমার সে ঝি-মা মরে যাবার পর বাবা আমাকে এ-বাড়িতে এনে আর আদর করে পুষেছিলেন। বাস্, আমার আর কিছু বলবার নেই। যাই ছোড়দা।

কেস্টনগরের আকাশের তারা ঝিকঝিক করে। জলঙ্গীর জল ছলছল করে। একটা নিশাচর একলা নৌকোর বৈঠা ঝুপঝাপ করে। মূচিপাড়ার কুকুর কিন্তু ঘেউ ঘেউ করে না, শান্ত হয়ে ঘুমিয়ে আছে।

তারপরেই খোলামেলা ধানক্ষেতের বাতাস ফুরফুর করে। বৃষ্টিতে পারে বিজ্ঞ, কেস্টনগর নামে একটা শ্মশানের সীমা ছাড়িয়ে প্রাণটা অনেক দূরে চলে এসেছে। এ রাত্রি ভোর হবার আগে আরও অনেক দূরে চলে যেতে পারা যাবে।

॥ পঁচ ॥

যে নদী মরুপথে হারালো ধারা, সে নদীর আক্ষেপ হল হারিয়ে যাওয়ার আক্ষেপ। হারিয়ে যেতে চায়নি সে নদী। কিন্তু ষোল বছর বয়সের বিজনবিহারীর জীবনের নদীটা যেন ইচ্ছে করেই ধারা হারাতে চায়। বাংলাদেশের মাটির ছোঁয়া থেকে পলাতক একটা প্রাণ সত্যিই সূদূরের এক মরুপথে এসে তার ধারা হারিয়ে

দিতে চেষ্টা করছে।

একেবারে রাজস্থান, যার সঙ্গে বাংলাদেশের মাটি নদী আর গাছপালার কোন মিল দেখা যায় না। চিতোরের এক উটওয়ালার কাছে চাকর হয়ে খেটে খেটে বিজনবিহারীর জীবনের পুরো একটা বছর কেটে গিয়েছে।

কিন্তু একটুও কি ভয় পেয়েছে বিজনবিহারী? একটুও না। প্রথম দিনটা উটের গায়ের সেই বীভৎস গন্ধে গলা থেকে এক ঝলক বমি উথলে পড়েছিল। কিন্তু তারপর আর নয়। তারপর নিজের হাতেই উটের পুরীষের ঘন্টে পুড়িয়ে, জওয়ারের চাপাটি সেঁকে, আর সেই চাপাটি কাঁচা গাজরের সঙ্গে চিবিয়েখেতে একটুও খারাপ লাগেনি। দড়ির মত করে পাকানো লাল শালুর মস্ত বড় একটা মুড়েঠা মাথায় বেঁধে, তুলোর মেরজাই গায়ে চাঁড়িয়ে, আর কাঁচা চামড়ার নাগরা পায়ে দিয়ে চিতোর গড়ের ডাঙার কাঁটাজঙ্গল থেকে মাদার পাতার বোঝা মাথায় বয়ে নিয়ে বাজারের উটের আস্থানায় ফিরে আসবার সময় পশ্চিমের আকাশে যে সূর্যাস্ত দেখতে পায় বিজন বিহারী, সে সূর্যাস্তের চেহারার সঙ্গে কেষ্টনগরের সূর্যাস্তের মিল নেই; মিলের চেয়ে অমিলই বেশি। কিন্তু দেখতে ভাল লাগে। এ আকাশে সূর্যাস্তের রঙ ছলছল করে না, যেন দাউ দাউ করে জ্বলে।

মিল নেই বলেই ভাল লাগে। চিতোরগড়ের রাতের নীরবতার মধ্যেও মাঝে মাঝে, বিশেষ করে যে রাতে জ্যোৎস্না থাকে, ময়ূরের ঝাঁক ডেকে ডেকে উড়ে বেড়ায়। বিজনবিহারীর প্রাণটা যেন নিশ্চিন্ত হয়ে ময়ূরের ডাকের মত প্রতিধ্বনির উৎসবের মধ্যে ডুবে যায়। শুনতে শুনতে ঘুমিয়ে পড়ে। যদি এখানেও বাংলাদেশের মত বউ-কথা-কও কখনও ডেকে ওঠে, তবে বোধ হয় সেই মূহূর্তে চিতোর ছেড়ে দিয়ে একেবারে জলসলমীরের দিকে চলে যাবে বিজন।

চিতোরের উটওয়ালার মালিক মাইনে বাবদ একটা পয়সাও দেয়

না বলেই কাজটা ছেড়ে দিতে হল। তারপর ঝান্সি। মেওয়া-ওয়ালা মদনলালের দোকানে পুরো দু'টি বছর চাকরি করতে হয়েছে। মাইনে দিতে কিপটেমি করেনি মদনলাল, কিন্তু শেষ পর্যন্ত মাইনের লোভ ছেড়ে দিতেই হল।

দোকানঘরের পিছনের একটা অন্ধ কুঠুরি, সেই কুঠুরির ভিতরে একটা তয়খানা, যেন রসাতলে ঝাবার একটা সুড়ঙ্গঘর। এই তয়খানার ভিতরে পচা মেওয়া চোলাই করে মিঠা মদ আর খুশবুদার মদ তৈরি করে মদনলাল, রহিসেঁকে দিল বহুলানেকে লিয়ে।

দোকানঘরের কাজ তেমন কিছু নয়। আসল কাজটা, এই তয়খানার ভিতরে মাঝরাত পর্যন্ত জেগে জেগে কাটের গামলায় পচা মেওয়া চটকাতে হয়। বিজনবিহারীর দুহাতের মাংসের পেশীগুলি এরই মধ্যে পচা মেওয়া চটকাতে গিয়ে কত মজবুত হয়ে ফুলে উঠেছে।

কিন্তু কাজটা কপালে সইলো না। পালিয়ে যেতে হল। যে রাতে মেওয়ালা মদনলালের দোকানের উপর হানা দিল আবগারী পুলিশ, সে রাতেই, সেই মদহাতে, তয়খানা থেকে বের হয়ে, পিছনের আঁটনার একটা গাছ বেয়ে পাঁচিলের উপর উঠে, আর ওপাশের শেখ সাহেবের আশ্রয়ালের চালার উপর লাফিয়ে পড়ে, তারপর যেন একেবারে অশরীরী হয়ে উধাও হয়ে যায় বিজন।

ঢোলপুরে রেলের এক সাহেবের বাড়িতে বসে আরাও একটা বছর। শেষরাতের আবছায়ার মধ্যে চম্বলের বালিয়াড়ির উপর দাঁড়িয়ে হরিণ শিকার করতে ভালবাসেন ডি টি এস মিস্টার রাইট। দোনলা হল্যান্ড অ্যান্ড হল্যান্ডটা মিস্টার রাইটের হাতে থাকে, আর বেসারা বিজনবিহারীর হাতে থাকে একটা একনলা মার্টিন হেনরি। ভীরু চিতল হরিণ নয়, একদিন সাংঘাতিক গাঁটাসোটা একটা লেপার্ড পিছনের একটা ফনিমনসার ঝোপের আড়াল থেকে বের হয়ে এসে মিস্টার রাইটের ঘাড়ের উপর ঝাঁপিয়ে পড়ল। কিন্তু

সাহেবের গায়ে একটা আঁচড়ও দেগে দিতে পারেনি লেপাড'টা, চামড়ার জাকিনের কলারটাকে শুধু এক কামড়ে ছিঁড়ে দিতে পেরেছিল। আর, বেসারা বিজনবিহারীর হাতের বন্দুকের এক গুলিতে সে লেপাডের বুকও সেই মৃদুতে ঝাঁঝরা হয়ে গিয়েছিল।

তারপর জ্বলপুত্র। লাইনম্যান বিজনবিহারী। দেশে চলে যাবার আগে মিস্টার রাইটই সুপারিশ করে বিজনবিহারীকে এই কাজে বহাল করিয়ে দিয়ে গিয়েছেন।

লোকে বলে, স্টেশনের ইয়াড'। বিজনবিহারী জানে, লোহার পাঁজরা দিয়ে ছাওয়া এই ইয়াড'ই তার জীবনের জগৎ। বাইরের সংসারের যত ভিড় এসে এখানে উপচে পড়ে আর মিলিয়ে যায়। কখনও লাল আর কখনও সবুজ, আলো আর নিশানের অফুরান সঙ্কেত যেন এখানে নীড় বেঁধে বসে আছে। ট্রেন-বোঝাই হয়ে বাইরের পৃথিবীর যত হর্ষ আর কলরবের ভার এখানে এসে হুমুড়ি খেয়ে পড়ে। বিজনবিহারীও যেন তাদের সবারই যাওয়ার পথের কাঁটা সরিয়ে দেয়। শাবল দিয়ে ছোট্ট একটি আদুরে আঘাত, ঠুং করে একটি শব্দ শিউরে ওঠে, আর লাইনের লোহার ফাঁক গায়ে গায়ে জোড়া লেগে যায়। মনে হয়, লোহার শিব যেন বুক পেতে দিল। তার পরেই হু হু করে ছুটে আসে থিউ আপ কিংবা ফোর ডাউন। সত্যিই মনে হয়, যেন একটা শব্দের এলো-কেশীর নাচন সেই লোহার বুক মাড়িয়ে ছুটে চলে গেল।

ট্রেনবোঝাই এই সব হর্ষ আর কলরব নিশ্চয় নিজের দেশে যায়। ওদের দেশ আছে, ঘরও আছে। সবাই হয়তো নিজের দেশের দিকে যাচ্ছে না; কেউ কেউ দেশের দিক থেকে এসে কোন অদেশের দিকে চলে যাচ্ছে। যেখানেই যাক, শেষ পর্যন্ত একটা আশার ঘরে গিয়েই তো ওরা জিরোবে আর ঘুমোবে।

কিন্তু ডিউটি শেষ হলে যে-ঘরে গিয়ে জিরোতে আর ঘুমোতে পারে বিজন, সেটা আশার ঘর নয়, জি রকের একটা কুঠরী। একটা

বেঁটে দরজা, আর ঘুলঘুলির মত ছোট্ট একটা জানলা । জানলার কাছেই দেওয়াল-ঘেঁষা ড্রেনের মধ্যে কাদামাথা শস্যের ঘোঁৎ ঘোঁৎ করে । পাশেই এইচ ব্লকের যত কুঠুরীর সারি, সবচেয়ে নিচের ক্লাসের যত মিনিয়াল আর ধাঙ্গড়দের ঘর । জানলাটা একবেলা খোলা থাকলে কয়লার ধোঁয়া ঘরে ঢুকে দড়িতে টাঙানো জামা-কাপড়ের গায়ে লম্বা লম্বা ঝুল ধরিয়ে দেয়, কালো-কালো সাপের খোলসের মত ঝুলছে ।

যেন জীবনের যত আশার একটা কয়েদঘর । এ চাকরির মেয়াদ ফুরোলে তবেই বোধ হয় এই জি কুঠুরির আশ্রয় থেকে সরে গিয়ে আবার ভাবতে হবে, আবার কোথায় যাওয়া যায় । কোন না কোন দিকে চলে যাওয়া যাবে নিশ্চয় ; কিন্তু বাংলাদেশের দিকে নিশ্চয় নয়, ভুলেও নয় ।

নীলরঙা কামিজ আর নীলরঙা বেঁটে প্যান্টালুনে জড়ানো একটা চেহারা হয়ে, লন্ঠনটা হাতে ঝুলিয়ে রাতের ইয়াডের এক কোণে চুপ করে দাঁড়িয়ে থাকতেও মন্দ লাগে না । বেশ ভালই লাগে, যখন শাণ্টিং-এর ইঞ্জিনগর্দল এক-একটা চিৎকারের রাক্ষসের মত ডাইনে-বাঁয়ে ছুটোছুটি করে ।

এ বিজাওন ! লোকো শেডের গেটম্যান টহলদার সিং যখন চেঁচিয়ে ডাক দেয়, তখন বিজনও খুশির স্বরে চেঁচিয়ে উঠতে পারে—রাম রাম চাচা ! বোলিয়ে কেয়া খবর !

খবর কুছ নেহি, এক বাত পুছনা হ্যায় ।

বোলিয়ে ।

সাদি-উদি করোগে কি নেহি ?

সাদি কি অ্যায়সি-ত্যায়সি ! চেঁচিয়ে হেসে ওঠে বিজন ।

টহলদার সিং চোখ পাকিয়ে ধমক দেয়—জওয়ানি বরবাদ করোগে, কেয়া ?

জওয়ানি নমদামে বহা দেঙ্গে । হেসে হেসে জরাব দেয় বিজন ।

চাচাজী টইলদার সিং-এর চোখ দুটো যেন হঠাৎ একটু মূচকে হেসেই কুঁচকে যায়।—তবু দেব কেও? বঙ্গাল মূলকসে এক ছোট-মোট নাজুকবদন নর্মদাকো উঠা লে কর্ চলে আও।

চাচাজী টইলদার সিং আর একবার মূচকে হেসে নিরে চলে যায়। শুধু আজ নয়, আরও কতবার এই ধরনের হাসির কথা শুনিয়ে দিয়ে চলে গিয়েছে চাচাজী। চাচাজীর এইসব মূচকি হাসির ভাষা যেন বিজনবিহারীকে বার বার এই সত্য স্মরণ করিয়ে দিয়েছে যে, জীবনের আরও দুটো বছর এই জ্বলপদুরে পার হয়ে গিয়েছে। বয়সটা বাইশের কোঠাও পার হয়েছে। ইস, কত তাড়াতাড়ি বয়সটার হাতথেকে খেলার ঘুড়ি-নাটাই খসে পড়ে গেল, আর হাতে উঠে এল একটা কাজের লোহার শাবল।

কি আশ্চর্য, স্বপ্নের মধ্যে এখনও যে মাঝে মাঝে বাংলাদেশের একটা ধানক্ষেতের হাওয়া ফুরফুর করে, আর সেই ফুরফুরে হাওয়াতে বিজনবিহারীর প্রাণের একটা রঙিন খুশির ঘুড়ি আকাশে ভেসে ভেসে দুলতে থাকে। দুলতে থাকে শিবপদুর, গৌরীচাঁপা, বোশেখী বেল আর...আর কাজলী।

ছিঃ, স্লেটের সব অঙ্কের দাগ এত ভাল করে মুছে দেবার পরেও একটা দাগ কেন আবার ফুটে ওঠে? ফুটে ওঠেই বা কেমন করে? কাজলীও তো আর সেই কাজলী নেই। ছোট নয়, বোকাও নয়। বড় হয়েছে, বৃদ্ধি হয়েছে, আর ঘেন্না করতেও শিখেছে।

কাজলীরও কি আর কিছু বৃদ্ধিতে বাকি আছে? মাণিক-পদুরের বউঠাকরুণের অদ্ভুত ভাইটা যে একটা বে-আইনী প্রাণ, একথা কি আজ কি কাজলীরও অজানা আছে? কাজলী বোধ হয় এখন স্বপ্ন দেখে ভয় পায়, বিজনবিহারী নামে একটা অস্পষ্ট ছায়া ওর কাছে জল খেতে চাইছে। বোধ হয় ঘুমের মধ্যেই ঘেন্না করে চেঁচিয়ে ওঠে কাজলী—সাবধান, তুমি আর এখানে এস না।

সত্যিই কি তাই? নাইট ডিউটি শেষ হবার পর হাতের লন্ঠন আর শাবল নামিয়ে রেখে ইয়ার্ড-মাস্টারের অফিস ঘরের

কাছে পাথরের বেণিটার উপর ঢুপ করে বসে যখন হাঁপ ছাড়ে বিজন, তখন শিশির-ভেজা চাঁদটা ঘোলাটে হয়ে গিয়ে আশে আশে ডুবছে। রাতের আকাশটাকে ছেড়ে যাবার দৃংখে চাঁদটা যেন নিজের চোখের জলে মূখটাকে ভিজিয়ে দিয়ে ঘোলা হয়ে গিয়েছে। মনে হয়, জি কঠুরির কালিঝুলিময় বাকটা সতিই একটা শাস্তির কয়েদঘর।

নিজেরই নিঃশ্বাসের শব্দগুলিকে শুনতে পায় বিজন, আর লজ্জাও পায়। নিঃশ্বাসের শব্দের মধ্যে যেন একটা ব্যাকুল লোভের শব্দও বেজে চলেছে। মানকর স্টেশনের সেই বড়ো নিমকিওয়ালাকে আর একবার দেখবার জন্য মনটা ছটফট করে উঠছে। লোকটা কি এখনও বেঁচে আছে? তখনই তো তার বয়স ছিল আশীর কাছাকাছি।

লোকটা বোধ হয় খুব লাজুক, নয়তো চালাক, নয়তো ভণ্ড, নয়তো ভীরু; বড়ো নিমকিওয়ালার জন্য দরদ দেখাবার ছুতো করে মানকর স্টেশনে দাঁড়িয়ে শিবপুকুরের দিকে তাকিয়ে আছে।

যে প্রতিজ্ঞাটা কেষ্টনগরকে এক কথায় ঘেন্না করে আর তুচ্ছ করে চলে আসতে পেরেছে, সে প্রতিজ্ঞার সব জোর শিবপুকুরের কাছে হার মানতে চায় কেন? মনটা সতিই যে চোরের মত উঁকি-ঝুঁকি দিয়ে যখন-তখন কাজলীর মূখটা দেখতে চায়।

চাচাজী টহলদার সিং আবার যেদিন দেখা হতেই চোখ টিপে টিপে হাসে, সেদিন সকাল বেলায় ফোর ডাউন যেন বাংলা ভাষার একটা ঝংকার তুলে প্ল্যাটফর্মের গায়ে এসে লাগলো। ঝৈনের অন্তত দশটা কামরা বাঙালীতে ভর্তি। বড়ো-বুড়ি, তরুণ-তরুণী, ছেলে-মেয়ে, সব বয়সের মানুষ কলকল করে হাসছে আর কথা বলছে। তার মধ্যে কাজলীর বয়সের মেয়েও আছে। কিন্তু কোন সন্দেহ নেই, একজনও কাজলীর মত সুন্দর নয়।

আকাশের দিকে না তাকিয়েও বুঝতে পারে বিজন, গরৎ-

কালের ডাক এসেছে। বাংলাদেশের আকাশের রঙ এখন নীলমণি গলানো রঙ। হে বঙ্গ ভাণ্ডারে তব বিবিধ রতন—সেকেন্ড পন্ডিত গুরুদয়ালবাবুর হুংকার শুনেও আর অনেক চেষ্টা করেও এর পরের লাইনটা মুখস্থ করতে পারেনি বিজনবিহারী। তবু বুদ্ধিতে অসুবিধে নেই, শরৎকাল এসেছে, তাই বাঙালীর দল বঙ্গদেশে চলেছেন, কে জানে কোন্ ছাই বিবিধ রতন দেখবার জন্য।

ওরা ছুটি পেয়েছে, পুজোর ছুটি। ফোর ডাউন আবার বাংলা ভাষার ঝংকার তুলে চলে গেল।

চাচাজী ডাকে—এ বিজাওন।

বলুন।

তোমারও তো ছুটি পাওনা আছে।

আছে।

ছুটি নাও তবে।

কি দরকার?

আরে বুদ্ধ, ছুটিই যে একটা দরকার।

জবাব না দিয়ে নীরব হয়ে কি-যেন ভাবে বিজনবিহারী।

চাচাজী বলে—ছুটি পাওনা হলেও যে ছুটি নেয় না, সে বুদ্ধ আওরভি কিছু আছে; সে বুদ্ধ পাগল আছে।

বিজনবিহারীর মুখটা হঠাৎ করুণ হয়ে যায়। চাচাজীর মুখের দিকে তাকিয়ে আনমনার মত বিড়বিড় করে বিজন—ছুটি নেব তবে?

চাচাজীও স্নেহকোমল স্বরে উপদেশ দেয়—লেও বেটা। ছুটি নিলে মেজাজ ভাল হয়, আর কাজেও আবার নতুন ফর্টি পাওয়া যায়। —ইনসানকা জান ধোবিকা কুত্তা নেহি হ্যায়, বিজাওন।

চমকে ওঠে বিজনবিহারীর বাইশ বছর বয়সের বুকটা। না ঘটকা না ঘরকা, সত্যিই কি ধোবিকা কুত্তা হয়ে গেল বিজনবিহারীর জীবন?

॥ ছয় ॥

ভোরের চা-ওয়ালা হাঁক দেয়—মানকর ।

ট্রেনটা থেমেছে । আর ট্রেনের একটা কামরার ভিতরে ঘুমন্ত বিজনবিহারীর স্বপ্নটাও যেন ডাক দিয়ে ফে'লছে—মানকর । আর দূচোখে যেন সেই স্বপ্নেরই আবেশ নিয়ে ট্রেন থেকে নেমে পড়ে বিজনবিহারী ।

বুড়ো নিমকিওয়ালাকে দেখতে পাওয়া গেল না ; কিন্তু কি আশ্চর্য, প্ল্যাটফর্মের সেই কাণ্ডন গাছটা আছে, যেটাতে টুক-টুকে লাল ফুলের হাসি আলো হয়ে ফুটে থাকত । মানকর স্টেশনের চেহারা এই ছয় বছরের মধ্যে একটুও বদলে যায়নি ।

কিন্তু একটানা হেঁটে শিবপদকুর পেঁাছে গিয়ে একটা মাটির বাড়ির আঙিনার উপর এসে যখন দাঁড়ায় বিজন, তখন বুঝতে আর বাকি থাকে না, শিবপদকুরের সব আলোছায়া বদলে গিয়েছে ।

বটুকবাবু আশ্চর্য হয়ে বলেন—তুমি ?

কাজলীর মা চমকে ওঠেন—তুমি ?

সত্যিই কি বিজনকে দেখে ভয় পেলেন কাজলীর বাবা আর মা ? বিজনকে কদমা ক্ষীর আর মুড়ি খেতে দিতে কোন ইচ্ছে নেই ?

তাইতো মনে হয় । তা না হলে আর একটাও কথা না বলে দূজনেই ঘরের ভিতরে চলে যাবেন কেন ? দাওয়ার উপর রাখা ওই মোড়ার উপর বিজনকে বসতে বলতেও দূজনেই ভুলে যাবেন কেন ?

আঙিনার উপর মস্ত একটা আলপনার দাগ একটু ময়লা হয়ে গিয়েও এখনও হাসছে । ওটা কি তবে কাজলীর জীবনের একটা উৎসবের স্মৃতির দাগ ? কাজলী আর এ-বাড়িতে নেই ? কোন আশার ঘরে চলে গিয়েছে কাজলী ?

তাইতো সন্দেহ করতে হচ্ছে । এ-শিবপদকদ্বয়ে বোধ হয় আজ-কাল আর গৌরীচাঁপা ফোটে না । পুরনো মন্দিরের পাঁচিলের গায়ের কাছে সে গাছটাকেও যে দেখতে পাওয়া যাচ্ছে না ।

শুনতে পায় বিজন, ঘরের ভিতরে বটুকবাবু যেন চেঁচিয়ে উঠলেন—যাস নি কাজলী । সাবধান !

কাজলীর মা ধমক দিয়ে চেঁচিয়ে উঠলেন—যাস নি, যাস নি কাজলী ।

কিন্তু ঘরের ভিতর থেকে যেন চাঁপাফুলের একটা শুবক ছুটে বের হয়ে এসে আর বিজনবিহারীর চোখের কাছে দাঁড়িয়ে হেসে ওঠে—চিনতে পার ?

সত্যিই কাজলী । গৌরীচাঁপাও দেখতে বোধ হয় এই রকমের । কাজলীর সিঁথিতে সিঁদুর, কপালে টিপ, গলায় সোনার হার, পায়ে আলতা, আর খোঁপাতে রূপোর প্রজাপতি ।

কাজলী বলে—আমার বিয়ে হয়ে গিয়েছে । আর পনের দিন আগে এলে বিয়েটা দেখতে পেতে, আর পেট ভরে লুচি-সন্দেশও খেতে পেতে ।

বিজন হাসে—বড় ভুল হয়েছে ।

কিসের ভুল ?

সময়মত এলে বিয়ের নেমন্তন্নটা খেতে পেতাম ।

সময়মত আসতে পারনি কেন ? মনেই পড়েনি নিশ্চয় ?

মনে পড়েছিল ।

ছাই মনে পড়েছিল ।

বিজন আবার হাসতে চেষ্টা করে—বিশ্বাস কর ।

একটুও বিশ্বাস করি না । মনে পড়লে ছ'টা বছর এভাবে পালিয়ে থাকতে পারতে না । আগেই আসতে । তাহলে আজ আর... ।

কি বলছ ?

‘আজ আর বলে কোন লাভ নেই ।

কি আশ্চর্য, কাজলীর চোখের পাতাগুলি যে ভিজে গিয়েছে।
ঠোঁট দুটোও যেন ফুঁপিয়ে উঠতে চাইছে।

আমি কেন চলে গেছি, সেটা তুমি বোধ হয় জান না।

খুব জানি। সবই জানি। সব শুনছি।

তবে আর একথা বলছ কেন? আমি আগে এলেই বা কি
হত?

সব হত।

চমকে ওঠে বিজন—কি বললে?

কাজলী—খুব স্পষ্ট করেই তো বলছি। তুমি হ্যাঁ বললে
আমি না বলতাম না। কখুনো না। আমি যে সত্যিই ভেবেছিলাম,
তুমি ঠিক সময়মত এসে পড়বে। না এসে পারবে না।

বটুকবাবু চেঁচিয়ে ডাক দেন—গো-গাড়ি তৈরি হয়েই আছে
বিজন। বেলাবেলি মাণিকপুরে পেঁাছে যাওয়াই ভাল।

বিজন বলে—গো-গাড়ির দরকার নেই মেসোমশাই, আমি
মাণিকপুর যাব না।

তবে কোথায় যাবে?

কোথাও না। বলতে বলতে পিছু ফিরে দাঁড়ায় বিজন, তার
পরেই যেন একটা একরোখা ঝড়ের বাতাসের মত ছুটে চলে যায়।

মানকর স্টেশনের কাণ্ডন গাছটা তবু হাসছে। একটা ট্রেন
দাঁড়িয়ে আছে। সে ট্রেন কোথায় যাবে, কোন্ দিকে যাবে খোঁজ
নিতেও ভুলে যায় বিজন। যেন ফেরারী আসামীর মত একটা
উদ্ভ্রান্ত মূর্তি; ছুটে গিয়ে একটা কামরার ভিতরে ঢুকে পড়ে।

হাত তুলে কপালের ঘাম মুছতে গিয়ে মনে হয়, কপালটা
বুঝি রক্তে ভিজে গিয়েছে। ভয়ানক একটা ঠাট্টার ভূত হেসে হেসে
কপালের উপর কাঁটাভরা হাতের একটা চাপড় ঠুকে দিয়ে সরে
পড়েছে। বাংলাদেশের আকাশ দেখবার লোভটা হোঁচট খেয়ে
কাদার উপর মুখ খুবড়ে পড়ে গিয়েছে। খুব হয়েছে। শিবপুকুর
কোন গাঁয়ের নাম নয়। শিবপুকুর একটা গলাধাক্কা শাস্তির নাম।

বিজনবিহারীর দুরাশার প্রায়শ্চিত্তের নাম। চোর ফিরে এসে দেখেছে, তার চুরি-করা সোনার ঘড়া চুরি হয়ে গিয়েছে।

ভালই হয়েছে। জ্বলপুন্দের ইয়ার্ড-মাস্টারের অফিস-ঘরের কাছে বেণির উপর বসে নাইট ডিউটির লাইনম্যানকে আর মাঝ-রাতের চাঁদের চেহারা দেখবার জন্য চোখ বড় করে তাকিয়ে থাকতে হবে না। কার্লিঝুলি মাথা জি কুঠুরীর ঘুমটাও আর স্বপ্ন দেখবার সাহস করবে না। একটা বন্ধ পাগল না হয়ে গেলে এরপর আর কাজলীর মুখটা মনে করবার দরকার হবে না।

এটা কোন্ স্টেশন? রাতই বা কত হল? যাত্রীতে ঠাসা এই কামরাটার এই বেণির এই কোণে একটা বাসি লাশের মত অসাড় হয়ে পড়ে থেকে কতক্ষণ ঘুমিয়েছে বিজন?

কিন্তু সত্যিই যে একটা স্বপ্নের কথা শুনতে পেয়ে ধড়ফড় করে ঘুমটা ভেঙে গিয়েছে। কি আশ্চর্য, দুহাতে চোখ দুটো ঘষলেও যেন দেখতে পাওয়া যাচ্ছে, স্টেশনের প্ল্যাটফর্মের এক কোণে কাণ্ডন গাছটা হাসছে; অথচ স্টেশনটা মানকর নয়, মানকর হতেই পারে না।

গোমো জংশন। এবং এই গোমোর এই প্ল্যাটফর্মের কোনদিকে কোন কাণ্ডন গাছ নেই। হেসে ফেলে বিজন। আর বদ্বাতেও পারে, বুদ্ধের ভিতরে সব নিঃশ্বাস যেন হাসছে। ভাবতে খুবই ভুল করেছিল বিজন। শাস্তি পেয়ে নয়, হেরে গিয়ে নয়, বিজনের প্রাণটা যে জয়ীর মত একটা তৃপ্তির উপহার নিয়ে, গৌরীচাঁপার মত মায়াফুলের মস্ত বড় একটা মালা গলায় দুলিয়ে চলে যাচ্ছে। কাজলী যে স্বপ্নের মধ্যেও এসে কথাগুলি শুনিয়ে দিয়ে গেল— আসতে দেরি করলে কেন?

কোন্ সাহসে এমন কথা বলতে পারে কাজলী? অথচ কাকে বলছে, তাও সে জানে। যার প্রাণটা পৃথিবীর কোন দাদা-দিদির ভাই নয়, বাপ-মায়ের ছেলে নয়। যার ছায়ার কাছেও কোন ভাল-মানুষের মেয়ে আসতে চাইবে না, আইন যাকে একটা মিথ্যেমানুষ

বলে মনে করে, তাকেই আশা করেছিল কাজলী? কাজলী যেন সংসারের যত নিয়মের শাসন তুচ্ছ করে, একটুও ভয় না পেয়ে জানিয়ে দিয়েছে, বিজনবিহারীর প্রাণের জন্ম একটা অনিয়মের রহস্য হলেও তাকে ঘেন্না করতে, ঠাট্টা করতে আর দয়া করতে চায় নি কাজলী, ভালবাসতে চেয়েছিল।

ভালবেসেছিল বোধ হয়। তা না হলে ওকথা অত স্পষ্ট করে বলবে কেন কাজলী?

তবে আর কিসের আক্ষেপ? কিছুই না। চাচাজীকে বরং হেসে হেসে শুনিয়ে দিতে পারা যাবে, তুমি যা বলেছিলে তার চেয়েও অনেক সুন্দর একটি নম্রদাকে আমি পেয়ে গেছি চাচাজী, যদিও তাকে তুমি কোনদিন আমার ঘরে দেখতে পাবে না। তা ছাড়া, আমার যে কোনদিনই ঘর হবে না। ঘর করবার অধিকারও যে আমার নেই কোথাও ঘর যদি বাঁধি, তবে লোকে সেই ঘরের দিকেও তাকিয়ে ঠাট্টার হাসি হাসবে, বেনো নদীর চরের গতে ক্ষেপা শেয়ালের ঘর দেখে মাচানের চাষী যেমন হাসে। ঠাট্টাটা যদি খুব ভদ্র হয়, তবে হয়তো দয়া করে বলব, অদ্ভুত ঘর। মেজ জামাইবাবু যেমন মেজদিকে বলেন, তোমার সেই অদ্ভুত ভাই। মেজ জামাইবাবু মানুষটা তো অভদ্র নয়।

সুতরাং বিজনবিহারী পরোয়া করে না, চাচাজী। সে ঘর চায় না। ঘরকে সে ঘেন্না করে। তোমাদের নিয়মের দুনিয়াতে যত ঘর আছে, সব, সব ঘরকেই যত প্রেতের ঘর বলে মনে করে বিজনবিহারী।

॥ সাত ॥

আর জ্বলপদে নয়।

নতুন রেল লাইন পাতবার জন্যে যে সাভে' পার্টি' উড়িষ্যার জঙ্গল পার হয়ে আর তাঁবু ফেলেফেলে পালামোয়ের দিকে এগিয়ে

চলেছে, সেই পার্টির সঙ্গে চেনম্যান হয়ে কাজ করে দুটি বছর ফুরিয়ে যায়, তবু বিজনবিহারীর মনে এতটুকু আশ্বেপ নেই যে, জীবনটা যাযাবর হয়ে গেল। তাঁবুই ভাল। কোন জায়গায় এক মাসের বেশি ঠাই নিতে হয় না। জংলী হাতী তাড়াবার ডিউটিটা আরও ভাল লাগে। সারা রাত মশাল জেলে জেগে থাকা, আর টিন পেটানো। যে সাহস কেউ করতে পারে না, সে সাহস করবার জন্য বিজনবিহারী যেন খুঁশি হয়ে এগিয়ে যায়। বাঁশের জঙ্গলের ভিতরে মট্-মট্ হুটোপুটির শব্দ শোনা মাত্র ক্যাম্প থেকে বের হয়ে একশো গজ দূরের খড়ের গাদায় আগুন ধরিয়ে দেবার ডিউটিটা বিজনবিহারী ইচ্ছে করেই বেছে নিয়েছে। চীফ সাহেবের সাহেব খুঁশি হয়ে বিজনবিহারীকে প্রত্যেকটি হাতী তাড়ানো সাহসের জন্য পাঁচ টাকা বকশিস দিয়ে থাকেন।

আরও একটি বছর। সাভে পার্টির তাঁবু যেদিন কোয়েল নদীর এপারে এসে পৌঁছল, সেদিন চীফ সাহেব বললেন—হাম অব হোম চলেগা, মেম সাহেব বহুৎ কড়া চিঠি ছোড়া হয়।

অদ্ভুত ব্যাপার। হোমপ্রিয় চীফ সাহেব এত লোকের মধ্যে বেছে বেছে চেনম্যান বিজনবিহারীকেই বললেন—ব্রেভ চেনম্যান, তুম্ভি অব ঘর যাও।

ঘর নেহি হয় সাহেব।

ঘর বনাও।

চমকে উঠেন বিজনবিহারী।

চীফ সাহেব—তুম আর্থ-কাটিংকা কন্ট্রাক্টর বন্ যাও। হাম বন্দোবস্ত কর দেগা।

হোম যাবার আগে চীফ সাহেব তাঁর প্রতিশ্রুতির কথাটা ভুলে যাননি। চীফ সাহেব হোম চলে যাবার পরে দুটো মাসও পার হয়নি, গোমোর রেল অফিস থেকে একটি চিঠি পেয়ে বুঝতে পারে বিজনবিহারী, নতুন লাইনের জন্য মাটি কাটবার ঠিকাদারী যদি করতে হয়, তবে ওই সিংহানী পাহাড়ের দক্ষিণে এক অজানা-

অচেনা জঙ্গলের বৃকের ভিতর ঢুকে কোন মন্ডা কিংবা ওরাওঁ গাঁয়ের গাছতলায় খেজুরপাতার ছাউনি দেওয়া একটা ঠাই তৈরি করে নিতে হবে।

দেখে খুশি হয় বিজনবিহারী, না, খেজুর পাতার ছাউনি তৈরি করতে হবে না। উটগাড়ি থেকে নেমে, আর সড়কের মোড়ে দাঁড়িয়ে চারিদিকের জঙ্গলটার দিকে তাকিয়েও খুশি হয়। যেন বাইরের হৈ-হৈ সভ্য-ভব্যতার থেকে ফেরার হয়ে একটা শান্ত নিরালা এখানে এসে শালের হাওয়াতে খুশি হয়ে পড়ে আছে। একটা হালদুয়াইয়ের দোকান, একটা সরাই-ঘর আর একটা মহুয়া-চোলাই ভাঁটি। মাটির দেওয়াল আর খাপরার চালা দিয়ে তৈরি তিনটে ক্ষুদ্রে চেহারার বাড়িতে শূদ্ধ তিনটে মানুষ বাস করে,— হালদুয়াই রামসিংহাসন, সরাইওয়ালা হীরারাম আর ভাঁটিদার গুলুমিয়া।

এই সরাই-ঘরে আর কতদিন থাকা যাবে? মাঝে মাঝে গরুর পিঠে শুকনো লঙ্কার বস্তা চাপিয়ে করনপুরার বেনিয়ারা যখন হাজির হয়, তখন সরাই-ঘরে আর লোক ধরে না। নেকড়ের ভয়ে গরু আর লঙ্কার বস্তা নিয়ে বেনিয়ারা সারা রাত ঘরের ভিতরেই গাদাগাদি করে পড়ে থাকে আর ঘুমোয়। লঙ্কার ঝাঁঝে ঘরের বন্ধ বাতাস ঝাল হয়ে যায়। বিজনবিহারীর নাক জ্বলে। হেঁচে হেঁচে সেই নাক-জ্বালাও শান্ত করে দিয়ে অঘোরে ঘুমিয়ে পড়তে পারে বিজনবিহারী।

রামসিংহাসন বলে—যতদিন না একটা ডেরা বানিয়ে নিতে পারেন, ততদিন আমার দোকানের পিছনের ঘরটায় থাকতে পারেন।

বিজনবিহারী বলে—বহুৎ আচ্ছা।

রোগা শালের খুঁটি, এবড়ো-খেবড়ো মাটির দেওয়াল আর খাপরার চালা, দরজায় কাঠের কপাট নয়—খেজুর পাতার একটা ঝাঁপ। ঘরটাকে দেখিয়ে দিয়ে রামসিংহাসন বলে—এর মধ্যে থাকতে যদিও আপনার বেশ কষ্ট হবে...।

বিজন বলে—বলেন কি ? আমার পক্ষে এটা যে একটা কেব্লা-ঘর, রামসিংহাসনদাদা !

কিন্তু একবার যে কলকাতা যেতে হবে । কোদাল গাঁইতি আর শাবলের জন্য রেল-কোম্পানির সাপ্লাই এজেন্ট ভুরামল ব্রাদাস'কে ধরতে হবে, যেন অন্তত এক বছরের মেয়াদে মালটা ধারে দিতে রাজি হন ।

কলকাতা যাবার পথে, রাতের মানকর স্টেশনটার দিকে ইচ্ছে করেই তাকায়নি বিজনবিহারী । সে কাণ্ডন গাছটা ফুলে-ফুলে লাল হয়ে আছে কিনা কে জানে ? না থাকতেও পারে । তিনটে বছরও তো কম দিনের ব্যাপার নয় ।

কিন্তু ফেরবার পথে ভোরের মানকর স্টেশনকে দেখতে সত্যিই যে ভোরের স্বপ্নের মত মায়াময় বলে মনে হল । পঁচিশ বছর বয়সের বিজনবিহারীর চোখের আশাও যে আবার উতলা হয়ে উঠতে চাইল । কাজলীকে দেখতে ইচ্ছে করে । শুধু একবার দেখা দিয়েই চলে আসা ।

কাজলী কি এখন শিবপুকুরে আছে ? থাকতেও পারে । কিন্তু থাকলেই বা কি ?

কিছু নয় । কাজলী যদি সেদিনের মত কালো চোখের তারা দুটোকে আবার হাসিয়ে-কাঁদিয়ে বিজনবিহারীর মুখের দিকে তাকায়, তবে একথা বলে দিতে পারবে বিজন, না কাজলী, আমার মনে একটুও দুঃখ নেই । এই তিন বছর ধরে, একটি দিনও বাদ যায়নি, যেদিন তোমার কথা না ভেবে থাকতে পেরেছি । শুধু দুঃখ এই যে, জংলী হাতী তাড়াবার সময় ক্যাম্পের কশন বেড়া পার হয়ে খড়ের গাদায় আগুন ধরাতে গিয়ে জংলা হাতীর কাছে যদি প্রাণটা হারাতে হয়, তবে কাজলী কোনদিন জানতে পাবে না যে, মানুষটা মরবার আগে কাজলীরই কথা ভেবেছিল ।

ট্রেন থেকে নেমে পড়ে বিজন । আর, ট্রেন ছেড়ে যাবার পর বদ্বতে পারে, চোখের আশা আবার পাগল হয়েছে । কিন্তু সঙ্গে

সঙ্গে যেন চোখের সামনে একটা অলক্ষ্যে শূন্যতাও চমকে উঠেছে।
সেই কাণ্ডন গাছটা নেই।

শিবপদকরের কাছারিবাড়ির নতুন সরকারমশাই ত্রিলোচন-
বাবুও একটু চমকে উঠেই বললেন—না, বটুক আর নেই। বটুকের
স্মৃতিও নেই। দূ'জনেই মারা গিয়েছে।

বটুকবাবুর মেয়ে?

সে অবিশ্যি আছে। কিন্তু থেকেও নেই।

কোথায় আছে?

তার শ্বশুরবাড়িতে আছে। মেয়েটি এই এক বছর হল বিধবা
হয়েছে।

কেন?

এ তো বড় আশ্চর্য প্রশ্ন। কেন মানে কি? একটা ক্ষয়রোগী
মানুষের সঙ্গে যে মেয়ের বিয়ে হয়, সে মেয়ে কতদিন সধবা থাকতে
পারে?

বটুকবাবুর মেয়ের শ্বশুরবাড়ি কোথায়?

গাঁয়ের নাম বেনুগ্রাম, দুবরাজপুর স্টেশনে নামতে হয়।

শ্বশুরের নাম?

তা জানি না। তবে শুনছি, বটুকের বেয়াই হলেন নামকরা
দৈবজ্ঞী। বলেছিলেন বেয়াই, তুমি নাতির বিয়ে দেখে যাবে বটুক-
বাবু, হুঃ!

আচ্ছা, আমি যাই, নমস্কার।

তুমি কে বটু?

আমি কেউ না।

কাজলীকে দেখবার জন্য চোখের আশা পাগল হয়েছিল, এই-
বার যেন চোখের জ্বালাটা পাগল হয়ে ওঠে। তুমি এ কেমন ঘর
পেলে কাজলী? এমন ঘরের জীবন যে আমার ঘরছাড়া জীবনের
চেয়েও শূন্য জীবন। ভাগ্য আর আইন না হয় আমার জন্মের
ভুল ধরে আমাকে অমানুষ বলে দাগী করে দিয়েছে, কিন্তু

আইনের আর ভাগ্যের ভগবানেরা তোমাকে অমানুষ করে দিল কেন ?

দুবরাজপুত্রের কাছেই বেনুগ্রাম, মাঝে শূধু ভঁতীদেব একটা গাঁ পার হতে হয়। দৈবজ্ঞীবাড়িটা খুঁজে নিতে দেবি হয় না। বাড়ির কতী হাতের হুঁকো নামিয়ে রেখে আর চোখ বড় করে তাকান—কাজলী আবার কে ?

বিজন বলে—শিবপুত্রের বটুকবাবুর মেয়ে।

কাশির বেগ চেপে কথা বলেন কতী—বল না কেন, নিরুপমা ! যাই হোক...তুমি কে ?

আমি শিবপুত্র থেকে আসছি।

বউমার দেশের লোক ? বেশ কথা। কিন্তু তুমি এখানে এই দোর-গোড়াতেই দাঁড়াও বাপু। আমি বউমাকে পাঠিয়ে দিছি।

কাজলী এসেই হাসতে থাকে।—কাজলী কাজলী করছিলে কেন ? ও নামটা কি এখন আর আমাকে সাজে ? না, তোমারও এই বয়সের মূখে সাজে ? আমার নামটা যে নিরুপমা, সেটুকুও কোনদিন বোধ হয় জানতে চেষ্টা করনি ?

বিজন হাসে—না, করিনি।

ভালই করেছিলে, জেনেই বা লাভ কি ?

কেমন আছ ?

ভালই আছি। বিশজন মানুষের জন্য দুবেলা ভাত রাঁধি আর বাসন মার্জি।

আমি কিন্তু তোমার সঙ্গে একটিও বাজে কথা বলতে পারব না। শূধু জানতে চাই...।

চুপ কর। এটা আমার শব্দরবাড়ি।

তোমার অভিশাপের বাড়ি।

হিঃ, ওকথা বলতে নেই।

না বলে উপায় নেই। তুমিই না একদিন বলেছিলে...।

কি বলেছিলাম ?

বলেছিলে, তুমি ছাড়া আমার নাকি গতি নেই ।

একটা একরত্তি মেয়ের মন্থের সেই কথাটা এখনও মনে করে রেখেছ ?

মনে করে রেখেছি, আর সেই জন্যেই বলতে এসেছি ।

বল ।

আমি ছাড়াও তোমার গতি নেই !

তোমার পায়ে পড়ি, আমাকে এত ভয় দেখিয়ে না ।

ভয় ?

এত লোভ দেখিয়ে না, তোমার পায়ে পড়ি ।

আমি তোমার কোন আপত্তি শুনব না ।

সাদা থানে জড়ানো নিরুপমার রিক্ত মূর্তিটা থরথর করে কাঁপে ।

কি বলতে চাইছ, বল ।

আমার সঙ্গে চল ।

মাপ কর ।

না ।

তবে ভাবতে দাও ।

না । তোমাকে আমি চুরি করতেই এসেছি ।

ভাবতেও যে বুক কাঁপছে ।

কেন ?

ভয়ে ।

কার ভয়ে ? কিসের ভয়ে ? ওই কেষ্টনগর আর বেন্দুগ্রামের ভয়ে ? আমি যাদের চোখে একটা অমানুষ, আর তুমি যাদের চোখে একটা দাসী, তাদের ভয়ে ? না, এখনি চল ।

চোরের মত নয়, ডাকাতির মত কথা বলছে বিজনবিহারী । নিরুপমার সেই ভীরু চোখ দুটোও দেখে আশ্চর্য হয়, ডাকাতির চোখের জ্বালা জলে ভরে গিয়ে ছলছল করছে ।

কিন্তু তখনই নয় । মাঝ রাতের অন্ধকারের সঙ্গে মিশে একটা

ছায়াদস্য যেন বেন্দ্ৰগ্রামের দেউলের কাছে অজগরের মাথার মাণিক
লুট করবার প্রতীক্ষায় দাঁড়িয়ে থাকে । নিরুপমা আসে । নিরু-
পমার মাথাটা দহাতে জড়িয়ে, নিরুপমার জলভরা ভীরু চোখ
দুটোকে বৃকের কাছে একবার চেপে ধরে শান্ত করে দিয়েই বিজন-
বিহারী বলে—চল, কোন ভয় নেই নিরু ।

■ আট ■

শুধু বাঙালীবাবুর যত দুঃসাহসের কান্ড দেখে নয়, বাঙালী-
বাবুর এই জেনানারও সাহসের রকম-সকম দেখে আশ্চর্য হন রাম-
সিংহাসন । নতুন রেললাইনের জন্য মাটি কাটবার ঠিকে পেয়েছে
নিতান্ত ছোকরা বয়সের এই বাঙালীবাবু, কিছুর টাকা লাভ রাখে
ঠিকই, আর কাজের দায়ে দশ বিশ ত্রিশ মাইল দূরেও চলে যেতে
হয় । কিন্তু সেজন্য কি ভুলে গেলে চলে যে, সন্ধ্যার আগেই ঘরে
ফিরে আসা উচিত ? এই জঙ্গলের রাজ্যে সন্ধ্যাটাই যে সবচেয়ে
ভয়ানক একটা লগ্নকাল ; ভূখা জানোয়ার যখন শিকার ধরবার
জন্য মরিয়া হয়ে ছুটোছুটি করে ।

কিন্তু বাঙালীবাবু সন্ধ্যা না হবার আগে ঘরে ফেরে না ।
বাঙালীবাবুর জেনানা, অল্পবয়সের ওই মেয়েটা, সারাটা দিন
একা-একা ঘরের ভিতরে থেকে শুধু খুট-খাট ঠুং-ঠাং ধুপ-ধাপ
কাজ করে । কাদা মাটি দিয়ে দেওয়ালের ফাটল জোড়া দেয়,
গোবর দিয়ে আঙিনা নিকোয়, কাঠের মৃগদুর দিয়ে ধানের তুষ
ভাঙে আর কাটারি দিয়ে কুপিয়ে কুপিয়ে কাঠ চেলা করে । আর,
ঘর তো ওই একটা নড়বড়ে ঘর, যার দরজায় কাঠের কপাটও নেই,
শুধু খেজুরপাতার একটা ঝাঁপ ।

সন্ধ্যা হতেই দোকানঘরের টিনের ঝাঁপ নামিয়ে দিয়ে, আর
কেরোসিনের কুপির কাছে বসে, জীর্ণ তুলসী-রামায়ণটা হাতে
তুলে নিয়ে এক-একদিন চমকেও ওঠে রামসিংহাসন । একটা নেকড়ে

ঘরের চারদিকে খ্যাক-খ্যাক করে ছুটছে। অথচ বাঙালীবাবু এখনও ঘরে ফেরেনি। বউটা একা-একা ঘরের ভিতরে বসে রান্না করছে।

রাম রাম! ডরো মত্ দিদি। হাঁক দেয় রামসিংহাসন। কিন্তু পরমহুতেই বদ্বতে পারে, বাঙালীবাবুর বউ একটুও ভয় না পেয়ে, উন্নন থেকে জ্বলন্ত চেলাকাঠ তুলে নিয়ে অন্ধকারের ভিতরে লুকানো ওই খ্যাক খ্যাক শব্দটার গায়ে ছুঁড়ে মেরেছে।

যেমন এই বাঙালীবাবু তেমনই তাঁর বউ, দুজনেই কি ভয়ানক বেপরোয়া হয়ে খাটতেও পারে! সড়কের ওপারে, একটু দূরে, কাঁচা-ইটের দেওয়াল তুলে বাড়িটা তৈরি করবার সময় বাঙালীবাবু তাঁর মন্ডা মজুরদের সঙ্গে হাত মিলিয়ে সমানে কাজ করেছে। নিজেই ইটের ছাঁচ তৈরি করে নিয়েছে। নিজেও দুহাতে কাদা ঘেঁটে ইট গড়েছে। টাঙ্গি দিয়ে কুপিয়ে কুপিয়ে শালের রোলা কেটেছে। সাত দিনের মধ্যে খুঁটো পুঁতে আর বাঁশ পেতে ঘরের ছাউনির ঠাট তৈরি করে ফেলেছে। ছাউনির উপর বসে খাপরা চেলেছে বাঙালীবাবু; বউটাও শক্ত করে কোমরে আঁচল জড়িয়ে, আর একটা চঙ্গের উপর দাঁড়িয়ে বাঙালীবাবুর হাতের কাছে খাপরা যোগান দিয়েছে।

নতুন ঘরে ঢুকে যেদিন সন্ধ্যাপ্রদীপ জ্বালে নিরুপমা, সেদিন নিরুপমার আলোমাখানো মুখের হাসিটার দিকে তাকিয়ে বিজন-বিহারীর হৃৎপিণ্ডেরই একটা তৃপ্তি যেন হেসে ওঠে।

সন্ধ্যাটাকে সন্ধ্যা বলে মনে হয় না বিজনবিহারীর নতুন অদৃষ্টের ঘরে যেন ভোরের আলো উঁকি দিয়েছে। এই তো সবে মাত্র শুরু হল। যা চাই, যা না হলে চলে না, তার সবই পেতে হবে। কারও কাছে ভিক্ষে করে নয়, বিজনবিহারী তার এই গানের আর এই প্রাণের জোরে সব আদায় করে ছাড়বে।

নিরুপমার হাত ধরে নতুন ঘরের দাওয়ার উপর বসে যখন গল্প করে হাসতে থাকে বিজনবিহারী, তখন সেই জ্বলন্ত নিরালার

বৃকটাও যেন সঙ্গে সঙ্গে হাসতে থাকে। চৈত্র মাসের শালের কচি পাতাও নতুন বাতাসের ছোঁয়ায় ঝিরঝির করে নতুন হাসির শব্দ ছড়াতে থাকে।

ফেরারী আসামীর ভীরু হাসি নয়, ফেরারী অভিমানীর করুণ হাসিও নয়, যেন এক ফেরারী বিদ্রোহীর অনাহত প্রতিজ্ঞার হাসি। পূরনো ভাগ্যটা যা-কিছু কেড়ে নিয়েছে, নতুন ভাগ্যটা তার সবই কেড়ে আদায় করে ছাড়বে। দেখি, কার সাধ্য আছে, বিজনবিহারীর এই ঘরের দিকে তাকিয়ে আর ঠাট্টার হাসি হেসে বলতে পারে, এটা একটা অদ্ভুত ঘর ?

রামসিংহাসন তো এরই মধ্যে আশ্চর্য হয়ে গিয়ে তিনবার বলেছে, বাঙালীবাবুর ঘরনার মত ঘরনী তো কাঁহুঁভি না দেখি। বনবাসিন সীতাজি বৈসন পতিপূজন লাগু....।

নিরুপমার সান্ধ্যপ্রদীপের আলোটা এই জংলী নিরালার বৃকে সত্যিই একটা নিভঁয়ের আলোর সঞ্চার। তা না হলে হালদুয়াই রামসিংহাসন, সরাইওয়ালা হীরারাম আর ভাঁটিদার গুলু মিয়া, তিনজনেই তিনটে মাস যেতে না যেতে দেশের বাড়ি থেকে বউ আনিয়ে ফেলতে সাহস পেত না। এখানে ঘর-সংসার করা যায়, এই বিশ্বাস যে এই বাঙালীবাবুর ঘরের আলোটাই ফুটিয়ে তুলেছে।

ক'বছরের মধ্যে যে অনেক কিছু পেয়ে গেল বিজনবিহারী। ঘরের গা ঘেঁষে চারটে শিউলি ফুলে ফুলে ছেয়ে গেল। ঘরটাও যে একটা নাম পেয়ে গেল—শিউলিবাড়ি। স্টেশনটারও নাম শিউলিবাড়ি। পাঁচ মাইল দূরে যে কোলিয়ারিটা প্রথম দেখা দিল, সেটারও নাম শিউলিবাড়ি কোলিয়ারি। মন্ডারা বলে, সিলদুয়াড়ি কলিয়ারি। বিজনবিহারীর পূরনো নামটাকেও মাটি করে দিল একটা নতুন নাম—মাটিসাহেব। বেশ নাম। বিজনবিহারীর প্রাণের সেই প্রতিজ্ঞার স্বপ্নটা যে পাহাড় আর শালবনে ঘেরা এই চমৎকার এক টুকরো জগৎটার

মাটি দিয়ে সন্দের ঘর তৈরি করে নিতে পেরেছে।^৩ এই মাটি বিজনবিহারীর স্বপ্নের বন্ধু ; বিজনবিহারীও এই মাটির স্বপ্নের বন্ধু ।

যেমন শিউলিবাড়ির সড়কের দুপাশে, তেমনই স্টেশনের আশেপাশে কত নতুন ঘর উঠছে, নতুন দোকানবসছে । ঝুমরা রাজ্জ এস্টেটের তশীলদার ফুলনবাবুও এসে একটি কাছারি বসিয়েছেন । মাটিসাহেব সবারই দরকারের বন্ধু । সবাই মাটিসাহেবের ইচ্ছা উপদেশ আর পরামর্শের বন্ধু ।

ধর্মশালা কমিটির প্রথম প্রেসিডেন্ট বিজনবিহারী । সরাই-ওয়ালা হীরারাম স্টেশনে পানিপাড়ের কাজ নেবার পর সরাইটা বিনা যত্নের দুঃখে একেবারে ভেঙে গলে একটা টিবি হয়ে পড়েছিল । নতুন দোকানীদের কাছ থেকে চাঁদা তুলে ইট কেনা হল, আর কাঠ কেনবার সব খরচ দিল বিজনবিহারী । পুরনো সরাইয়ের যত ধুংসের জুজ্বাল সরিয়ে নতুন ধর্মশালা তৈরি হতে শুরু হল যেদিন, সেদিনও রামসিংহাসন দেখতে পেয়ে আশ্চর্য হয়, বাঙালী-বাবু গাছতলায় দাঁড়িয়ে আর একটা করাত হাতে নিয়ে শাল কাঠের পাটা চিরছে । কারণ, দেওয়াল গাঁথবার জন্য ভাড়া বাঁধতে হবে, অথচ তস্তা নেই, আর কাঠুরে মিস্ত্রিটাও আসেনি ।

শিউলিবাড়ি রাস্তা কমিটিরও প্রথম প্রেসিডেন্ট বিজনবিহারী । স্টেশন থেকে শুরু করে সড়কের মোড় পর্যন্ত প্রায় আধ মাইল লম্বা যে রাস্তার দুপাশে নতুন নতুন বাস্তি, গোলা, দোকান আর আড়ত গড়ে উঠেছে, সে রাস্তাটা রাস্তাই নয় । বড় বড় গতে ভরা সে রাস্তায় চলতে গিয়ে গরুরগাড়ির খড় মচকে যায়, চাকা ছিটকে পড়ে । শিউলিবাড়ির সব মানুষের কাছ থেকে মাসিক এক আনা চাঁদা নিয়ে রাস্তার উপর খোয়া বিছাই করতে হবে । তা ছাড়া অন্তত চারটে ল্যাম্প পোস্টও বসাতে হবে ।

শিউলিবাড়ি রক্ষা সমিতির প্রথম সেক্রেটারি মাটিসাহেব, সভাপতি তশীলদার ফুলনবাবু । কাগজ-কলম হাতে নিয়ে নয়,

পূরো তিনটে মাস রোজ রাতে লম্বা একটা বল্লম হাতে নিয়ে সেক্রেটারির কাজ করেছে বিজনবিহারী ! খবর পাওয়া গিয়েছে, বিরসা মন্ডার দল আবার ক্ষেপেছে । একটা দল নাকি এদিকে এসে তশীল কাছারি লুট করবে আর পোড়াবে । দোকানীরাও ভয় পেয়েছে, হামলা যদি হয়, তবে ওরাও কি রেহাই পাবে ? স্টেশনটার উপরেও হামলা হতে পারে । ক্যাশব্যাগ বগলদাবা করে স্টেশন-মাস্টার চৌধুরীবাবু রোজ রাতে এক ভিখরী বড়োর কুঁড়ে ঘরের ভিতরে বসে-শুয়ে আর জেগে-ঘুমিয়ে রাত পার করে দেন । তশীলদার ফুলনবাবুও আতঙ্কিত হয়ে আবেদন করেন—একটা কিছুর করুন মাটিসাহেব । আপনি না করলে করবে কে ?

পঁচিশ জন লোক, পঁচিশটা লাঠি আর পাঁচটা মশাল—আগে আগে মাটিসাহেব বিজনবিহারীর বল্লমের ফলক মশালের আগুনের আভা লেগে চিকচিক করে । সারারাত টহল দিয়ে বেড়ায় রক্ষা সমিতির পাহারা-পাটী । অমাবস্যার মাঝরাতে তশীলকাছারির উপর এক ঝাঁক তীরও ছুটে এসে পড়েছিল । কিন্তু বিজনবিহারীর দলের হাল্লা অমাবস্যার অন্ধকার কাঁপিয়ে দিতেই তীর-ছোঁড়া আক্রোশটা যেন আড়াল দিয়ে ছুটে পালিয়ে গেল ।

এক মাস পরে, দশ মাইল দূরের থানাতে গিয়ে ডি এস পি'র হাত থেকে একটি উপহার নিয়ে যেদিন শিউলিবাড়ি ফিরে এল বিজনবিহারী, সেদিনটা শিউলিবাড়ির জীবনে যেন একটা মহোৎসবের দিন । পঞ্চাশ জন খুশি মানুষের একটা মিছিল, তার মধ্যে রামসিংহাসন আছে, গুলু মিয়া আর হীরারামও আছে, দশ মাইল পথ বিজনবিহারীর পালকির সঙ্গে হেঁটে হেঁটে থানাতে গেল আর ফিরে এল । তশীলদার ফুলনবাবু নিজের হাতে পালকিটাকে ফুলের মালা দিয়ে সাজিয়ে দিয়েছিলেন । রামসিংহাসন নিজের হাতে একটা মালা বিজনবিহারীর গলায় পরিয়ে দিয়েছিল ।

শিউলিবাড়ি রক্ষা-সমিতির সেক্রেটারি বিজনবিহারীকে একটা

একনলা বন্দুক উপহার দিয়েছেন সরকার। সেই জন্যেই সারা শিউলিবাড়ির বৃকে এই আহ্লাদের উৎসব।

মিছিলটা যখন ফিরে এসে বিজনবিহারীর বাড়ির সামনে দাঁড়িয়ে জয়ধ্বনি হাঁকে—মাটিসাহেব কি জয়, তখন শিউলিবাড়ির রাতের আকাশে মগ্ন বড় চাঁদ উঠেছে। যেন জ্যোৎস্নামাখা শিউলিবাড়ির অন্তরাত্মা জয়ধ্বনি হাঁকছে। ‘দরজার কাছে দাঁড়িয়ে নিরুপমার চোখদুটোও যেন জ্যোৎস্না ছাড়িয়ে হাসতে থাকে। ওই মানুষটা, নিরুপমার হাতে নিজের হাতে শাখা পরিয়ে দিয়েছে যে, তাকে যে সত্যিই মানুষের রাজা বলে মনে হয়। এই তো, মাত্র পাঁচটা বছর পার হয়েছে, কিন্তু এরই মধ্যে কেষ্টনগরের ভাগ্যহারানো ছেলে সত্যিই যে নিজের হাতে একটা সম্মানের রাজ্য তৈরি করে নিল।

মাটিসাহেব সেলাম! মাটিসাহেব আদাব! বন্দেগী মাটিসাহেব! সাইকেল চেপে আর বন্দুকটা পিঠে বেঁধে যখন সড়ক ধরে এগিয়ে যায় ত্রিশ বছর বয়সের বিজনবিহারী, তখন বড়ো বড়ো দোকানীও হাত তুলে অভিবাদন জানায়। স্টেশনমাস্টার চৌধুরীবাবুও বলেন—আপনি না থাকলে আমি এখান থেকে কবেই ট্রান্সফার নিতাম মাটিসাহেব। ক্ষেপা জংলীর তীরের ভয় মাথায় করে এখানে চাকরি করা আমার বড়ো হাড়ে পোষাতো না।

না, আর ভয়টয় নেই। আপনি এখানে একেবারে নিশ্চিন্ত হয়ে থাকুন।

কিন্তু ইয়েতেও যে পোষাচ্ছে না মাটিসাহেব। এই একরকম একটা ফ্যাগ স্টেশন, শুধু কয়লাগাড়ি যায় আর আসে। কি ইনকাম হবে বলুন?

হবে হবে। শিউলিবাড়ির এ অবস্থা চিরকাল থাকবে না। হেসে হেসে চৌধুরীবাবুকে যেন একটা আশ্বাস দিয়ে চলে যায় বিজনবিহারী।

চৌধুরীবাবু যদিও বাংলা কথা বলেন, কিন্তু বাঙালী নন,

তিনি হলেন মদঙ্গেরী চৌধুরী। তা না হলে বিজনবিহারী এই চৌধুরীবাবুর সঙ্গে এরকম হেসে হেসে কথা বলতেন না। কথা বলতেনই কিনা সন্দেহ। অনেকদিন রাণীগঞ্জে ছিলেন চৌধুরীবাবু বেচারী টাকা-পয়সার হিসাবে কি-যেন একটা গোলমালে কাণ্ড করে আর ধরা পড়ে এই জঙ্গলের ফ্যাগ স্টেশনে শাস্তির বদলি নিয়ে এসেছেন। কে জানে কেন, বিজনবিহারীও বুঝতে পারে না এই দুর্নামের চৌধুরীবাবুর সঙ্গে যেন একটু মাসা করে কথা বলতে ভাল লাগে।

নিরুপমা বলে—সকলকেই তো ভরসার কথা শুনিয়ে বেড়াচ্ছ, শুধু আমার বেলায় ফাঁকি।

বিজনবিহারীর হাতটা নিরুপমার কাঁধের উপরে পড়ে আছে, চোখের সামনে শিউলিগাছটা দুলছে, আকাশ ভরে তারা গিজগিজ করছে। কথাটা বলে ফেলেই আঁচল দিয়ে মুখ ঢাকে নিরুপমা।

তারার আলোতে জোর না থাকুক, কিন্তু বিজনবিহারীর এই চোখের আলোতে বেশ জোর আছে। দেখতেও পায় বিজনবিহারী, নিরুপমা যেন আঁচল চাপা দিয়ে একটা অদ্ভুত বিহবলতার হাসি লুকিয়ে ফেলতে চাইছে।

ফাঁকি? তোমাকে? বিজনবিহারীর গলার স্বরে যেন একটা নিরীহ বিস্ময় চমকে ওঠে।

হ্যাঁ।

বলেই ফেল, কিসের ফাঁকি?

উত্তর দেয় না নিরুপমা। শুধু চোখ তুলে বিজনবিহারীর মুখটাকে ভাল করে দেখতে চেষ্টা করে।

বল। আবার জানতে চায় বিজনবিহারী।

নিরুপমা হেসে ওঠে—যাঁতা যাঁতা। কতবার বললাম, ছোট্ট একটা পাথরের চাক্কি যোগাড় করে দাও, নইলে ডাল ভাঙতে আর পারছি না। বড় যাঁতাটায় ডাল গুঁড়ো হয়ে যায়।

বিজনবিহারী—তাই বল। আমি মনে করলাম আজ সকালে

রামসিংহাসনের বউ এসে যে ফাঁকির কথাটা বলে গেল... ।

চমকে ওঠে নিরুপমা । এই অন্ধকারের মধ্যেই বিজনবিহারীর চোখের ধূত হাঁসিটাকে দেখতে পায় নিরুপমা । সঙ্গে সঙ্গে নিরুপমার মাথাটা যেন অলস হয়ে আর হেঁট হয়ে বিজনবিহারীর বুকের কাছে ঝুঁকে পড়ে ।

ঠিক কথা, আজইসকালে এসেছিল রামসিংহাসনের বউ বিন্ধ্যাচলী । বোধ হয় মনে করেছিল, বাঙালীবাবু বাড়িতে নেই, তাই রান্নাঘরের দরজার কাছে বসে একেবারে মূখ খুলে আর চেঁচিয়ে চেঁচিয়ে কথা বলেছিল বিন্ধ্যাচলী ।—পাঁচ বছর ধরে তুমি কি শুধু ভাত খাচ্ছ দিদি ? আর কিছুর খাও না ?

কি বললে ?

বিন্ধ্যাচলী—আমার তো এই পাঁচ বছরে তিনটে হয়ে গেল । তুমি করছ কি ?

চুপ কর ।

বিন্ধ্যাচলী—না দিদি, একটুও ভাল লাগে না । বাঙালীবাবুকে তুমি বড় ফাঁকি দিচ্ছ দিদি ।

নিরুপমা—চুপ কর । জান না, বোঝ না, শুধু যত বাজে কথা... ।

বিন্ধ্যাচলী একটুও অপ্রতিভ না হয়ে আরও জোরে চেঁচিয়ে কথা বলে—তুমি কাজে দেখাবে, তবে তো আমি বাজে কথা বলব না । আহা, কেমন সুন্দর হত, যদি তোমার কোলে একটি ফুল-ফুলিয়া ভুলভুলিয়া টুপদুল-টুপদুল গোলগাল... ।

ছিঃ, চেঁচিয়ে না বিন্ধ্যাচলী ।

সবই শুনেছিল বিজনবিহারী । নিরুপমার হেঁটমাথাটা তুলে ধরে আবার একটা ধূত হাঁসি হাসে বিজনবিহারী—কিন্তু রামসিংহাসনের বউ তো বলে গেল, তুমি আমাকে ফাঁকি দিচ্ছ ।

সেই মূহুর্তে বিজনবিহারীর চোখের ধূত হাঁসিটা যেন অপ্রস্তুত হয়ে চমকে ওঠে, করুণ হয়ে যায় । কেঁদে ফেলেছে

নিরুপমা । দৃঢ়চোখ থেকে ঝরঝর করে জল পড়ে বিজনবিহারীর
গোঞ্জির বৃক ভিজিয়ে দিয়েছে ।

কি হল, নিরু ? এর মানে কি ?

সত্যিই তোমাকে ফাঁকি দিলাম মনে হচ্ছে ।

তার মানে ?

তোমার ঘরে শুধু আমিই পড়ে থাকব, আর কেউ আসবে না ।

চোঁচিয়ে হেসে ওঠে বিজনবিহারী—পাগল কোথাকার ? এমন
বাজে কথা ভেবেও মানুষ মাথা খারাপ করে ?

না, একটুও বাজে কথা নয় । তুমি আমাকে ঘর দিলে, আর
আমি তোমাকে ঘরের আনন্দ এনে দিতে পারলাম না ; আমার যে
একটুও ভাল লাগছে না ।

ছিঃ, এসব কি বলছ ? তুমি কি মরে গেছ, না মরে যেতে
বসেছ যে, এত হতাশ হয়ে কথা বলছ ?

সেই তো ভয় । যদি হঠাৎ মরে যাই, আর তোমার ঘরে কাউকে
রেখে না যেতে পারি, তবে তুমি থাকবে কি নিয়ে ? আমি যে হেসে
হেসে মরতেও পারব না ।

বিজনবিহারী—আমি বলছি নিরু, এসব নিতান্ত মিথ্যে ভয় ।

নিরুপমা—আমার মাথা ছুঁয়ে বল, তুমি বললেই আমার সব
ভয় মিথ্যে হয়ে যাবে ।

সত্যিই নিরুপমার মাথাটা ছুঁতে হয়, তা না হলে বোধ হয়
আশ্বস্ত হবে না নিরুপমা ।—আমি বলছি নিরু, কোন ভয় নেই ।

যাই হোক...। বলতে বলতে উঠে দাঁড়িয়ে, গা-মোড়া দিয়ে আর
হাই তুলে, বৃক টান করে আর হাত দুটোকে ঝাঁকুনি দিয়ে
এপাশে-ওপাশে ছুঁড়ে, তখন যেন একেবারে অন্যরকমের একটা
মানুষ হয়ে গিয়ে হেসে ফেলে বিজনবিহারী ।

নিরুপমাও জানে, এটা বিজনবিহারীর একটা কাজমাতাল
চেহারা । সময় অসময়ের ধার ধারে না । ঘুম বিরাম ক্লান্তি,
কিছুই মানে না । কাজ করবার জন্য প্রাণটা যখন ছটফটিয়ে ওঠে,

তখন ঠিক এই রকমের মূর্তি ধরে বিজনবিহারী ।

যাই হোক, তার আগে তোমার যাঁতাটা তো চাই । লন্ঠনটা একবার নিয়ে এস নিরুদ ।

নিরুদপমা—না, কখুনো না । এখন কোন কাজ নয় । তুমি এখন ঘুমোও গে ॥

দাওয়া থেকে নেমে, শিউলিতলায় জুড়া করা একগাদা ছোট বড় পাথরের চাপড় থেকে ছোট একটা চাপড় তুলে নিয়ে এসে ব্যস্ত ভাবে বলে বিজনবিহারী—ছেনিটা আর হাতুড়িটা দাও ।

না, আর বাধা দেবার কোন মানে হয় না । বাধা দিয়ে কোন লাভ হবে না । বিজনবিহারীর দু'হাতের পেশী ও শিরা এখন রাত জেগে শুধু কাজ করবে, কোন বাধা মানবে না ।

ঠুক-ঠাক ঠুন-ঠান, ছেনি চালিয়ে আর হাতুড়ি ঠুকে এবড়ো-খেবড়ো পাথরটার চাকলা তুলতে থাকে বিজনবিহারী । আহত পাথরের কুচি জ্বলন্ত ফুলকি হয়ে ছিটকে পড়তে থাকে । বিজনবিহারীর পাশে বসে হাতপাখা দোলায় নিরুদপমা ।

আকাশে আধখানা চাঁদ যখন দেখা দিয়েছে, শিউলির মাথা থেকে রাতের শিশির টুপ-টাপ করে ঝরতে শুরু করেছে, তখন কথা বলে বিজনবিহারী—এই নাও তোমার যাঁতা । কাল সকালে শুধু ফিনিস দিয়ে ছেড়ে দেব । তারপর যত ইচ্ছে ডাল ভেঙো ।

শুধু এই পাথরে যাঁতাটা কেন, ঘরের ভিতরে কাঁঠাল কাঠের ওই খাট দুটোও যে বিজনবিহারীর নিজের হাতের কারিগরীর সৃষ্টি । করাত কাটারি ছেনি হাতুড়ি রেতি র্যাঁদা তুরপুন প্যাঁচকস—রাংতা-ঝাল, শিরীষ আঠা, সোহাগা—একটা প্রকাণ্ড কাঠের সিন্দুক যে বিজনবিহারীর কারিগরী কাজের যত সরঞ্জামে আর হাতিয়ারে ভরে আছে । আলনাটাকেও একদিনের মেহনতে তৈরি করেছিল বিজনবিহারী । বাঁশের কণ্ড দিয়ে এতগুঁলি মোড়া আর এই ডিজাইনের মোড়াও বিজনবিহারী নিজেই তৈরি করে নিয়েছে । তালের পাতা কেটে হাতপাখা তৈরি করতে নিরুদপমাও

জানে। কিন্তু খেজুর পাতার হ্যাট? এটা বিজনবিহারীর একটা শখের সাধনার সৃষ্টি। একগাদা খেজুর পাতা আর ছোট একটা ছুরি হাতে নিয়ে, আর ঘন্টার পর ঘন্টা যেন ধ্যানীর মত মন নিয়ে ভেবেছে বিজনবিহারী। একমাসের চেষ্টার পর স্বপ্ন সফল হয়েছে। বধিনছাদিন নেই, একটা গিঁটও দিতে হয় না, শুধু গুনে গুনে পাতা সাজাবার আর ভাঁজ করবার কায়দার জোরে চমৎকার হালকা একটা হ্যাট তৈরি হয়ে যায়।

এ হ্যাট তোমাকেও চমৎকার মানাবে নিরু। কৃতার্থতার খুশিতে একেবারে উদ্ভাসিত হয়ে হেসে উঠেছিল বিজনবিহারীর চিৎকারটা। নিরুপমা বলেছিল—তুমি পরিষে দিলে মানবে বইকি।

নিরুপমার মাথায় হ্যাট পরিষে দেবার সুযোগ অবশ্য পায়নি বিজনবিহারী। ছুটে পালিয়ে গিয়েছিল নিরুপমা।

॥ নয় ॥

দামোদরের উৎসটা খুঁজে বের করতেই হবে, আবার এক অদ্ভুত শখের প্রতিজ্ঞার কথা নিরুপমাকে শুনিয়ে দিয়ে যেদিন শিউলিবাড়ির এই ঘরের দরজা পার হয়ে চলে গেল বিজনবিহারী, থাকি কামিজ আর প্যান্ট, পিঠের উপর বাঁধা বন্দুকটা, মাথায় খেজুর পাতার হ্যাট—একটা কম'ঠ সুন্দরতা, একটাসুপদ্রুত দঃ-সাহস হেসে-হেসে সাইকেল চালিয়ে যখন সড়কের দু-পাশের যত গাছের ছায়ার ভিড়ের ভিতরে উধাও হয়ে গেল, তখন নিরুপমার বৃকের ভিতরে একটা আক্ষেপ যেন ছুটফটিয়ে মাথা কুটতে থাকে। ভুল'হল, ভুল হল। বলে দেওয়াই ভাল ছিল। যেতে না দিলেই ভাল হত।

দামোদরের উৎসটা দূরের ওই মেঘ-মেঘ রঙের পাহাড়গুলোর

কাছে কোথায় যেন লুকিয়ে আছে, কে জানে কোন্ পাহাড়ের গায়ে? পায়ের কাছে, না বৃকের কাছে, না মাথার কাছে, তাই বা কে জানে? ফুলনবাবু বলেছেন, ডেপুটি কমিশনার হাবাট সাহেব একবার ক্যামেরা হাতে নিয়ে আর বুমরা রাজের হাতীর পিঠের উপর বসে ত্রিশ মাইল দূরের ওই পাহাড়গুলোর একটা ফটো তুলেই খুঁশি হয়ে গিয়েছিল—বাস্, হো গিয়া! দামোদরকা পোছিকা পাত্তা মিল গিয়া।

এই গল্প শোনবার পর থেকে বিজনবিহারীর মাথায় যেন একটু দূরন্ত শখের জেদ ভর করেছে, উৎসটাকে খুঁজে বের করতেই হবে। বয়সটা তিরিশ পার হয়ে গেলই বা, বিজন-বিহারীর এই জেদ যেন ছেলেমানুষের ঘুড়ি ওড়াবার জেদের চেয়েও দূরন্ত। বাধা দিলে কোন ফল হবে না।

বাধা দেওয়া উচিত নয়। কথাটা না বলে ভালই করেছে নিরুপমা। মানুষটা সংসারের কারও স্বার্থের গায়ে একটা আঁচড়ও না দিয়ে, কাঙালের মত কারও দয়ামায়াকে বিরক্ত না করে, শুধু নিজে শূন্য হয়ে আর রিক্ত ভাগ্যটাকে সঙ্গে নিয়ে এখানে এসে নিজের তৈরি একটা আনন্দের জগতে ইচ্ছামত খেলছে আর ছুটো-ছুটি করছে। তাকে বাধা দেওয়া নিরুপমার জীবনের কাজ নয়, তাকে বরং একটু যত্ন করে সাজিয়ে দেওয়াই যে নিরুপমার জীবনের সাধ।

নিরুপমার গায়ে হঠাৎজ্বর এসেছে, মাথাটা যেন ছিঁড়ে পড়ছে, নিঃশ্বাসটা যেন পড়ছে, কিন্তু নিরুপমার চোখে-মুখে সেই জ্বর-জ্বালার এক ছিটে ছায়াও ফুটে উঠতে দেয়নি নিরুপমা। জ্বরের জ্বালাটাকে জোর করে মনের মধ্যেই চেপে দিয়ে সারা সকালটা হেসে-হেসে আর ছুটোছুটি করে কাজ করেছে, উনুন ধরিয়েছে, রুটি তৈরি করেছে, আলু ভেজেছে। বিজনবিহারীর দু-বেলার ক্ষিদের খোরাক শালপাতায় মূড়ে নিয়ে নিজেরই হাতে সাইকেলের কেঁরিয়ে বেঁধে দিয়েছে নিরুপমা।

সে সন্ধ্যায় নয়, মাঝে রাতেও নয়, দরজার কাছে শেষ রাতেও কোন সাইকেলের ঘণ্টা আর বেজে উঠল না। ‘আমি এসেছি নিরু’ বলে কেউ ডাকও দিল না।

জ্বরের জ্বালার চেয়েও দুঃসহ একটা দুঃস্বপ্নের জ্বালার ছটফট করে নিরুপমা। অভিশাপের সাপটা বদ্বি লখিন্দরের মাথায় এই-বার ছোবল দিয়ে ফেলেছে।

না না না। কখুনো না। কোন অভিশাপের সাধ্য নেই, কাজলীর ভালবাসার বিজুকে কেড়ে নিয়ে যেতে পারে।—ও বিন্ধ্যাচলী। এ রামসিংহাসনজী! ঘরেরভিতর থেকে ছুটে বের হয়ে যখন উতলা আত্নাদের মত স্বরে চেঁচিয়ে ওঠে নিরুপমা, তখন রাত ভোর হয়ে গিয়েছে।

দুটো দিন পার হয়ে যায়।

ফুলনবাবু চারজন লোক আর একটা টাটু ঘোড়া দিলেন, রামসিংহাসন আর গুলু মিঃয়া এইদলবল সঙ্গে নিয়ে ঝুমরা পর্যন্ত গিয়ে আর বিজনবিহারীর কোন খোঁজ না পেয়ে যে সন্ধ্যায় শিউলিবাড়ি ফিরে আসে, ঠিক সেই সন্ধ্যাতেই থানার চৌকিদারের সঙ্গে আর চারজন জংলীর কঁাধে কাঁচা বাঁশের ডুলিতে বসে দুলতে দুলতে বাড়ি ফিরে এল বিজনবিহারী।

বিজনবিহারীর খাকি কামিজটার গায়ে ছোপ-ছোপ রক্ত শুকিয়ে আছে, কিন্তু, মুখটা হাসছে।—এ দুটোদিন শুধু পাকা বটফল আর জল খেয়েছি, কিন্তু দামোদরের উৎসটাকে খুঁজে বের করে ছেড়েছি নিরু।

বিজনবিহারীর গায়ের কামিজ দুহাতে খিমচে ধরে ফুঁপিয়ে ওঠে নিরুপমা—এ কি দশা করে ফিরে এসেছ?

বিজনবিহারী—ভালুকটা হঠাৎ পেছন থেকে এসে... কিছুই করতে পারেনি, পিঠটাকে একটু জখম করে দিয়েছে। ভালুকটাকে অবিশ্যি এক গুলিতে সাবুড়ে দিয়েছি। ...কিন্তু এ কি?

নিরুপমার কপালে গালে আর গলায় হাত রেখে রেখে আর চমকে চমকে প্রশ্ন করতে থাকে বিজনবিহারী—জ্বর ? সত্যিই কি জ্বর ? তোমার আবার জ্বর কেন হবে নিরু ?

—তুমি আগে কামিজ খোল । চেঁচিয়ে ওঠে নিরুপমা ।

বিজনবিহারী যেন বিরক্ত হয়ে কামিজের পকেট থেকে, কে জানে কোন্ গাছের শিকড়ের একগাদা শুকনো ঝড়ি বের করে নিয়ে বলে—আমার চিকিৎসা আমি জানি । কিন্তু তোমার... তোমার কি হল, কিছই যে বদ্বতে পারছি না ।

সত্যিই বদ্বতে পারেনি, কম্পনাও করতে পারেনি বিজনবিহারী । একদিন দুদিন, এক মাস দু'মাস, এক বছর দু'বছর—পুরো দুটো বছরও পার হয়ে যাবে, তবু বদ্বতে পারা যাবে না, নিরুপমার কেন জ্বর হল ? কোন্ অদ্ভুতের জ্বর ? কোন্ অভিশাপের জ্বর ?

জ্বরে ভুগতে ভুগতে তিনটে মাসের মধ্যে নিরুপমার শরীরটা শুকিয়ে পাকিয়ে কতটুকু হয়ে গেল ।

কিন্তু বিজনবিহারীর চোখে যেন কোন আতঙ্ক নেই, উদ্বেগ নেই, এক ছিটে ভয়ের ছায়াও নেই । দু'চোখে যেন একটা জেদের আগুন শুধু দপ্ দপ্ করে জ্বলে আর কাঁপে । বিজনবিহারীর আত্মাটা যেন অসুস্থ হয়ে খাটছে আর ছুটছে । জল গরম করে নিরুপমার জ্বরের শরীরটাকে ভাপস্নান করিয়ে আর ঠান্ডা জলে মাথাটাকে ধুয়ে দিচ্ছেই বের হয়ে যায় বিজনবিহারী । ষোল মাইল দূরের মন্ডা গাঁয়ের ওয়ার কাছ থেকে শিকড়-বাকড় নিয়ে আসে । আসবার পথে মাইল তিনেকওদিকে জঙ্গলের ভিতরে এগিয়ে মাটিকাটার কাজটাও দেখে আসে ।

রামসিংহাসনের বউ বিন্ধ্যাচলী যখন এক থালা ভাত আর এক বাটি কচুর তরকারি নিয়ে এসে নিরুপমার নীরব রান্নাঘরের দরজার কাছে রাখে, তখন দেখতেও পায় বিন্ধ্যাচলী, বাঙালীবাবু এরই মধ্যে সাগর জ্বাল দিয়ে ফেলেছে, সাগর বাটি দু'হাতে তুলে

নিরে নিরুপমার মূখের কাছে ধরে রেখেছে ।

কি আশ্চর্য, বাঙালীবাবুর বউয়ের প্রাণটা যেন রাসাঘরের এই দরজারই কাছে পড়ে আছে । শূন্যতে পায় বিন্ধ্যাচলী, দুর্বল পাখির বাচ্চার ডাকের মত চিঁ-চিঁ করে বিন্ধ্যাচলীকে একটা অনুরোধের কথা বলছে নিরুপমা ।—বাবুর তরকারিতে হিং-টিং দিয়ে না বিন্ধ্যাচলী । কেমন ?

দিব না ।

চলে যায় বিন্ধ্যাচলী ।

বিজনবিহারী বলে—ঝুমরা রাজ আমার একটা কথা রেখেছেন ।

কি ?

শিউলিবাড়িকে একটু বাড়িয়ে তুলতে হবে ।

কি বললে ?

স্টেশনের পূর্ব দিকের শালজঙ্গল সরিয়ে যদি বাড়ি তৈরির মত ছোট বড় দু'চারশো প্লট করা যায়, তবে বাইরে থেকে অনেক ভাল লোক এখানে এসে বাড়ি করবে বলে মনে হয় । এরকম ভাল জলহাওয়া তো যেখানে-সেখানে আর সহজে মেলে না ।

কি বললেন ঝুমরা রাজ ?

রাজি হয়েছে । শিউলিবাড়ি কোলিয়ারির বাবুরা এখনই ব্যস্ত হয়ে উঠেছেন । বাড়ি তৈরির জমি চাইছেন ।

ভাল কথা ।

আমিও ঠিক করেছি নিরু, তুমি সেরে উঠলেই, এ-ঘরের লাগাও দক্ষিণে পাকা ইটের দুটো নতুন ঘর তৈরি করব ।

নিরুপমার শূকনো সাদা ঠোঁটে একটা করুণ হাসির শীর্ণ ছায়া সিরসির করে ।—এখনই শূরু করে দাও, আমার অসুখ কবে সারবে কে জানে ? সারবে কি সারবে না, তাই বা কে জানে ?

বিজন বলে—সারবে না মানে ? তুমি বাজে কথা বলবে না নিরু ।

নিরুপমা তব্দ হাসে—তার মানে, তুমি আমাকে সারিঙ্গে
ছাড়বে ?

নিশ্চয় ।

॥ দৃশ্য ॥

এক পাঁজা ইট পুড়িয়ে ফেলেছে বিজনবিহারী । দক্ষিণের ঘর
দুটোর নকশাও এঁকে ফেলেছে । ওদিকে, স্টেশনের পূর্ব দিকের
শালজঙ্গলও অনেকখানি সাফ হয়ে এসেছে । একশো ছত্তিশগড়ি
কদলি আনিয়ে জঙ্গল কাটতে শুরু করে দিয়েছেন ঝুমরা রাজের
তশীলদার ফুলনবাবু । মাটি ফেলে রাশ্তা তৈরি করছে মাটি-
সাহেবের মন্ডা মজুরের দল ।

এরই মধ্যে আরও কত কাজ সেরে ফেলতে পেরেছে বিজন-
বিহারী । ঝুমরা রাজের সঙ্গে গাঁয়ের মন্ডাদের ঝগড়াটা ভয়ংকর
হয়ে উঠতে চলেছিল । মন্ডা চাষীরা জমিতে পাকা রায়তী স্বত্ব
চায় । খাজনার রেট কমাতে চায় । সালিয়ানা দিতে না পারলেও
এক কথায় মন্ডা চাষীর হালিয়তী জমি কেড়ে নেওয়া চলবে না ।

দুই পক্ষই শেষে মাটিসাহেবকে সালিশ মেনেছে । মাঝামাঝি
একটা রফা করে দিয়েছে বিজনবিহারী । না, হালিয়তী জমিকেও
রায়তী জমি বলে মেনে নেবেন ঝুমরা রাজ । নগদ টাকার সালি-
য়ানা দিতে পারবে না যে, সে শুধু জঙ্গল কাটবার কাজে কিছুদিন
খেটে দিলেই সালিয়ানা শোধ হয়ে যাবে । ঝুমরা রাজ চেয়ে-
ছিলেন, জঙ্গল কাটবার মজুরী হবে এক আনা, মন্ডারা চেয়েছিল
চার আনা । বিজনবিহারী রফা করে দিয়েছে—দুই আনা ।

রাঁচির দুজন বিদ্বান ভদ্রলোক জানতে পেরেছেন, শিউলি-
বাড়িতে মাটিসাহেব নামে সাহসী এক ভদ্রলোক থাকেন । একগাদা
নানা-রকমের পাথরের নমুনা নিয়ে আর একটা চিঠি নিয়ে রাঁচি
থেকে পি এন বসুর লোক বিজনবিহারীর কাছে এসেছিল ।
শিউলিবাড়ির উত্তরের জঙ্গলটার আট মাইল ভিতরে ঢুকে আর

দুধিয়া নামে নদীটার দূ'পাশে যত অদ্ভুত-অদ্ভুত পাথরের টুকরো একটা গরুর গাড়িতে বোঝাই করে রাঁচি পাঠিয়ে দিয়েছে বিজন-বিহারী। ধন্যবাদ জানিয়ে চিঠি দিয়েছেন পি এন বসু; লিখেছেন, এরকম পাথরের আরও কিছু নমুনা পাঠাবেন।

রায়বাহাদুর শরৎ রায়ের চিঠি নিয়েও লোক এসেছিল।—মুন্ডাদের গায়ে একটু খোঁজ করে দেখবেন, আর মাটি কাটাবার সময়েও একটু লক্ষ্য রাখবেন, পাথরের তৈরি কোন কুড়ুল বা টাঙ্গি বা যে-কোন রকমের হাতিয়ার পাওয়া যায় কিনা।

ঠিকই, সিলুয়াডির মুন্ডা গায়ের কাছে, আদ্যিকলে একটা মশান পাথরের কাছে তেঁতুলগাছের নিচে তিনটে পাথরে কুড়ুল দেখতে পেয়েছিল বিজনবিহারী। লক্ষ বছর আগের পাথরে কুড়ুল বোধহয়। সেই পাথরে কুড়ুল পেয়ে রায়বাহাদুর শরৎ রায় ধন্যবাদ জানিয়ে চিঠি দিয়েছেন—অনুগ্রহ করে আরও খোঁজ করবেন।

ঘরের বাইরে এত ধন্যবাদ; কিন্তু ঘরের ভিতর নিরুপমার চোখ দুটো যেন নিবু নিবু দুটো দীপশিখা; বিছানার উপর পড়ে আছে শোলার পতুলের মত হালকা একটা করুণ শরীর। এক বছরের জ্বরটা এখনও যেন নিরুপমার পাজিরের আড়ালে ধুকপুক করছে। তা ছাড়া, আর-একটা শত্রু, আমাশা। নিরুপমাকে রক্তহীন করে যেন হাড়মাংসের এক মুঠো সাদা ছোবড়া করে বিছানার উপর ফেলে রেখে দিয়েছে।

বিজনবিহারী যখন থানকুনি পাতার ঝোলের বাটিটা নিরুপমার মুখের কাছে তুলে ধরে, তখন নয়, যখন নিরুপমাকে দু'হাতে বুক জড়িয়ে ধরে চুপ করে বসে থাকে বিজনবিহারী, তখন নিরুপমার সেই নিবু-নিবু চোখ দুটো যেন বড় হয়ে হেসে ওঠে।

বিন্ধ্যাচলীও কতবার বাড়ির ভিতরের বারান্দায় এসেই থমকে দাঁড়িয়েছে। আর, কোন শব্দ না করে শুধু চোখ মুছতে মুছতে

ঝারান্দা থেকেই ফিরে চলে গিয়েছে। দেখেছে বিন্ধ্যাচলী, নিরুদ্দিক্কে কোলে করে তুলে নিয়ে ওদিকের ছোট ঘরের ভিতরে চলে গেল বাঙালীবাবু। উপায় তো নেই, নিরুদ্দিক্কে যে আর নড়ে বসবারও সাধ্য নেই।

বিকেল হলে, বাঙালীবাবু যখন বাড়িতে থাকেনা, তখনও এসে দেখতে পায় বিন্ধ্যাচলী, চোখ বন্ধ করে ওসাড় হয়ে পড়ে আছে নিরুদ্দিক্কা। বাঙালীবাবু কিন্তু এত কাজের মধ্যেও একটা কাজ ভুলে যায় নি, নিরুদ্দিক্কার মাথার রুম্ম চুলের বোঝাটাকে চিরুনি দিয়ে আঁচড়ে আর ঢিলে করে একটা খোঁপা বেঁধে দিয়ে, সিঁথিতে টাটকা সিঁদুর বুলিয়ে দিয়ে, তবে বাইরের কাজে বের হয়ে গিয়েছে বাঙালীবাবু।

তশীলদার ফুলনবাবু একবার বলেছিলেন, মাটিসাহেবের স্ত্রীকে রাঁচিতে নিয়ে গিয়ে চিকিৎসার ব্যবস্থা করলে ভাল হত। কিন্তু আক্ষেপও করেছিলেন, এখন আর সেটা সম্ভব নয়। রামসিংহাসন যা বলছে, তাতে তো মনে হয় যে মোটরবাসের একটি ঝাঁকুনিতেই মহিলার প্রাণ বেরিয়ে যাবে। আর, মোটরবাসেরও যা চেহারা আর যা মতিগতি! আধমাইল যেয়েই হয়তো ঢাকা-ভাঙ্গা হয়ে তিন ঠ্যাং-এর উপর দাঁড়িয়ে থাকবে; পাঁচ-সাত-দশ ঘণ্টার মধ্যেও আর নড়বে না। তা ছাড়া, ষাট মাইলের পর দারুণ চটিতে বাস বদলও আছে। সারা রাতটা সেখানে পার করে দিয়ে পরের দিন সকাল আটটায় রাঁচির বাস ধরতে হয়। সে বাসও রোজ সকাল আটটায় ছাড়ে না। মূর্চি আসে, ফাটা টায়ার তালি দিয়ে সেলাই করে হাওয়া ভরতে হয়তো আরও দুটো ঘণ্টা। তারপর রওনা হয় বাস, যদি স্টার্ট নিতে ইঞ্জিন আর দৌঁর না করে। এই অবস্থায়...না, মাটিসাহেবের স্ত্রীকে এখন রাঁচি হাসপাতালে নিয়ে যাওয়াও নিরাপদ নয়।

বিজ্ঞানবিহারী জানে, শুধু এখন কেন, তখনও নিরাপদ ছিল না, যখন নিরুদ্দিক্কার জ্বরের শরীরটা কাহিল হয়েও উঠতে বসতে

আর একটু হাঁটাহাঁটিও করতে পারত। শিউলিবাড়ির বাইরের পৃথিবীটা যে বড়দা আর মেজদার সম্পত্তি ; বেনুগ্রামের দৈবজ্ঞীর শাস্ত্র ; মেজমামা আর উকীলবাবুর আদালত। ঠাট্টা ঘেন্না আর অপমানের জগৎ। নিরুপমাকে সঙ্গে নিয়ে সেখানে গিয়ে দাঁড়াতে পারবে না বিজনবিহারী, এক মূহুর্তের জন্যেও না। হাসপাতালের খাতা প্রশ্ন করবে, কে আপনি? পিতার নাম কি? উনি কি আপনার স্ত্রী? কতদিন বিবাহিত? কতগুলো গিধ আর শকুন ঘেন বিজনবিহারীর প্রাণটাকে ঠুকরে ঠুকরে প্রশ্ন করবে। হয়তো ডাক্তারটা চোখ বড় করে জিজ্ঞেস করে বসবে, আপনাকে কোথায় ঘেন দেখেছি বলে মনে হচ্ছে? কিংবা, নিরুপমার মূখের দিকে তাকিয়ে একটা নাস' বলে বসবে, বেনুগ্রামে আমার এক মামী ছিলেন, ঠিক আপনার মত দেখতে! না, ও জগতের ধারে-কাছেও আর নয়।

শিউলিবাড়ির আলো-বাতাসেরও প্রাণের সব জোর কি ফুরিয়ে গেছে, নিরুপমার কাহিল প্রাণটাকে টেনে তুলতে পারবে না? গরীব ওঝার বিশ্বাসের ঝুলির যত শিকড়-বাকড় সবই মিথ্যা, সত্য শূন্য ওই ওদের হাসপাতালের ওষুধ?

না, বিশ্বাস করে না বিজনবিহারী। নিরুপমা আজ এখনই যদি...না, তবুও বিশ্বাস করবে না বিজনবিহারী।

সেদিন অনেক রাতে শালের জঙ্গলের ঝড়টা শান্ত হয়ে যেতেই শিউলিবাড়ির অন্ধকার ঘেন সব ঝংঝর ডাক চুপ করিয়ে দিয়ে একেবারে স্তব্ধ হয়ে গেল। শিউলিতলায় একটা শুকনো পাতাও উসখুস করে না।

নিরুপমার শিয়রের কাছে বাতিটাকে একটু উস্কে দিয়ে আর দুই চোখ অপলক করে নিরুপমার মূখের দিকে তাকিয়ে থাকে বিজনবিহারী। হিঙ্কাটা আশু আশু ঘেন মৃদু হয়ে আসছে।

সন্ধ্যার একটু পর থেকে শূন্য হয়েছিল নিরুপমার ওই হিঙ্কার শব্দটা। কী-হিংস্র একটা ঠাট্টার শব্দ! একটা জ্বলন্ত ডাকাতির

হাতের মশালের মত শান্তির গর্ব যেন বিজনবিহারীর বুককে ছাঁকা দিয়ে দিয়ে হাসছে আর কথা বলছে ; শিউলিচোর ! শিউলিচোর ! একটা অমানুষ হয়েও বাংলাদেশের শিউলি চুরি করে নিয়ে এসে এই জঙ্গলের ভেতরে সুখের ঘর করবে ? খুব যে আশা করেছিলে আর সাহস দেখিয়েছিলে বিজনবিহারী ?

বিজনবিহারীর দুঃসাহসের বুকটাকে ঘিরে আর চোখ পাঁকিয়ে কথা বলছে কেষ্টনগর আর বেনুগ্রামের অভিশাপ । এ-ঘর আর ও-ঘর, কখনও বা একেবারে ঘরের বাইরে বারান্দায়, ছুটোছুটি করে ঘুরতে থাকে বিজনবিহারী । চোখ দুটো যেন মাথার ভিতরের একগাদা পাগল রক্তের চাপ সহ্য করতে না পেরে লাল হয়ে ফুটতে থাকে ।

ওই তো বন্দুকটা পড়ে আছে । টোটার মালাটাও কাছেই আছে । নিরুপমার কানের কাছে ফিসফিস করে এখনি বলে দিতে পারা যায়, কোন ভয় নেই নিরু, তুমি হেসে হেসে আমার হাতেই মরে যাও ; অভিশাপটার হাতে মরো না । ও অভিশাপের হাতে তোমাকে মরতে দেব না । আমি এখনি... ।

হঠাৎ চোখ মেলে আর কি-অদ্ভুত একটা জ্বলজ্বলে অথচ ছোট-ফটে একটা দৃষ্টি তুলে বিজনবিহারীর মুখের দিকে তাকিয়ে থাকে নিরুপমা । নিরুপমার একটা হাতের উপর হাত রেখে আশে আশে ডাকে বিজনবিহারী—কি নিরু ?

না, তোমাকে একা রেখে, তোমার ঘর খালি রেখে আমি মরতে পারব না । চেঁচিয়ে ওঠে নিরুপমা । নিরুপমার বুকপুকে বুকের ভিতর থেকে যেন সমস্ত শক্তি নিয়ে একটা দাবার পিপাসা চেঁচিয়ে উঠেছে ।

বিজনবিহারীর প্রাণটা যেন চিৎকার করে ওঠে ।—না, কখনো না, তুমি মরতে পারবে না, নিরু ।

নিরুপমা বলে—ভগবান আমাকে বাঁচাতে চায় না । ভগবান আমাকে বাঁচাতে পারবে না । কিন্তু তুমি পারবে—তুমি

আমাকে বাঁচাও, লক্ষ্মীটি !

নিশ্চয় বাঁচাবো ।

একটু কাছে এস ।

নিরুপমার কপালের উপর মুখটাকে উপড় করে পেতে দিয়ে, যেন একটা ধীর স্থির ও শান্ত স্বপ্নের স্নেহ হয়ে থাকে বিজন-বিহারী ।—ঘুমোও নিরু ! নিরুপমার মাথায় আশ্বে আশ্বে হাত বোলায় বিজনবিহারী । ওঝা বলেছে, ডান হাতের চার আঙ্গুল দিয়ে মাথাটাকে ডান থেকে বাঁয়ে শুধু একটু ছুঁয়ে ছুঁয়ে বুলিয়ে দিলে জাদু তাড়াতাড়ি জাগে ।

খুব ঘুমিয়েছে নিরুপমা । তিন ঘণ্টার মধ্যে একবারও জাগেনি । কপালটাও ঘামে ভিজে গিয়েছে । ভোরের পাখিও ডেকে উঠেছে । নিরুপমার কপালের ঘাম মুছে দিয়ে পাথর বাতাস দিতে থাকে বিজনবিহারী ।

চোখ মেলে তাকায় নিরুপমা, আর, শালের কঁচিপাতার উপর ভোরের আভার মত একটা লালচে হাসির আভা যেন নিরুপমার সাদা ঠোঁটের উপর ফুটে ওঠে ।—শুনছ ?

কি নিরু ?

মাথার জ্বালাটা সত্যিই যে নেই বলে মনে হচ্ছে ।

পূজা পূজা পূজা ! সকালবেলাতেই চেঁচিয়ে চেঁচিয়ে রামসিংহাসনকে তাগিদ দিয়ে ব্যতিব্যস্ত করে তোলে বিন্ধ্যাচলী । বাঙালীবাবুর বউয়ের উপর পিশাচের যে নজর পড়েছিল, সে নজর ছুঁট গইল বা । মিছরি বেল আর জ্বা ফুল নিয়ে রামসিংহাসনকে এখনই রওনা হতে হবে, দশ মাইল দূরে দামোদরের জলে ভাসিয়ে দিয়ে আসতে হবে ।

॥ এগার ॥

একটা সিমেন্টের কারখানা নাকি শিগগিরই চালু হবে । সিংভূমের রাখা মাইনস্ থেকে দুজন সাহেব এসেছিলেন । মাটি-

সাহেবের ডাক পড়েছিল। দুধিয়া নদীর দূ'পাশের পাথুরে ডাঙায় এদিকে-ওদিকে সাহেবদের সঙ্গে তিনটে দিন সারাবেলা ঘুরে বেড়িয়েছে বিজনবিহারী। কৃতজ্ঞ সাহেবরা যাবার সময় বিজনবিহারীকে একটা জিনিস উপহারও দিয়ে গেলেন—একটা গ্রামোফোন, আর এক ডজন রেকর্ড—এক ডজন বিলিতী বাজনা আর বিলিতী গান। বাংলা গানের রেকর্ড হলে বোধহয় এই উপহার ছুঁতেও চাইত না—ছুঁতে পারতোও না বিজনবিহারী।

শিউলিবাড়ির ইতিহাসেও এটা একটা রেকর্ড, প্রথম কলের গান বাজল। এই বিস্ময়ের গান শোনবার জন্য বিজনবিহারীর বাড়ির বারান্দার কাছে একটা ভিড়ও জমে উঠেছিল। এমন কি, গুলু মিয়া'র বউ, যে মানুশটা ঘরের বাইরে একটা গাছের দিকেও উঁকি দিতে চায় না, সে-মানুশও ছেলে কোলে নিয়ে আর নিরুপমার কাছে বসে কলের গান শুনে চলে গিয়েছে।

তশীলদার ফুলনবাবুও একদিন জানিয়েছেন, দেড়শো প্লট বিক্রি হয়ে গিয়েছে।

কিনলে কারা?

কিছু প্লট রাঁচির মাড়োয়ারীরা কিনেছে। কিছু কিনেছে গোমোর ফিরিঙ্গী সাহেবরা। ঝুমরা রাজের রাজপুত্র কুটুমেরাও কিছু কিছু কিনেছে।

খুব ভাল হয়েছে। যেন একটা স্বস্তির হাঁপছাড়ে বিজনবিহারী। কোন বাঙালী যে একটাও প্লট কেনেনি, এটা যেন বিজনবিহারীর জীবনের কাছে একটা আশ্বাসের সংবাদ।

তিনটে বছরের মধ্যে শিউলিবাড়ির বাজারটাও বেড়েছে। কোথা থেকে অচেনা-অজানা এক শিখ সদার একদিন শিউলিবাড়িতে এসে মাটিসাহেবেরই সঙ্গে রোজগারের উপায় আলোচনা করেছিল, পরামর্শও চেয়েছিল। সদার সূচের সিং। ঝুমরা রাজের একটা জঙ্গলকে লীজ পাইয়ে দেবার জন্য সূচের সিংকে সঙ্গে নিয়ে বিজনবিহারী তিনদিন ঝুমরা রাজের বড় কুমারের

সঙ্গে দেখা করেছিল। লীজ পেয়েছিল স্কেচ সিং। স্কেচ সিংএর কাঠের গোলাটা এখন লম্বায় প্রায় আধ মাইল হয়ে দাঁড়িয়েছে।

নানা নতুনের আবির্ভাবে ভরে উঠেছে ছোট্ট শিউলিবাড়ি। স্টেশনমাস্টার চৌধুরীবাবুর মুখেও একটা নতুন হাসির আবির্ভাব দেখা যায়—একটা সুখবর আছে মাটিসাহেব। এ লাইনে একটা প্যাসেঞ্জার ট্রেন নাকি চালু হবে।

তাহলে আপনার একজন অ্যাসিস্টেন্টও হবে নিশ্চয়।

ওটাই তো ভাবনার কথা মাটিসাহেব। যদি ভাল লোক হয়, তবে ইনকামের শেয়ার নিয়ে হয়তো তেমন কিছু খিঁচিমিচি বাধাবে না। কিন্তু যদি না হয়, তবে?

আর, নিরুপমার মুখের দিকে তাকালে যে সবচেয়ে সুন্দর নতুনের আবির্ভাবের হাসিটাকে দেখতে পাওয়া যায়! নিরুপমার মুখের উপর যেন রাঙা জ্বার আলো ফুটে উঠেছে। শরীরটাও কী সুন্দর স্বাস্থ্যে ভরে গিয়েছে। রামসিংহাসনের বউ হিসেব করে দিন গুনছে।

ছি ছি, এ কি করছ? এখনই এসব কেন? বিন্ধ্যাচলী দেখতে পেল যে তোমার নামেও যা-তা বলে ঠাট্টা করবে। নিরুপমা দু'বার এসে বাধা দিয়েছে আর হেসেও ফেলেছে।

সেগুনের একটা পাটাকে টুকরো টুকরো করে কেটে, আর করাত হাতুড়ি র্যাঁদা নিয়ে দু'দিন ধরে যে কান্ডটা করে চলেছে বিজন-বিহারী, সেটা বিন্ধ্যাচলী এখনও দেখতে পায় নি। দেখে থাকলেও বুঝতে পারেনি। একটা দোলনা তৈরি করছে বিজনবিহারী।

বিজনবিহারী বলে—যা-তা আর কি বলবে রামসিংহাসনের বউ? বড় জোর বলবে, ভুখা বাঙালী।

কথাটা তাহলে সত্যি?

নিশ্চয়।

ভুখ, ঠিক কথা, একটা স্বপ্নের ভুখ যেন এতদিনে একটা আশার

আশ্বাসে বিভোর হয়ে বিজনবিহারীর চোখ দূটোকেও নিবিড় করে তুলেছে।

সেই সন্ধ্যাতেই, যখন বারান্দায় কেরোসিনের আলোর কাছে বসে বদরুশ চালিয়ে দোলনার ফ্রেমে গালা বানিশ লেপতে শব্দ করছে বিজনবিহারী, তখন ঘরের ভিতর থেকে উতলা হয়ে ছুটে এসে হুঁপাতে থাকে নিরুপমা—বিন্ধ্যাচলীকে এখনই ডেকে দাও।

বিন্ধ্যাচলীকে কেন?

একলা হয়ে পড়ে থাকতে যে বড় ভয় করছে। শিগগির ডেকে দাও।

কোন ভয় নেই, আমি আছি। রামসিংহাসনের বউকে ডাকবার কোন দরকার নেই।

তিন ক্রোশ দূরে কাট্‌কি জঙ্গলের বশ্টিতে যে চামারিন বড়িটা থাকে, সিধো চামারের মা, তাকে খবর দেওয়া হয়েছিল। বড়িটা রামসিংহাসনের বাড়িতেও দূবার ধাইয়ের কাজ করেছে। কিন্তু এক মাস ধরে কাট্‌কিতে বাঘের হামলা চলছে। তাই বোধ হয় আসতে পারেনি বড়িটা।

কিন্তু বিজনবিহারীর মনটা সেজন্য একটুও দৃষ্টিচ্যুত নয়। বিজনবিহারীর হাত দূটো আজ যেন ইচ্ছে করে এক পরম কারিগরীর কাজ করে ধন্য হতে চায়। একটা শিউলি-কুঁড়িকে শব্দ দূ'হাত পেতে তুলে নেওয়া, আর নাড়ি কেটে ধোওয়া-মোছা করে নিরুপমার বৃকের কাছে শব্দইয়ে দেওয়া।

বড় শান্ত আর বড় স্নিগ্ধ রাত্রি। এক ঘন্টাও সময় লাগেনি, নিরুপমার শরীরটা যখন সব যন্ত্রণার ভার থেকে মুক্ত হয়ে একটা স্নিগ্ধ তন্দ্রার ঘোরে শান্ত হয়ে পড়ে থাকে, তখন নিরুপমার কানের কাছে মৃদু নিষে আশু আশু ডাক দেয় বিজনবিহারী, যেন একটা স্নিগ্ধ জয়রব—এই দেখ নিরু, তোমার মেয়ে। আর নিরুপমার চোখদূটোও তাকাতে গিয়ে যেন এই নতুন বিস্ময়েরই সূখে

হাসতে থাকে ।

যখন দূরের খেজুর গাছের কাছে একটা ল্যাম্পের আলো দপ-দপ করে জ্বলে, আর শাবল দিয়ে মাটি খুঁড়তে থাকে বিজন-বিহারী, তখন বাঙালীবাবুর বাড়িতে নতুন আবির্ভাবের কান্নার শব্দ শব্দে হস্তদন্ত হয়ে ছুটে আসে বিন্ধ্যাচলী ।

বেটি ভইল বা । চেঁচিয়ে চেঁচিয়ে খুশির হাসি ছড়িয়ে চলে যায় বিন্ধ্যাচলী, আর বিজনবিহারীও ফিরে এসে হাত ধুয়ে নিয়ে শিউলিতলার পাথরটার উপর শান্ত হয়ে বসে । রামসিংহাসনের বাড়িতে তখন ঢোলক বাজতে শুরু করেছে ।

কে বাজাচ্ছে ? রামসিংহাসন ? না রামসিংহাসনের বড় ছেলেটা ?

কিছুক্ষণ চোখ বন্ধ করে কান পেতে থাকলে ঢোলকের শব্দটাকে বড় অদ্ভুত শোনায় । যেন আকাশে ঢোলক বাজছে । প্রয়াগের ধর্মশালার সেই সাধুটা ধূনীর আগুনের কাছে বসে গল্প করতে করতে বলেছিল, যখন পৃথিবীতে কোন পুনীত প্রাণ জন্ম নেয়, তখন আকাশমে দৃন্দুভিনাদ হোতা হয় ।

ঢোলকটা বাজছে বিজনবিহারীর বৃকের আকাশে । সত্যিই যে মনে হচ্ছে, মশু একটা পুণ্যের প্রাণ জন্ম নিয়েছে । এই তো ওখানে, ওই ঘরে, নিরুপমার বৃকের কাছে ঘুমিয়ে আছে । এতক্ষণে কান্না থামিয়েছে ।

চোখ মেলে আর বেশ একটু আশ্চর্য হয়ে চারদিকে তাকায় বিজনবিহারী । কপালের উপর আশু আশু হাত বোলাতে থাকে । যেন হাত বুলিয়ে ভাগ্যেরই একটা বিস্ময়কে ছুঁয়ে ছুঁয়ে অনদ্ভব করছে বিজনবিহারী ।

মনটাই বা হঠাৎ এত শান্ত হয়ে গেল কেন ? এ-মনে এক ছিটেও রাগ নেই, আর প্রাণটাও যেন কারও উপর রাগ পুষে রাখতে চাইছে না, পারছেও না ।

জৈদটার সব ঝাল মিটে গিয়েছে । আর জৈদটাও যেন একটু

লজ্জা পেয়েছে। তাই বোধ হয় বৃকের ভিতরে একটা গবের সূঁচ লাজুক তারার মত মিটিমিটি হাসছে।

কিন্তু সেজন্যে এত শান্ত হয়ে যাবে কেন মনটা? না, সেজন্যে নয়। মনে হয়, অভিশাপ নয়, মস্ত বড় একটা আশীর্বাদ যেন হাত তুলে একটা লনের অপেক্ষায় দাঁড়িয়েছিল। বিজনবিহারীর কপালটাকে ছুঁয়ে ফেলেছে আজ সেই আশীর্বাদের হাত। তা না হলে, বাংলাদেশের শিউলিতে এরকম একটি কুঁড়ি ফুটবে কেন? বিজনবিহারীর আশার ঘর এমন একটা উপহার পেয়ে যাবে কেন?

নিরুপমা যে বাংলাদেশেরই একটা গোপন দান। শিউলি-বাড়ির মাটিসাহেবকে একটা ফেরারী আসামীর গা-ঢাকা জীবন বলে মনে করবার কোন মানে হয় না। বিজনবিহারী যেন মিথ্যে রাগ করে নিজেরই বিরুদ্ধে একটা মিথ্যে অভিযোগের মামলা দায়ের করেছিল। বাংলাদেশের শিউলি চুরি করেনি বিজনবিহারী। কেষ্টনগর শিবপুকুর আর বেনগ্রাম, যেন তিনটি ভীরু-মায়ার প্রাণ, শুধু একটা চক্ষুদলজ্জার ভয় ছিল বলেই খিড়কির দরজার ফাঁক দিয়ে হাত গলিয়ে বিজনবিহারীর হাতে একটা মায়ার দান টেলে দিয়েছিল। হিঃ, এতদিন ধরে ভুল করে কার উপর রাগ পুষে এসেছে বিজনবিহারী?

॥ বার ॥

কি ব্যাপার? মাটিসাহেব যে একেবারে মাটির মানুষ হয়ে গেল দেখছি। কথাটা বলেই মুখ টিপে হাসতে থাকে নিরুপমা।

নিরুপমার এই মুখ-টেপা হাসিটা একটা মিষ্টি বিস্ময়ের হাসি নিশ্চয়, কিন্তু একটা মিষ্টি চিমটির হাসিও বটে।

সূর্য উঠতে না উঠতে যে মানুষটা তড়বড় করে দূটো রুটি চিবিয়ে আর জল খেয়ে সাইকেলটাকে আঁকড়ে ধরে, আর হস্তদম্ভ হয়ে বের হয়ে যায়, সে মানুষটা এখনও যান্নি, যদিও সূর্য

ওঠবার পর তিনটি ঘণ্টা পার হয়ে গিয়েছে।

মাটিসাহেবের কাজের জীবনের সেই তাড়াহুড়োর নিয়মটা যেন একটু বিপদে পড়েছে। শেষ রাতে উঠে উনুন জেদলে রুটি তরকারি তৈরি করে দিতে নিরুপমার যেটুকু সময় লাগে, সেটুকু সময়ের অপেক্ষা সহ্য করবার মত ধৈর্যও বিজনবিহারীর ছিল না। আধ ঘণ্টার মধ্যে কাজের ধড়াচুড়া গায়ে চড়িয়ে—শোলার হ্যাট, খাকি কামিজ, খাকি হাফ-প্যান্ট আর বট পরে, বন্দুকটাও পিঠে ঝুলিয়ে নিয়ে ফিল্ডে যাবার জন্য তৈরি হয়ে যেত বিজনবিহারী। মাটি-কাটার জায়গাটা, দশ মাইল বা বিশ মাইল দূরের ফিল্ডটা বিজনবিহারীর কাছে সত্যিই যেন যুদ্ধের ফিল্ড। তা না হলে সাজটাও এরকম জঙ্গী হয়ে যাবে কেন? দুপুরের খায়ার রসদ হিসাবে এক দিগ্ধা রুটি, দু' মটো আলুর তরকারি আর গুড়ের একটা ডেলা শালপাতায় মুড়ে নিয়ে এত ব্যস্তভাবে ছুটে যাবার অভ্যাসই বা হবে কেন? ঝড়-বাদলের দিনেও বিজনবিহারীর অভ্যাসের এই রীতিটার নড়-চড় হতে দেখা যায়নি। কিন্তু আজ-কাল, বিশেষ করে আজ, এ কি কান্ড করে বসে আছে বিজন-বিহারী? সকালের রোদ ঝলমল করছে, তবু বিজনবিহারী এখনও কাজে বের হয়ে যেতে পারেনি। মুখ টিপে না হেসে থাকতে পারবেই বা কেন নিরুপমা?

মেয়েকে বন্ধুর উপর বসিয়ে শিউলিতলার ঘাসের উপর চিং হয়ে শূয়ে পড়ে আছে বিজনবিহারী। সাইকেলটাও একপাশে ঘাসের উপর লুটিয়ে পড়ে আছে। শোলার হ্যাটটা আর বন্দুকটাও। বিজনবিহারীর খাকি কামিজের বন্ধুর উপর এক-গাদা টাটকা শিউলি। মেয়েটা সেই শিউলির গাদা দু'হাতে ঘেঁটে ঘেঁটে খেলা করছে। আর দু'চোখ বন্ধ করে যেন একটা ভূপুরু ভারে অলস হয়ে হাত-পা ছড়িয়ে পড়ে আছে বিজনবিহারী।

শুনছ? আবার ডাক দেয় নিরুপমা।

কি হল? চমকে উঠে প্রশ্ন করে বিজনবিহারী।

ফিল্ডে যাবে না ? আবার মৃদু টিপে হাসে নিরূপমা ।

তুমি মেয়েটাকে ধরবে তবে তো যাব ।

মেয়ে তো ঘুমিয়েছিল । তুমি ওকে তুলে নিয়ে এলে কেন ?

এ সব কথার কোন মানে হয় না, নিরুদ । আমার কাজে বের হবার সময় খিটিমিটি করে দেরি করিয়ে দিয়ে না ।

বিজনবিহারীর মেয়ে, বয়স দু' বছর, নাম সুনন্দা । নিরূপমা আর বিজনবিহারী ডাকে নন্দু । বিন্ধ্যাচলী বলে—নন্দুয়া । মাটিসাহেবের বেটি নন্দুয়ার মৃদুটা কী সুন্দর ! য়েসন ফুটলকা কমল বা !

রামসিংহাসনের বড় মেয়েটা, রাজমোহিনী, ছ' বছর বয়স, দৌড়ে এসে নন্দুকে কোলে তুলে নেয় । নিরূপমা জানে, এখন অন্তত একটি ঘণ্টা নন্দুকে কোলে নিয়ে আর কাঁকাল বেঁকিয়ে ট্যাং-ট্যাং করে এখানে ওখানে ঘুরে বেড়াবে রামসিংহাসনের এই মেয়েটা ছ'বছর বয়সের এই রাজমোহিনী ।

সাইকেল চালিয়ে বেশি দূর যায়নি বিজনবিহারী । কিন্তু যেন একটা বাধা পেয়ে আচমকা ব্রেক কষে থেমে পড়েছে বিজনবিহারী । অথচ পথের উপর কোন বড় পাথর-টাথরও নেই, কোন নালা খানা গত'-টত'ও নেই ।

আকাশের দিকে অমন করে তাকিয়ে আর একেবারে স্তব্ধ হয়ে দাঁড়িয়ে কি ভাবছে বিজনবিহারী ? আশ্বিনের সকালের আকাশ, ঝলমলে রোদ, কালো মেঘের ছিটে-ফোঁটাও তো কোথাও নেই ।

সাইকেলটাকে হাতে ঠেলে আশে আশে হেঁটে ফিরে আসে বিজনবিহারী ।

কি হল ? বিজনবিহারীর গম্ভীর মৃদুটার দিকে তাকিয়ে প্রশ্ন করতে গিয়ে নিরূপমার গলার স্বর যেন একটা চাপা ভয়ের গুঞ্জন মত বেজে ওঠে ।

হ্যাট আর বন্দুক নামিয়ে রেখে, পা থেকে বৃট-জোড়াও খুলে সরিয়ে দিয়ে, যেন আরও হালকা হবার জন্য জোরে একটা হাঁপ

ছাড়ে বিজনবিহারী ।

মুখটা গম্ভীর, কিন্তু চোখ দুটো চিক-চিক করছে । মাঝে মাঝে মাথা হেঁট করেও কি যেন ভাবছে । বিজনবিহারীরও যে এরকম একটা করুণ রকমের অশান্ত চেহারা থাকতে পারে, চোখে না দেখলে ধারণা করতে পারত না নিরুপমা । তা ছাড়া, কোন-দিনও বিজনবিহারীর চোখ দুটোকে এভাবে চিকচিক করে কাঁপতে দেখেনি নিরুপমা । যেন একটা ভক্ত মানুষের চোখ, কাউকে পূজা করবার জন্য ব্যাকুল হয়ে তাকিয়ে আছে ।

ফিরে এলে কেন ? নিরুপমার গলার স্বর আবার ভীরু হয়ে কেঁপে ওঠে ।

হিঃ, আজকেও সাত-সকালে জানোয়ারের মত রুটি চিবোতে হল । জঙ্গলে এসে অভ্যেসটাই জংলী হয়ে গিয়েছে ।

কাকে ধিক্কার দিলে আক্ষেপ করছে বিজনবিহারী ? নিজেকে ? কেন ?

এতদিন ধরে রাগের মাথায় কি-ভয়ানক একটা বিশ্রী ভুল করে এসেছি, নিরু ! রাগই হল ভূত, একবার ঘাড়ে ভর করলে সব ভুল করিয়ে দেয় ।

ভুল ? আশ্চর্য হয়ে তাকায় নিরুপমা ।

হ্যাঁ । আজ হল ছাব্বিশে আশ্বিন । বাবার মৃত্যুদিন । আজ আমার উপোস করা উচিত ছিল, বাবার বাৎসরিক কাজটাও করা উচিত ।

নিরুপমার চোখ ফেটে বোধ হয় একটা করুণ বিস্ময়ের ফোয়ারা উথলে উঠবে, বুকটাও ফুঁপিয়ে উঠবে । সরে গিয়ে বিজনবিহারীর পিছনে এসে চুপ করে দাঁড়িয়ে থাকে নিরুপমা ।

যাই হোক, তবু আজ আর আমি কিছু খাব না নিরু । হ্যাঁ, এখনই তাহলে বেরিয়ে যাই, ছোট নদীটার স্নান করে আসি । এক মুঠো তিল দাও তো নিরু ।

শিউলিবাড়ির ছোট নদী, ওই ডাঙার উপর দিয়ে আধ মাইল এগিয়ে গেলে বালু ছড়ানো নদীটার বকের মাঝখানে ঝিরিঝিরি বয়ে যাওয়া স্রোতটা দেখা যায়। নদীর ধারে একটা বট আছে, বটের পায়ের কাছে সিঁদুরমাখা একটা পাথর আছে, আর সাতটা পাথরের ধাপ নিয়ে একটা ঘাটও আছে।

স্নান সেরে, এক মূঠো তিল স্রোতের জলে ভাসিয়ে দিয়ে, আর ভিজ়ে ধুতির খুঁটে গা জড়িয়ে তখন বাড়ি ফিরে আসে বিজনবিহারী, তখন বিজনবিহারীর তৃপ্তিভরা স্নিগ্ধ মূখটার দিকে একবার তাকিয়ে নিয়েই সরে যায় নিরূপমা। ভিতরের ঘরের এক কোণে চুপ করে বসে কান্না চাপে আর চোখ মোছে।

বিজনবিহারী ডাক দিয়ে বলে—কোথায় গেলে? শুনছ? এ বছর ভুল-টুল যা হল তা তো হল, কিন্তু আসছে বছর কাজটা এভাবে সারলে চলবে না। শাস্তরে যা বলে, যেটা নিয়ম, সেভাবে করতে হবে।

নিরূপমা সাড়া দেয়—হ্যাঁ, করবে বইকি।

কিন্তু সেজন্যে যে পদ্রুত চাই।

চাই বইকি।

ঝুমরা রাজের পদ্রুত শমাজীকে দিয়ে কাজ চলতে পারে, কিন্তু...কিন্তু বাঙালী পদ্রুত হলেই ভাল হয়। কি বল?

নিরূপমা বলে—হ্যাঁ।

হ্যাঁ হ্যাঁ তো করছ, কিন্তু কোথায় তুমি?

এবার আর নিরূপমার সাড়া পায় না বিজনবিহারী। কিন্তু চমকে উঠতে হয়। যেন ওঘরের ভিতর থেকে একটা ডুকরে ওঠা নিঃশ্বাসের শব্দ সাড়া দিয়েছে।

এ কি হচ্ছে নিরু? দেখে আশ্চর্য হয় বিজনবিহারী, আঁচল দিয়ে চোখ মুখ ঢেকে মেঝের উপর নিখর হয়ে বসে আছে নিরূপমা। কেন? আজ আবার কোন্ ভয়ের ছায়া দেখতে পেল নিরূপমার উজ্জ্বল হাসির চোখ দুটো?

বিজনবিহারী ডাকে—কি হল ?

কিছু না। তুমি কিছু ভেব না।

ভাবিয়ে দিয়ে ভেব-না বললে চলে না। আজ তুমি হঠাৎ কি ভেবে...।

জানতে চেয়ো না। বলতে পারব না।

হঠাৎ চোখ ঘষে আর মূখের উপর থেকে আঁচল সরিয়ে দিয়ে শান্ত ও স্দৃষ্টির হয়ে বসে জানলাটার দিকে তাকিয়ে থাকে নিরুপমা। চোখ দুটোও শান্ত শব্দকনো খট্‌খটে। নিরুপমার এরকমের মর্দিত একটু অদ্ভুত বটে। তাই বোধ হয় একটা শালিক বার বার জানলার কাছে এসে বসছে, আর ঘরের ভিতরের দিকে একবার তাকিয়েই উড়ে পালিয়ে যাচ্ছে।

বিজনবিহারীর কানেও বোধ হয় নিরুপমার কথার শব্দটা নতুন বিস্ময়ের আঘাতের মত বেজেছে। জানতে চেয়ো না! কি-অদ্ভুত শব্দকনো স্বরে কথাটা বলেছে নিরুপমা। কথাগুলি যেন এক মূঠো ঠান্ডা আর বাসি ছাই, হঠাৎ জ্বালার ছোঁয়া পেয়ে তপ্ত হয়ে উঠেছে। বিজনবিহারীর জীবনের কোন আগ্রহের জিজ্ঞাসাকে এভাবে চুপ করিয়ে দিতে চাইবে নিরুপমা, এটা যে চোখে দেখেও বিশ্বাস করতে পারছে না বিজনবিহারী।

কি-এমন নতুন আর অদ্ভুত কিছু দেখতে পেল নিরুপমা, যেজন্যে নিরুপমার ভিজে চোখ দুটো এত শব্দকনো হয়ে যেতে পারে, আর গলার স্বরে এত শব্দকনো ছাই ঝরাতে পারে নিরুপমা? আজ ছাব্বিশে আশ্বিন, বাবার বাৎসরিক স্মৃতির তর্পণের জন্য স্রোতের জলে শব্দ একমূঠো তিল ভাসিয়েছে বিজনবিহারী, কিন্তু সেজন্য নিরুপমার প্রাণটা ভীরু হয়ে গিয়ে কেঁদে ফেলবে কেন? আবার কান্নার চোখ দুটোকে এত তাড়াতাড়ি শব্দকিয়ে ফেলবেই বা কেন? দেখতে পেয়েছে বিজনবিহারী, নিরুপমার হাতটা যেন হঠাৎ কঠোর হয়ে চোখ দুটোকে একটা হতাশ অভিমানের আঘাত দিয়ে জোরে জোরে ঘষছে।

বিজ্ঞানবিহারী বলে—জানতে চাইব না কেন ?

না ; জেনে তোমার কোন লাভ হবে না ।

আমাকে না জানিয়ে কি তোমার কোন লাভ হবে ?

তুমি স্খলিত হবে ।

তার মানে ?

তুমি শাস্ত্র আনবে, নিয়ম আনবে, বাঙালী পদ্রুত ঠাকুর
আনবে ; তবে আর আমাকে কেন ?

তার মানে ?

আমাকে বাদ দাও ।

এর মানেই বা কি ?

আমাকে চলে যেতে দাও ।

কোথায় যাবে ?

শিউলিবাড়িতে কি শ্মশান নেই ?

আছে বইকি । কিন্তু যাবে কেন ?

যেখানে শাস্ত্র আসবে, নিয়ম আসবে, মন্তর আসবে, সেখানে
আমি থাকব কি করে ? বাঁচব কি করে ? নিরুপমার শূকনো চোখের
তারা দুটো যেন ছটফটিয়ে পড়তে পাকে ।

কি বললে ? চেঁচিয়ে ওঠে বিজ্ঞানবিহারী ।

বলছি তো ! শাস্ত্র নিয়ম আর মন্তর এসে তো একদিন আমাকে
তাড়িয়েই ছাড়বে । তার চেয়ে ভাল, তার আগে তুমিই তাড়িয়ে
দাও । তোমার হাতের আগুন মুখে নিয়ে ছাই হয়ে যাই । শাস্ত্র
এসে পড়লে তো আর তোমার হাতে এ সাহসটুকুও থাকবে না ।

নিরুপমার প্রাণও এমন বিদ্রোহ করতে জানে ? আর বিদ্রোহটাও
এমন ভাষায় কথা বলতে পারে ? আর, ভাষাটাও বিজ্ঞানবিহারীকে
এত ভীর্ণ বলে গাল দিতে পারে ?

কি-যেন বলতে চায় বিজ্ঞানবিহারী । কিন্তু নিরুপমার মাথাটা
বিজ্ঞানবিহারীর পায়ের কাছে আছড়ে পড়েছে । আর, যেন ফুঁপিয়ে
কেঁদে ফেলেছে সেই বিদ্রোহেরই একটা ভীর্ণ অন্তরাঙ্গা ।—শেষে

তুমিও ভয় পেলে । আমি তবে আর কোন্ সাহসে... ।

বষাির জলঙ্গী সাঁতার দিয়ে পার হতে ভয় পায়নি যে ষোল বছর বয়সের বিজ্ঞ, চম্বলের বালিয়াড়িতে আগুন-চোখো লেপার্ডের মূখের কাছে দাঁড়িয়ে রাইফেল তুলতে হাত কাঁপেনি যে কুড়ি বছর বয়সের বিজনবিহারীর, আজ আটত্রিশ বছর বয়সের সে বিজনবিহারী ভয় পেয়েছে ? নিরুপমাকে বুক থেকে নামিয়ে দিয়ে শাস্তর বুক তুলে নিতে চাইছে ?

শাস্তর আসছে ; যেন হুটোপুটি করে জংলী হাতী আসছে, নিরুপমার জীবনের সুখ আশা আর তৃপ্তির ছোট তীব্রটাকে ঊপড়ে ফেলে দেবার জন্য । এই ভেবে ভয় পেয়েছে নিরুপমা । কিন্তু ভুল করেছে নিরুপমার দুর্বল বিশ্বাসের বুকটা । বোধ হয় ভুলেই গিয়েছে নিরুপমা, এই বিজনবিহারী জংলী হাতীর চোখের কাছাকাছি দাঁড়িয়ে থড়ের গাদায় আগুন ধরিয়ে দিতে জানে, পারে, তার বুক একটুও কাঁপে না ।

মেঝের উপর থেকে নিরুপমার লুটিয়ে পড়া শরীরটাকে দু'হাতে তুলে নিয়ে আর দাঁড় করিয়ে বুকের কাছে শক্ত করে ধরে রাখা বিজনবিহারী ।—তুমি আগে, না শাস্তর আগে ?

নিরুপমা আবার ফুঁপিয়ে ওঠে ।—বুঝতে পারছি না ।

তোমাকে আগে নিয়ে এসেছি, না শাস্তর আগে নিয়ে আসতে চেয়েছি ?

সবই তো জানি । কিন্তু... ।

কিছু আবার কিসের ?

শুনে যে বড় ভয় করছে ।

কোন ভয় নেই । কোন ভয় আর থাকতেই পারে না ।

চিরকাল যে ভাষায় নিরুপমাকে আশ্বাস দিয়ে এসেছে এই নির্ভয়ের মানুষটা, আজও সেই ভাষায় নিরুপমাকে আশ্বাস দিয়ে কথা বলছে । এই আশ্বাসের কাছে লুটিয়ে পড়ে শান্ত না হলে পারবে কেন নিরুপমা ?

‘দু’ চোখ বন্ধ করে, শান্ত আর স্নিগ্ধ একটা মুখ নিয়ে, আর মাথার ভারটাকে একেবারে অলস করে বিজনবিহারীর বুকের উপর রেখে দিয়ে যেন ঘুমিয়ে পড়তে চায় নিরুপমা ।

বিজনবিহারী বলে—আজ আর আমরা কাকে ভয় করব বল ? কার সাধ্য আছে যে, আমার ঘরের দিকে তাকিয়ে সন্দেহ করবে ? কার সাহস আছে যে ঠাট্টা করবে ? কার এমন মাথা খারাপ হবে যে, ঘেন্না করবে ? ফুলনবাবু সেদিন কি বলেছিলেন, জান ?

হেসে ওঠে বিজনবিহারী । যেন উৎফুল্ল এক পৌরুষের শান্ত গর্বে’র কণ্ঠস্বর হেসে উঠেছে—ফুলনবাবু বলছিলেন, মাটি-সাহেবের বাড়িটা যেন হিমালয়জীকা সংসার ।

তার মানে ?

তার মানে আমি হিমালয়, তুমি মেনকা আর নন্দু হল উমা ।

নিরুপমার চোখ দুটো অদ্ভুত একটা অন্তর্ভবের আবেশে নিবিড় হয়ে বিজনবিহারীর মুখের দিকে তাকিয়ে থম্‌থম্‌ করে, যেন একটা স্বপ্নের কোলে বসে আছে নিরুপমার প্রাণটা । ফুলনবাবুর কথা নয়, যেন একগাদা ফুলচন্দনের কথা দু কান দিয়ে স্পষ্ট করে শুনতে পাচ্ছে নিরুপমা ।—হিমালয়জীকা সংসার ।

সব ভয় পার করে দিয়েছি, নিরু । তবু তুমি ভুল করে একটা পূর্বজন্মের যত বাজে ছায়া-টায় দেবে... ।

হেসে ফেলে নিরুপমা ।—না, আর ভয় করি না ।

তুমি না সেদিন ঠাট্টা করে বলেছিলেন... ।

কি ?

শিউবাড়ির রাজার নাম মাটিসাহেব ।

বলেছিলেন, কিন্তু ঠাট্টা করিনি ।

তবে ?

বিজনবিহারীর শেষ কথাটা যেন এতক্ষণের একটা মিথ্যা আতঙ্কের লজ্জাকে প্রশ্ন করে হাসিয়ে দেয় । নিরুপমা বলে—বাঙালী পুরুত ঠাকুর কি শুধু বাবার বাৎসরিক কাজের জন্যই

আসবেন ?

না, তা কেন হবে ? এখানকার সব কাজই করবেন । পূজো-পার্বণ, সত্যনারায়ণের স্বতন্ত্রত, কিংবা তোমার কোন মানত-টানতের পূজো থাকলেও কাজ করবেন । মোট কথা... ।

নিরুপমার দুই চোখ হেসে হেসে ঝিকঝিক করে !—কি ?

মোট কথা, আর জংলী হয়ে থাকা চলবে না । চেঁচিয়ে হেসে ওঠে বিজনবিহারী ।

শালিকটা আবার এসে জানলার কাছে বসেছে, ঘরের ভিতরের দিকে তাকিয়েছে । কিন্তু তখনই আবার ফুড়ুং করে উড়ে পালিয়ে গেল না শালিকটা । এবার আর ভয় পেয়ে নয়, শালিকটা বোধ হয় বেশ একটু আশ্চর্য হয়ে তাকিয়ে থাকতে চাইছে ।

বিজনবিহারী বলে—তা ছাড়া, মিছিমিছি কারও ওপর আর রাগ পুষে রাখার কোন মানে হয় না । তা ছাড়া... ।

হঠাৎ নীরব হয়ে গিয়ে, আর জানলার বাইরে আশ্বিনের আকাশটারই দিকে পিপাসিতের মত তাকিয়ে থাকে বিজনবিহারী । তার পরেই, গলার স্বর একেবারে মৃদু করে দিয়ে বলতে থাকে—হবে, একে একে সবই হবে, সবই করে নিতে হবে, ছেড়ে দেবই বা কেন ?

ভাষাটা হেঁয়ালী, কিন্তু গলার স্বরটা যেন একটা নতুন মানতের প্রতিধ্বনি । কিংবা আশ্বিনের আকাশের বদলে একটা ক্ষমার দিকে তাকিয়ে কথা বলছে একটা খুশি অভিমান । নয় তো একটা পুরনো মায়ার হাতছানির দিকে তাকিয়ে কথা বলছে ব্যাকুল একটা পিপাসা । যেন দেউলবাড়িতে ভোগের ঘণ্টা বাজছে, খালের এ পারে দাঁড়িয়ে শুনতে পাচ্ছে আর ছটফট করছে ছোট্ট বিজুর মূরন্ত লোভ ।

॥ ভের ॥

মাটিসাহেবের মতলবটা এবার বুঝতে পারা গেল। মুখ টিপে হাসতে থাকে নিরুপমা।

তিন বছর আগেও একবার ঠিক এইভাবে মুখ টিপে হেসে বুকভরা খুশির ভার সামলাতে চেষ্টা করেছিল নিরুপমা। কিন্তু সামলাতে পারেনি। আজও নিরুপমার সারা মুখ রাঙা হয়ে ওঠে। শিউলিবাড়ির ভাগাটা যে সত্যিই ভোরের আলোর মত রাঙা হয়ে হাসছে।

সাইকেলের চাকার ধুলো মুছতে ব্যস্ত বিজনবিহারী নিতান্ত অব্যস্ত স্বরে কথা বলতে গিয়েও নিরুপমার মুখের দিকে তাকায়।
—মাটিসাহেবের মতলব?

হ্যাঁ।

কি মতলব?

শিউলিবাড়িকে একেবারে কেষ্টনগর করে তুলতে চাইছেন মাটিসাহেব।

বিজনবিহারী হাসে—বাঃ, খুব চমৎকার সন্দেহ করতে শিখেছে দেখছি।

মাটিসাহেবের কাঁচা ইটের সেই বাড়ির ঘরগুলি এখন ধান অড়হর আর মকাইয়ের ভান্ডার। সেই শিউলি যেখানে-সেখানে ছিল, সেখানে-সেখানে এখন নতুন শিউলির ভিড়। নতুন বাগানের মাদারের বেড়ার সঙ্গে কৃষ্ণকলির ঝাড় এলিয়ে এলিয়ে ছড়িয়ে আছে। বছরে দু'বার ফুল ফোটার কৃষ্ণকলির ঝাড়—লাল হলদে বেগুনী আর হলদে-লাল। পুরনো বাড়ির সামনে দুটো পাকা ইটের ঘর, বারান্দাটা বেশ চওড়া। বারান্দায় চার-পাঁচটা চেয়ার আর একটা টেবিল।

দিল্লীতে করোনেশন দরবার। শিউলিবাড়ি স্টেশনের মাথার উপরে উঁচু বাঁশের ডগায় পুরো একটি মাস ধরে ইউনিয়ন জ্যাক

উড়ছে। সেই চৌধুরীবাবু বদলি হয়ে চলে গিয়েছেন। বদলি হয়ে এসেছেন গাঙ্গুলীবাবু আর বোসবাবু—এস-এম আর এ-এস-এম। দেখে আরও খুশি হয়েছে বিজনবিহারী, দুই ভদ্রলোকই সপরিবারে এসেছেন।

গাঙ্গুলীবাবুর অনেকগুলি ছেলেলেয়ে। কোলেরটার বয়স চার মাস। অথচ গরুর দুধ পাওয়া যাচ্ছে না। রামসিংহাসন শুধু মোষের দুধ বিক্রি করে। খুবই চিন্তায় পড়েছেন গাঙ্গুলীবাবু।

কিন্তু গাঙ্গুলীবাবুকে নিশ্চিন্ত করে দিয়েছে বিজনবিহারী। বিজনবিহারী তার বাড়ির গরুর দুধের আধ সের মাত্র সুন্দার জন্য রেখে দিয়ে বাকী সবটাই গাঙ্গুলীবাবুর বাড়িতে পাঠিয়ে দেয়।—আমি থাকতে শিউলিবাড়িতে এসে কোন বাঙালী কষ্ট পাবে, এটা তো ভাল দেখায় না, নিরু।

ছোট নদীর ধারে এক বিঘে জমি করেছিল বিজনবিহারী। সে জমিতে পুরনো বটগাছের কাছে নতুন কালীবাড়ি হয়েছে। কালীবাড়ি তৈরির সব ইট বিজনবিহারীই দিয়েছে। পুরোহিত চক্রবর্তী মশাইও সপরিবারে—স্ত্রী আর দুটি ছেলেকে সঙ্গে নিয়ে এখানে এসে দৃষ্টিচিন্তায় পড়েছিলেন। কি করে দিন চলবে? যজ্ঞমান কোথায়? আর পূজোর ভিড়ও কতটুকু?

কালীপূজা কমিটি তৈরি করে চক্রবর্তীকে অনেকখানি নিশ্চিন্ত করে দিয়েছে বিজনবিহারী। বছরে চার আনা চাঁদা আর একটা সিধা—ধান চাল চিড়ে কিংবা কলাই। এরই মধ্যে শিউলিবাড়ির ষাট-সত্তরজনকে কমিটির সদস্য করে ফেলেছে বিজনবিহারী। কিন্তু তবু চিন্তা করতে হচ্ছে, চক্রবর্তীর জন্য আর কি ব্যবস্থা করা যায়। তা না হলে সত্যিই যে ছেলেপুলে নিয়ে কষ্টে পড়বে চক্রবর্তী।

কবিরাজ সেনবাবুর জন্যে এতটা চিন্তা করতে হয়নি। তাঁর জন্য শুধু এক বিঘা বসত জমির ব্যবস্থা করে দিতে হয়েছে।

ঝুমরা রাজ আর তাঁর রাজপুত্র কুটুমদের বাড়ি থেকে সেনবাবুর ঘন ঘন ডাক আসে। তা ছাড়া শিউলিবাড়ির এতগুলি ঘর তো আছেই। এরই মধ্যে মন্দ রোজগার করছেন না সেনবাবু। সেনবাবুর স্ত্রী একদিন এসে নিরুপমাকে নতুন সোনার বালা দেখিয়ে দিয়ে গেছেন। সেনবাবুর মেয়ে দুটি বড় শান্ত। সুনন্দার সঙ্গে খেলা করতে এসে এ-বাড়িতেই ভাত খেয়ে ঘুমিয়ে পড়ে।

দেখতে পায় বিজনবিহারী, লুকোচুরি খেলার জন্যে তৈরি হয়েছে সুনন্দা, রামসিংহাসনের তিন ছেলেমেয়ে, সেনবাবুর দুই মেয়ে আর নতুন বস্ত্র লালাদের যত ছেলেমেয়ে।

সাইকেল নিয়ে ঘরের বাইরে এসে একবার থমকে দাঁড়ায় বিজনবিহারী। গোল হয়ে ঘিরে দাঁড়িয়েছে বাচ্চাদের দল, মাঝখানে সুনন্দা। বাচ্চাদের বুক ছুঁয়ে ছুঁয়ে আর ছড়া কেটে ছুট আর ফুট গুনছে সুনন্দা—আড়াং বাড়াং তিতা তোর, বীর বার শং!

সাইকেলটা ঝপাং করে মাটিতে শুইয়ে দিয়ে ব্যস্তভরে এগিয়ে আসে বিজনবিহারী।—আর একটা ছড়া আছে নন্দু, খুব ভাল ছড়া।

শিখিয়ে দাও।

শেখ, সবাই শেখ।...উচ্ছে পটল চচ্চড়ি, তাতে দিলাম ফুলবাড়ি—ফুলবাড়িটা গলে গেল, সবাই মিলে এক পা তোল।

বিজনবিহারী এক পা তুলে দাঁড়ায়, বাচ্চার দলও এক পা তুলে দাঁড়ায়। সব শেষে যার পা পড়ে, সে ছুট হয়ে সরে দাঁড়ায়।

বিজনবিহারী বলে—বল আবার বল; উচ্ছে পটল চচ্চড়ি...।

হল্লা শব্দে নিরুপমা বের হয়ে আসে—এটা আবার কী শব্দ করলে?

সাইকেলটাকে তুলে নিয়ে বিজনবিহারী বলে—একটা বাংলা স্কুল চালু না করে উপায় নেই নিরু। তোমার নন্দুর ভাষা আড়াং বাড়াং করতে শব্দ করে দিয়েছে।

হ্যা, বাংলা স্কুলটা চালু করতে একটা বছরের বেশি সময় লাগেনি। একটা প্রাইমারি স্কুল। স্কুল কমিটির প্রথম প্রেসিডেন্ট বিজনবিহারী। সেনবাবুর দুই মেয়ে, চক্রবর্তী মশাইয়ের তিন ছেলে আর স্টেশনের দুই বাঙালী পরিবারে চারটি ছেলেমেয়ে। তাছাড়া বাঙালী নয় যারা, তাদেরও বাড়ির পঁচিশটি ছেলে-মেয়ে নিয়ে শিউলিবাড়ির প্রথম স্কুলের প্রতিষ্ঠার উৎসব যেদিন হয়ে গেল, সেদিন আবার রাতের আকাশটার দিকে তাকিয়ে চিকচিক করেছিল বিজনবিহারীর চোখ।

নিরুপমা বলে—স্কুলের কি নাম হল?

রমাসুন্দরী বেঙ্গলী প্রাইমারি স্কুল।

চমকে ওঠে নিরুপমা। এখন আর বুঝতে অসুবিধে নেই, কেন চিকচিক করছে বিজনবিহারীর চোখ দুটো।

জোরে একটা নিঃশ্বাস ছেড়ে হেসে ওঠে বিজনবিহারী।—কেন যেন মেজদির নামটা হঠাৎ মনে পড়ে গেল। তাই স্কুলটাকে ওই নামটা দিয়ে দিলাম। মেজদির বাড়ির দানাদার সন্দেশের স্বাদ আজও তো ভুলতে পারিনি, নিরু।

নিরুপমার চোখ দুটো যেন আবার ছলছল না করে ওঠে, তাই বোধ হয় আরও জোরে চেঁচিয়ে কথা বলতে থাকে বিজনবিহারী।—চক্রবর্তী মশাইয়েরও একটা সুবিধে হয়ে গেল। বাঙালী বাচ্চাদের বাংলা পড়াবেন, হিন্দী বাচ্চাদের অঙ্ক। বড়ো লালাবাবু হিন্দী পড়াবেন। দুই মাস্টারের মাইনের জন্য স্কুল কমিটি দেবে দশ টাকা, আর জেলা বোর্ড দেবে দশ টাকা।

কবিরাজ সেনবাবুকে আর কালীবাড়ির পুরোহিত চক্রবর্তীকে শিউলিবাড়িতে আনতে গিয়ে পুরো একটা বছর কী চেষ্টা আর কত চিন্তাই না করতে হয়েছে। বিজনবিহারীর কাছ থেকে নানা অনুরোধের আর অঙ্গীকারের চিঠি নিয়ে রামসিংহাসন বার বার ছুটেছে বধু'মানে আর রাণীগঞ্জে। মাটিসাহেব নামে শিউলিবাড়ির সবচেয়ে সম্মানের আর দাপটের এক ভুল্ললোকের কাছ থেকে

অনেক ভরসার পাকা কথা পেয়ে আর রেল-খরচ পেয়ে তবে তাঁরা এসেছেন। নিরুপমার কাছে আগেই বলে রেখেছিল বিজনবিহারী—আমি ওদের আনিয়ে ছাড়ব, নিরু।

নিরুপমাও দেখে আশ্চর্য হয়েছে, বয়সটা চল্লিশ বছর পার হয়ে গেলেও মাটিসাহেবের সেই জেদের মাটি একটুও নরম হয়ে যায়নি।

কাঁতিক মাসের হিমেল কুয়াশায় ভরা শিউলিবাড়ির অমাবস্যায় শীতাতুর মাঝরাত যখন একেবারে নিশ্চব্দ, কালীবাড়িতে শ্যামাপদ্মজার ঘণ্টাধ্বনি যখন বাজতে শুরুর করে, সিধো চামার যখন ঢাক বাজায়, তখন কমিটির প্রেসিডেন্ট এই মাটিসাহেব যেন রাতজাগা দুরন্ত ছেলের উৎসাহ নিয়ে আর চঞ্চল হয়ে কালীবাড়ির আঙিনায় ছুটোছুটি করে। লোক পাঠিয়ে ফুলনবাবুকে খবর দেয়, নতুন বস্তির লালাদেরও ডেকে পাঠায়, শিগগির চলে এস সবাই, ভোগ হয়ে যেতে আর দেরি নেই। সবাইকে প্রসাদ নিয়ে যেতে হবে।

রেলওয়ের এক বাঙালী অফিসার এসেছিলেন। স্টেশনে রেস্টরুমে একটা দিন ছিলেন। পদস্থ অফিসার, তাঁর খাওয়া-দাওয়ার অভিরুচিও বেশ পদস্থ। গাঙ্গুলীবাবু একটু চিন্তায় পড়েছিলেন। কিন্তু শেষ পর্যন্ত গাঙ্গুলীবাবুকে একটুও ব্যস্ত হতে হয়নি। শিউলিবাড়ির মাটিসাহেবই অফিসারকে খাওয়াবার সব দায় খুঁশি হয়ে নিজের উপর টেনে নিয়েছেন। নিজের হাতে পোলাও আর মাংস রান্না করেছে বিজনবিহারী, নিরুপমা রেংখেছে বড়ি দিয়ে আড় মাছের ঝোল, কাঁচা পেঁপের সন্ধু, লাউয়ের ঘণ্ট আর পায়েস। অফিসার ভদ্রলোক বিজনবিহারীকে বলেছেন, আপনি মশাই এখানে না থাকলে ছাতুটাতু থেয়ে আমার বোধ হয় একদিনেই পাঁচ পাউন্ড ওজন হারাতে হত।

অফিসারকে নিজের বাগানের এক বৃড়ি পেঁপে উপহার দিয়ে বিজনবিহারী দুটো কাজের কথাও বলে নিয়েছে।—স্টেশনের

নামটা শব্দ ইংরেজী হরফে লেখা আছে স্যার, আপনি কাইন্ডলি একটা ব্যবস্থা করুন, যাতে বাংলা হরফেও নামটা লেখা হয়।

তা হয়ে যাবে। একটা অর্ডার করিয়ে দিতে পারব।

তা ছাড়া, এই ম্যাপটা একবার দেখুন স্যার, কত সম্ভ্রম কত ভাল ভাল প্লট বিক্রি হচ্ছে। শিউলিবাড়ির চমৎকার জল-হাওয়ার কথাটা আপনারও জানা আছে নিশ্চয়। সুতরাং যদি একটু প্রচার করে দেন যে...

কিসের প্রচার?

আমার ইচ্ছে, বাঙালীরা এখানে এসে যেন জমি কেনেন আর বাড়ি করেন।

ভাল কথা বলেছেন। আমার মনে হয়...হ্যাঁ...রামরাজাতলার যশোদাবাবুকে জানালে কাজ হতে পারে। ভদ্রলোক রটনা করতে খুব পোক্ত।...দিন আপনার ম্যাপটা।

মাটিসাহেবের মাটি-কাটা ঠিকদারীর কাজও বেড়েছে। কারণ সিলুয়াডিতে আরও দূরটো নতুন কোলিয়ারী চালু হয়েছে। নতুন নতুন আরও রাস্তা খুলতে হবে। সিলুয়াডি রোডের আট মাইলের পোস্ট থেকে এদিকে উনিশ মাইলের পোস্ট পর্যন্ত নতুন কাঁকর আর মাটি ফেলতে হবে। রাস্তাটা চওড়া না করলে কয়লা-বোঝাই মোটর ট্রাক চলতে পারবে না।

দুধিয়া সিমেন্ট কারখানার জন্যও জঙ্গলের ভিতরে তিনটে ছোট-বড় সড়ক খুলতে হচ্ছে। মাটি কাটাবার ঠিকে পেয়েছেন মাটিসাহেব। একটা সড়ক চালু হয়ে গিয়েছে। দিন-রাত চুনাপাথরে বোঝাই হয়ে মোটর-ট্রাক নতুন সড়কে ছুটতে শুরু করেছে।

মাটিকাটার কাজটাকে হাসিতে খুশিতে, গানেতে আর ছড়াতে ভরে দিয়েছেন মাটিসাহেব। আগে শব্দ নিজেই মন্ডারি ভাষায় গান গেয়ে মাটি-কাটা কুলির দলের ছেলে-মেয়ে বড়ো-বড়িকে হাসাতেন। আজকাল একটা নতুন কান্ড করছেন। বাংলা গান গেয়ে মন্ডা আর ওরাও কুলির দলকে খুশি করছেন। হরি দিন

তো গেল সম্ভা হল—মাটিসাহেবের গানটা বার বার শুন শুন কলির দলও গানটাকে যেন গলায় গেঁথে নিয়েছে। এক একদিন, শালবনের মাথায় যখন বিকেলের রোদ একটু ম্লান হয়ে আসে, তখন মাটিসাহেবের গান শুনতে পেয়ে যত হোরো টিগ্গা আর কজ্জুর হাতের কোদাল নামিয়ে রেখে ব্যস্তভাবে ছুটে আসে। মাটিসাহেবের সেই ‘হরি দিন তো গেল’ সঙ্গে গলা মিলিয়ে একজন হোরো আর দু’জন টিগ্গা গান গায়, আর একজন কজ্জুর হয়তো মাদল বাজাতে শুরু করে।

মাটিসাহেবের বাগানটা যেন চাঁপাকলার জঙ্গল। চুঁচড়োর সরকারী কৃষির অফিসে পঞ্চাশ টাকা পাঠিয়ে দিয়ে পাঁচশো চাঁপা কলার চারা আনিয়েছিলেন মাটিসাহেব। কিছু বিলিয়েছেন মন্ডাদের গায়ে গায়ে, কিছু শিউলিবাড়িতে, আর বাকিটা নিজের বাগানে পুতেছেন। মাটিসাহেবের বাগানের প্রথম পাকা কলার কাঁদি কালীবাড়িতে পাঠিয়ে দিয়েছিলেন মাটিসাহেব, তার পরের মাসেই প্রায় পঞ্চাশ কাঁদি কলা বেচে আর দশ কাঁদি কলা শিউলিবাড়ির ঘরে ঘরে বিলিয়ে চেঁচিয়ে উঠেছিলেন মাটিসাহেব—আসছে বছরেই দেখতে পাবে নিরু, রাঁচির পাইকারেরা আর শেওড়াফুলি যাবে না, ওরা এই শিউলিবাড়ির বাজারে চাঁপাকলা কিনতে ছুটে আসবে।

নিরুপমা হাসে—তোমার কইমাছের অবস্থা কি দাঁড়াল?

খুব ভাল অবস্থা। শিগগির দেখতে পাবে, শিউলিবাড়ির বাজারে কইমাছ উঠেছে।

বছর দুই আগেলালগোলা থেকে একদল জেলে আর দশ হাজার কইমাছের চারা আনিয়ে ঝুমরা রাজের চারটে ঝিলের জলে ছেড়েছিল বিজনবিহারী। কিছু কালবোশের চারাও ছাড়া হয়েছিল। দেখে এসেছে বিজনবিহারী, সে কই এখন বেশ বড় হয়েছে, শালকের ডাটা ছিঁড়ে তছনচ কাঁড় করছে কইয়ের ঝাঁক। ঘাই মারছে ডাগর কালবোশ।

প্রায় তিনটে মাস ধরে সন্ধ্যা থেকে শুরু করে সারারাত পর্যন্ত হাত চালিয়ে একটা জাল বনেছে বিজনবিহারী, কইধরা জাল। সকালবেলায় জালটাকে হরিতকীর কষে চুবিয়ে চুবিয়ে আর ব্যস্ত-স্বরে ডাক দেয় বিজনবিহারী—নিরু তুমি কোথায় ?

এই তো।

তুমিও তো এসব কাজ কিছ-কিছ করতে পার, নিরু।

আমি ?

হ্যাঁ।

আমি কইমাছ ধরব ?

আরে না ; এসব কাজ মানে একটু-আধটু শখের কাজ। তার মানে শিউলিবাড়ির মেয়েগুলোকে অন্তত আলপনা আঁকার কার্যদাটা শিখিয়ে দিতে পার তো।

নিরুপমার ঠাট্টার চোখ দুটো করুণ হয়ে যায়। মানুষটা বেকাজের কথা বলছে, সে কাজ যে মানুষটার আত্মার একটা রত্ন হয়ে উঠেছে। এই মাটি-কাটা খাটুনির মধ্যেও সর্বক্ষণ যেন স্বপ্ন দেখছে, একটা হারানো জগতের যত ফুল ফল কইমাছকে ডেকে ডেকে হয়রান হচ্ছে আর খাটছে। এই তো, সেদিন বিন্ধ্যাচলী এসে বলে গেল বলেই জানতে পেরেছে নিরুপমা, বাঙালীবাবু আজকাল রোজ একবার গিয়ে রাজমোহিনীর বাপকে ক্ষীরমোহন আর সরপুঁরিয়া তৈরি করা শেখাচ্ছে! হাঁ দিদি, বাঙালী মিঠাইভি তোহর ঐসন মিঠি বা!

বলতে ইচ্ছে করেছিল, কিন্তু বলতে পারেনি নিরুপমা, আমি একটুও মিষ্টি নই বিন্ধ্যাচলী, মিষ্টি তোমাদের ওই বাঙালীবাবু, ওর স্বপ্নটাও মিষ্টি। শিউলিবাড়ির পাথরে মাটিকে মিষ্টি করে দেবার জন্য ও শুরু একাই খাটছে। আমি একটা অপদার্থ। আমার কোন গুণ নেই যে ওকে সাহায্য করতে পারি।

বিজনবিহারীর হাতের জানলাটার দিকে তাকিয়ে নিরুপমা বলে—তুমি এখন ওটা রেখে দাও লক্ষ্মী, একটু জিরোও।

জিরোলে চলবে কেন ?

আমাকে বলে দাও কি করতে হবে, সব করে দিচ্ছি।

কিন্তু আমি যে কথাটা বললাম....।

শুনছি। রাজমোহিনীর বিয়েতে আমি নিজেই গিয়ে আল-পনা এঁকে দিয়ে আসব।

আঁ ? রাজমোহিনীর বিয়ে ? কত বয়স ? হল রাজমোহিনীর ?
তা মন্দ কি ? ষোল-সতর হবে। ওদের মতে একটু বেশি বয়স হয়ে গেছে।

তাহলে আমাদের নন্দুর কত বয়স হল ?

তের পার করেছে নন্দু।

তাঁ হলে তো নন্দুর বিয়ের কথাটা এখন থেকেই ভাবতে হয়।

ভাবা তো উচিত। বলতে গিয়ে নিরূপমার চোখের পাতা যেন চমকে কেঁপে ওঠে, আর মুখটাও গম্ভীর হয়ে যায়।

নিশ্চয় উচিত। বলতে বলতে হাত ধুয়ে নিয়ে আর হেসে হেসে বাগান দেখতে চলে যায় বিজনবিহারী।

বোধ হয় বলতে চেয়েছে বিজনবিহারী, ভাবা উচিত নিশ্চয়, কিন্তু ভাবনা করা নিশ্চয় উচিত নয়। সুনন্দার বিয়ে দিতে হবে—কল্পনাটা যেন নিজেরই খুঁশিতে হেসে উঠেছে। বিজনবিহারীর চোখের দৃষ্টি আর গলার স্বরে অদ্ভুত এক স্নেহাস্ত্র আনন্দ উথলে উঠেছে। তাই স্বচ্ছন্দে হেসে হেসে বাগানের কাজে ব্যস্ত হবার জন্য চলে গেল বিজনবিহারী।

না, নিরূপমাও আর ভাবনা করে মনের ভার বাড়তে চায় না। ভাবনা করবার কোন দরকার হয় না। ওই মানুষটা যে ভাবনা জন্ম করবার যোন্ধ্যা, আর ভরসা তৈরি করবার কারিগর। অনেক-বার এমন হয়েছে, সুনন্দার মুখটাকে নিজের হাতে সাবান দিয়ে ধুয়ে, চোখে কাজল বুলিয়ে, কপালের উপর ছোট্ট একটা কুম-কুমের তারা এঁকে দিতে গিয়ে হঠাৎ নিরূপমার চোখের হাসি গম্ভীর হয়ে গিয়েছে। যেন আচম্কা একটা কালো-ছায়া

দেখতে পেয়েছে নিরুপমা । কিন্তু...না, ভুল দেখেছে নিরুপমা ।
বিজনবিহারীর মূখের অবাধ হাসিটা যেন ফটিকজলের হাসি,
নিরুপমার চোখের সব গম্ভীরতা ধুয়ে দিয়ে চলে গিয়েছে ।

না, ওই কালোছায়াটা কালো বটে, ছায়াও বটে । কিন্তু অন্ধ-
কারের কালো নয় । ওটা শিবপদকূরের ডাঙার বৃকের সেই
তালবনের ছায়ার মত একটা কাজলমায়ার কালো । চড়কের মেলা
দেখতে যারা দূর গাঁয়ে যায়, তাদের মাঝপথের আর মাঝবেলার
শান্তি হল ওই তাল বনের কালোছায়া ।

॥ চোদ্দ ॥

রাজমোহিনীর বিয়েতে আলপনা এঁকেছে নিরুপমা । কিন্তু
এই একটি আলপনা দেখে শিউলিবাড়ির যেন চোখ ভরেনি ।
লালাদের বাড়ির বউ আর মেয়েরা বার বার এসেছে, নিরুপমার
কাছে আলপনা আঁকা শিখেছে ।

ওরা মোচা রাঁধতে জানে না নিরু, মোচাগদুলোকে জঞ্জাল মনে
করে ফেলে দেয় । তুমি যদি ওদের একটু শিখিয়ে দাও, তবে
ভাল হয় । বিজনবিহারীর ইচ্ছের কথাটা যেদিন শুনতে পেল
নিরুপমা, তারপর বোধহয় তিনটে মাসও পার হয়নি, ভাত খেতে
বসে এক বাটি মোচার ঘণ্টের দিকে তাকিয়ে হেসে ওঠে বিজন-
বিহারী—ঘণ্টের চেহারা খুব খুলেছে দেখছি ।

নিরুপমা হাসে—মুখে দিয়ে নিয়ে বল, কেমন হয়েছে ?

মোচার ঘণ্ট মুখে দিয়ে বিজনবিহারী আরও খুশি হয় ।—
চমৎকার ।

কিন্তু আমি রাঁধি নি ।

আঁ ? কে রেঁধেছে ?

ফুলনবাবুর ছেলের বউ পার্বতী রেঁধে পাঠিয়েছে ।

কি আশ্চর্য ! কিন্তু...মনে হচ্ছে, কেউ যেন পার্বতীকে শিখিয়ে

দিয়েছে ।

তা তো বটেই ।

কে শেখাল ?

তুমি যাকে বলেছিলে, সেই শিখিয়েছে ।

নিরুপমার মূখের দিকে তাকিয়ে যেন একটা পরম কৃতার্থতার
আনন্দে চোখ বড় করে হাসতে থাকে বিজনবিহারী—তাই বল ।

শতদ্বন্দ্ব বাবুর মেয়েও এসেছিল ।

কেন ?

বাঙালী রান্না শিখতে চায় ।

শিখিয়েছ ?

হ্যাঁ ।

কি শেখালে ?

ফোড়ন দিয়ে চালতের অম্বল ।

খুব ভাল করেছে । ফোড়নের রান্না ওরা একেবারেই জানে না ।

তা ছাড়া চালতে যে খাওয়া যায়, তাও জানতো না ।

নন্দুও একটা কান্ড করেছে ।

কি করল নন্দু ?

লালাদের বাড়ির বড়িদের অবশ্য রাজি করাতে পারেনি নন্দু,
কিন্তু বউগদুলোকে আর মেয়েগদুলোকে বাঙালী ধরনে শাড়িপরা
ধরিয়েছে ।

বল কি ? চেঁচিয়ে ওঠে বিজনবিহারী ।

এমন কি বিন্ধ্যাচলীকেও একদিন...। হেসে ফেলে নিরুপমা ।

ও কি ? বিন্ধ্যাচলীই যে কথা বলছে । যেন একটা হাসির
কংকার লুটোপুটি করে এগিয়ে আসছে—অব তো আমি নন্দুরার
শাশুড়িকে সাথে বাংলা বোলি বলতে পারবে ।

একেবারে রান্নাঘরের দরজার কাছে এসে দাঁড়ায় বিন্ধ্যাচলী ।
দু' ফেরতা দিয়ে শাড়ি পরা আর আঁচল দোলানো একটা মূর্তি ।
কিন্তু বিজনবিহারীকে দেখতে পেয়েই জিভ কেটে লজ্জিত

আতঙ্কের মত ছুটে পালিয়ে যায়।

কাঁথা সেলাই করছিল নিরুপমা। পালতোলা নৌকো নদীর জলে ভাসছে নকশাটার নদীর জলের ঢেউগুলো নীল সূতোর, নৌকোটা লাল সূতোর। বাকি সবটা সাদা সূতো দিয়ে পিঁপড়ে-সারি ফোঁড়ের সেলাই। মাটিসাহেবের বাড়ির কাঁথা দেখে হরি রাজপুত্রের মা আশ্চর্য হয়—আহা! কী সুন্দর জিনিস! কেমন করে বানাতে, এ নন্দকে মাস্ট্রি?

নিরুপমা—শিখবেন?

শিখিয়ে দেবে তবে তো শিখব।

একটা বছর ধরে নিরুপমার ঘরে সারাটা দুপুর বসে বসে, একা হরি রাজপুত্রের মা নয়, ফুলনবাবুর ছেলের বউ আর লালাদের মেয়েরাও কাঁথা সেলাই করেছে। নিরুপমা, বলতে গেলে, একরকম হাতে ধরে সবাইকে কাঁথা সেলাইয়ের কাজ শিখিয়েছে।

আর একটা বছর পার হতেই শিউলিবাড়ির জীবনে আরও একটা উৎসবের মত কাণ্ড করে ফেলল যে, সে হল খেজুর রসের পায়ের। বিজ্ঞানবিহারীর বাড়িতে নিমন্ত্রণ পেয়ে স্কুল কমিটির সবাই যেদিন খেজুর রসের পায়ের খেল, বলতে গেলে সেদিন থেকেই উৎসবটা শুরু হয়েছিল। শীতের পুরো তিনটে মাস ধরে, যেমন রামসিংহাসনের বাড়িতে তেমনই ফুলনবাবুর আর লালাদের বাড়িতে খেজুর রসের পায়ের রাখবার ধুম পড়ে গেল। বর্ষায় দিয়েছিল বিজ্ঞানবিহারী—আগে বেশ ঘন করে রস জ্বাল দিয়ে নেবেন, তারপর ভিন্ন করে দুধে চাল ছেড়ে দিয়ে চাল দেবেন। বেশ একটু ক্ষীর-ক্ষীর হলে তাতে রস ঢেলে দিয়ে, শেষে এলাচ গুঁড়ো ফেলে দিয়ে...।

রমাসুন্দরী বেঙ্গলী প্রাইমারি স্কুলের নামটারও উন্নতি হয়েছে। ওটা এখন রমাসুন্দরী বেঙ্গলী মাইনর স্কুল। মাইনর স্কুলে শুধু ছেলেরা পড়ে, কাজেই নতুন করে একটা প্রাইমারি স্কুল করতে হয়েছে—শিউলিবাড়ি প্রাইমারি স্কুল, প্রেসিডেন্ট হয়েছেন

ফুলনবাবু ।

মাইনর স্কুলের ছাত্রের সংখ্যা দশ'শোরও বেশি । তার মানে এই সাত বছর ধরে প্রায় পঁচিশ জন করে ছাত্র বেড়েছে । ছ'জন নতুন টিচার এসেছে । শূধু এক হিন্দী টিচার ছাড়া আরসবাই বাঙালী । প্রেসিডেন্ট বিজনবিহারী বাঙালী টিচারদের সবাইকে অনুরোধ করেছিলেন, আপনারা ফ্যামিলি নিয়ে আসুন । বাসা ভাড়ার জন্য মাসে তিন টাকার বেশি লাগবে না । লালাদের পাড়াতে পাঁচ-ছ'টা বাড়ি খালি পড়ে আছে । আমি বলে দিলে সম্ভায় ভাড়া দিতে রাজি হয়ে যাবে লালারা ।

ফ্যামিলি নিয়ে এসেছেন টিচারেরা । থার্ড টিচার পদ্মকর দত্তের কান্ড দেখে খুব খুশি হয়েছেন প্রেসিডেন্ট । মাইনে পঁচিশ টাকা, বয়সেও ছেলেমানুষ বললেই চলে, সংসারের দায় বলতে কি বোঝায় আর ঝুঁকি কত, তা'ও বোধ হয় জানে না ; তবু অন্ধ বিধবা মা, একটা বোন আর তিনটে ভাইকে দেশ থেকে আনিয়েছে পদ্মকর । হেডমাস্টার দীনবন্ধুবাবু কিন্তু এরই মধ্যে তিন কাঠা জমি কিনে দুটো ঘর তুলে ফেলেছেন ।

কিন্তু ওদিকে, স্টেশনের পূর্ব দিকের সৌখিন জমির প্লট ছাপিয়ে পঞ্চাশটারও বেশি বাড়ি উঠেছে, আরও উঠছে । কলকাতার তিন ব্যারিস্টারের বাড়ি, বর্ধমানের এক জমিদারের বাড়ি, হুগলীর দুই ডাক্তারের বাড়ি । কোলিয়ারির বাঙালী স্টাফেরাও অনেকে বাড়ি করে ফেলেছেন । রাঁচির মাড়োয়ারীরা যে-সব বাড়ি তৈরি করেছেন, সেগুলির বেশির ভাগই ভাড়া খাটে । আর ভাড়াটেদের বেশির ভাগই বাঙালী । পূজোর সময় আর শীতের সময় হাওয়া-বদলের জন্য বাঙালীরা সবচেয়ে বেশি ভিড় করে । কোন বাড়ি আর খালি থাকে না ।

শিউলিবাড়ির এই সৌখিন উপনিবেশ, যার নাম ঝুমরা কলোনি, তার কলরবের মধ্যেও মাটিসাহেবের নামটা প্রায় সব সময় বেজেই চলেছে । মাটিসাহেব কি বললেন ? মাটিসাহেব কি ধোপা

যোগাড় করে দিতে পারলেন? মাটিসাহেবকে বললেই তো হয়, বাসক পাতা আনিয়ে দিতে পারবেন। ঝনঝন জন্যে একজন টিউটর দরকার ছিল, কই, মাটিসাহেব কি ব্যবস্থা করলেন বুঝতে পারছি না। এবার কিন্তু মাটিসাহেব সত্যিই খুব বিশ্বাসী একটা চাকর যোগাড় করে দিয়েছেন। শুনলাম, আজ বিধুবাবুর বাড়িতে ঝনঝনী পাঠিয়েছিলেন মাটিসাহেব। আমি অপেক্ষায় আছি, মাটিসাহেবের বাড়িতে হরিণের মাংসের ফীস্ট খেয়ে তারপর কলকাতা রওনা হবে। পিসিমার দাঁতের ব্যথার একটা চমৎকার জ্বলী ওষুধ এনে দিয়েছেন মাটিসাহেব। মিনতির হারের স্কেটটার একটা পাথর খুলে গেছে, কে জানে মশাই কে সেট করবে? মাটিসাহেব তো বললেন, ভাল স্যাকরা আছে। যাই হোক, শুনতে পেলাম, মাটিসাহেব এবার উঠে-পড়ে লেগেছেন, ক্লাবটা যাতে তাড়াতাড়ি হয়।

শিউলিবাড়ি ক্লাব। একটা ঘরে দুটো আলমারিতে বাংলা বই ঠাসা, আর একটা ঘরে তাস দাবা আর ক্যারম। বারান্দার সামনে ছোট এক টুকরো মাঠের উপর ব্যাডমিন্টন। শুধু এক শিউলি-বাড়ি ক্লাবের প্রতিষ্ঠা করতে গিয়ে মাটিসাহেবের জীবনের যে পুরো পাঁচটা বছর পার হয়ে গিয়েছে, আর বয়সটা পঁচাত্তর পার হয়ে আরও পাঁচ বছর এগিয়ে গিয়েছে, এই হুঁসও বোধ হয় মাটিসাহেবের নেই।

ক্লাবের সেক্রেটারি হয়েছে যে সে হল ব্যাডমিন্টনে কলেজ চ্যাম্পিয়ন মোহিত ঘোষ। মাটিসাহেবের প্রায় অর্ধেক বয়সের এমন একটি কাজের মানুষ থাকতেও ক্লাবের বাড়ি তৈরি থেকে শুরু করে সতরঞ্চি কেনা পর্যন্ত সব দরকারের খোরাক যোগাড় করতে গিয়ে ক্লাবের প্রেসিডেন্ট মাটিসাহেবকেই একটা রসিদ বই পকেটে নিয়ে ছুটতে হয়েছে, কখনও সিলদুয়াডি কোলিয়ারীর সাহেবের কাছে, কখনও বা দুধিয়া সিমেন্ট কারখানার আগর-ওয়ালার কাছে। সিলদুয়াডির সাহেব আর দুধিয়ার আগরওয়ালার

যদিও তিন টাকা আর তিন টাকা মোট ছ' টাকা দান করেছিলেন, আর নতুন বাঙালী আগন্তুকেরা দান করেছিলেন মোট ছাপান্ন টাকা চার আনা, কিন্তু মাটিসাহেবকে সেজন্য একটুও বিচলিত বা চিন্তিত হতে দেখা যায়নি। রসিদ বইটা পকেটেই থাকে। পথে যেতে যার সঙ্গে দেখা হয়, তার কাছেই চেয়ে বসেন, দু-আনা চার-আনা যা-ই হোক, শিউলিবাড়ির ক্লাব ফন্ডে প্রীজ ডোনেট স্যার, কিছু দান করুন মশাই, কিছু দিজিয়ে লালাজী, দেহা হো মাহাতো, এয়াম কে তিয়ারী মে।

এস্টেমেট বলছে আটশো টাকা চাই, কিন্তু এত চেষ্টা করেও ষোণাড় হয়েছে শুধু দুশো ষোল টাকা এগার আনা। বিজন-বিহারী হেসেছিলেন—ক্লাবটা বেশ ভোগাবে বলে মনে হচ্ছে।

নিরূপমা আশ্চর্য হয়েছিলেন—কোথায় ক্লাব?

বিজনবিহারী—কোথাও নেই। সেইজন্যই তো বলছি, ক্লাবের বাড়ি তৈরির জন্য মাত্র দুশো ষোল টাকা এগার আনা চাঁদা উঠেই, বাস, একেবারে থেমে গিয়েছে। অথচ আরও প্রায় ছ'শো টাকা চাই।

নিরূপমা—ভাল হয়েছে।

কি বললে?

ওসব এখন থেমে যেতে দাও।

তুমি তো এক কথায় নিষ্পত্তি করে দিলে। কিন্তু এতদূর এগিয়ে গিয়ে কি থেমে গেলে চলে?

না থেমে উপায় কি? এত টাকা তুমি পাবে কোথায়?

বিজনবিহারী হাসেন—পাওয়ার সুবিধে আছে বলেই ভাবছি। ফুলনবাবু হ্যান্ডনোটে তিনশো টাকা দিতে রাজি আছেন। আর ...আর ধর এ-বছরের সব অড়হর আর মকাই বেচে আরও দেড়শো টাকা হবে। বাকি রইল দেড়শো টাকা। সে টাকা তো তোমার কাছ থেকেই ধার পেতে পারি।

নিরূপমার মুখের দিকে তাকিয়ে অদ্ভুতভাবে হাসছেন বিজন-

বিহারী, শিউলিবাড়ির মাটিসাহেব, যে মানুষটার বয়স পঞ্চাশ পার হয়ে গিয়েছে। মেয়ে বড় হয়ে উঠেছে, মেয়ের বিয়ের কথা ভাবতে হচ্ছে। আর, গত বছরের ধানবেচা টাকা থেকে মাত্র ওই দেড়শো টাকা বাঁচিয়ে স্ত্রীর কাছে জমা রেখেছেন, মেয়ের গলার একটা সোনার হারের জন্য।

একটি কথাও না বলে ঘরের ভিতরে গিয়ে আর বাস্র খুলে দেড়শো টাকার ছোট পুঁটুলিটাকে বিজনবিহারীর হাতের কাছে ফেলে দিয়ে চলে যান নিরুপমা।

॥ পনের ॥

এ তো প্রায় পাঁচ বছর আগের ঘটনা। কিন্তু পাঁচ বছরেও নিরুপমার কাছে সেই দেড়শো টাকা দেনার একটা টাকাও শোধ করতে পারেননি বিজনবিহারী। এই পাঁচ বছরের মধ্যে সেই টাকার কথা নিয়ে একটিও কথা বলেননি নিরুপমা। বিজনবিহারী অবশ্য প্রতি মাসে অন্তত দুবার করে বলেছেন—মনে আছে, মনে আছে নিরু। তোমার টাকা আমি পাই-পাই শোধ করে দেব।

শোধ করতে পারতেন বোধহয় বিজনবিহারী, যদি একটু জিরোতে জানতেন কিংবা ঝামতে পারতেন। শেষ জানা নেই, যেন এইরকম একটি পক্ষে মাটিসাহেবের যত ইচ্ছার চেষ্ঠার আর কল্পনার প্রাণটা এগিয়ে চলেছে। মাথার অনেকখানি সাদা হয়ে গিয়েছে, বড়-বড় একজোড়া গোঁফ যেন ঠোঁটের ফাঁকে শান্ত হাসিটাকে অদ্ভুত একটা ছায়া দিয়ে ঢেকে ফেলেছে। মাথায় শোলার হ্যাট, পিঠে বন্দুক, পায়ে বৃত্ত, গায়ে খাকি কামিজ আর প্যান্ট, মাটিসাহেব তাঁর ছুটোছুটি জীবনের চিরকোলেসহচর সেই সাইকেলের সঙ্গে আজও যেন ছুটেই চলেছেন। এ সড়কের শেষ মাইলপোস্ট আর কতদূর? কিংবা সত্যিই কোন শেষ আছে কিনা, প্রশ্নটা যেন মাটিসাহেবের জীবনের কোন প্রশ্নই নয়।

মাটি-কাটা ঠিকেশ্বরীর বিলের টাকা, ধানবেচা টাকা, কলাবেচা পেঁপেবেচা টাকা—এই পাঁচ বছরে টাকা তো বার বার এসেছে। কিন্তু নিরুপমার টাকা মিটিয়ে দেবার সদ্ব্যোগ পেলেন কোথায় বিজনবিহারী?

ক্লাবের বাড়ি তৈরি হয়ে যাবার পর, ক্লাব চালু হবার পর, আর সম্ভ্রাম ক্লাবঘরে দাবার হল্লা হৈ-হৈ করে ওঠবারও পর, পাঁচটা বছর ধরে যেন আর-একটা মানত পালন করবার জন্যে ছুটোছুটি করেছেন আর টাকা খরচ করেছেন বিজনবিহারী।

রুদ্রকিশোর হকি শীল্ড। টুর্নামেন্ট খেলতে টিম পাঠাবে সিলদুয়াড়ি কোলিয়ারি, দুধিয়া সিমেন্ট ওয়াক'স, হুট্‌পা লুথেরিয়ান মিশন। তা ছাড়া আছে শিউলিবাড়ি ইলেভেন। আছে গ্র্যান্ড হিরোজ, অর্থাৎ মাটিসাহেবের মন্ডা কুলিদের দল থেকে বাছাই করা ছোকরাদের একটা টিম। শীল্ড কিনতে হয়েছে, মস্ত বড় একটা সার্মিসানা কিনতে হয়েছে, পঞ্চাশটা চেয়ার তৈরি করাতে হয়েছে, দুটো টিমের ইউনিফর্ম কিনতে হয়েছে। সব খরচ মাটিসাহেবের।

ফুলনবাবুর কাছে গল্প করেছে রামসিংহাসন—মাটিসাহেবের হিরুদয়! কেয়া কহে তসীলদারজী। যেন বাপের কোলঘেঁষা একটা বাচ্চার হৃদয়।

ফুলনবাবু—রুদ্রকিশোর কি মাটিসাহেবের পিতাজীর নাম?

রামসিংহাসন—হ্যাঁ হ্যাঁ, সেই কথাই তো বলছি। কবে সেই ছেলেবেলায় বাপ মরে গেছেন, আজ ছেলের মাথার চুলও সাদা হয়ে গিয়েছে, তবু দেখুন, কী হিরুদয়, বাপের নামটিকেই যেন পূজা করছেন মাটিসাহেব।

ফাইনাল খেলার দিন এস-ডি-ও এসেছিলেন। সিলদুয়াড়ি কোলিয়ারীকে হারিয়ে দিলে শীল্ড পেল শিউলিবাড়ি ইলেভেন। এস-ডি-ও'র হাত থেকে শীল্ড উপহার নিয়ে শিউলিবাড়ি ইলেভেনের ক্যাপ্টেন সেই থাড' টিচার পুঙ্কর দত্ত যখন মাথা তুলে

আর জয়ীর হাসি হেসে চারদিকের ভিড়ের দিকে তাকায়, তখন দেখতে পায় রামসিংহাসন, মাটিসাহেব যেন ছটফট করছেন, আর চোখ দুটো হেসে-হেসে চিকচিক করছে।

সেদিন রামসিংহাসনের বউ বিন্ধ্যাচলীও আর-একজনের চোখ দুটোকে হাসতে দেখে চমকে ওঠে। অদ্ভুত হাসি। সন্ধ্যাতারার মত মিটিমিটি হাসি নয়, রাতের তারার মত ঝিকঝিক করে হাসছে। রামসিংহাসনের বাড়ির সামনের সড়কের উপর শিউলি-বাড়ি রাস্তা কমিটির সবচেয়ে পুরনো ল্যাম্পপোস্টের কাছে দাঁড়িয়ে আছে সুনন্দা। পাশের শিমুলের একটা শাখা একগাদা লালফুলের ভারে নুয়ে গিয়ে সুনন্দার মাথার উপরে আশ্রয় আশ্রয় দুলছে। বিন্ধ্যাচলী তার ঘরের দরজার কাছেই দাঁড়িয়ে দেখতে পায়, বাঙালীবাবুর মেয়ে নন্দুরার মুখটাও যেন শিমুলের ফুলের মত লালচে হয়ে ফুটে রয়েছে।

কি ব্যাপার? এই তো কিছুক্ষণ আগে বিন্ধ্যাচলীর কাছে দাঁড়িয়ে গল্প করছিল সুনন্দা। হঠাৎ সড়কের দিক থেকে একটা জয়ধ্বনির হর্ষ উথলে উঠে বাতাস শিউরে দিতেই সুনন্দা যেন ব্যস্তভাবে এগিয়ে গিয়ে সড়কের একপাশে দাঁড়িয়ে রইল। শিউলি-বাড়ি ইলেভেনের জয় হেঁকে চলে যাচ্ছে একটা ভিড়ের মিছিল। আর, রুদ্রাকিশোর শীল্ড দ্ব’ হাতে বকে জড়িয়ে ধরে সবার আগে আগে চলেছে পুরুষ।

তখন একবার বাঙালীবাবুর বাড়িতে গিয়ে নন্দুরার মা’কে একটা কথা বলবার জন্য যেন ছটফটিয়ে উঠেছিল বিন্ধ্যাচলী। কিন্তু যেতে পারেনি। বিন্ধ্যাচলীর ছটফটিয়ে ওঠা সেই ব্যাকুলতা হঠাৎ স্তব্ধ হয়ে গেল।

বদ্বাতে ভুল হয়েছে বিন্ধ্যাচলীর। দেখতে পায় বিন্ধ্যাচলী, পুরুষের সঙ্গে নয়, অন্য একজনের সঙ্গে হেসে হেসে কথা বলছে সুনন্দা।

রামসিংহাসন বলে—ঝুমরা কলোনিতে থাকে এই ছোকরা

বাঙালী, বেশ ভাল একটা চাকরি করে, আর মাঝে মাঝে বাঙালী-বাবুর বাড়িতে যায়। ওরই নাম মোহিত, ক্লাবের হিসাব-টিসাব রাখে, আর খুব বই পড়ে।

বিন্ধ্যাচলী—আমিও দেখেছি, কিন্তু বাঙালীবাবুর বাড়িতে ওর এত আসা-যাওয়া কেন?

রামসিংহাসন—নন্দুয়াকে পড়াতে আসে।

রামসিংহাসনের ধারণাটা খুব ভুল ধারণা নয়। বিজ্ঞানবিহারীর বাড়িতে প্রায়ই আসে মোহিত। আসবার সময় একগাদা বই হাতে নিয়ে আসে, যাবার সময় একগাদা বই হাতে নিয়ে চলে যায়। সুতরাং, সম্পর্কটা পড়া-শোনার সম্পর্ক বলেই তো মনে হয়।

বিন্ধ্যাচলী অপ্রসন্নভাবে বলে আমার কিন্তু দেখতে কেমন যেন লাগে।

রামসিংহাসন ধমক দেয়—চুপ রহো। যা বোঝ না, তা নিয়ে কথা বলো না। সাবধান।

বিন্ধ্যাচলীর অপ্রসন্নতা ধমক খেয়েও দমে যায় না। রামসিংহাসন তখন শান্ত ভাষায় বদ্বিষয়ে দেয়।—নন্দুয়া তো তোমার রাজমোহিনীর মত একটা হালদুয়াইয়ের মেয়ে নয়, বাঙালীবাবুর মেয়ে। ওদের একটু বেশি বয়সে বিয়ে হয়, আর অনেক লেখা-পড়াও শিখতে হয়।

বিন্ধ্যাচলী—কত বেশি বয়স হবে? নন্দুয়ার বয়স কত হল জান?

কত?

হিসেব করে দেখ, আমার রাজমোহিনীর চেয়ে চার বছরের ছোট হল নন্দুয়া।

চমকে ওঠে রামসিংহাসন—তবে তো প্রায় পঁচিশ হতে চলল নন্দুয়া। হায় রাম!

ঠিক কথা। রামসিংহাসনের মনের একটা বিস্ময় যেন আক্কেপ করে উঠেছে, এত বয়স হয়ে গেল মেয়েটার, তবু বাঙালী-

বাবু'র যেন কোন হুঁস নেই। অন্তত এক মাসের জন্য একবার দেশে গিয়ে মেয়ের বিয়েটা চুকিয়ে দিয়ে আসতে পারে। কিন্তু দেশে হাবার নামও করে না বাঙালীবাবু।

বিন্ধ্যাচলীর মনেরও এটা একটা বিস্ময়। নন্দুয়ার মা আরও অদ্ভুত মানু'ষ। নন্দুয়ার বিয়ের জন্য একটা সামান্য চিন্তার কথাও নন্দুয়ার মা'র ম'খে কোনদিন শোনা গেল না। এত বয়স হয়েছে মেয়ের, তবুও মেয়ে যেন কোলের মেয়েটি। একদিন দেখেছে বিন্ধ্যাচলী, নন্দুয়া একটা আসনের উপর বসে বই হাতে নিয়ে পড়ছে, আর নন্দুয়ার মা নিজের হাতে মেয়েকে ভাত খাইয়ে দিচ্ছেন। বাঙালীবাবুও সন্ধ্যাবেলা বাড়ি ফিরে কি কান্ড করেন, সেটাও অনেকবার নিজের চোখে দেখেছে আর নিজের কানে শুনছে বিন্ধ্যাচলী। ঘরের ভিতরে এদিকে ওদিকে ঘুরঘুর করেন বাঙালীবাবু আর বাঙালীবাবু'র ম'খ থেকে যেন একটা আদুরে উৎসবের যত আবোল-তাবোল ভাষা ঝরে পড়তে থাকে—নন্দু, নন্দু, এ বেটি নন্দুয়া, ও লক্ষ্মী মেয়ে, ও শ্রীমতী সুনন্দা, এক গেলাস জল খাওয়াও তো মা।

দেখতে কী সুন্দরই না হয়েছে নন্দুয়া! বিন্ধ্যাচলী বলে।—
চোখে পড়লে যে রাজামানু'ষও নন্দুয়াকে বিয়ে করতে চাইবে।

রামসিংহাসন বলে—এরকম একটা ব্যাপারও হয়ে গেছে।

কি, কি? কবে হল? বিন্ধ্যাচলীর চোখ দুটো উৎসুক হয়ে জ্বলজ্বল করে।

কুবেরকে চেন? হরচন্দ রায়ের ভাগিনা কুবের?

হ্যাঁ।

জানে বিন্ধ্যাচলী, শিউলিবাড়ির কে-ই বা না জানে, সিংহানী পাঁহাড়ের কাছে নতুন কোলিমারী খুলেছেন যে পাঞ্জাবী বড়লোক হরচন্দ রায়, যার একটা বাংলো স্টেশনের কাছে দেওদার বাগিচার ভিতরে নানা রঙে রঙিন হয়ে ঝলমল করে, তাঁরই ভগ্নীপতী হলেন এক রাজামানু'ষ। জলন্ধরে জায়গীরদারী আছে আর

গয়াতে আছে জমিদারী। হরচন্দ রায়ের ভাগিনা কুবের পাটনাতে থেকে মস্ত বড় একটা কারবার চালায়। সেই কুবের শিউলিবাড়িতে এসেছিল। আর বাঙালীবাবুর মেয়ে সুনন্দাকে বিয়ে করবার জন্যে ফুলনবাবুর কাছে কথা পেড়েছিল।

তারপর? তারপর কি হল? প্রশ্ন করতে গিয়ে বিন্ধ্যাচলীর খুশির কৌতূহল যেন চেঁচিয়ে ওঠে।

তারপর আর কিছ্ হল না। ফুলনবাবুর বউ নন্দয়ার কাছে কথাটা বলেছিলেন। কিন্তু...

নন্দয়া কি বললে?

নন্দয়া বলেছে,—না।

বিন্ধ্যাচলী মাথা নাড়ে—তবে তো মনে হয়, ওঁহি, ওঁহি বা!

কওন? কওন?

মোহিত।

রামসিংহাসন একটা হাঁফ ছেড়ে নিয়ে বলে—হ্যাঁ।

॥ ষোল ॥

যে সত্য শুধু রামসিংহাসনের চোখে নয়, শিউলিবাড়ির আরও অনেকের চোখে ধরা পড়েছে, সেটা কি মাটিসাহেবের চোখে ধরা পড়েনি? যদিও মাটিসাহেবের বয়সটা ষাট বছর হতে চলেছে, মাথাটা সাদা হয়ে গিয়েছে, কিন্তু তাঁর চোখ দুটো তো এখনও আলো-মাথানো নীল আকাশের মত হাসে। সন্ধ্যার জঙ্গলের পথে সাইকেল চালিয়ে ছুটে যেতে এখনও যার চোখে কোন অন্ধকার ঠেকে না, এমনই যার চোখের তেজ, সে মানুষ কি এখনও দেখতে পারেনি যে, মোহিতের হাত থেকে বই নেবার জন্য একটা আশার প্রতীক্ষায় কেমন ব্যাকুল হয়ে শিউলির আশে-পাশে ঘুরে বেড়ায় সুনন্দা? আর সে-সময় সুনন্দার চোখের চাউনিটাও কেমন ম্বপ্নালু হয়ে ওঠে?

নিরুপমার মনেও একটা দঃসহ বিস্ময়ের জিজ্ঞাসা ছটফট করে। এখনও কি চোখে পড়ল না মানুষটার, মেয়ের গলাটা যে শূন্য? মেয়ের বিয়ের জন্য ভাবনা করবার সময় কি এখনও আসেনি? যেন শিউলিবাড়ির আকাশটার ইচ্ছার কাছে সব আশা সংপে দিয়ে একেবারে নিশ্চিন্ত হয়ে গিয়েছেন মেয়ের বাপ। মেয়ের অদৃষ্টের কি হবে, কি হতে পারে, আর কি হতে চলেছে, এসব যেন মানুষটার কাছে কোন প্রশ্নই নয়।

মেয়ের গলার জন্যে সোনার হার গড়াবার জন্যে জমিয়ে রাখা সেই দেড়শো টাকার পুঁটলটাকে যে এখনও নিরুপমার হাতে ফিরিয়ে দিতে পারেননি, সেজন্যেও কি বিজনবিহারীর মনে কোন আক্ষেপ আছে? একটুও না। তাই আজও হেসে হেসে অনায়াসে বলে দিতে পারলেন, মনে আছে নিরু। সামনে একটা খরচের ধাক্কা আছে, সেটা সামলে নিতে পারলেই তোমার দেনা শোধ করে দেব।

বলতে ইচ্ছা করে নিরুপমার—ওটা আমার কাছে তোমার দেনা নয়, ওটা তোমার অদৃষ্টের কাছে তোমার দেনা। কিন্তু বৃকের ভিতরে মূখর হয়ে ওঠা এই দুরন্ত প্রতিবাদের শব্দটাকে যেন মূখ চেপে নীরব করে রেখে দেন নিরুপমা।

বিজনবিহারী তো আকাশের ইচ্ছার কাছে সব ছেড়ে দিয়ে আর নিশ্চিন্ত হয়ে ছুটোছুটি করেন, কিন্তু নিরুপমার চোখ দূটো যে মাঝে মাঝে চমকে ওঠে, আর, একটা অন্ধকারের দিকে তাকিয়ে নিখর হয়ে যায়। সন্দেহ না করে পারেন না নিরুপমা, আর সন্দেহ করতেও বৃক কাঁপে, বিজনবিহারীর এই নিশ্চিন্ততা যেন একটা অসহায়তার অলস ঘুম। একটা অক্ষমতার দঃখ জোর করে ফাঁকির হাসি হাসছে। মেয়ের বিয়ে দিতে কোন চেষ্টাই করতে পারছেন না এই দঃসাহসিক মাটিসাহেব, তাই মিথ্যে নির্ভাবনার কথা দিয়ে ভয় চাপা দিতে চেষ্টা করছেন।

নিরুপমার অভিযোগ ষতই বোবা হয়ে থাকুক না কেন, সে অভিযোগের রূপটাকে স্পষ্ট করে দেখিয়ে দিতে পেরেছেন নিরু-

পমা। তব্দ বিজনবিহারী দেখতে পেয়েছেন কি না সন্দেহ।
নিরুপমার হাতে শব্দ একজোড়া শাখা ছাড়া আর কিছুই নেই।
দলজোড়া খুলে নিয়ে মেয়ের কানে পরিয়ে দিয়েছেন। নিরু-
পমার ছ'গাছি সোনার চুড়ি, সেগুলোও সুনন্দারই হাতে উঠেছে।

হেসে ফেলেছিল সুনন্দা।—তুমি নিশ্চয় বাবার ওপর রাগ
করে এসব কান্ড করছ মা।

নিরুপমা হাসতে চেষ্টা করেন।—ছিঃ, রাগ করব কেন?
আমার আর এসব জঞ্জাল গায়ে রাখতে ভাল লাগে না, লজ্জাও
করে।

সুনন্দা আবার হাসে—বেশ কথা বললে! যদি জঞ্জালই মনে
কর, তবে আমার গায়ে চাপাও কেন? আমিও কি একটা
'জঞ্জাল'?

কেঁদে ফেলেন নিরুপমা। দ' হাতে মেয়ের গলা জড়িয়ে
ধরেন—ছি ছি, এমন সব'নেশে শব্দ কথা বলিসনি নন্দা, বলতে
নেই।

সুনন্দা বলে—কিন্তু তুমি আমার বিয়ের কথা নিয়ে বাবাকে
ব্যস্ত করে তুলবে না মা।

কেন?

কি দরকার!

তার মানে কি? তোর বিয়ে হবে না?

হবে বইকি।

এর মানেই বা কি?

এর মানে, ভাবনা করবার কোন দরকার নেই।

সুনন্দার মূখের দিকে অপলক চোখ তুলে তাকিয়ে থাকেন
নিরুপমা। কি আশ্চর্য, মেয়েও যে ঠিক বাপের মত মনের জোরের
গর্ব দেখিয়ে আর একেবারে ভাবনাহীন হয়ে কথা বলছে! কিন্তু
কেন?

সন্ধ্যাবেলা যখন বাড়িতে ফিরে আসেন বিজনবিহারী, আর

সুনন্দার গাল টিপে যত আবোল-তাবোল আদরের বোল চেঁচিয়ে
চেঁচিয়ে বলতে থাকেন, তখন ডাক দেন নিরুপমা, — শুনছ ?

হ্যাঁ ।

শুনে যাও ।

কি ব্যাপার ?

নন্দু এসব কি কথা বলছে ?

কি কথা ?

বলছে, বিয়ে হবে, ভাবনা করবার কোন দরকার নেই ।

বলেছে নাকি ?

হ্যাঁ ।

তবে ঠিকই বলছে ।

তার মানে ?

তার মানে, মোহিত নন্দুকে বিয়ে করতে চায় ।

বিজনবিহারীর স্নিগ্ধ চোখে নতুন এক সূর্যোদয়ের আভা
হাসছে । আর, মূখের উপর জয়গর্বে'র প্রসন্নতা । যেন জানাই
ছিল বিজনবিহারীর, অলক্ষ্য একটা আশীর্বাদের হাত নন্দুর
মাথায় ধানদুর্বা ছড়িয়ে দেবার জন্য তৈরি হয়েছেই আছে । ভাবনা
করবার কিছু নেই । পঁয়ত্টিশ বছর ধরে মনপ্রাণ আর শরীরটাকে
একমুহূর্তের জন্যও জিরোতে না দিয়ে, যত সাধ স্বপ্ন আর আশার
মাটি ফেলে ফেলে শিউলিবাড়ি নামে যে মায়ার দেশ নিজের হাতে
গড়ে তুলেছেন মাটিসাহেব, সে দেশের সব আলোছায়ার কাছে
মাটিসাহেব যে সবচেয়ে বড় শ্রদ্ধা । সেই শ্রদ্ধার মেয়েকে বরণ
করে ঘরে তুলে নেবার মত মানুস আছে । এখানেই আছে । এখানে
শাস্তুর আর মন্তরকেও যে ডেকে এনে বিজনবিহারী তাঁর গায়ের
জোরে জায়গা করে দিয়েছেন । সুনন্দার বিয়ে ঠিক হয়েছে
জানতে পেলো চক্রবর্তী যে এখনই পাঁজি হাতে নিয়ে হস্তদন্ত হরে
ছুটে আসবে । সেনবাবুর মেয়েরা বোধ হয় এখনই শাখি বাজাতে
শুরু করে দেবে । সূচ্যেত সিং এখনি এককুড়ি ফল পাঠিয়ে

দেবে। হেডমাস্টার দীনবন্ধুবাবুর স্ত্রী উলু দিয়ে ফেলবে, আর রামসিংহাসনের বউ গলা খুলে গান গেয়ে উঠবে—কেকর ঘর চলি সীমা, কেকর ঘর চলি! আর, থার্ড টিচার পদ্মকরও বোধহয় ছুটে এসে খোঁজ নেবে, বিয়ের কাজে খাটতে চাইবে। ব্যান্ডপাটি যদি আনবার দরকার হয়, তবে বলামাত্র রাঁচি চলে গিয়ে সব ব্যবস্থা করে ফিরে আসবে পদ্মকর।

নিরুপমা হাসেন—বিখ্যাচলী সেদিন একটা অদ্ভুত কথা বলছিল।

বিজ্ঞনবিহারী—কি?

হরচন্দ রায়ের ভাণ্ডে কবের নাকি নন্দকে বিয়ে করবার জন্য...।

না না, কখুনো না। কি ভেবেছে হরচন্দ রায়, বাংলাদেশে কি মানুষ নেই?

সে কথা চুকে গিয়েছে। ফুলনবাবুর বউ একদিন নন্দকে কথাটা বলেছিল।

তারপর?

নন্দ জবাব দিয়েছে, না।

বিজ্ঞনবিহারীর মুখের হাসিতে সেই জয়গবের প্রসন্নতা যেন আরও নিবিড় হয়ে টলমল করে।—ওরা বুঝতে খুব ভুল করেছে। আমি যে একটা খাঁটি বাঙালী, আর নন্দ যে মনেপ্রাণে একটা বাঙালী মেয়ে, এটা বোধহয় ওরা ঠিক ধরতে পারেনি। যাই হোক...।

কি-যেন ভাবতে থাকেন বিজ্ঞনবিহারী, আর চোখ-মুখের প্রসন্নতা আরও স্নিগ্ধ হয়ে উঠতে থাকে—আজকাল আমার কি মনে হয় জান নিরু?

কি?

আমাকে আর তোমাকে কেউ যেন ক্ষমা করে আর খুশি হয়ে নতুন একটা আশীর্বাদ পাঠিয়েছে।

কি বললে ? কে পাঠিয়েছে ? নিরুপমার চোখ দূটো থর থর করে কেঁপে ওঠে ।

ছোড়দা পাঠিয়েছে ।

নিরুপমার চোখে যেন একটা অবস্থা শূন্যতা শূন্য ফ্যালফ্যাল করে । কিছুই বুঝতে পারছেন না নিরুপমা, কি বলতে চাইছেন বিজ্ঞনবিহারী । শিউলিবাড়ির এই জীবনে, এই পঁয়ত্রিশ বছরের মধ্যে এই প্রথম ছোড়দার কথাটা বিজ্ঞনবিহারীর মূখে হঠাৎ ডুকরে উঠেছে ।

নিরুপমা বলে—আজ হঠাৎ ছোড়দা কেন... ।

এক হাতে সাদা মাথাটা, আর এক হাতে ধবধবে ফর্সা বুকটাকে চেপে ধরে ষাট বছর বয়সের মাটিসাহেব হঠাৎ ছোট ছেলের মত চেঁচিয়ে কেঁদে উঠলেন ।—ছোড়দা আর নেই, নিরু । খবর পেলাম, কেষ্টনগরের কমলকিশোরবাবু আজ পাঁচ বছর হল মারা গেছেন ।

নিরুপমা দু হাত দিয়ে চোখ মূখের উপর আঁচলটাকে শক্ত করে চেপে ধরে করুণ গুঞ্জনের মত মৃদু একটা কান্নার স্বর চেপে রাখতে চেষ্টা করেন ।

আতঙ্কিত হয়ে ছুটে আসে সুনন্দা । বিজ্ঞনবিহারীর গলা জড়িয়ে ধরে কেঁদে ওঠে—কি হল বাবা ? শিগ্গির বল, কি হল ?

বিজ্ঞনবিহারী তখনই শান্ত হয়ে, আর ফুঁপিয়ে ওঠা বৃকের কণ্টটাকে নিজেই হাত বুলিয়ে যেন ভুলিয়ে দিয়ে আশু আশু হাঁপাতে থাকেন—কে চলে গেছে, কিছুই বুঝতে পারলি না নন্দু ।

কে বাবা ?

তোর জেঠু রে নন্দু ।

এ কেমন জেঠু ? এত বড় মায়ার এক জেঠু পৃথিবীতে কোথাও ছিল, এ সত্য তো কোনদিন শুনতে পারিনি সুনন্দা ।

শুনতে পারিনি, জানতে পারিনি, কেউ বলেনি, ভালই ছিল । আজও না শুনতে পেলে ভালই হত । সুনন্দাকে তা হলে আজ

‘দু’ চোখ ভরে এত করুণ একটা বিস্ময়ের বেদনা নিয়ে বিজন-
বিহারীর মূখের দিকে তাকাতে হত না। বিজনবিহারীকেও
একটা করুণ বিস্ময় বলে মনে হত না। আজ নয়, সেই আট বছর
বয়সের একটি দিনে, যেদিন চক্রবর্তীঠাকুরের মেয়ে অঞ্জালির জন্য
দেশের বাড়ি থেকে আমসত্ত্বের ছোট্ট একটা পাসেরল এসেছিল,
সেদিন নিরুপমাকে প্রশ্নে প্রশ্ন ব্যতিব্যস্ত করে যে সত্য জেনেছিল
সুনন্দা, সেটা হল একটা অদ্ভুত দুঃখের সত্য। দেশ থাকতেও দেশ
নেই, আপনজন বলতে কেউ নেই।—না রে নন্দা, তোর বাবার
বাড়িতেও কেউ নেই, মামাবাড়িতেও কেউ নেউ যে তোকে আদর
করে আমসত্ত্ব পাঠাবে।

সুনন্দা যেন ভয়ে-ভয়ে প্রশ্ন করে।—আমার কেমন জেঠু,
বাবা?

নিরুপমাও যেন হঠাৎ ভয় পেয়ে ব্যস্তভাবে বলে ওঠেন—তোর
আপন জেঠু।

কিন্তু...।

কিন্তু একটা খুব দুঃখের ঝগড়ার জন্য ভাইয়ে-ভাইয়ে ছাড়া-
ছাড়ি হয়ে গেল, তাই তোর বাবার মূখে কোনদিন জেঠুর কথা
শুনতে পাসনি।

সুনন্দা চলে যায়। খাটের উপর উঠে আশ্বে আশ্বে শূন্যে পড়েন
বিজনবিহারী। হাত-পা গুটিয়ে, মাথাটাকে কেমন-যেন অলস-
ভাবে একপাশে এলিয়ে দিয়ে পড়ে থাকেন। মাটিসাহেবের এই
শক্ত পোক্ত চেহারাটা কি-অদ্ভুত একটা ছেলেমানুষী চেহারা।

নিরুপমা বলেন—আঃ, এ কি রকমের শোওয়া? হাত-পা
মেলে একটু টান হয়ে শোও, আমি বাতাস দিই।

চোখ দুটোকে যেন ছলছলিয়ে হাসতে থাকেন বিজনবিহারী।
ষাট বছর বয়সের সাদা মাথাটাও অদ্ভুতভাবে দুলতে থাকে।—
ইচ্ছে করছে, ছোড়দার পিঠের কাছে মূখ গুঁজে দিয়ে শূন্যে
থাকি।

পাখাটা হাতে তুলে নিয়ে জোরে-জোরে বিজনবিহারীর সেই চোখের উপর বাতাস দিতে থাকেন নিরুপমা। চোখ বন্ধ করে আর নিব্বদম হয়ে পড়ে থাকেন বিজনবিহারী।

কিন্তু কতক্ষণ? বড়জোর এক মিনিট। নিরুপমা জানেন, বিজনবিহারীর এই এক মিনিটের নিব্বদম হয়ে পড়ে থাকা স্তব্ধতা যে খড়ফড়িয়ে জেগে ওঠারই লক্ষণ। বিজনবিহারীর দূরন্ত আত্মাটা যেন স্বপ্নের একটা ছবিকে চকিত চোখে একবার দেখে নেবার জন্য এক মিনিটের জন্য শান্ত হয়, তারপরেই ব্যস্ত ভাবে কাজ খোঁজে।

কাজ হল সেই সব কাজ। শিউলিবাড়ি ক্লাবের লাইব্রেরি ঘরে বিবেকানন্দের একটা ছবি দরকার। একবার দেখে আসা দরকার, মিসরাতু আর কুলডিহার মেয়েগুলো মৃড়ি ভাজতে পারল কি না? ভুলাই ঝিলের কালবোশ কত বড় হল? স্টেশনের গাঙ্গুলী-বাবু খবর দিয়েছেন, কাটোয়া থেকে একজন বাউল এসেছে, চমৎকার গান গায় আর নাচে। বললে কি রাজি হবে না কাটোয়ার বাউল, শিউলিবাড়িতেই একটা আখড়া করে থেকে যেতে?

তা ছাড়া আরও একটা কাজ আছে। খড়ফড়িয়ে উঠে বসেন বিজনবিহারী। নিরুপমা বলেন—কি হল? উঠে পড়লে কেন?

এখনি একবার ঘুরে আসি।

কোথায়?

এই ওখানে। জেলাবোর্ডের চেয়ারম্যান কৈলাসবাবু আজ ফুলনবাবুর বাড়িতে এসেছেন।

নিরুপমা আর কোন প্রশ্ন করেন না। প্রশ্ন করে লাভ নেই। জিরোতে জানে না, থামতে জানে না, ঝিমোতে পারে না, এই রকম একটি স্বভাবের মানুষকে আর বেশি প্রশ্ন করে কোন লাভ নেই।

প্রশ্ন না করলেও জানতে বেশি দেরি হয়নি নিরুপমার। মাত্র আর সাতটা দিন পরে, বাড়ি ফিরেই যেন একটা কৃতার্থ খুশির

উদ্ভাসের মত হেসে-চেঁচিয়ে হাঁক-ডাক করতে থাকেন বিজনবিহারী।

—শুনছ ? তুমি কোথায় নিরু ? নন্দু আছিস নাকি ?

কি হল ?

পুকুরটার নাম কমলসাগর হয়ে গেল।

কি বললে ?

হেসে হেসে চিকচিক করে বিজনবিহারীর চোখ।—পানীয় জলের জন্য যে পুকুরটা কাটিয়েছে জেলা বোর্ড, তার ঘাট তৈরির সব খরচ আমি দিয়েছি। কাজেই কলাসবাবু আমার কথা রেখেছেন। আমার পছন্দমত নামটাকেই মেনে নিয়েছেন। তুই বুঝলি কিছু নন্দু ?

বুঝেছি।

কি বুঝেছিস ? কমলসাগরের কমল মানে কি ? পদ্মফুল ?

সুনন্দা হাসে—না, মানে হল জেঠুর নাম।

॥ স্তব ॥

কমলসাগরের নতুন ঘাটের কাছে ছোট্ট একটি ল্যাম্পপোস্টের মাথায় টিমটিম করে কেরোসিনের বাতি জ্বলে। তার পাশেই দূটো কল্কে ফুলের গাছ। গাছের ছায়ার উপর লুটিয়ে পড়ে আছে বাসী ফুল। আর গাছের সেই ছায়ার কাছে আরও দূটো ছায়া। যাদের ছায়া, তাদের চোখে আকাশ ছাপিয়ে উথলে পড়া পূর্ণচাঁদের আলোর মত খুশির আলো ঝলমল করে। মোহিত আর সুনন্দা।

একটা বাসী কল্কে ফুলকে জ্বতো দিয়ে চেপে আর চটকে দিয়ে মোহিত বলে—এগুলোই বোধ হয় হলদে করবী।

সুনন্দা বলে—হবে। আমি তো এগুলোকে কান্ডিল ফুল বলে জানতাম।

মোহিত হাসে—এখন নতুন করে জানলে তো ?

হ্যাঁ ।

কি ?

তুমি যা জানিয়ে দিলে ।

কি জানালাম ?

হেসে ওঠে সুনন্দা—হলদে করবী ।

মোহিতও খুশি হয়ে বলে—সত্যিই শিউলিবাড়ির অশিষ্কার মধ্যে থেকে থেকে তোমার ভাষাও যেন কেমনতর হয়ে গিয়েছিল ।

সুনন্দার চোখে যেন বিচিত্র এক কৃতজ্ঞতার হৃষ চমকে ওঠে ।
—তুমিই তো শূদ্রের দিয়েছ ।

মোহিতের অভিযোগের কথা আর সুনন্দার কৃতজ্ঞতার কথা, দুইই বর্ণে বর্ণে সত্য । মোহিত যদি শিউলিবাড়িতে না আসত, আর মাটিসাহেবের এই মেয়েকে এত ভালবেসে না ফেলত, তবে সুনন্দা আজ এই কমলসাগরের ঘাটের এই হলদে করবীর কাছে দাঁড়িয়ে মোহিতের কানের কাছে এমন ভাষায় কখনই কথা বলে দিতে পারত না,—আমি তো একটা মরচে-পড়া লোহা হয়ে এখানে পড়েছিলাম, মোহিত ; তুমি পরশমণির মত ছুঁয়ে দিয়ে আমাকে সোনা করে দিয়েছ । আমার প্রাণটা যে তোমার কাছে চিরকালের স্থায়ী হয়ে গেছে ।

শিউলিবাড়িতে এসেছে মোহিত, যদিও চিরকাল শিউলিবাড়িতে থাকবার জন্যে আসেনি । তবু এই সত্য আবিষ্কার করেছে মোহিত, চিরকালের আপন করে নেবার মত একটা রূপের ছবি যেন এই শিউলিবাড়িতে আছে । বছরের পর বছর তো শূদ্র অদ্ভুত একটা ব্যাকুলতার নিঃশ্বাস চেপে আর দূর থেকে সুনন্দার মন্দের দিকে তাকিয়েছে মোহিত । তারপর একটা বছর ধরে শূদ্র চিঠি লিখে যেন একটা স্বপ্নের কাছে আবেদন করেছে ।—আমার ভালবাসাকে অপমান কর না সুনন্দা ; যা হোক কিছু একটা উত্তর দিও ।

শেষে উত্তর দিয়েছিল সুনন্দা—আপনি দয়া করে আমাকে

আর চিঠি লিখবেন না। আমার বড় ভয় করে।

সুনন্দার সেই ভয়ের চিঠিই যেন ভালবাসার পথের ভয়টাকে দূরে সরিয়ে দিল। ক্লাবের সেক্রেটারি মোহিত ঘোষ প্রেসিডেন্টের বাড়িতে এসে, প্রেসিডেন্টের মেয়ের হাতে একগাদা বই তুলে দিয়ে চলে গেল। সেদিন বন্ধুর সব নিঃশ্বাসের ভার মৃদু করে দিয়ে, সুনন্দার মূখের দিকে অদ্ভুতভাবে তাকিয়ে একটা কথাও বলে দিতে পেরেছিল মোহিত—আমাকে ভয় করবার কোন মানে হয় না সুনন্দা।

ঝুমরা কলোনিতে একটি বাংলো বাড়ি ভাড়া নিয়ে একাই থাকে মোহিত ঘোষ। ক্লাবটার উন্নতির জন্য অনেক চিন্তা করেছে এবং আজও করে। মোহিতের মন যেমন রুচিও তেমন, আর জীবনের ভঙ্গিটাও তেমনই পরিচ্ছন্ন। ক্লাবের জন্য যেটুকু কাজ করে, সেটাও একটা পরিচ্ছন্ন কাজ। মাঝে মাঝে সভা-সম্মেলন ডাকে মোহিত। সভায় একমাত্র বক্তাও মোহিত। সেনাবাবু আর গাঙ্গুলীবাবু আসেন। চক্রবর্তী আসেন। হেডমাস্টার দীনবন্ধু আর অন্য সব টিচারেরাও আসেন। আসে থাড' টিচার পদ্মকর দত্ত। ফুলনবাবুও মাঝে মাঝে আসেন। এমন কি রামসিংহাসনও কয়েকবার এসেছে।

আমাদের এই শিউলিবাড়ির সবই ভাল। সবই আছে এখানে। অভাব শুধু একটি ;—শিক্ষার অভাব।

মোহিতের বক্তৃতা শুনে ফুলনবাবু মাথা নেড়ে সায় দেন।—ঠিক কথা।

গাঙ্গুলীবাবু বলেন—খুব ঠিক কথা।

সমস্যা এই যে, শিউলিবাড়ির মন এখনও এক যুগ পিছনে পড়ে আছে। আজকের দিনের চিন্তা ইচ্ছা রুচির কোন খবর রাখে না শিউলিবাড়ি।

একথাটাও বর্ণে বর্ণে সত্য। সভা শেষ হলে দীনবন্ধুবাবু আর সেনাবাবু আলোচনা করেন, শিউলিবাড়ি যদি পিছিয়েই না থাকবে, তবে এখানে ওই এক মোহিতের মত একটি ছেলে ছাড়া

দ্বিতীয় এমন একটি ছেলেকে দেখতে পাওয়া যাবে না কেন, যে-
ছেলের বিদ্যাবুদ্ধি আর চরিত্র দেখে গর্ব করতে পারে আর অনেক
কিছু শিখতে পারে শিউলিবাড়ি ?

চক্রবর্তী একটু চাপা-গলায় ফিসফিস করে গাঙ্গুলীবাবুর কাছে
কি-ধেন বললেন। গাঙ্গুলীবাবু হেসে ফেলেন—সেটা আমারও
মনে হয়েছিল। কিন্তু একটা সমস্যা কি জানেন, পুঙ্কর তো ঠিক
এরকম শিক্ষিত ছেলে নয়; অন্য যতই গুণ থাকুক না কেন,
শিউলিবাড়ির বাঙালীদের মান বাড়াবে, এমন যোগ্যতা পুঙ্করের
কাছ থেকে আশা করা যায় না।

গাঙ্গুলীবাবু নিজের চোখে দেখেছেন, মোহিতের ঘরে একটি
আলমারি ভর্তি কিরকমের আর কত রকমের বই আছে।—দেখে
আশ্চর্য হয়েছি দীনবন্ধুবাবু, এই বয়সের ছেলে যে এত বিদ্যে
ভালবাসে এমনটি আমি আর কোথাও দেখিনি মশাই। হ্যাঁ, দেখে-
ছিলাম বটে, আমাদের রামপুরহাটের চাটুজ্জমশাইকে। ঘরভর্তি
বইয়ের মধ্যে ডুবে রয়েছেন। কিন্তু তিনি ছিলেন পেনসন
প্রফেসর, মোহিতের মত ত্রিশ-পঁয়ত্রিশ বছর বয়সের একটা মানুষ
তো নয়।

মোহিত বোধহয় এম-এ।

হ্যাঁ।

চাকরিটাও তো বেশ ভাল মাইনের চাকরি।

না, ঠিক চাকরি নয়। হিসেব অডিট করার কন্ট্রাক্ট নিয়ে
কাজ করে মোহিত। ধরুন, শুধু এক সিল্ডার্ড কোলিয়ারির
হিসেব অডিট করে বছরে দেড় হাজার টাকা পায়। তা ছাড়া
দুর্ধারা সিমেন্ট আছে, সিংহানি কোলিয়ারি আছে। সবারই
কিছু না কিছু কাজ করে দেয় মোহিত। সব নিয়ে বেশ ভাল
আয় হয়।

বাঃ, চমৎকার ভাগ্যবান ছেলে।

কৃতী ছেলে।

কিন্তু...।

কি ?

একা-একা ওভাবে পড়ে আছে কেন ? বাপ-মা নেই ?

তা জানি না।

কথা হল, মাটিসাহেবের মেয়ে সুনন্দার সঙ্গে সত্যিই কি...।

তাও জানি না মশাই।

কিন্তু না জানবার আর কি যুক্তি আছে ? কে না দেখেছে, সুনন্দা আর মোহিত কমলসাগরের আশে পাশে ঘুরে বেড়ায় আর গল্প করে ? কে না দেখেছে, মাটিসাহেবের বাড়ির বারান্দায় চেয়ারের উপর বসে আছে মোহিত, আর সুনন্দা ভিতর থেকে চায়ের পেয়ালা হাতে নিয়ে বের হয়ে এসে মোহিতের কাছে দাঁড়িয়েছে ?

শ্রাবণ শেষ হয়ে ভাদ্রের রোদ আর গুমোট যখন দেখা দিল, আর সারা শিউলিবাড়ির ঘরে ঘরে একটা জ্বরের উৎপাতও দূরন্ত হয়ে উঠল, তখন ঝুমরা কলোনির প্রণববাবুর স্ত্রীও একদিন নিজের চোখে দেখতে পেলেন, মাটিসাহেবের মেয়ে একাই হেঁটে হেঁটে সেই বাংলোর ভিতরে গিয়ে ঢুকল, যেটা হল মোহিত অডিটারের বাংলো, যেটার বাইরের ঘরটা হল অফিস ঘর, আর ভেতরের ঘরটা ...কে জানে কি দেখেছেন বিরাজ মাসিমা...যে জন্যে ঘরটাকে একেবারে বাসরঘরের মত একটা সাজানো ঘর বলে তাঁর চোখে ঠেকেছে।

বিরাজ মাসিমার কাছ থেকেই জানতে পেলেন প্রণববাবুর স্ত্রী, মোহিতের জ্বর হয়েছে, তাই মাটিসাহেবের মেয়ে সুনন্দা বার বার মোহিতকে দেখতে আসছে।

কেন ?

কি করে বলব বল ? সুনন্দার হাতে অবশ্য মস্ত বড় একটা কাচের বাটি দেখলাম। বোধ হয় সাগর, কিংবা পখি-টখি পেঁপে দিল।

কিন্তু এরকম সেবা-টেবার একটা মানে আছে তো ?

আছে বইকি । থাকলেই ভাল । বিরাজ মাসিমা তাঁর নাতিকে কোলে তুলে নিয়ে আবার ব্যস্তভাবে চলে যান ।

কিন্তু ভাদ্রের গুমোট ভেঙে দিলে আশ্বিনের আকাশ যখন হেসে উঠেছে, শিউলিবাড়ির কোন ঘরে যখন জ্বর-জ্বালা নেই, আর মোহিত অডিটারকেও যখন দেখা যায় ব্যাডমিন্টনের ব্যাট হাতে নিয়ে ক্লাবের দিক থেকে ব্যস্তভাবে হেঁটে নিজের বাংলোতে চলে যাচ্ছে, তখন তো কারও বাড়িতে সাগর বা পখি-টখি পেঁপে দেবার দরকার নেই । তবে কেন মাটিসাহেবের মেয়ে সুনন্দাকে প্রায়ই দেখতে পাওয়া যায়, ঠিক মোহিতের বাংলোর দিকে যাবার রাস্তাটি ধরে একমনে হেঁটে হেঁটে চলে যাচ্ছে ।

বিরাজ মাসিমা বলেন—সবই বুঝতে পারা যাচ্ছে ।

প্রণববাবুর স্ত্রী বলেন—আমিও তো সব বুঝেছি, কিন্তু বিয়েটা কবে ?

বিরাজ মাসিমা—সে-সব কথা তো এখনও কিছুই শুনতে পাইনি ।

মাটিসাহেবের মেয়ের সঙ্গে অনেকবার কথা বলেছেন প্রণববাবুর স্ত্রী, কথা বলেছেন বিরাজ মাসিমা, কিন্তু দুজনেই দেখে একটু আশ্চর্য হয়েছেন, কি-ভয়ানক ভীরু আর লাজুক এই মেয়ে, যার বয়স তো অন্তত কুড়ি-পঁচিশ হবে । যে কান্ডটাকে চোখের উপর দেখছেন, সে কান্ডটাকে দেখতে একটুও ভাল লাগে না, পছন্দ করেন না, কিন্তু মেয়েটাকে ভাল লাগে । বিরাজ মাসিমা নিজেও বলেছেন, কি আশ্চর্য, মেয়েটার ওপর আমার কিন্তু একটুও রাগ হয় না ।

আজও আবার দুজনেই দেখতে পেয়েছেন, সন্ধ্যা হয়ে গেছে কখন, তবু মাটিসাহেবের মেয়ে এতক্ষণ ওখানেই ছিল নিশ্চয়, তা না হলে ওদিক থেকে আসবে কেন ?

প্রণববাবুর স্ত্রী হেসে-হেসে জিজ্ঞেস করেন—সাহাবাবুদের

বাড়িতে ঠাকুরের আরতি দেখতে গিয়েছিল নিশ্চয়। দেখে কেমন লাগল সুনন্দা ?

চমকে ওঠে সুনন্দা—আজ্ঞে না, আমি তো ঠাকুরের আরতি দেখতে যাইনি।

বিরাজ মাসিমা বলেন—না না, সুনন্দা গিয়েছিল নিশিবাবুর ছেলের বউ মালতীর সঙ্গে গল্প করতে।

না, মালতীকে আমি তো চিনি না।

প্রণববাবুর স্ত্রী—তবে কোথায় গিয়েছিলে ?

মোহিতবাবুর বাড়িতে।

বিরাজ মাসিমা—মোহিতের মা এসেছেন বুঝি ?

না। বলতে গিয়ে সুনন্দার মাথাটা যেন হেঁট হয়ে ঝুঁক পড়তে চায়। দৃ' চোখে একটা ভীরা লজ্জার ভার টলমল করে, আর সারা মুখ লালচে হয়ে ওঠে।

প্রণববাবুর স্ত্রী যেন খুশি হয়ে হাসেন—তা বেশ। কিন্তু তুমি এত লজ্জা পাচ্ছ কেন ?

বিরাজ মাসিমা—ভালই তো।

প্রণববাবুর স্ত্রী আবার হাসেন—বিয়েটা কবে হবে, তাই বল। ও'র ছুটি ফুরিয়ে যাবার আগেই যদি বিয়েটা হয়, তবে তোমার বিয়েতে উল্ দিবে তারপর কলকাতা ফিরব।

উত্তর না দিয়ে চুপ করে দাঁড়িয়ে থাকে সুনন্দা।

বিরাজ মাসিমা বলেন—আঃ, মেয়েটাকে আর লজ্জা দিও না হারুর মা, দিন ঠিক হলে জানতেই পারা যাবে। মাটিসাহেবের মেয়ের বিয়েতে কি শিউলিবাড়ির কারও নেমন্তন্ন বাদ যাবে ?

॥ আঠার ॥

ঝুমরা কলোনির প্রণববাবুর স্ত্রী আর বিরাজ মাসিমার জিজ্ঞাসার কাছে আজ আর নিজেকে সামলে রাখতে পারেনি

সুনন্দা । লাজুক মুখটাকে লুকোতে গিয়ে মাথাটা ঝুঁকে গিয়েছিল । মাথা পেতে যে ভাগটাকে বরণ করে নিতে হবে, যেন তারই একটা শূভ সংকেত জানিয়ে দিতে পেরেছে সুনন্দা, যদিও একটিও কথা বলতে হয়নি । লোকের চোখের কাছে সুনন্দার এই প্রথম স্বীকৃতি । প্রণববাবুর স্ত্রী আর বিরাজ মাসিমার ধারণার উল্লাসটাকেও মাথা পেতে বরণ করে নিয়েছে সুনন্দা ।

আশ্বিনের আকাশে অনেক তারা হাসছে । ঝুমরা কলোনির বাতাসে হাসনুহানার গন্ধ মাঝে মাঝে উতলা হয়ে উঠছে । দণ্ডিদার সাহেবের বাড়ির ফটকের আলোর কাছে মাধবীলতার ফুলগুলি যেন ফুটন্ত লালমাণিক্যের থোকা হয়ে দুলছে । কাকরের রাতটা ফুরিয়ে যায়, তবু মনে হয় সুনন্দার, ঝুমরা কলোনির হাসনুহানার গন্ধ যেন এখনও নিঃশ্বাসের বাতাসে ছুটোছুটি করছে ।

মোহিতের ভালবাসার কাছে মাথা পেতে দিতে হয়েছে । যেমন আজ, তেমনি সেদিনও, সেই প্রথম, সাগর বাটি হাতে নিয়ে মোহিতের বিছানার কাছে যেদিন দাঁড়িয়েছিল সুনন্দা । তিন দিনের জ্বরে কি-ভয়ানক ঘোলা হয়ে গিয়েছিল মোহিতের সেই কালো-কালো বড়-বড় চোখ । কিন্তু মোহিতের সেই জ্বরের চোখে কি অদ্ভুত পিপাসা ছটফট করে উঠেছিল । কত শক্ত করে হাতটা চেপে ধরল মোহিত, আর অবদ্বয়ের মত কত কথাই না বলল । সত্যি, ভালবাসা একটা অবদ্বয় পিপাসাই বটে, হাসনুহানার পাগল গন্ধের চেয়েও উতলা । তা না হলে সাগর বাটির দিকে না তাকিয়ে সুনন্দার সেই ভীরু মুখের উপর সব পিপাসা ঢেলে দেবে কেন মোহিত ? আর সুনন্দাই বা কেন হাত ছাড়িয়ে নিতে পারবে না ?

সুনন্দাকে সরে যেতে দেয়নি মোহিত, সুনন্দাও সরে যায়নি । ভয়ে বুক কেঁপে উঠেছিল সুনন্দার । মনে হয়েছিল একটা সর্বনাশের উৎসব যেন সুনন্দার প্রাণটাকে মোহিতের বিছানার উপর

লুটিয়ে দিয়ে শুধু করে রেখেছে।

কিন্তু মোহিত যখন হেসে-হেসে নিজেরই হাতে সুনন্দার চোখের জল মুছে দিল, তখন সুনন্দার ভিজে চোখও হেসে উঠেছিল। মোহিতের মুখটা যে সান্ধ্যনাময় একটা অঙ্গীকারের ফুল; মাধবীলতার ফুলের চেয়েও রঙিন হয়ে আর লালমাণিক্যের আভা ছড়িয়ে হাসছে।— আমাকে ভয় করলে কিংবা লজ্জা করলে যে আমার ভালবাসাকে অপমান করা হয়, সুনন্দা।

ঠিকই, সুনন্দার মনের অবস্থা ভয় আর শরীরের অবস্থা লজ্জাটা বদ্বতে পেরেছে, নিশ্চিন্ত হয়েছে। যার ঘরে চিরকালের ঠাই নিতে হবে, তার ঘরে এসে প্রাণটা যদি একটু অসাবধান হয়ে যায়, তবে যাক না; ক্ষতি কি?

স্টেশন রোডের আলোগুলিও যেন আজ বড় বেশি ঝলমল করছে। এগিয়ে যেতে থাকে সুনন্দা। কিন্তু এ কি? কি সুন্দর সুরের একটা বাংলা গানের ভাষাবাতাসে ভেসে আসছে। আশ্বিনের আকাশটাও কি আজ গান গাইতে শুরু করেছে? কে গাইছে? কলের গান বোধ হয়।

মোড় ঘুরে স্টেশন রোড ছেড়ে দিয়ে ধর্মশালা যাবার ছোট রাস্তার দিকে এগিয়ে যেত সুনন্দা, কিন্তু হঠাৎ থমকে দাঁড়াতে হল। মোড়ের উপরে সড়কের পাশের একটি ঘরে ফুল আলো আমপাতা আর চাঁদমালায় সাজানো একটা উৎসব যেন গান গাইছে। ছোট্ট একটা দোকান ঘর। কিসের দোকান?

গ্রামোফোন আর রেকর্ডের একটি দোকান। দুটো আলমারি আর একটা টেবিল। চারটি চেয়ার, এক গুচ্ছ ধূপকাঠিও পুড়ে পুড়ে সুগন্ধের ধোঁয়া ছড়াচ্ছে। টেবিলের উপর একটা ঝকঝকে গ্রামোফোন গলা খুলে গান গাইছে।

আসুন না।

অদ্ভুত স্বরের একটা আহ্বানের ভাষা যেন হঠাৎ বেজে উঠছে। চমকে ওঠে সুনন্দা।

সুনন্দার একেবারে চোখের কাছে দাঁড়িয়ে হেসে-হেসে কথা বলছে রমাসুন্দরী বেঙ্গলী মাইনর স্কুলের থার্ড টিচার পদ্মকর দত্ত ।—আজ দোকান প্রতিষ্ঠা হল । এই তো কিছুক্ষণ আগে পূজো শেষ করে চক্রবর্তীঠাকুর চলে গেলেন ।

সুনন্দাও হাসতে চেষ্টা করে—গানের রেকর্ডের দোকান বোধ হয় ।

পদ্মকর—হ্যাঁ । বাংলা, হিন্দী, এমন কি ইংরেজি রেকর্ডও আছে । তিনটে রেকর্ড কোম্পানির এজেন্সি পেয়েছি । সিলদুয়া-ডির সাহেবরা আজই প্রায় তিনশো টাকার রেকর্ডের অর্ডার দিয়েছেন ।

আপনি কি তবে স্কুলের কাজ ছেড়ে দিয়ে... ।

না না, স্কুলের কাজ তো আছেই । আমার দুটি ভাই আছে, ওরা সকাল-বিকেল দোকান দেখবে, আমি শুধু সন্ধ্যাবেলা এসে ওদের ছুটি দেব । দেখা যাক, কি হয় ?

আচ্ছা, আমি চলি ।

দোকানটা একটু দেখবেন না ?

না ।

ব্যস্তভাবে চলে যায় সুনন্দা । কিন্তু রাস্তাটা কি বিস্তীর্ণ অন্ধকারে ভরে রয়েছে ! পদ্মকরের দোকানের আলোর দিকে এতক্ষণ ধরে তাকিয়ে থাকাই ভুল হয়েছে । তা না হলে চোখ দুটো এত ঘাঁধিয়ে যেত না, আর চোখের সামনে এই রাস্তাটাকে এত অন্ধকারে ঢাকা একটা শূন্যতা বলেও মনে হত না ।

বাড়ি ফিরে গিয়ে অনেকক্ষণ নিব্বদম হয়ে বসে থেকে, তারপর আনমনার মত ঘরের ভিতরে অনেকক্ষণ ঘুরে ফিরে, যখন জানলাটার কাছে এগিয়ে এসে, আর অদ্ভুত একটা ক্রান্তির আবেশে অলস হয়ে যাওয়া হাত দুটোকে কোনমতে তুলে নিয়ে খোঁপা খুলতে থাকে সুনন্দা, তখন বাইরের বারান্দাতে একটা চকিত উল্লাসের শব্দ হো-হো করে হেসে ওঠে । যেন একটা খুশির আবেশে গলে

গিয়ে হাসছেন আর কথা বলছেন বিজনবিহারী। সুনন্দার আনমনা চোখের দৃষ্টিতেদঃসহ আর বিস্তী একটা সন্দেহও চমকে ওঠে। পদ্মকর দত্ত এসেছে বোধহয়।

যে এসেছিল সে এইবার চলে গেল বোধহয়। তাই ঘরের ভিতরে ঢুকলেন বিজনবিহারী, আর সুনন্দার দিকে তাকিয়ে যেন বুকভরা একটা খুশির হাসি উথলে দিলেন—পদ্মকর আমাকে উপহার দিয়ে গেল নন্দ। রামপ্রসাদী গানের খাঁচটা রেকর্ড।

রান্নাঘরের দিকে তাকিয়ে কথা বলতে থাকেন বিজনবিহারী—ওঃ, পদ্মকর আমার খুব উপকার করল। এতদিন ধরে রাগ করে শুধু ইংরেজি গানের যত হালালালা শুনছি, কান পচে গিয়েছে।

তখন গ্রামোফোনটার কাছে বসে রামপ্রসাদী গানের রেকর্ড বাজাতে শুরুর করেন বিজনবিহারী।—আঃ, বলিহারী, কী মিষ্টি গান! এইবার পেটভরে বাংলা গান শোনা যাবে।

রামপ্রসাদী গান কখন থেমেছে, বোধহয় বুঝতে পারেনি সুনন্দা। কতক্ষণ ধরে চুপ করে জানালার কাছে দাঁড়িয়ে আশ্বিনের আকাশের তারা দেখেছে, তাও জানে না। একগাদা জোনাকি যখন সুনন্দার গায়ের উপর পড়ে হুটোপুটি শুরুর করে, তখন সেই আনমনা আবেশ হঠাৎ চমকে উঠে ভেঙে যায়। বুঝতে পারে সুনন্দা, বাবা খেতে বসেছেন, আর মার সঙ্গে গল্প করছেন।

শুনতে একটুও ভাল লাগে না যে গল্প, সেই গল্পই শুরুর করেছেন বাবা। পদ্মকর দত্তের যত কীর্তির আর বাহাদুরীর গল্প।—বেশ জেদ আছে ছেলেটার, চেষ্টাও আছে, তেমনি খাটতেও পারে। এ ছেলে একদিন উন্নতি করবে।

জোরে একটা ঢেংকুর তুলেছেন বিজনবিহারী। বুঝতে পারে সুনন্দা, বাবার খাওয়া শেষ হল। কিন্তু, কি আশ্চর্য, গল্প শেষ করছেন না বাবা।

বিজনবিহারী বলেন—গত বছর কালীপুজোর সময় চমৎকার একটা কাণ্ড করে বসেছিল পদ্মকর। কোন মন্ডা গায়ের একটাও

মানুষ যেন কালীপূজা দেখতে না আসে, সে-জন্যে মিশনের ছোট ফাদার ভয়ানক জ্বর একটা চেষ্টা করেছিল। কিন্তু পুষ্কর নিজে গিয়ে গায়ে-গায়ে ঘুরে পাঁচশ মূন্ডা ছেলে-মেয়ের একটা মিছিল নিয়ে এসে কালীবাড়ির আঙিনায় হাজির করেছিল। পুষ্করের উপর মারধোরেরও একটা চেষ্টা হয়েছিল। কিন্তু ঘাবড়ায়নি পুষ্কর।

এই পুষ্করী রামায়ণে এখন থামলে হয়। সুনন্দার চোখে একটা অস্বস্তির ভ্রুকুটি ছটকটিয়ে ওঠে। বারান্দায় গিয়ে বসে থাকতে ইচ্ছে করে, তাহলে এই গল্পের কোন শব্দ আর কানের কাছে পৌঁছতে পারবে না।

কি আশ্চর্য, মা'ও যে হেসে হেসে একটা অদ্ভুত কথা বলছেন—পুষ্করের স্বভাবটা দেখছি প্রায় তোমারই মত।

আর শুনতে ইচ্ছে করে না। নিরুপমার মৃদু হাসির শব্দটাও যেন মাইনের স্কুলের থাড' টিচারের প্রশস্তির গুঞ্জন। বাবা আর মা দুজনের কেউই একটু বৃষ্টি দেখছেন না যে, আজ এভাবে পুষ্কর দত্তের নামে এত গৌরবের কথা বললে যে ওদিকের একটা মানুষকে অপমান করা হয়। ভয় করে সুনন্দার, বারান্দায় গিয়ে বসে থাকলেও কোন লাভ হবে না। হয়ত শিউলিগুলোও পুষ্করের নামে জয়ধ্বনি করে সুনন্দার অস্বস্তির জ্বালাটাকে আরও দঃসহ করে দেবে।

॥ উনিশ ॥

কমলসাগরের নতুন ঘাটের কাছে হলদে করবীর ছায়ার পাশে দাঁড়িয়ে মোহিতের সঙ্গে গল্প করতে গিয়ে যেন একটা অস্বস্তির হাত এসে সুনন্দার মূখ চেপে ধরে আর ভাষা ভুল করিয়ে দেয়। না, এখানে আর নয়। জল নেবার জন্য যেখানে মানুষের ভিড়ের আনাগোনা লেগেই আছে, সেখানে ভালবাসার মন মূখ খুলে কথা

বলতে বাধা পায়, বলতে পারে না।

কিন্তু আশ্চর্য, এই দু'মাসের মধ্যে কতবার কমলসাগরের ঘাটের এই হলদে করবীর কাছে দাঁড়িয়ে মোহিতের সঙ্গে গল্প করেছে সুনন্দা, কিন্তু কই, এরকম একটা অস্বস্তির কাঁটা তো সুনন্দার মনে বেঁধেনি? ভাবতে একটা রহস্য বলেই মনে হয়। কিসের অস্বস্তি কোথা থেকে আসছে?

ঘাটের পথে যারা আনাগোনা করে, তারাও কি কিছু জানে না? আর দেখেও কি কিছু বুঝতে পারে না? হতেই 'পারে না! আজ শিউলিবাড়ির কে না জানে যে, মাটিসাহেবের মেয়ের সঙ্গে মোহিত অডিটারের ভাব হয়েছে? খবরটা যে শিউলিবাড়ির সব আলোছায়া কে খুশির হাসিতে মুগ্ধ করে দেবার মত 'খবর। কিন্তু শিউলিবাড়ি যেন প্রচণ্ড একটা ধৈর্য ধরে খুশির হাসি চেপে রেখেছে। ঘাটের পথের লোকজন শুধু একবার তাকিয়ে দেখে আর চলে যায়। হলদে করবীর ছায়ার কাছে যেন কোন ঘটনাই নেই। খবরটা শুনে যার আহ্বানে আটখানা হয়ে যাবার কথা, সেই চাচিজী বিন্ধ্যাচলীও তো খবরটা জেনেছে। কিন্তু কই, চাচিজী তো একদিনও হন্তদন্ত হয়ে ছুটে এল না। নন্দুয়া বেটির গলা জড়িয়ে ধরে গান গেয়ে উঠল না। সন্দেহ হয়, মাটিসাহেবের মেয়ের সৌভাগ্যের খবর শুনে খুশি না হয়ে, বরং যেন একটা হিংসের জ্বালা চাপা দেবার জন্য গম্ভীর হয়ে রয়েছে শিউলিবাড়ি।

সুনন্দা হাসে—চল, এখানে আর ভালো লাগে না।

কেন?

মনে হচ্ছে আমাদের দু'জনকে দেখতে ওদেরও ভাল লাগছে না।

মোহিতও হাসে—তাতে আমাদের কোন স্বর্গের বাতি নিবে যাবে?

তা তো বটে, কিন্তু বুঝতে পারছি না।

কি ?

আমাকে কেউ হিংসে করছে, না তোমার ওপর কেউ রাগ করছে ?

তোমাকে হিংসে করবার একটা মানে হয়, কিন্তু আমার ওপর রাগ করবার তো কোন মানে হয় না ।

কেন ?

আমি কি তোমাদের শিউলিবাড়ির কারও চেয়ে ছোট ?

ছিঃ, তুমি আবার কেন রাগ করে কথা বলছ ? কে না জানে যে, বাবা তো নিজের মুখে তিনবার বলেছেন, তুমি হলে শিউলি-বাড়ির গর্ব ।

আমার কি মনে হয় জান ? সবাই একটু বেশি আশ্চর্য হয়েছে ; যাকে বলে, একটু হতভম্ব হয়ে গেছে ।

তাই তো মনে হয় ।

মোহিতের চোখ জ্বলজ্বল করে হাসে—কিন্তু তুমি কি বল, সেটা তো জানতে পেলাম না ।

সুনন্দার চোখ দুটো যেন একটা কৃতজ্ঞ মায়ার ভার সামলাতে না পেরে ছলছল করে ।—আমাকে আর কেন মিছে জিজ্ঞাসা করছ ? কলকাতার মেয়ের মত লেখাপড়া জানলে হয়ত বলে দিতে পারতাম; কিন্তু বলতে জানি না বলেই বলতে পারছি না । তুমিও জান না, আমাকে ভালবেসে তুমি আমাকে কত বড় মান দিয়েছ !

হেঁটে হেঁটে অনেক দূর এগিয়ে এসেছে সুনন্দা আর মোহিত । এখান থেকে কমলসাগরের ঘাটের কাছে হলে করবীটা দেখা যায় না, স্টেশন রোডের কোন দোকানের কলরবও শোনা যায় না । দূ'পাশে শাল সেগুন আর দেওদারের বীথিকা, মাঝখানে ছায়াভরা রাঁচি.রোড এঁকেবেঁকে পাহাড়ের গায়ে-গায়ে ঘুরে-ফিরে উধাও হয়ে গিয়েছে । যেন নিরিবিলি জগতের একটা ছায়াপথ পড়ে আছে এখানে । ভালবাসার দুটো হাত যদি এখানে, এই বিকেলের আলোর মাঝখানে দাঁড়িয়ে কাউকে বুকে জড়িয়ে ধরে, তবু উঁকি

দিরে দেখবার মতও কোন বাধা এখানে নেই। সুনন্দাকে বন্ধে
জড়িয়ে ধরে মোহিত।

সুনন্দা হাসে—তবু কিন্তু বন্ধতে পারছি না, তুমি কেমন
করে আমাকে এত ভালবাসতে পারলে?

এক কথায় বলে দিতে পারি।

বল।

তুমি শিউলিবাড়ির সেরা মেয়ে।

শিউলিবাড়ির সেরা মেয়ে আমি নই, কিন্তু তোমার তাই মনে
হয়েছে।

হ্যাঁ। একই কথা হল। এবার তুমি বল তো, শূনি।

কি?

আমাকে তুমি ভালবাসলে কেন?

এক কথায় বলে দিতে পারি।

বল।

আমারও মনে হয়েছে।

কি মনে হয়েছে?

সুনন্দার চোখ-মুখ ছাপিয়ে যেন একটা সুস্মিত অনুভবের
আনন্দ উতলা হয়ে ঝরে পড়তে থাকে।—তুমি বাংলাদেশের সেরা
ছেলে।

॥ কুড়ি ॥

ভাবতে পারেনি সুনন্দা, সেই অস্বস্তিটা শুধু একবার এসে
আর রামপ্রসাদী গানের পাঁচটা রেকর্ড বাবাকে উপহার দিয়েই
ক্ষান্ত হয়ে যাবে, আর কখনও আসবে না। বরং দুটো দিন ধরে
সুন্দেহময় একটা আতঙ্কে ভুগতে হয়েছিল। রামপ্রসাদী গানের
রেকর্ড একটা চমৎকার ছুতো। সেই ছুতো ধরে এবার থেকে
হয়ত রোজই আসবে পুষ্কর দত্ত। হয়তো শিউলির ছায়ার কাছে

দাঁড়িয়ে থাকবে। হয়তো মাটিসাহেবের মেয়ের মূখ দেখবার জন্য পিপাসিতের মত জানলাটার দিকে তাকিয়ে থাকবে।

কিন্তু আসেনি পুস্কর। সুনন্দার উদ্ভিন্ন মনটা যেন একটা হাঁপ ছেড়ে হালকা হয়ে গিয়েছে। আতঙ্কের কথাটা মনে পড়তেই মনটা যেন একটা লজ্জাও পেয়েছে। আকাশে মেঘ নেই, তবু বজ্রপাতের ভয়ে ভীরু হয়ে গিয়েছিল সুনন্দার প্রাণ। এত বড় অশ্বাশুতা যে একটা চমৎকার ঠাট্টা।

কিন্তু, কি আশ্চর্য, শ্বাশুতাও যেন একটা চমৎকার শূন্যতা। চমকে ওঠে সুনন্দা। ভাবনাটার বেহায়াপনা দেখে নিজেরই উপর রাগ করে ছটফটিয়ে ওঠে সুনন্দার একটা নিঃশ্বাসের বাতাস। কুৎসিত ভাবনাটা যেন মোহিতের ভালবাসাকে লুকিয়ে লুকিয়ে ঠকাচ্ছে। চোর যেমন লুকিয়ে লুকিয়ে হাত বাড়িয়ে ঘুমন্ত মানুষের মাথার কাছ থেকে সিন্দূকের চাবি নিয়ে সরে যায়।

মা শুনছ? হঠাৎ চেঁচিয়ে ডাক দিতে গিয়েই গলার স্বরের আক্রোশটাকে সামলে নিয়ে, একটা লজ্জাতুর ব্যাকুলতার গুঞ্জনের মত মৃদুস্বরে ডাক দেয় সুনন্দা।

নিরূপমা সাড়া দেন—কি হল?

কই, তোমরা যে কিছুর বলছ না।

কি?

মোহিতবাবুকে কি তোমরা কেউ কিছুর বলবে না?

নিরূপমা হাসেন; সুনন্দার মাথায় হাত বুলিয়ে দিয়ে বলেন—নিশ্চয় বলা হবে। তোর বাবারও ইচ্ছে, বিয়েটা এই অঘ্রাণে চুকে যাক।

বাইরের বারান্দাতে একটা চেয়ার যেন ব্যস্তভাবে শব্দ করে ছটফটিয়ে উঠল।

তার পরেই চেঁচিয়ে ওঠে একটা উচ্ছল খুশির কণ্ঠস্বর।—হ্যাঁ, অঘ্রাণ মাসই সবচেয়ে ভাল মাস, নিরু। নলেন গড় না পাওয়া যাক, খেজুরের নতুন রস তো পাওয়া যাবে। কোন অসুবিধে

হবে না ।

হেসে হেসে চলে যাচ্ছিলেন নিরুপমা । সুনন্দা বাধা দেয়—
তুমি আজ আবার রান্নাঘরে ঢুকছ কেন ? তোমার না কাশি
বেড়েছে ?

তাতে কি হয়েছে ?

না, তুমি চুপটি করে বসে থাক ।

তুই রাখবি ?

হ্যাঁ ।

না । আজ বাদে কাল মেয়ের বিয়ে, মেয়ে আমার হাঁড়ি ঠেলতে
চাইছেন । তা হবে না ।

চেঁচিয়ে উঠলেন বিজনবিহারী—কখুনো না, নিরু । নন্দাকে
এখন আর ওসব পাগলামি করতে দিয়ো না । উনুনের আঁচ
ভয়ানক বিগ্ৰী জিনিস, মুখের রঙ একেবারে কালচে করে দেয় ।

বাইরের বারান্দাতে যেন একটা কলরবের ঝড় উঠে এসে
দাঁড়িয়েছে । একগাদা ছোট-ছোট ছেলে-মেয়ের কলরব । কলরবের
ভাষাটা যেন একটা অভিযোগের ভাষা । কিংবা একগাদা অভিমানের
কাকলী ।

চমকে ওঠে সুনন্দা । কলরবের মধ্যে সেই দুঃসহ অস্বস্তির
নামটাই বার বার বেজে উঠছে—পুঙ্করদা ! পুঙ্করদা !

কি হয়েছে ? কারা এসেছে ? ঘরের দরজার কাছে এসে
দাঁড়ায় সুনন্দা । দেখতে পায়, যারা এসেছে তারা বয়সে ও
চেহারায় শিউলিবাড়ির ভোরের পাখির মত একগাদা কলরবের
প্রাণ । সাত-আট-নয়-দশ বছরের বেশি বয়স কারও নয় ; নতুন
যন্ত্র, স্টেশন রোডের, আর কালীতলার যত ছেলে আর মেয়ে ।
চক্রবর্তী ঠাকুরের ছোটমেয়ে জয়ন্তী আছে, হেডমাস্টার দীনবন্ধু-
বাবুর মেয়ে মনোরমাও আছে । এমন কি লালাদের বাড়ির তিন-
চারটে মেয়েও আছে ।

শিউলিবাড়ি ক্লাবের প্রেসিডেন্টের কাছে একটা অভিযোগ

নিরে এসেছে ওরা ।

জয়ন্তী বলে—মোহিতবাবু বললেন, ক্লাবে আমাদের থিয়েটার করা চলবে না ।

বিজনবিহারী কিসের থিয়েটার ?

মনোরমা বলে—পদ্মকরদা আমাদের জন্যে একটা নাটক লিখে দিয়েছেন ।

অ্যাঁ ? চমকে উঠেই হেসে ফেলেন বিজনবিহারী ।—ভালই তো ।

কিছু ভাল হল না । মোহিতবাবু বারণ করে দিয়েছেন ।

বুঝলাম না ।

এবার পূজোতে আমরা ক্লাব-বাড়িতে থিয়েটার করব ঠিক করেছিলাম, কিন্তু মোহিতবাবু বললেন, না, হবে না ।

বিজনবিহারী—হবে হবে । কেন হবে না ? নিশ্চয় হবে । তোমরা এখন বাড়ি যাও, জয়ন্তী, আমি সব ঠিক করে দেব ।

বিষন্ন অভিযোগের কলরব সেই মৃদুতে খুশির কলরব হয়ে ছুটে চলে গেল । আর, ঘরের ভিতরে ঢুকে, জানালাটার কাছে দাঁড়িয়ে এইবার সুনন্দাও বুঝতে পারে, সুনন্দার সৌভাগ্যের সব কলরব শ্রবণ করে দেবার জন্য একটা চক্রান্ত জেগে উঠেছে, তার নাম পদ্মকর দত্ত । রমাসুন্দরী মাইনর স্কুলের থার্ড টিচারের ফুসফুসে বেশ তো সাহস দেখতে পাওয়া যাচ্ছে । মোহিতের বিদ্যাবৃদ্ধির উপর হিংসে করে একটা নাটকই লিখে ফেলেছে । ভুল করেছে, ভয়ানক ভুল করেছে পদ্মকর দত্ত । আঁকশি দিয়ে খুঁচিয়ে আকাশের চাঁদকে মাটির ধুলোতে নামিয়ে দেবে, এটা পাগলের কল্পনার আশা ।

চক্রান্তের চেষ্টাটার রকম দেখে হেসে ফেলতেও ইচ্ছে করে । বোকা ছেলের লোভ যেমন নাগালের বাইরে একটা গাছের ফল ধরবার জন্য ভাঙা নড়বড়ে পাঁচিলের উপর দাঁড়িয়ে আর হাত বাড়িয়ে আঁকুপাকু করে, এ-যেন তেমনই একটা করুণ লোভের চেষ্টা । এ

চেষ্টাকে হেসে তুচ্ছ করাই উচিত ।

সত্যিই, মূখটাকে হঠাৎ হাসিয়ে দিয়ে ঘরের ভিতরে এই বন্ধ-তার ভেতর থেকে হঠাৎ ব্যস্তভাবে বের হয়ে যায় সুনন্দা । কালী-তলা পার হয়ে ছোট নদীর কিনারায় এসে বটের ছায়ার কাছে একলা হয়ে দাঁড়িয়ে থাকতে ভাল লাগে । নুড়ি আর বালুর উপর দিয়ে গড়িয়ে গড়িয়ে বয়ে যাচ্ছে একটা রোগাটে স্রোত । স্রোতের জলের সঙ্গে একটা একলা জবা ফুল তরতর করে ভেসে চলে যাচ্ছে । সুনন্দারও প্রাণটা যেন একটা একলা স্বপ্নের মত কোন নিরিবিলি ঘূমের জগতে গিয়ে লুকিয়ে থাকতে চাইছে । আর ভাবতে ভাল লাগে না । সব ভাবনার উৎপাত থেকে ছাড়া পেতে চায় সুনন্দার ক্লান্ত প্রাণ । সুনন্দার মুখের এই হাসিটাও যেন হাঁপিয়ে পড়া একটা ক্লান্তির করুণ হাসি ।

বাড়িতে ফিরে এসেই কিন্তু চমকে উঠতে হয় । সুনন্দার এই ক্লান্ত হাসির মূখটাও বিরক্ত হয়ে কেঁপে ওঠে । বৃকের ভিতরে সেই অস্বাভাবিক আবার চিৎকার করে উঠতে চায় । কারণ, বিজন-বিহারীর একটা উৎফুল্ল হাসির শব্দ যেন চিৎকার করে উঠেছে—
পদ্মকর এসেছিল ।

সুনন্দা—কেন ?

পদ্মকর খুব লজ্জিত ।

কেন ?

ক্লাব বাড়িতে থিয়েটার করবার জন্য পদ্মকর কাউকে পরামর্শ দেয়নি । জয়ন্তী আর মনোরমা, দুটো দুটো নিজেরাই মতলব করে মোহিতকে গিয়ে ধরেছিল ।

কিন্তু নাটকটা তো পদ্মকরবাবু লিখে দিয়েছেন ।

হ্যাঁ, সেজন্যে পদ্মকর বেচারী আরও লজ্জিত ।

কেন ?

পদ্মকরের লেখা নাটক পড়ে মোহিত হেসেছে ।

তা, হাসবার মত ব্যাপার হলে মানুষ না হেসে পারবে কেন ?

হ্যাঁ, পদ্মকরও সেটা বোঝে, সেজন্যেই জয়ন্তীকে বার বার বলে দিয়েছিল পদ্মকর, ওরা যেন পদ্মকরের লেখা নাটক-ফাটক নিয়ে গিয়ে মোহিতকে বিরক্ত না করে।...এ কি? তোর চোখ-মুখ এ রকম ছলছল করছে কেন? খুব ঠান্ডা লাগিয়েছিস বুঝি?

হ্যাঁ।

গরম জলে চান করবি।

নিরূপমা তাঁর রান্নার ব্যস্ততা ছেড়ে দিয়ে ব্যস্তভাবে ছুটে আসেন। সুনন্দার কপালে হাত রাখেন—ঠিকই তো, মেয়ের কপাল যে ছমছম করছে। জ্বর বলেই তো মনে হচ্ছে।

বিজনবিহারী বলেন—ঠিক আছে, আমি তো এখনই বের হব, যাবার পথে সেনাবাবুকে একটা খবর দিয়ে যাব, যেন এখনই এসে একবার দেখে যান।

ঠান্ডা লেগেছে ঠিকই, আর জ্বরও হয়েছে নিশ্চয়, কিন্তু শুধু সেইজন্যেই কি সুনন্দার চোখ-মুখ ছলছল করছে? গায়ে চাদর জড়িয়ে বিছানার উপর নিঝুম হয়ে পড়ে থাকলেও, প্রশুটা যেন ধূত একটা ঠাট্টার মত সুনন্দার কানের কাছে ফিসফিস করছে। ছি ছি, পদ্মকর দত্তের চক্রান্তটা যে সুনন্দার একটা মিথ্যে রাগের মিথ্যে কল্পনা। পদ্মকর দত্ত যে নিছক একটা চেষ্টাহীন নিরীহতা। একটা অলস অসার ছায়া মাত্র। মাটিসাহেবের মেয়ের সৌভাগ্যের পথে কাঁটা পেতে রাখবার কোন গরজ ওর নেই।

মাটিসাহেবের মেয়ের মুখের দিকে তাকাবার কোন গরজও কি কোনদিন ওর চোখে দেখা দিয়েছিল? কোনদিনও না। বছরের বারো মাসের মধ্যে অন্তত একশো বার মাটিসাহেবের মেয়ের সঙ্গে খাড টিচার পদ্মকর দত্তের মুখোমুখি দেখা হয়েছে। কিন্তু সুনন্দার সঙ্গে কথা বলা দূরে থাকুক, সুনন্দার মুখটাকে একটু ভাল করে দেখবার জন্যও তার চোখে কোন লোভের চেষ্টা ব্যস্ত হয়ে ওঠেনি। সেদিনও রত্নকিশোর শীল্ড বুকে জড়িয়ে ধরে মিছিলের আগে আগে হেঁটে চলে গিয়েছে ক্যান্টেন পদ্মকর দত্ত, তখনও তো

দেখতে পারিনি সুনন্দা, সড়কের পাশে দাঁড়িয়ে থাকা সুনন্দার মূখের দিকে তাকাতে চেষ্টা করেছে পদ্মকর দত্ত। এমন মানুষকে সন্দেহ করাও যে চোরের রাগের মত একটা বেহায়াপনা। রাগ করে নিজের মনটাকেই ঘেন্না করতে ইচ্ছে করে। আর জোর করে এই ঘেন্নাটাকেও ঠেলে ফেলে দিতে ইচ্ছে করে। বিছানা ছেড়ে ছটফটিয়ে উঠে দাঁড়ায় সুনন্দা। গরম জল হয়ে গিয়ে থাকলে এখনই স্নান করে নিতে হবে।

সেনাবাবু এসে বললেন—না না, কিচ্ছু ভাববার নেই, সামান্য সর্দি-জ্বর।

দশটা বড়ি দিয়ে চলে গেলেন সেনাবাবু। কিন্তু দশটা দিন পার হয়ে গেলেও, আর সুনন্দার চোখ-মূখের ছলছলে ভাব কেটে গিয়ে বেশ খোলা-মেলা একটা খুশির ভাব হেসে উঠলেও, সর্দি-জ্বরের ভাবটা যেন সুনন্দার গা থেকে ছেড়ে যেতে চায় না।

এই দশদিনের মধ্যে তিনবার এসেছে মোহিত। চাদর গায়ে জড়িয়ে আর বাইরের বারান্দাতে দাঁড়িয়ে মোহিতের সঙ্গে কথা বলেছে সুনন্দা। মোহিতকে চা এনে দিতেও ভুলে যায়নি সুনন্দা।

এসেছে মোহিত। সুনন্দাও আশা করেছিল, আজও নিশ্চয় আসবে মোহিত।

মোহিতের দু'চোখের ব্যাকুলতা যেন বিস্মিত হয়ে বার বার সুনন্দার মূখের দিকে অদ্ভুতভাবে তাকায় আর হাসতে থাকে।... 'কি আশ্চর্য' সুনন্দা! জ্বরটা যে তোমাকে আরও সুন্দর করে তুলেছে।

সুনন্দা হাসে—তাহলে জ্বরটা আরও দশটা দিন থাকুক, আরও সুন্দর হয়ে উঠি।

মোহিত বলে—না না, তা নয়। তোমাকে দেখতে সত্যিই অদ্ভুত লাগছে, একেবারে নতুন মানুষ বলে মনে হচ্ছে; তাই মনের কথাটা বলেই দিলাম।

সুনন্দার মূখটা হঠাৎ বড় বেশি গম্ভীর হয়ে যায়। যেন

একটা দূরন্ত নিঃশ্বাসের আবেগ চেপে চেপে কথা বলে সুনন্দা—
বাবার কাছে তুমি এখনও কথাটা বলছ না কেন ?

সুনন্দার কথাটার মধ্যে যেন একটা অধীরতার ঝাঁজ লুকিয়ে
আছে। বোধহয় সেটা মোহিতের কানেও ঠেকেছে। আর, তাই
বোধহয় মোহিতের মুখটা একটু করুণ হয়ে যায়।—তুমি যেদিন
বলতে বলবে, সেদিনই বলে দেব।

তাহলে আজই বল।

বেশ।

চুলগুলি রুদ্ধ হয়ে ফেঁপে উঠেছে। চোখ দুটো বেশ চকচকে
হয়েছে। কাজল পরেনি, তবু চোখের কোল জুড়ে একটা কাজলা
ছায়ার কালিমা, মুখটা একটু বেশি ভরাট, চোখের চাহনিটা ভার
ভার, আর ঠোঁট দুটো বড় বেশি লালচে। আজ আয়নার দিকে
তাকাতে গিয়ে সুনন্দার নিজেরই চোখে মুখটাকে খুবই নতুন-
নতুন ঠেকেছে। আর, ছোট্ট একটা বিস্ময়ের নিঃশ্বাসও বৃকের
ভিতরে ঠেকেছে। না, জ্বরের জন্য নয়। কোন সন্দেহ নেই,
শরীরটারই একটা রহস্যের ভয়ে সুনন্দার মুখটা ভীরু হয়েছে
বলেই মুখটাকে এরকম সুন্দর দেখাচ্ছে।

মোহিত যখন চলে যায় তখন দূরের সিংহানী পাহাড়ের গায়ে
ক্লান্ত বিকালের রোদ লালচে হয়ে গলে পড়েছে। জ্বরের শরীর
চাদরে জড়িয়ে আর শ্বশ্ব হয়ে দাঁড়িয়ে কি দেখছে সুনন্দা, সেটা
সুনন্দার চোখও যেন বুঝতে পারছে না।

কি ভাবছ নন্দু বহিন ? যেন কলকলিয়ে হেসে কথা বলছে
একটা খুশির ঝর্না।

চমকে ওঠে সুনন্দা—তুমি কবে এলে রাজুদি ?

রাজমোহিনী হাসে—আজ এসেছি। কিন্তু এ কি শুনছি
নন্দু? ঠিক তো ?

ঠিক।

রাজমোহিনী আরও খুশি হয়ে হাসে।—কিন্তু এরই মধ্যে

মুখটা এত সুন্দর করে ফেললে কেমন করে ? দেখলে যে মহাদেবও পাগল হয়ে যাবে ।

কি বললে ?

রাজমোহিনী ফিসফিস করে হাসে—বলছি, বিশ্বের আগে তো মুখ এমন সুন্দর হয় না, বিশ্বের পরে হয় ।

চমকে ওঠে সুন্দা—কি বললে ?

বলছি, বিশ্বের কথা ভেবেই যদি এত রূপ খুলে যায়, তবে বিশ্বের গা ছোঁয়ার পর কী রূপই না খুলবে ।

সুন্দার চোখ দুটো যেন শুধু হয়ে রাজমোহিনীর মুখের দিকে তাকিয়ে থাকে । কিন্তু রাজমোহিনীর খুশির মুখরতা ধামতে চায় না—রাগ করিস না নন্দা বহিন । সত্যি তোকে কোন-দিন দেখতে এত সুন্দর লাগেনি ।

চলে যায় রাজমোহিনী । বিকালের আলো সরে গিয়ে চোখের সামনে যে সন্ধ্যার ছায়া ঘনিয়ে উঠছে, সেটাও বোধহয় সুন্দার চোখে পড়ছে না ।

নিরুপমা ডাকলেন—ভেতরে আয় নন্দা ।

॥ একুশ ॥

ঘরের ভিতরে গিয়ে আলোর সামনে একটা মোড়ার উপর বসে থেকেও যেন আলোটাকে দেখতে পাচ্ছে না সুন্দার উদাস দুটো কালো চোখ । নিরুপমা তিনবার এসে তিনবার কপালে হাত বুলিয়ে চলে গেলেন । সেই তিনটে স্নিগ্ধ ছোঁয়ার স্বাদও বোধ হয় অনুভব করতে পারেনি সুন্দার তপ্ত কপালটা । কিন্তু কান দুটো হঠাৎ চমকে উঠেছে । বাইরের বারান্দায় কার সঙ্গে যেন কথা বলছেন বিজনবিহারী, আর মাঝে মাঝে চেঁচিয়ে হেসে উঠছেন ।

বুঝতে আর ভুল হবে কেন ? পুরুষের দত্ত এসেছে । পুরুষের দত্ত তার একলা জীবনের যত শখ সাহস আর চেষ্টার গুপ্ত বলছে ।

এসব গল্পের সঙ্গে সুনন্দার অদৃষ্টের কোন সম্পর্ক নেই। এসব গল্প শোনবার জন্য সুনন্দার মনে এক ছিটে কৌতূহলও নেই। সেদিন রামপ্রসাদী গানের রেকর্ড এনেছিল, আজ হয়তো মীরাবাইয়ের গানের রেকর্ড নিয়ে এসেছে। স্কুল কমিটির প্রেসিডেন্টকে খুশি করছে স্কুলের খাড টিচার। মদ্রুবীকে ভক্তি-শ্রদ্ধা ঘনুস দিয়ে খুশি করছে একটা উন্নতির মতলব। মাটি-সাহেবের মেয়ের জীবনের আনন্দকে বিরক্ত করবার কোন মতলব নয়।

বাইরে বারান্দাটা যখন নীরব হয়ে যায়, তারপর বোধহয় একটা মিনিটও পার হয় না, ঘরের ভিতরে ঢুকে খুশির স্বরে চেঁচিয়ে ওঠেন বিজ্ঞবিহারী—একটা সুখবর আছে, নিরু।

বল।

পদ্মকর ঠিক আমার মতই একটা কান্ড করেছে।

কিসের কান্ড?

বর্ধমান থেকে এক বন্ধু ডাক্তারকে আনিয়ে শিউলিবাড়িতে বসিয়েছে পদ্মকর।

ডাক্তার?

হ্যাঁ, হোমিওপ্যাথির ডাক্তার। নতুন বস্তুতে ঘরভাড়া নিয়ে ওষুধের একটা দোকানও করে ফেলেছে রাজীব ডাক্তার। পদ্মকর খুব সাহায্য করেছে। আজ, এই সন্ধ্যাতে রাজীব ডাক্তারের ওষুধের দোকান-প্রতিষ্ঠার পূজো হয়ে গেল।

ভাল হল। রাজীব ডাক্তারের উন্নতি হোক।

আরও ভাল কথা, পদ্মকর দুটো ওষুধ দিয়ে গেল। একটা ওষুধ সকালবেলার জন্যে, একটা সন্ধ্যাবেলার জন্যে।

কিসের জন্যে?

সুনন্দার জন্যে। রাজীব ডাক্তার বলেছে, দুদিনের মধ্যে সর্দি-জ্বর ভাল করে দেবে এই ওষুধ।

বিজ্ঞবিহারীর হাতে সত্যিই দুটো শিশি। আলো পড়ে ছোট

কাচের শিশি দ্দটোও যেন ঝিকঝিকরে হাসছে। কিন্তু সুনন্দার আতঙ্কিত চোখ দ্দটো শূন্য কে'পে কে'পে দ্দটো নির্মম বিদ্রূপের দিকে তাকিয়ে থাকে। বুদ্ধের ভিতরে অস্বস্তির জ্বালাটা বোধহয় আগুনের শিখা হয়ে জ্বলতে শুরু করেছে। না, অসম্ভব। পুষ্কর দত্তের চোরা উপকারের ওই ওষুধ মূখে দিতে পারবে না সুনন্দা। ওষুধের শিশি দ্দটোকে এই মূহুর্তে জানলার বাইরে ওই শক্ত অন্ধকারের গায়ে আছাড় দিয়ে ছুঁড়ে দিতে আর গুঁড়ো করে দিতে হবে।

সুনন্দার মূখের প্রশ্নটাও যন্ত্রণাক্তের মত ছটফটিয়ে ওঠে।—
তুমি কি পুষ্করবাবুকে ওষুধ দিয়ে যাবার জন্য বলেছিলে?

বিজ্ঞানবিহারী—না, আমি তো কিছু বলিনি। আমি বলবই বা কেন?

দেয়ালের তাকের উপরে ওষুধের শিশি দ্দটোকে রেখে দিয়ে চলে যান বিজ্ঞানবিহারী। সঙ্গে সঙ্গে নিরুপমাও চলে যান। আর, সুনন্দার হঠাৎ-ক্ষুব্ধ আত্মাটা যেন হঠাৎ লজ্জা পেয়ে শান্ত হয়ে যায়। একটা মিথ্যে ভয়ের সঙ্গে কোন্দল করবার লজ্জা। মাথাটা যেন নিজের ইচ্ছায় হেঁট হয়ে যেতে চাইছে। দু'হাত তুলে কপালটাকে ঠেকিয়ে রেখে এই অলস মাথাটার সব ভার ধরে রাখতে চেষ্টা করে সুনন্দা।

কোন সন্দেহ নেই, আবার ভাবতে ভুল করেছে সুনন্দার মন। পুষ্কর দত্তের প্রাণ আড়াল থেকে কারও মূখের ছবিকে ধ্যান করছে না। চেষ্টা করে নয়, খোঁজ করে নয়, উঁকি-ঝুঁকি দিয়েও নয়, ভদ্রলোক বোধহয় হঠাৎ জয়ন্তী কিংবা মনোরমার মূখের কথা থেকে জানতে পেরে গিয়েছে, সুনন্দাদির জ্বর হয়েছে। তাই ওষুধ পাঠিয়ে দিয়েছে।

ফুলনবাবুর ছেলের বউ পাবতীর মূখ থেকেই একদিন গল্পটা শুনেনিছিল সুনন্দা। যেদিন সিলুয়াডি কোলিয়ারী টিমকে হারিয়ে দিয়ে রুদ্রকিশোর হকিশীল্ড পেল শিউলিবাড়ি ইলেভেন,

সেদিন পার্বতীর শ্বশুর ফুলনবাবু আহুদে আটখানা হয়ে শিউলিবাড়ি ইলেভেনের ক্যান্টেন পদ্মকরবাবুকে দহাতে বন্ধুকে জড়িয়ে ধরে চেঁচিয়ে উঠেছিলেন—জওয়ান-ই-বঙ্গাল ! জিতা রহো পদ্মকর !

সদরি সূচতে সিং পদ্মকরের হাত ধরে আরও জোরে চেঁচিয়ে উঠেছিলেন—কৈসর-ই-শিউলিবাড়ি ! খুশ রহো পদ্মকর !

আজ আবার এ ছাই গল্পটাকে বার বার মনে পড়ে কেন ? মনে পড়িয়ে লাভই বা কি ? গল্পটা যে আসতে অনেক দেরি করেছে ! যদি আর একটা বছর আগে গল্পটা আসতে পারত, তবে বোধ হয়..... ।

আবার ভাবতে ভুল করছে সুনন্দা । একটা বছর আগে পদ্মকরের মুখের দিকে তাকালেই বা কি লাভ হত ? কিছু না । সুনন্দার কপালের উপর কোন ফুলের পরাগ ঝরে পড়ত না । পদ্মকর দত্ত তো কোন আশা নিয়ে মাটিসাহেবের মেয়ের মুখের দিকে তাকাত না ।

বুঝতে আর কোন অসুবিধাও নেই । বাংলাদেশের জওয়ান হয়ে আর শিউলিবাড়ির কৈসর হয়ে মানুষের উপকারের কাজে খেটে বেড়ায় যে মানুষটা, সেই মানুষটা মাটিসাহেবের মেয়ের সদি-জব্বরের ওষুধ এনে দিয়েছে । এই মাত্র । এ ওষুধের মধ্যে অদৃশ্য কোন শত্ৰু নেই, গোপন কোন দাবিও নেই । এর মধ্যে রাগ কর-বারই বা কি আছে ? আশ্চর্য হবারই বা কি আছে ? পদ্মকর দত্ত যদি আবার আসে, তবে বরং খুশি হয়ে আর হেসে হেসে বলে দেওয়াই উচিত, খুব ধন্যবাদ পদ্মকরবাবু, খুব উপকার করলেন, আপনার ওষুধ খেয়েছি, জ্বরও সেরে গেছে ।

জোরে একটা হাঁপ ছাড়ে সুনন্দা, মুখটাও হাসতে শুরু করে দেয় । আর চোখ দুটোও যেন নিরাতক স্বস্তির সূখে সিস্ত হয়ে হাসতে থাকে ।

বাঃ, এ তো বেশ মজার চোখ ! সুনন্দার ঠোঁটের ফাঁকে স্বস্তির

হাসিটাও হঠাৎ বিড়-বিড় করে ওঠে। হাত তুলে চোখ দুটোকে ব্যস্তভাবে মুছে দিয়েই দেওয়ালের তাকের কাছে এগিয়ে যায় সুনন্দা। সন্ধ্যাবেলায় খেতে হবে কোন্ ওষুধটা ?

ওষুধের শিশির গায়ে কথাটা লেখাই আছে। ওষুধ খায় সুনন্দা।

চমকে ওঠে সুনন্দা। কি-যেন ভাবতে গিয়ে হঠাৎ মনে পড়ে গিয়েছে, আজকের মনটা কি-ভয়ানক ভুল করে এই কিছূক্ষণ আগে কত রুঢ় ভাষায় মোহিতের সঙ্গে কথা বলেছে। বদ্ব্যতীতও পারে, মনের ভিতরে একটা লজ্জার বেদনা করুণ হয়ে হাসছে। ছি ছি, ভাগ্যের সবচেয়ে সুন্দর ইচ্ছার ভাষাটা কি অদ্ভুত গম্ভীর হয়ে গিয়েছিল! কোথা থেকে একটা মূর্খ সন্দেহ এসে মোহিতের নিশ্চিত ভালবাসার মনটাকে যেন ধমক দিয়ে কথা বলতে চেয়েছিল।

জানলার কাছে এসে দাঁড়িয়ে থাকে সুনন্দা। এ সন্ধ্যা তো কোন অমীমাংসার সন্ধ্যা নয়। চাঁদ ওঠবার কথা। কিন্তু আর কত দেরি? কুয়াশার উপর চাঁদের হাসি লুটিয়ে পড়বে কখন? মোহিত আসবে কখন? বাবার কাছে কথাটা বলবেই বা কখন?

সুনন্দার ভাগ্যের এই উৎফুল্ল কৌতূহলের সব ব্যস্ততাকে হঠাৎ শান্ত করে দেবার জন্য ভিতরের আঙিনায় একটা শাঁখ বেজে উঠল। সেই সঙ্গে একটা কলরবের উৎসব। এগিয়ে গিয়ে দেখতে পায় সুনন্দা, মনোরমা আর জয়ন্তী কাড়াকাড়ি করে শাঁখ বাজাচ্ছে! দেখতে পায়, বাইরের বারান্দায় চক্রবর্তীঠাকুর পাঁজি হাতে নিয়ে বাবার সঙ্গে কথা বলছেন।

এগিয়ে আসেন নিরুপমা। দু'হাতে মেয়ের গলা জড়িয়ে ধরেন—মোহিত নিজেই বিয়ের কথা বলেছে। তাই দিন ঠিক করছেন চক্রবর্তীঠাকুর।

ওঘরের ভিতর থেকে বিজনবিহারীর গলার একটা গর্বময় উল্লাসের স্বর শোনা যায়।—তুমি কি এখানে একবার আসতে পারবে, নিরু?

নিরুপমা — কেন ?

বিজনবিহারী—তোমার ধার শোধ করবো । তোমার সেই দেড়শো টাকা নিয়ে যাও ।

নিরুপমা হেসে ওঠেন—অ্যাঁ ?

বিজনবিহারী—হ্যাঁ । ঝুমরারাজের স্যাকরা আসবে ; এইবার হারটা গড়িয়ে নাও ।

॥ বাইশ ॥

কিন্তু আজ হঠাৎ এমন একটা বিষয় আর চিন্তিত চেহারা নিয়ে কেন বাড়ি ফিরলেন বিজনবিহারী, শিউলিবাড়ির এই মাটিসাহেব, যার দুই চোখে এই পয়ত্রিশ বছর ধরে একটা প্রসন্ন দঃসাহসের সূর্য শূন্য জ্বলজ্বল করে হেসেছে ? আজকের অঘ্যাণের সন্ধ্যার কদুয়াশার মধ্যেই বা কোন্ বিভীষিকার ছায়া দেখলেন, যে-জন্যে মাটিসাহেবের মত শক্ত-পোক্ত মানুষের হাত-পায়ের জোঁর শিথিল হয়ে যেতে পারে ? বাড়ির দরজার কাছে এসে দাঁড়িয়েও সাইকেলের ঘণ্ট বাজাতে পারলেন না কেন ? গলার জোঁরই বা কেন এত অলস হয়ে গেল, যে-জন্যে একটা ডাকও দিতে পারলেন না—আমি এসেছি নিরু ! কিংবা আমি এসেছি নন্দু !

বেশ তো হেসে-হেসে, আর যেন একটা বিপুল আহ্লাদের ঝড়ের মত শিউলিবাড়ির চারদিকে সাইকেল ছুটিয়ে ঘুরছিলেন বিজনবিহারী । খোঁজ করে জেনেছেন, ঝুমরাগড়ের শূক্ৰবারের হাটে সরু চাল ওঠে । কদুয়াসাহেব বলেছেন, হাতিটাকে দু'-দিনের জন্য দিতে পারবেন । সিলুয়াডি কোলিয়ারীর ওভারম্যান মজুদদার বলেছেন, আদ্রা থেকে চারজন ভাল জেলে আনিয়ে দিতে পারবেন ; বড় ঝালের সব কালবোশ ছেঁকে তুলতে পারা যাবে । পুষ্কর তো রাজি হয়েই আছে, বিয়ের দু'দিন আগে রাঁচিতে গিয়ে ব্যান্ডপার্টি সঙ্গে নিয়ে চলে আসবে । সুনন্দার বিয়ের উৎসবটাকে হর্ষ উল্লাসে ভরে দেবার কল্পনা নিয়ে বেশ তো ছুটোছুটি কর-

ছিল একটা বিপুল স্নেহের হৃৎপিণ্ড। কিন্তু আজ এমন কি ব্যাপার হল, যে-জন্যে বাড়ি ফিরে এসেই একটা অসাড় ক্লান্তির মত খাটের উপর লুটিয়ে শুয়ে রইলেন বিজনবিহারী?

নিরুপমা বার বার জিজ্ঞেস করেন—কি হল?

কিছু না।

সুনন্দা বলে—কি হল বাবা?

বিজনবিহারী হাসেন—কিছু না। শুধু একটু একলা হয়ে থাকতে ইচ্ছে করছে।

অনেক রাতে সুনন্দা যখন ঘুমিয়ে পড়ে, তখন মোহিতের উপহার সেই বইটাও সুনন্দার বুকের ওপর পড়ে থাকে, যে-বইটার পাতায় পাতায় ভালবাসার গান ঘুমিয়ে আছে। তখন ও-ঘরের ভিতরে নিরুপমা তাঁর ঘুমহারা দুটো চোখের উদ্বেগ শান্ত করে নিয়ে প্রশ্ন করেন—কি হয়েছে এবার বল।

বিজনবিহারীও খাটের উপর উঠে বসেন। জোরে জোরে হাই তোলেন, আর গা-মোড়া দিয়ে ষাট বছর বয়সের শক্ত-পোক্ত আত্মাটার সব অবসাদ যেন ঝেড়ে ফেলে দিয়ে হেসে ওঠেন—কিছুই নয়; করালীবাবু নামে যে ভদ্রলোক হাওয়া বদলের জন্য এখানে এসেছেন, সেই ভদ্রলোক আজ হঠাৎ কয়েকটা বাজে কথা বলে, ফেললেন।

কি কথা?

ভদ্রলোক বললেন, উনি আমাকে চেনেন। কথা শুনে মনে হল, সত্যিই চেনেন।

তুমি ভদ্রলোককে চেন না?

তখন দেখে ঠিক চিনতে পারিনি, কিন্তু এখন মনে হচ্ছে, আমার সঙ্গে একই স্কুলে একই ক্লাসে পড়ত একটি ছেলে, নাম করালীকান্ত, হয়তো সে-ই হবে। যাই হোক...আর রাত ক'র না, দাও কিছু খেয়ে নিই।

কিন্তু কি বললেন করালীবাবু?

বললেন, আমি নাকি একজন বিদ্রোহী, গা ঢাকা দেবার জন্য এখানে এসে একটা চমৎকার বনবাস বেছে নিয়েছি। শূনে মনটা একটু খারাপ হয়ে গেল, এই যা। তা ছাড়া আর কিছুর নয়।

নিরুপমার চোখের তারা খরখর করে কাঁপতে থাকে। সেই কালোছায়াটা যেন নিরুপমার চোখ দুটোকে উপড়ে দেবার জন্য হিংস্র-নখরে-ভরা একটা থাবা তুলেছে।

হেসে ফেলেন বিজনবিহারী—করালীবাবুর কথা বাদ দাও। আজ আর ওসব কথার কোন মানে হয় না।

বিজনবিহারীর আজকের এই হাসির শব্দটাও যে সেই নিভঁর জীবনের প্রতিধ্বনি। যখনই সেই কালো-ছায়াটা কাছে এগিয়ে আসতে চেষ্টা করেছে, তখনই বিজনবিহারীর বকের ভিতরে যেন একটা সিংহের সাহস গরগর করে উঠেছে।

নিরুপমার কাছে বিজনবিহারীর এই হাসির শব্দটা যে একটা পরম সান্ত্বনার গান, শান্তি আর সম্মানের একটা নিভাঁক অঙ্গীকার। শোনামাত্র শান্ত হয়ে গিয়েছে নিরুপমার কালোছায়া ভীরু প্রাণটা।

আজও, নিরুপমার চোখের তারা আর কাঁপে না। আতঙ্কিত মনটা হঠাৎ শান্ত হয়ে যায়। ঠিকই, আজ আর ওসব কথার কোন মানে হয় না। করালীবাবুর কথাগুলি শিউলিবাড়ির মাটি-সাহেবের মান-সম্মান আর আনন্দের গায়ে একটা আঁচড়ও কাটতে পারবে না। সাধা নেই।

সকালবেলা ঘুম থেকে উঠে যখন শুনতে পায় সুনন্দা, কাল রাতে বাবা ভাত খেয়েছিলেন, তখন সুনন্দারও চোখের তারা দুটো হেসে ওঠে।

চলি বেটি নন্দয়া! সুনন্দার পিঠে হাত বুলিয়ে আর হেসে হেসে বিজনবিহারী যখন তাঁর মাটিসাহেবী মূর্তিটি নিয়ে আর সাইকেল ছুটিয়ে চলে যান, তখন অঘ্রাণের সকালের সব কুয়াশা গলে গিয়েছে। রোদ মেখে শিউলিবাড়ির ঘাসের সব শিশির হাসছে।

সারা দূপদূর ধরে রামসিংহাসনের চন্দনা শিস দেয়। কাটোয়ার সেই বাউল একবার এসে গান গেয়ে আর সিঁথে নিয়ে চলে যায়।

সোনার হারটা তৈরি হয়েছে। ঝুমরা রাজবাড়ির স্যাকরা এসে হারটা দিয়ে চলে গেল। মেয়ের গলায় হারটা একবার পরিয়ে দিয়ে দেখতে গিয়েই নিরূপমার চোখ ছলছল করে ওঠে।

সুনন্দা হাসে—তুমি এরকম কেন করছ মা? আমি তো বেশ হাসছি।

বিকেলটা কিন্তু কাটতে চায় না। সুনন্দার চোখের দৃষ্টিটা উতলা হয়ে ওঠে, যেন বৃকের ভিতরে হাসনুহানার গন্ধ উতলা হয়ে উঠেছে। সেদিন যদি জয়ন্তী আর মনোরমা ওভাবে শখি বাজিয়ে না ফেলত, তবে আজও বোধহয় একবার ঝুমরা কলোনি বেড়িয়ে আসতে পারত সুনন্দা। এরকম অদ্ভুত একটা চক্ষু-লজ্জার বাধা সুনন্দাকে এখানে অলস করে বসিয়ে রাখতে পারত না। জানতে ইচ্ছে করে, আজ এখন এই বিকেলের রোদের দিকে তাকিয়ে কি ভাবছে মোহিত?

বাইরের বারান্দায় এসে দাঁড়াতেই চমকে ওঠে সুনন্দা। যেন বিকেলের রোদটাই হেসে উঠে সুনন্দার এই জিজ্ঞাসার উত্তরটা দিয়ে দিয়েছে! মোহিতের চাকর রঘুনাথ একটা চিঠি হাতে নিয়ে দাঁড়িয়ে আছে।

চিঠি দিয়ে চলে যায় রঘুনাথ, আর চিঠি পড়েই সুনন্দার চোখের হাসি আরও উচ্ছল হয়ে ওঠে। মোহিতের চিঠিটা যেন একটা দূরন্ত আকুলতার আহ্বান!—এখনি একবার এস সুনন্দা, একটুও দেরি কর না।

আমি একটু ঘরে আসছি, মা।

ঘরের ভিতর থেকে নিরূপমা বলেন—এস।

॥ ভেঁইশ ॥

মোহিতের এই ঘরের জানলার কাছে দাঁড়িয়েও দৃষ্টিদার

সাহেবের ফটকের মাধবীলতার বিতান দেখতে পাওয়া যায়। কিন্তু মাধবীলতার গায়ে সত্যিই থোকা-থোকা ফুলের ঝালর দুলছে, না থোকা-থোকা ঠাট্টার ঝালর দুলছে? ও ফুলের আভা কি লাল-মাণিকের আভা, না লালচে আগুনের আভা? সুনন্দার চোখ দুটো যেন সব জ্ঞান আর সব বোধ হারিয়ে ফেলেছে। তাই ওভাবে এতক্ষণ ধরে আর অপলক চোখে ওই মাধবীলতার বিতানটার দিকে তাকিয়ে থেকেও কিছু বুঝতে পারছে না সুনন্দা। মোহিত বলেছে, বিয়ে হবে না; বিয়ে হতে পারে না।

কেন?

না; করালীকাকা যে-কথা বললেন, তাতে তোমার সঙ্গে আমার বিয়ে হওয়া উচিত নয় সুনন্দা।

কে তোমার করালীকাকা?

আমার বাবার খুড়তুতো ভাই, আমাদের কেষ্টনগরের কাকা।

কী বলেছেন করালীকাকা?

শুনে তোমার লাভ নেই। আমি বলব না।

লাভ আছে। কোথায় উনি?

কেন?

আমি তাঁরই কাছে গিয়ে জিজ্ঞাসা করব।

উনি নেই। কাল এসেছিলেন, আজ সকালেই চলে গিয়েছেন।

কেন?

তোমার বাবার ভয়ে।

তার মানে?

তার মানে উনি শিউলিবাড়ির মাটিসাহেবের দাপটের কথা জ্ঞানতে পেরেছেন।

এ-কথারই বা কি মানে হয়?

এখানে তোমার বাবা অনায়াসে করালীকাকাকে দু'টুকরো করে কেটে ফেলতে পারেন। মাটিসাহেবকে কেউ বাধা দেবে না, কেউ কিছু বলবে না।

আমার বাবাকে এমন ভয়ানক বলে ধারণা হল কেন তোমার করালীকাকার ?

তিনি তোমার বাবাকে চেনেন ।

চিনলে কি বাবাকে কেউ ভয়ানক বলে মনে করতে পারে ?

যাঁরা ভাল করে তোমার বাবাকে চেনেন, তাঁরা তোমার বাবাকে ভয়ানক বলেই মনে করবেন ।

মিথ্যে কথা । তোমার করালীকাকা ভয়ানক মিথ্যেবাদী ।

মাটিসাহেবই একটি ভয়ানক মিথ্যে ।

কি বললে ?

ঠিক কথা বলেছি, সদুনন্দা । তুমি কিছু জান না বলেই রাগ করে আমার সঙ্গে এত তর্ক করছ ।

তুমি জানিয়ে দিতে ভয় পাচ্ছ কেন ?

ভয় নয়, মায়ার জন্যে জানাতে পারছি না ।

একটুও মায়ার দরকার নেই, তুমি এখনি জানিয়ে দাও । আমি দ্দ'কান দিয়ে শুনব ।

তবে শোন ।

বল ।

তোমার বাবা এক ভদ্রলোকের এক মিথ্যে ছেলে ।

কি ?

সে ভদ্রলোকের বিবাহিতা স্ত্রীর ছেলে নয়, একটা স্ত্রীলোকের ছেলে । আর তুমিও... ।

বল, চুপ করলে কেন ?

তুমিও তোমার বাবার একটি স্ত্রীলোকের মেয়ে, বিবাহিতা স্ত্রীর মেয়ে নও ।

বল, আর যা কিছু জান, সব বল । শুনতে বেশ লাগছে ।

যে বিধবাকে ঘরছাড়া করে নিয়ে এসে শিউলিবাড়িতে ঘর বেঁধেছেন তোমার বাবা, সেই বিধবা হলেন তোমার ওই মা ।

সারা শিউলিবাড়ি দাউ দাউ করে পড়ছে—সেই সঙ্গে পড়ছে

আর ছাই হয়ে যাচ্ছে সুনন্দার চোখ মৃদু আর ফুসফুস । জানলার গরাদটাকে আঁকড়ে ধরতে চেষ্টা করে সুনন্দা । টিপ করে একটা শব্দ গুমরে ওঠে । মেঝের উপর আছাড় খেয়ে পড়ে গিয়ে সুনন্দার মাথাটা গুমরে ওঠে । চেঁচিয়ে ওঠে মোহিত—সুনন্দা ।

অঘ্রাণের সন্ধ্যার বাতাসটা বেশ ঠান্ডা । তাই সুনন্দার মূছাটাও যেন একটা হিমাক্ত ভয়ের ছোঁয়া লেগে শিউরে ওঠে । চোখ মেলে তাকায় সুনন্দা । কথাও বলে সুনন্দা ।—কিন্তু আমাকে বিয়ে করতে তোমার বাধা কোথায় ? এখানে তো কেউ বাধা দেবে না । এখানেও তো চক্রবর্তীঠাকুর আছেন, আশীর্বাদ করবার মানুষও আছে ।

ঠিক কথা । এখানে তোমার বাবার দাপটের ভয়ে যত শাস্ত্র মন্তর আর আশীর্বাদ সবাই বিয়ে দেবার জন্য এগিয়ে আসবে । কিন্তু তাতে তো আমার মন ভরবে না । ওটা একটা ঠাট্টার ব্যাপার হবে, কলকাতার ছাতুবাবু যেমন ঘট করে বেড়ালের বিয়ে দিয়েছিলেন ।

একেবারে স্নানস্থির হয়ে বসে, আর দুই চোখ অপলক করে মোহিতের মূখের দিকে তাকিয়ে থাকে সুনন্দা । মোহিত নয়, যেন সুনন্দার ভাগ্যের ঈশ্বর কথা বলছে । ঠিকই তো, মানুষের ছেলে এমন একটা মেয়েজন্তুকে বিয়ে করবে কেন ? মানুষের ছেলের যে দেশ বাড়ি গাঁই গোত্র আছে । নিয়মের সন্তান হয়ে এমন একটা অনিয়মের প্রাণীকে বিয়ে করতে ভয় না করে পারবে কেন মোহিত ?

মোহিত বলে—তুমি বোধ হয় আমার কথাটা ঠিক বুঝতে না পেরে আমাকেই ভুল বুঝেছ ? কথা হল, তোমাকেই যদি ঘরে নিয়ে আসি, তবে বিয়ে করবার দরকার কি ?

চমকে ওঠে সুনন্দা । মোহিতের কথার অর্থটা যেন বুঝতে পারা যাচ্ছে । সুনন্দার অপলক চোখের উপর থেকে এতক্ষণের উত্তপ্ত বাষ্পের আবরণও যেন হঠাৎ একটা চমক লেগে ছিঁড়ে যায় ।

চোখের শব্দকনো খটখটে তারা দুটো প্রখর হয়ে জ্বলতে থাকে। কি বললে ?

বলছি, আমি আমার ভালবাসার অপমান করতে পারব না, তোমারও অপমান হতে দেব না। তুমি আমারই ঘরে আসবে, আমার কাছে থাকবে।

মাটিসাহেবের আদরে মেয়ের হৃৎপিণ্ডটাকে কেউ যেন নদ'মার পাকের মধ্যে চেপে ধরে গলা টিপে ধরেছে। বোবার আত'নাদের মত একটা যন্ত্রণার শব্দ যেন সুনন্দার গলা ছিঁড়ে দিয়ে ঠিকরে ওঠে—কি বললে মোহিত ?

আমি আর এখানে থাকব না সুনন্দা। আজই চলে যাব। আর তোমাকেও আমার সঙ্গে নিয়ে যাব।

কোথায় যাবে ?

ধরে নাও, অনেক দূরে কোথাও। রায়পুর কিংবা নাগপুর।

কিন্তু আমি সেখানে কেন যাব ?

যদি আমাকে ভালবেসে থাক, তবে নিশ্চয় যাবে, যেতে হবে।

আমি তোমার সঙ্গে গিয়ে কি করব ?

আমার কাছে আমার ঘরে থাকবে !

কেমন করে থাকব ? চেঁচিয়ে ওঠে সুনন্দা।

তোমার মা যেমন করে তোমার বাবার সঙ্গে রয়েছেন। মোহিতের শান্ত শিক্ষিত সবল ও অবিচলিত দুটো কোঁত'হলের চোখ সুনন্দার মুখের দিকে তাকিয়ে থাকে।

মাথা হেঁট করে ফুঁপিয়ে ওঠে সুনন্দা—মাগো !

সুনন্দা ! সুনন্দার একটা হাত ধরে ডাক দেয় মোহিত। চমকে ওঠে সুনন্দা। সত্যিই যে একটা সান্দ্রনার হাত বলে মনে হয়। মুখ তুলে তাকিয়ে আরও আশ্চর্য হয়, মোহিতের দুই চোখ ছলছল করছে। যেন একটা ভয়-পাওয়া ভালবাসা করুণ হয়ে তাকিয়ে আছে।

চুপ করে কি যেন ভাবে সুনন্দা। বোধহয় ভাগ্যের একটা

দ্রুতকৌটিকে চুণ করে দেবার জন্য সুনন্দার বন্ধকের সব নিঃশ্বাস দ্রুত একটা সাহস পেতে চাইছে। কিন্তু সুনন্দার সব নিঃশ্বাসের ভার হঠাৎ যেন শ্রান্ত হয়ে যায়। দ্রুতকৌটাই বলছে, যেতেই যে হবে, উপায় নেই।

সুনন্দা বলে—বেশ। কখন যাবে?

শেষ রাতের ট্রেনে।

আমাকে কি করতে হবে?

তুমি স্টেশনে চলে আসবে।

৷চব্বিশ ৷

সিংহানি কোলিয়ারীর বাঁশির শব্দটা শালবনের উপর দিয়ে ভেসে এসে ঘুমন্ত শিউলিবাড়ির বাতাসকেও একটু সজাগ করে দিয়ে মিলিয়ে গেল। কয়লার ট্রেনটারও চাকা-গড়ানির শব্দটা দূরে চলে গেল। কাজেই ধরে নিতে পারা যায়, রাতের প্রহর ফুরিয়ে আসছে, দূটো বেজে গিয়েছে।

নিরুপমার ঘুম হঠাৎ ভেঙে গিয়েছিল, তাই দেখতে পেলেন, ওঘরে একটা আলো জ্বলছে, আর সুনন্দাও পাশে নেই।

এত রাতে কি করছে মেয়েটা? ভাত খাওয়ার পর যে মেয়ে নিজেই গরজ করে বলল, আজ আমি তোমার কাছে শোব মা, সে-মেয়ের মনে আবার এ কেমন খেয়াল দেখা দিল? মায়ের পাশে শোবার লোভটা এরই মধ্যে মরে গেল? আর বই পড়বার লোভ হল?

ও-ঘরের দরজার কাছে এগিয়ে গিয়ে আর উঁকি দিয়েই চমকে ওঠেন নিরুপমা। ফিরে এসে বিজনবিহারীর ঘুমন্ত বুকটাকে ঠেলাঠেলি করে, আর যেন একটা করুণ আতঙ্কের স্বর চেপে চেপে ডাক দিতে থাকেন—শুনছ? শিগগির ওঠ। নন্দা কি কান্ড করছে দেখ।

বিজনবিহারীও চমকে জেগে ওঠেন—কি হল ?

নন্দু কি-যেন লিখছে আর কি-ভয়ানক কাঁদছে ।

কেন ?

সত্যিই তো কেন ? যে মেয়ে আজ রাতে ইচ্ছে করে বাবার পাতে ভাত খেয়েছে, ইচ্ছে করে মার গা ঘেঁষে ঘুমিয়েছে, সে মেয়ে ঘুম ছেড়ে দিয়ে এই নিশুত রাতে একলা ঘরে বসে বসে কাঁদবে কেন ?

সুনন্দার কাছে গিয়ে দাঁড়ান বিজনবিহারী আর নিরুপমা ।—
কি লিখছিস নন্দু ? বিজনবিহারী ডাকেন ।

কাঁদছিস কেন নন্দু ? নিরুপমা ডাকেন ।

লেখাটা ছিঁড়ে ফেলে দিয়ে আর চোখ মুছে নিয়ে সুনন্দা বলে—
আমাকে এখনই চলে যেতে হবে, মা ।

চমকে ওঠেন নিরুপমা—কোথায় যাবি ?

মোহিত যেখানে নিয়ে যাবে সেখানে ।

বিজনবিহারী—কি বললি নন্দু ?

আর জিজ্ঞেস করো না, বাবা ।

নিরুপমা—পাগলের মত কথা বলছিস কেন ? এখন আবার
মোহিত তোকে কোথায় নিয়ে যাবে ? বিয়ের পর যাবে ।

বিয়ে হবে না, মা ।

নিরুপমা যেন সুনন্দার গায়ের উপর ঝাঁপিয়ে পড়ে সুনন্দাকে
দুহাতে শক্ত করে জড়িয়ে ধরে কাঁপতে থাকেন—কি হল নন্দু ?
একথা কেন বলছিস নন্দু ?

বিয়ে হতে পারে না ।

কেন ?

মোহিতের কাকা করালীবাবু যে-কথা বলে দিয়ে গেছেন, তার
পর আর বিয়ে হতে পারে না ।

করালীবাবু যা ইচ্ছে হয় তাই বলুক, কিন্তু মোহিত তো
অবদ্বা ছেলে নয় ।

মোহিত খুব সবুঝ ছেলে। মোহিতই তোমাদের মেয়েকে
বিয়ে করতে রাজী নয়।

কিছুই বুঝতে পারছি না নন্দু। মোহিত তোকে বিয়ে করবে
না, তবু তোকে নিয়ে যাবে; একি বিব্রী কথা, কুৎসিত কথা
ভয়ংকর কথা বলছি নন্দু?

তুমি বুঝতে পারবে না, কেন?

অ্যাঁ? কি বললি?

বুঝে দেখ। তুমি যা করেছ, তোমার মেয়েও তাই করবে।

সুনন্দার ঘাথাটাকে দু'হাত দিয়ে টেনে বকের উপর চেপে
ধরে হাঁপাতে থাকেন নিরুপমা—আমাকে ক্ষমা করে দে, নন্দু।

আমার কথা ছেড়ে দে নন্দু। তুই যেতে পারবি না।

যেতেই হবে মা।

না না, কেন যাবি? কখুনো না।

অনেক সাহস করেছ, অনিয়মের মেয়েকে কোলে নিয়ে আদর
করেছ আর পুষেছ। কিন্তু আর বোধহয় সাহস করতে পারবে
না।

খুব সাহস আছে। চিরকাল পুষব।

না, পারবে না। মেয়ের কোলে একটা অনিয়মের ছেলেকে
দেখতে পেলো, তাকে আদর করবার সাহস হবে না।

এ কি সর্বনেশে কথা বলছি?

ভাগ্যের কথা বলছি। মরতে সাহস হচ্ছে না বলেই চলে যেতে
হচ্ছে।

বিজনবিহারী বলেন—নন্দুকে ছেড়ে দাও নিরু। ওকে যেতে
দাও।

বিজনবিহারীর পায়ের উপর লুটিয়ে পড়ে সুনন্দা।—আমি
মরতেই যাচ্ছি বাবা, তুমি বাধা দিয়ো না।

না বাধা দেব না। কেন দেব? দু-হাত দিয়ে সুনন্দার হাত
দুটোকে শক্ত করে আঁকড়ে ধরেন বিজনবিহারী, আর টেনে তুলে

নিরে দাঁড় করিয়ে দেন ।

নিরুপমার দিকে তাকিয়ে কথা বলেন বিজনবিহারী ;
গলার স্বর যেন শান্ত বজ্রব ।—তুমি ওঘরে চলে যাও নিরু ।

মুখটাকে দহু হাতে শক্ত করে চেপে আর টলতে টলতে ও-ঘরের
ভিতরে গিয়ে মেঝের উপর আছড়ে পড়েন নিরুপমা ।

তারপর বিজনবিহারী, এদিকে-ওদিকে বা পিছনে, কোন দিকে
না তাকিয়ে, আশু আশু পা ফেলে, শুধু পায়ের তলার মেঝেটার
দিকে তাকিয়ে ও-ঘরের ভিতরে গিয়ে খাটের উপর বসে পড়েন ।

শিউলিবাড়ির রাতটাও যেন মরণঘুম ঘুমিয়ে নিতে থাকে ।
নীরব নিরেট একটা স্তব্ধতা । ওই ঘরে আর সেই বাতিটা জ্বলছে
না । খোলা দরজা দিয়ে হিমেল কুয়াশা হু হু করে ঘরের ভিতরে
ঢুকছে । কে জানে কখন চলে গিয়েছে সুনন্দা ।

নিরুপমার তন্দ্রাটাও যেন একটা মূর্ছা । কাঁদবার শক্তিটাও
অসাড় হয়ে গিয়েছে । যেন একটা অভিশাপের পায়ের কাছে মূখ
ধুবড়ে পড়ে আছেন নিরুপমা ।

কিন্তু মূর্ছাটাও যেন আর নীরব হয়ে এ যন্ত্রণা সহ্য করতে
পারছে না । তাই হঠাৎ একবার ধড়মড় করে উঠে বসেন আর
চোখ মেলে তাকান নিরুপমা । না, ওঘরে আর আলো নেই ।
কিন্তু এঘরে কেন আলো জ্বলছে ? ঘরটা শূন্য কেন ?

নিরুপমার নিথর চোখ দুটো অবুঝের মত তাকিয়ে সারা
ঘরের শূন্যতার অর্থটাকে যেন বুঝতে চেষ্টা করে । সে গেল
কোথায় ? খাটের উপর চুপ করে বসেছিল যে পাথর মানুষটা ?

চমকে ওঠে নিরুপমার অবুঝ চোখ । মানুষটা যে ঘরের এক
কোণে দাঁড়িয়ে হাসছে । বন্দুকটা হাতে তুলে নিয়েছে । এইবার
টোটার মালাটার দিকে হাত বাড়িয়েছে ।

ছুটে এসে দেয়ালের গায়ে ঝোলানো টোটার মালাটা তুলে
নিরে সরে যান নিরুপমা । টোটার মালাটাকে আঁচল দিয়ে ঢেকে
আর দহু-হাত দিয়ে বুকের কাছে চেপে রেখে চেঁচিয়ে ওঠেন—

তোমার পারে পড়ি। তুমি বন্দুক রেখে দাও।

বিজনবিহারী—একটা টোটা দাও নিরু। আমি চলে যাই।

না।

আমি রাগ করে বলছি না, নিরু। বিশ্বাস কর, কারও ওপর আজ আমার একটুও রাগ নেই।

কী শান্ত আর কত স্নিগ্ধ ও মৃদু একটি চেহারা! গায়ে গেঞ্জি, পারে চটি, ধূতির কোঁচাটাকে তুলে নিয়ে কোমরে গুঁজে দিয়েছেন। কাঁধ আর বুকের ফর্সা রঙটা ধবধব করছে। মাথার চুলের সব সাদাও আলো লেগে চিকচিক করছে। বিজনবিহারী যেন হেসে হেসে এই ঘরের একটা চমৎকার সাধের কাজ সেরে ফেলবার জন্য বন্দুকটাকে আদর করে হাতে তুলে নিয়েছেন।

বিজনবিহারী হাসেন—ভাবতে বেশ লাগছে, নিরু। কি আশ্চর্য, ঠিক সময় বুঝে চলে এল সেই অভিশাপের রাগ। ধন্য অভিশাপ রে বাবা!

হাসতে থাকেন বিজনবিহারী। যেন মনখোলা প্রাণখোলা একটা ঠাট্টার হাসি, সে হাসির আড়ালে একফোঁটা ঝাঁঝ নেই, জ্বালা নেই, ধিক্কার নেই।

নিরুপমা বলেন—আমার একটা কথা শুনবে?

বল।

তুমি শূন্যে পড়।

বিজনবিহারী নিরুপমার মুখের দিকে তাকিয়ে তেমনই হাসি-মুখে আর শান্ত স্বরে বলেন—তুমি আমার একটা কথা শুনবে?

বল।

আমার কাছে এসে বস।

নিরুপমার উদ্বিগ্ন চোখ দুটো এইবার বিস্মিত হয়ে তাকিয়ে থাকে।

বিজনবিহারী ডাকেন—এস নিরু।

ঘর-সংসারের গম্ভীর ডাক নয়। চিন্তার ডাক নয়, কাজের

ডাক নয়। যেন খেলার সাথীর ডাক। বিজনবিহারী তাঁর পঁয়ত্রিশ বছরের জীবনসঙ্গিনীর একটা অভিমানিত অনিচ্ছা আর কৃপণতাকে ভুলিয়ে ভালিয়ে যেন বাজে খরচের জন্য একটা টাকা আদায় করে নেবার মতলবে আদরের সুরে কথা বলছেন।

নিরূপমা উঠে এসে খাটের কাছে দাঁড়ান। বিজনবিহারী তাঁর পাশের জায়গাটাকে দেখিয়ে দিয়ে নিরূপমাকে আরও সিন্ধু স্বরে অনুরোধ করেন—এখানে বস, আমার কাছে বস নিরু।

নিরূপমা বসেন। বিজনবিহারী হাত পাতেন। যেন একটা মিষ্টি মায়ার কাছে, যে মায়া একটুতেই গলে যায়, তারই কাছে আবেদন করেছেন বিজনবিহারী—দাও নিরু।

কিন্তু নিরূপমার মায়ার প্রাণ তবু গলতে চায় না। অঁচল দিয়ে জড়ানো টোটার মালাটাকে আরও সাবধানে আর শক্ত করে দু হাতে জড়িয়ে ধরে রাখেন নিরূপমা।

বিজনবিহারী হাসেন—তুমি মিছে কেন কিপটেমি করছ, নিরু? বদ্বাতে পারছ না কেন, আমি যে শান্তিটাকে জ্বদ করে দিতে চাই। শিউলিবাড়ির মাটিসাহেব মাথা হেঁট করেছে, একটা ভীতু কুষ্ঠরোগীর মত স্টেশন রোডের এক কিনারা ধরে চুপি-চুপি চলে যাচ্ছে, এমন মজার ব্যাপার তো সম্ভব নয়।

নিরূপমা তবু অবিচল।—না, তুমি আর যা-ই বল, ওকথা বল না।

না, না। তুমি আমাকে বাধা দিয়ে বিরক্ত করো না। আমি কারও কাছে হার মানতে পারব না নিরু। ভাল-ছেলেটি হয়ে যার-তার হাতে মার খাওয়ার জন্যে বেঁচে থাকা আমার পোষাবে না।

ষাট বছর বয়সের গলার স্বরের সঙ্গে যেন ষোল বছর বয়সের দুরন্ত বিজুর সেই বিদ্রোহের গর্জন আজও কথা বলছে। বিজনবিহারীর শান্ত গলার স্বর সত্যিই এবার একটু দুরন্ত হয়ে উঠেছে। বদ্বাতে আর অসুবিধে নেই, বিজনবিহারীর এই দুরন্তপনা আজ আর কোন সান্ত্বনায় শান্ত হবার নয়।

নিরূপমা বলেন— তবে শুধু একটা টোটা চাইছ কেন ? দূটো নাও ।

বিজনবিহারী যেন একটু চমকে ওঠেন— কি বললে ?

নিরূপমার চোখ দূটোও হঠাৎ যেন একটা আশার ছবি দেখতে পেয়েছে, তাই চোখের তারা দূটোতে অদ্ভুত এক ইচ্ছার বিদ্যুৎ ঝিলিক দিয়ে উঠেছে ।—আমিও যাব ।

কেন ?

কেন আবার কি ? তুমি আমাকে সঙ্গে করে নিয়ে এসেছিলে, তুমি এবার সঙ্গে করে নিয়ে যাবে ।

অ্যাঁ ?

হ্যাঁ ।

হ্যাঁ, ঠিক বলেছ । ব্যস্ত লোভীর মত আবার হাত পাতেন বিজনবিহারী—দাও, তাহলে দূটো টোটাই দাও ।

বন্দুকের নলটাকে এক হাত দিয়ে টেনে নিয়ে আর নিজেরই বন্দুকের কাছে ঠেকিয়ে রেখে, আর এক হাতে টোটার মালাটাকে বিজনবিহারীর কোলের উপর ফেলে দেন নিরূপমা ।

বিজনবিহারী বলেন, ছিঃ, এরকম হুটোপুটি কোর না নিরু । এতদিন যেমন আমাকে বিশ্বাস করেছ, তেমনই আজও বিশ্বাস কর, আমি তোমাকে একলা ফেলে রেখে যাব না ।

নিরূপমা যেন লজ্জিত হয়ে হাসেন । সত্যিই হাতটা হঠাৎ অবিশ্বাসী হয়ে বন্দুকের নলটাকে আঁকড়ে ধরেছে, যেন নিরূপমাকে একলা ফেলে রেখে পালিয়ে যেতে না পারেন বিজনবিহারী । ছি ছি, কি বিপ্লী অবিশ্বাস । পঁয়ত্রিশ বছর ধরে নিরূপমাকে বন্দুকের কোটরে পুরে বেঁচে আছে যে-মানুষটা, সে কি নিরূপমাকে আজ ধুলোর উপর ছুঁড়ে ফেলে দিয়ে চলে যেতে পারে ?

না না, অবিশ্বাস করছি না । বন্দুকটা ছেড়ে দিয়ে যেন একটা স্বস্তিময় নিভাবিনায় হাঁপ ছাড়েন নিরূপমা ।

বিজনবিহারী বলেন—তোমাকে কেন মিছিমিছি যত অপমান

আর লঙ্কার মধ্যে ফেলে রেখে যাব—কথ'খ'না না । কিন্তু....।

দুটো টোটা আর বন্দুকটাকে দুজনের মাঝখানের ছোট ব্যব-
ধানটুকুর উপর শূইয়ে রেখে দিয়ে বিজনবিহারী এদিক-ওদিক
তাকিয়ে কি-যেন ভাবেন ।

নিরুপমা বলেন—কি খুঁজছ ?

খুঁজছি না, ভাবছি, বিছানাটা রক্তে ভেসে গেলে কি ভাল
দেখাবে ? কাজটা ও-ঘরের মেঝের উপর হলেই ভাল হত না কি ?

না, ও-ঘরে নন্দুর ফটোটা রয়েছে ।

ওঃ, না, তাহলে ও-ঘরে নয় ।

আমি তো বলি, এই খাটের উপরেই ভাল । কিন্তু.... ।

কি ?

আমাকে এখানে একা শূইয়ে রেখে তুমি আবার এদিকে-ওদিকে
সরে গিয়ে পড়ে থেকো না ।

না না, তা কি হয় ! আমি ঠিক তোমার পাশেই শূয়ে পড়ব ।

আমি তো দেখতে পাব না, কিন্তু আমার হাতটা তবু ধরে
রেখ লক্ষ্মীটি, কেমন ?

নিশ্চয় । সে কথা কি আর বলতে হবে ? নিরুপমার একটা
হাত ধরেন বিজনবিহারী ।

এখনই ?

সেটা জেনে তোমার লাভ কি হবে বল ? যখনই হোক, ভোর
হবার আগেই হয়ে যাবে ।

বিজনবিহারীর কাঁধের উপর মাথাটাকে এলিয়ে দেন নিরুপমা ।
বিজনবিহারী খুঁশি হয়ে বলেন—হ্যাঁ, এই ভাল । তুমি এবার
চোখ বন্ধ করে একটু ঘুমিয়ে নাও ।

তুমি কিন্তু আমাকে ঘুমের মধ্যেই.... ।

না না ! ঘুম ভাঙবার পর ।

হ্যাঁ, আমি চোখ মেলে তোমাকে একবার দেখব, তারপর । মনে
থাকে যেন ।

নিশ্চয় ।

বিজনবিহারীর কাঁধের উপর নিরুপমার মাথাটা, যেন একটা নিশ্চিন্ত ঘুমের স্বপ্নভরে ঢলে পড়ে থাকে । বিজনবিহারীও তাঁর একটা হাত নিরুপমার কাঁধে তুলে দিয়েছেন । দু'জনের মাঝখানে একটা বন্দুক আর দুটো টোটা, যেন একটা ফুলমালা আর দুটো ফুল । আর ঘরটা যেন বাসরঘর । শিউলিবাড়ির ষাট বছর বয়সের মাটিসাহেব আর তাঁর পঞ্চাশ বছর বয়সের জীবনসহচরী যেন এক পরম মিলনের বর আর বধু । খোলা দরজা দিয়ে অঘাণের কুয়াশা হু হু করে ঘরের ভিতরে ঢুকছে, কিন্তু বাতিটা নিবছে না ।

॥ পঁচিশ ॥

অঘাণের কুয়াশা কিন্তু এরই মধ্যে সুনন্দার খোঁপার উপর কুচি-কুচি শিশির ছড়িয়ে দিয়েছে । সুনন্দার গায়ে শাড়িটাও স্যাঁতসেঁতে হয়ে গিয়েছে ।

শিউলিবাড়ির স্টেশন নয়, দূরের সিগন্যালের লাল চোখটা যেখানে ঘোলা রক্তের আভার মত কুয়াশার বন্ধের একটা ক্ষত হয়ে জ্বলছে, সেখানে রেল লাইনের পাশে একটা মাথাভাঙা মরা শিমুলের গায়ে হেলান দিয়ে দাঁড়িয়ে আছে শিউলিবাড়ির মাটিসাহেবের মেয়ে সুনন্দা ।

ঠিকই, স্টেশনেরই দিকে এগিয়ে গিয়েছিল সুনন্দা । কিন্তু স্টেশনের মাথার উপরের বড় আলোটার দিকে চোখ পড়তেই সুনন্দার চোখ দুটো যেন ধাঁধিয়ে গিয়েছিল । থমকে দাঁড়িয়েছিল সুনন্দা । সেই ধাঁধিয়ে যাওয়া চোখ দুটোও কিছুক্ষণ ধরে দপ্-দপ্ করে জ্বলেছিল ।

না, ওই আলোর দিকে এগিয়ে যাওয়াও যেমন, আর দূরের ওই অন্ধকারের লাইনের উপর মাথা পেতে পড়ে থাকাও তেমনি,

দুইই মরণ। শিউলিবাড়ির মাটিসাহেবের মান-সম্মানের প্রাণটা তাঁর মেয়ের এই দুই মরণের কোন একটি মরণ দেখতে পেলে একই যন্ত্রণায় ছটফটিয়ে মরে যাবে। এভাবে মানুষের ছেলের সঙ্গে চলে গেলে অমানুষের মেয়ের প্রাণটাও কি সম্মানের বাঁচা বাঁচতে পারবে? না, অসম্ভব! দূরাশার চেয়েও মিথ্যে আশা! তুমি বিজনবিহারী নও মোহিত, আর আমিও নিরুপমা নই। মাটিসাহেবের পায়ের ধুলোতে যে সাহস আছে, তোমার বৃকেও সে সাহস নেই। নিরুপমার ছায়ার বৃকটাতে যে ভালবাসা আছে, আমার এই রক্তমাংসের বৃকের ভিতরে সে ভালবাসা নেই।

না, শুধু এই শরীরটার একটা গোপন লজ্জার ভয়ে তোমার মত মানুষের ঘরে গিয়ে পড়ে থাকবার কোন মানে হয় না। একটা অনিয়মের মেয়ের প্রাণের সঙ্গে আর একটা যে অনিয়মের প্রাণ লুকিয়ে আছে, সেটাও চলে যাক। কাঁটা আর কাঁটার ফুল একসঙ্গেই মরে যাক। কিন্তু তোমার সঙ্গে যাব না। কথুনো না। তোমাকে বিশ্বাস করতে পারছি না। তোমাকে ভয় করে— তোমাকে বিশ্বাস করা উচিত নয়। তোমার কাছে থাকা মানে একটা চমৎকার রঙচঙে ভীরুতার দাসী হয়ে পড়ে থাকা।

না, দুইই সমান অসম্মানের মরণ কেন হবে? তোমার সঙ্গে চলে যাওয়া মরণের চেয়ে ওই অন্ধকারের এক কোণে রেল লাইনের উপর মাথা পেতে দিয়ে মরে পড়ে থাকা বরং সম্মানের মরণ। তোমার মত আলোর জ্বালার কাছে মরে যাওয়ার চেয়ে ঢের ভাল।

স্টেশনের আলোটাকে যেন একটা ঘেন্নার ভ্রুকুটি দিয়ে তুচ্ছ করে দপ্ দপ্ করেছে সুন্দার দুই চোখ। তার পরেই এই অন্ধকারের দিকে তাকিয়েছে; যেখানে একটা মাথাভাঙা মরা শিমূল একলা দাঁড়িয়ে আছে, আর শিশিরে ভিজে গিয়ে পিছল হয়ে গিয়েছে রেল লাইন।

শেষ রাতের ট্রেনটা আসছে বোধ হয়। অনেক দূরে, ঘুমন্ত শালবনের বৃকের গভীরে যেন একটা গম্ভীর শব্দের মিহি বোল

গদ্রগদ্র করে বাজছে। আঁচল দিয়ে কোমরটাকে শক্ত করে জড়িয়ে বাঁধে সুনন্দা। দূ'পা এগিয়ে গিয়ে, শান্ত প্রতীক্ষার একটা আবছায়া হয়ে আরকান পেতে যেন অঘ্রাণের কুয়াশার একটা গান শুনতে থাকে।

কিন্তু সেই মূহূর্তে সুনন্দার একেবারে চোখের কাছে এসে শক্ত হয়ে দাঁড়ায় একটা ছায়া।—বাড়ি ফিরে চলুন।

এ আবার কোন্‌ রহস্যের দাবি এসে কথা বলছে? এ সময়ে এখানে, অঘ্রাণের শেষ-রাতের এইহিমেল কুয়াশার ভিতরে এ কোন্‌ শাসনের ধমক কেমন করে কখন এসে আর কতক্ষণ ধরে লুকিয়েছিল? পুষ্কর দত্ত যে সত্যিই শিউলিবাড়ির একটা রাতজাগা চক্রান্ত। সুনন্দার দঃসাহসের চোখ দুটো আশ্চর্য হয়ে আর ভয় পেয়ে চমকে ওঠে। কাঁপতে থাকে।

ঠিকই, বেশ মৃদুস্বরে কথা বলছে একটা চক্রান্তের মন।—আমি হঠাৎ এখানে এসে পড়িনি। ইচ্ছে করেই এসেছি। আমি আজ এই জন্যে তৈরি হয়েই ছিলাম।

সুনন্দার হঠাৎ-ভীরু মূর্তিটা এবার পাথরের মূর্তির মত কঠোর হয়ে ওঠে। কথা বলে না সুনন্দা। পুষ্করের শক্ত ছায়াটাকে যেন একটা নীরব তুচ্ছতার আঘাত দিয়ে সরিয়ে দিতে চায়।

কিন্তু কুয়াশার মধ্যে যেন বিনীত একটা অনুরোধ কথা বলতে থাকে।—আপনি আশ্চর্য হবেন না, ভয় পাবেন না।

তবু কথা বলে না সুনন্দা। কথা বলতে ইচ্ছে করে না। কিন্তু শুনতে পার, এবার যেন একটা দৃষ্টিচ্যুত প্রাণ কথা বলছে।—আমার আজ সন্দেহ হয়েছিল, আপনি এরকম একটা কান্ড করতে চাইবেন।

সুনন্দার নিরন্তর মূর্তিটা একটুও বিচলিত হয় না।

এবার যেন ভয়ানক একটা সবজ্ঞান্তা আত্মা মায়া করে কথা বলতে শুরু করেছে।—আপনি মোহিতবাবুর ব্যবহারে দঃখ পেয়ে যা করতে চাইছেন, সেটা আপনার বাবার আর মা'র অপমান।

আপনারও অপমান ।

সুনন্দার মাথায় যেন হঠাৎ একটা ঝিম ধরে যায়। চোখ দুটোও চমকে ওঠে। কী সাংঘাতিক এই পদ্রুকের দণ্ডের চোখ আর কান ! যেন আড়ালে আড়ি পেতে সুনন্দার ভ লবাসার বিপদের সব ভাষা শুনছে, সব ঘটনা দেখছে ।

যেন কথা বলছে একটা ভুল বুদ্ধির দেওয়া সাম্বনা।—মোহিতবাবু তাঁর করালীকাকার কাছ থেকে একটা গল্প শুনেন খুব অন্যায় আর খুব ভুল করলেন। কিন্তু সেজন্যে আপনিও ভুল করবেন কেন ?

সুনন্দার বুদ্ধির ভিতরে একটা আতঁনাদ গুমরে উঠতে চায়। কিন্তু জোর করে করে ঠোঁট চেপে রেখে আর নীরব হয়ে দাঁড়িয়ে থাকে সুনন্দা ।

কি আশ্চর্য, এইবার যেন সত্যকান্দ একটা পাহারার প্রাণ কথা বলছে।—আপনার ঘরে রাত দুটোর সময় আলো জ্বলতে দেখেই মনে হল, আপনি একটা গন্ডগোল বাধিয়েছেন ।

যন্ত্রণাভরা একটা নিঃশ্বাসকে ঢৌক গিলে শান্ত করতে চেষ্টা করে সুনন্দা ।

অঘ্রাণের কুরাশাটা এবার যেন বেশ ব্যথিত স্বরে আক্ষেপ করছে—আপনি আজ আপনার বাবা আর মা'কে যে-সব কথা বললেন, সেগুলো খুব অন্যায় কথা, খুব বাজে কথা ।

সুনন্দার চোখ ঝাপসা হয়ে যায়। সবই কুরাশা বলে মনে হয়। কিন্তু শুনতে কোন অসুবিধে নেই—বেশ স্পষ্ট শুনতে পাওয়া যাচ্ছে, যেন দূরন্ত একটা সন্ধানের প্রাণ কথা বলছে।—আপনি সত্যি ঘর ছেড়ে চলে এলেন দেখে আমাকে অগত্যা আপনার পিছু পিছু আসতে হল। যাই হোক, দেখে খুশি হলাম যে, স্টেশনে গেলেন না ।

সুনন্দার হৃৎপিণ্ডটাই শিউরে ওঠে, তবু কথা বলতে পারে না। দুর্ব্বহ একটা বিস্ময়ের ভার সহ্য করতে গিয়ে চোখ বন্ধ

করে সুনন্দা ।

কিন্তু কথা বলছে একটা স্নিগ্ধ আবেদন—আপনি এখানে এসেও খুব ভুল করেছেন । বাড়ি চলুন ।

সুনন্দার নিঃশ্বাসের বাতাসটা যেন ফুঁপিয়ে হেসে উঠতে চায় । কিন্তু সে নিঃশ্বাসকেও সামলে নিয়ে চুপ করে দাঁড়িয়ে থাকে সুনন্দা ।

এবার যেন একটা লজ্জিত কৈফিয়তের প্রাণ এলোমেলো ভাষায় কথা বলতে থাকে ।—অবশ্য আপনাকে এখানে আসতে না দিয়ে ওখানে বাড়ির কাছেই বাধা দেব ভেবেছিলাম । কিন্তু ভয়ও ছিল, আপনি আমার কথা শুনবেন না । উল্টে হয়তো আমাকেও সন্দেহ করবেন । তাছাড়া, তখন বোধহয় আপনাকে এত কথা বলতেও পারতাম না ।

কথা বলে সুনন্দা ; একটা শূন্য পাতরের গলার শান্ত আর ঠান্ডা শ্বর ।—আপনি চলে যান ।

না ।

আমি একজনের সঙ্গে চলে যাব, তাতে আপনি বাধা দেবেন কেন ?

চলে তো যান নি ।

যদি যেতাম, তবে ?

তবে বাধা দিতাম ।

কেমন করে ? মোহিতবাবুকে ছুরি মারতেন ?

দরকার বদলে মারতাম ।

দরকার বদলে আমাকেও বোধ হয়... ।

কথা বাড়াবেন না । বাড়ি চলুন ।

না । আপনি যান ।

আমি যাব না ।

কেন যাবেন না ? তুচ্ছ মানুষের একটা তুচ্ছ মেয়েকে তুচ্ছ করে চলে যেতে আপনারই বা বাধছে কেন ?

আমি কাউকে তুচ্ছ করি না।

শিউলিবাড়ির মাটিসাহেবকে আপনি তুচ্ছ করেন না ?

সে খোঁজে আপনার দরকার কি ?

মাটিসাহেবের পা ছুঁয়ে প্রণাম করবার সাহস আপনার আছে ?
তিনি তো আপনার চেয়ে বয়সে অনেক বড়।

সাহস নেই, অভ্যেস আছে।

কিন্তু আর কি সে অভ্যেস থাকবে ?

তার মানে ?

করালীবাবুর কাছ থেকে খবর শুনে মাটিসাহেবকে চিনতে
পারবার পরেও কি সে অভ্যেস থাকবে ?

ও-খবর আমি পাঁচ বছর আগেই জেনেছি।

চমকে ওঠে সুনন্দা। বুকটাকে খুব জোরে ব্যথা দিয়ে ছোট
একটা আনন্দ যেন চমকে উঠেছে। আশ্চর্য একটা হাঁপ ছাড়ে সুনন্দা
—কিন্তু আমাকে তো তুচ্ছ করতে পারেন।

না। কোনদিন তুচ্ছ করিনি, আজও করি না।

কবে থেকে তুচ্ছ করেননি ?

জানি না। বোধহয় যেরদিন প্রথম দেখেছি, সেদিন থেকে।

একথা এতদিন বলেননি কেন ?

বলতে ইচ্ছে করেনি।

আজ বললেন কেন ?

তুমি জিজ্ঞেস করলে বলে।

দু'হাত তুলে চোখটেকে ফুঁপিয়ে ওঠে সুনন্দা। মাটিসাহেবের
মেয়ের বুকটার এতক্ষণের সব পাথুরেপনা যেন দুঃসহ একটা
বিস্ময়ের কান্না চাপতে গিয়ে গলে গিয়েছে। পঙ্কর দন্ত নয়,
সত্যিই যে ঘুমহারা এক যথের ভালবাসা কথা বলছে। দিন মাস
বছর পার হয়েছে, যথের সজাগ চোখ যেন একটা গুপ্তধনের উপর
পাহারা রেখেছে। সে গুপ্তধন আজ খুলো হয়ে যাবে বুঝতে পেরে
বিচলিত হয়েছে যথের প্রাণ। বাঃ, মাটিসাহেবের মেয়ের ভাগ্যের

ঊপর আর-এক অদ্ভুত ঠাট্টার আঘাত । গল্পের সেই কাঠুরিয়া
মেয়েটার ভাগ্যের মত । নদীর জলে যখন ডুবে যাচ্ছে মেয়েটা,
তখন কোথা থেকে এক রাজপুত্র ছুটে এসে চেঁচিয়ে উঠলেন—
আমি যে এতদিন তোমারই কথা ভেবেছি ।

সুনন্দা বলে, কি তু আজ আমাকে তুচ্ছ করুন, আপনি
যান । আমি যাব না । আমি ফিরে গেলে কারও কোনও ভাল
হবে না ।

সবারই ভাল হবে । তোমারও ভাল হবে ।

কেমন করে ?

যেমন করে সব মেয়ের ভাল হয় । বাপ-মার কাছে থাকবে ।
তারপর...একদিন স্বামীর ঘরে চলে যাবে ।

যেন তীব্র একটা ধিক্কার চাপতে গিয়ে শিউরে ওঠে সুনন্দার
গলার স্বর—চুপ ! চুপ করুন পুষ্করবাবু । আমাকে কেউ
মানুষের মেয়ে বলে মনে করবে না, মন্তর পড়ে হাত ধরবে না,
স্ট্রী বলে মেনেও নিতে পারবে না ।

খুব পারবে ।

কেউ পারবে না । আপনিও পারবেন না ।

তুমি বললেই পারব ।

পারবেন না ।

হেসে ফেলে পুষ্কর—সত্যি কথাটা কিস্তি বলতে পারছ না
সুনন্দা ।

কি কথা ?

তুমিই পারবে না ।

কেন ?

তোমার ইচ্ছে নেই । কোনদিন যাকে ভাল লাগেনি, তাকে
বিয়ে করতে তোমার ইচ্ছে না হওয়াই তো উচিত ।

সুনন্দার গলার কাছে যেন করুণ একটা দীর্ঘশ্বাস আটকে
গিয়ে হাঁসফাঁস করে ।

কোনদিন ভাল লেগেছিল কি না জানি না, কিন্তু আজ তোমার পা ছুঁয়ে বলতে পারি, বেঁচে থাকতে পারলে তোমার কাছেই যেতে চাইতাম।

পদ্মকর দত্তের বুকটাও বোধহয় চমকে উঠে অদ্ভুত এক বিস্ময়ের আবেশে টলমল করে উঠেছে। তাই গলার স্বরও নিবিড় হয়ে যায়।—তবে তো তোমাকে বেঁচে থাকতেই হবে। চল সুনন্দা।

না।

আমিই তো ডাকাছি, চল।

তোমার ডাক শুনেও আমি যেতে পারব না পদ্মকর। আমাকে ক্ষমা কর।

কেন?

বলতে পারব না। তুমি বুঝে নাও, আর একটি কথাও না বলে চলে যাও।

আমি সত্যিই কিছুর বুঝতে পারছি না।

সুনন্দা যেন নিঃশ্বাসের সব শব্দ থামিয়ে দিয়ে, বুকের ভিতরে ধুকপুক করছে যে কন্ঠার জ্বালাটা, দম বন্ধ করে সেটাকে নিবিয়ে দিয়ে, আর দু'হাত দিয়ে যেন দুমুঠো কুয়াশাকে খিমচে ধরে নিয়ে, নিখর হয়ে দাঁড়িয়ে কথা বলে—সব বুঝেও এটুকু বুঝতে পারছ না কেন? আমার মরা শরীরটাও যে লুকোতে পারবে না, ময়নাঘরের ডাক্তার যে দেখেই বুঝে ফেলবে আর হেসে ফেলবে, মাটিসাহেবের মেয়ে পেটে একটা কলঙ্ক নিয়ে আত্মহত্যা করেছে?

কি বললে? পদ্মকরের গলাটা কেঁপে ওঠে! পদ্মকর দত্তের প্রশ্নটা যেন ধক্ করে জ্বলে ওঠা একটা ব্যথিত বিস্ময়ের প্রশ্ন।

সুনন্দার চোখ দুটো এইবার অপলক হয়ে, যেন একটা চমৎকার কৌতুকের অন্তিম দেখার জন্য জ্বলজ্বল করতে থাকে। এখনি দেখতে পাবে সুনন্দা, মাটিসাহেবের মেয়েকে একটা ভয়াল মেয়ে-জন্তু বলে মনে করে জওয়ান-ই-বঙ্গালের ভালবাসার মধুরতা কত

ভয় পেয়ে কেমনতর বোবা হয়ে যায়। শিউলিবাড়ির কৈসর কেমন করে দ্দ' পা পিছিয়ে গিয়েই ছুটে পালিয়ে যায়।

কিন্তু কে'পে ওঠে সুনন্দার অপলক চোখ। দ্দ' পা এগিয়ে এসে সুনন্দার একেবারে চোখের কাছে দাঁড়িয়েছে পদ্মকর।—বুঝেছি। সব বুঝেও কিন্তু তোমাকে বুকে জড়িয়ে ধরতে ইচ্ছা করছে। বিশ্বাস কর সুনন্দা।

কি বললে?

তোমাকে হাত ধরে এখনই টেনে নিয়ে গিয়ে চক্রবর্তীঠাকুরকে এখনই বলে দিতে ইচ্ছে করছে, দিন ঠিক করুন।

শেষ রাতের কদুয়াশায়র আকাশ যেন হঠাৎ জ্যোৎস্নায় ভরে গিয়েছে। শান্ত ঘুমন্ত শালবন যেন স্বপ্নলোকের মায়াবন। পদ্মকরের দিকে একটা হাত এগিয়ে দিয়ে সুনন্দার করুণ মূর্তিটা হঠাৎ বিহ্বল হয়ে টলতে থাকে—তবু ঘেন্না করতে পারলে না?

না। সুনন্দার হাত ধরে পদ্মকর। কাছে টেনে নেয়। বুকে চেপে ধরে। সুনন্দার শিশিরভেজা মাথাটার উপর হাত বোলাতে থাকে পদ্মকর। একটা আদুরে আকুলতার হাত একটা ফুলের গায়ের ধুলো মুছে দিচ্ছে।

শালবনের মায়া-কদুয়াশায়র গায়ে দুটো আলোর চোখ ভেসে উঠেছে, সিগন্যালের হাতছানিও বুপ করে একটা শব্দ করে সবুজ আলো ভাসিয়েছে। এসে পড়েছে ট্রেন, এসে পড়েছে একটা কাপদরুষ ইচ্ছার হৃষ, একটা অপমানের ব্যস্ততা।

সুনন্দা বলে—চল।

পদ্মকর বলে—চল।

কিন্তু না, ওদিকে নয়, স্টেশন হয়ে যেতে পারব না।

কেন?

ওখানে যে একজন মানুষের ছেলে বসে আছেন, মাটিসাহেবের মেয়ের লাশ নিয়ে যাবার জন্য।

হেসে ওঠে পদ্মকর—মোহিতবাবু রাত আটটার মোটরবাসে

চলে গিয়েছেন ।

চমৎকার ! হেসে ফেলে সুনন্দা । হেসে ফেলেছে একটা দঃসহ
কৌতুকের সমাপ্তি । হেসে ফেলেছে শিউলিবাড়ির হিমেল
নীরবতা ।

কিন্তু সেই মূহুর্তে মাটিসাহেবের মেয়ের আত্মাটা যেন ছট-
ফটিয়ে ওঠে আর কেঁদে ফেলে ! নিশির ডাকে ঘরছাড়া একটা
পাগল ভুলের প্রাণ শিউলিবাড়ির একটা ক্ষমার হাত পা বুক আর
কোলের কাছে ছুটে গিয়ে লুটিয়ে-পুটিয়ে আদর নেবার জন্য ছট-
ফটিয়ে উঠেছে । চোখ মূছে নিয়েই পুষ্করের একটা হাত ধরে
টান দেয় সুনন্দা—শিগগির চল ।

॥ ছাব্বিশ ॥

খোলা দরজার বাইরে এখনও কুয়াশামাখা অন্ধকার থমকে
আছে । শিউলিবাড়ির কোন ঘুম-ভাঙা পাখিও ডেকে ওঠেনি ।
কিন্তু চোখ মেলে তাকিয়েছে নিরুপমা ।

ভোর হয়নি, তবু নিরুপমার চোখ দুটো যেন ভোরের আলোর
দুটি চোখ হয়ে বিজনবিহারীর মুখের দিকে তাকিয়ে থাকে ।
খাটের উপর বিজনবিহারীর পাশে শান্ত হয়ে বসে আছেন
নিরুপমা ।

টোটাভরা বন্দুকটাকে এক হাতে আঁকড়ে ধরেছেন বিজন-
বিহারী । যেন একটু শান্ত হয়ে, একটু যত্ন নিয়ে, আর অনেক
মায়া নিয়ে একটা সুন্দর সাধের কাজ করবার জন্য তৈরি হয়েছে
স্বপ্নচারী এক কারিগরের হাত !

কিন্তু বাধা দিল খোলা দরজাটা । পুষ্কর আর সুনন্দা, যেন
দুটো ব্যস্ত উদ্বেগ একসঙ্গে ঘরের ভিতর ঢুকে, আর কার্লামাখা
জ্বলন্ত বাতিটার দিকে তাকিয়েই থমকে দাঁড়িয়ে পড়ে । থমকে
দাঁড়ায় দুটো নিদারুণ বিস্ময় ।

ছুটে গিয়ে নিরুপমাকে দৃ-হাতে জড়িয়ে ধরে সুনন্দা—আমি কোথাও যাইনি মা । তোমার পায়ে পড়ি মা, ভাল করে তাকিয়ে দেখ, আমি এসেছি । এই তো আমি ।

পদ্মকর এগিয়ে এসে বিজনবিহারীর হাত ধরে । বন্দুকটাকে কেড়ে নিয়ে খাটের তলায় ফেলে দেয় ।—আপনি এখন ঘরের বাইরে গিয়ে বসুন । আলোয়ানটা গায়ে জড়িয়ে নিন ।

সুনন্দা এগিয়ে এসে আলোয়ানটাকে বিজনবিহারীর গায়ে জড়িয়ে দেয় ।

বিজনবিহারী আর নিরুপমা, দুজনের দু'জোড়া শান্ত আর অচঞ্চল চোখ যেন ভিন জগতের দুটি মানুষের চোখ । সে চোখে কোন প্রতিচ্ছায়া পড়ছে না । কিংবা বাইরে থেকে হঠাৎ যেন দুজন নতুন আগন্তুক এসে বিজনবিহারী আর নিরুপমার স্বপ্নের ঘরে ঢুকেছে । বিজনবিহারী আর নিরুপমার ঘুমের চোখ তাই তাদের চিনতে পারছে না ।

পদ্মকরের মুখের দিকে তাকিয়ে থাকেন নিরুপমা । সুনন্দা বলে—তুমি শূয়ে পড় মা, আমি তোমার মাথায় হাত বুলিয়ে দিই ।

বিজনবিহারীও পদ্মকরের মুখের দিকে তাকিয়ে থাকেন । পদ্মকর বলে—ভোর হয়ে গিয়েছে । চলুন, বাইরে যাই ।

খোলা দরজার দিকে চোখ তুলে বাইরের আকাশটার দিকে একবার তাকালেন বিজনবিহারী । তারপর পদ্মকরের সঙ্গেই আশে আশে হেঁটে বাইরের বারান্দায় এসে একটা চেয়ারের উপর বসে পড়েন ।

পদ্মকর বলে—আমি তবে এখন যাই ।

বিজনবিহারী বলেন—এস ।

ভোরের পাখি ডাকছে । ঘরের ভিতরে খাটের উপর ক্লান্ত শিশুর মত নিবিড় ঘুমের কোলে যেন ঢলে পড়ে থাকেন নিরুপমা । রান্নাঘরের ভিতরে ঠুং-ঠাং করে চা তৈরি করে

সুনন্দা। আর, বাইরের বারান্দায় বসে বিজনবিহারীর চোখ দুটো ভোরের আলোর সঙ্গে যেন আঙে আঙে জেগে উঠতে আর হেসে উঠতে থাকে।

সকালবেলায় রোদ ঝলমল করে। অনেক দূরে, সিংহানি পাহাড়ের গায়ে যে এক টুকরো সাদা কুয়াশা মাকড়সার জালের মত লেপটে ছিল, সেটাও গলে গেল। রামসিংহাসনের বউ বিন্ধ্যাচলীর হন্তদন্ত উল্লাসের মূর্তিটা হঠাৎ এসে থমকে দাঁড়ায়, বিজনবিহারীকে দেখতে পেয়ে মাথার কাপড় টানে, তার পরেই তিন লাফে ঘরের ভিতরে ঢুকে চেঁচিয়ে ওঠে—পুজারীবাবুর মেয়ে জয়ন্তী এ কি কথা বলছে দিদি?

ধড়ফড় করে জেগে ওঠেন নিরুপমা—কি?

পুষ্করের সঙ্গে নন্দুয়া বেটির বিয়ে?

কে বলেছে?

পুষ্কর বলেছে।

সুনন্দা এসে বলে—হ্যাঁ, চাচিজী।

ঘরের ভিতরে যেমন বিন্ধ্যাচলীর খুশির হাসি ছড়িয়ে গড়িয়ে ছুটোছুটি করে, তেমনই ঘরের বাইরেও এক একটা খুশির হাসি হঠাৎ এসে এসে বিজনবিহারীর বারান্দাটাকে হাসিয়ে দিয়ে চলে যায়। খবরটাকে যেন সারা শিউলিবাড়ির প্রাণ খুশি হয়ে অভ্যর্থনা করছে।

সদারি সূচেত সিং আসেন আর হাসেন।—বড় ভাল খবর মাটিসাহেব। শুনেন খুব খুশি হয়েছি।

ফুলনবাবু আসেন—খুব ভাল হল মাটিসাহেব। পুষ্কর বড় ভাল ছেলে।

দীনবন্ধুবাবুর স্ত্রী আর সেনবাবুর স্ত্রী ব্যস্তভাবে এসে ঘরের ভিতরে ঢুকলেন। মিষ্টি কই নিরুদি? আজ কিন্তু শুধু আপনাদের মেয়ের মিষ্টি মুখটি দেখেই ফিরে যাব না।

জয়ন্তী আর মনোরমা, সেই সঙ্গে একদল ছোট-ছোট ছেলে-

ময়ে এসে বারান্দার উপর বিজনবিহারীকে ঘিরে ধরে । জয়ন্তী
লে—আমরা কিন্তু সুনন্দাদির বিষেতে খিয়েটার করব ।...বল
॥ মন ।

মনোরমা বলে—জয়ন্তী হল নাগলতা, আর আমি হলাম
কাশ্মীরের রাজা চক্রবর্তী ।...তুই বল না জয়ন্তী ।

জয়ন্তী—সত্যিই বলতে কান্না পায় । নাগলতা বলছে : দাও
দুঃখ, দাও ক্লেশ, দাও চিতাবহিজ্জালা, সকলি সহিব হাসিমুখে—
কিন্তু ঘৃণা নাহি সহিবে পরাণে কভু ।

নিরুপমা এসে বিজনবিহারীর কাছে দাঁড়ান—শুনেছ ?

বিজনবিহারী হাসেন—শুনেছি ।

এত শান্ত হয়ে হাসতে গিয়েও ষাট বছর বয়সের চোখ দুটো
ছটফট করে ওঠে । চোখের পাতা ভিজে যায় । যেন গলে গিয়েছে
দুরন্ত একটা অভিমান ।

মুখটাও যে নিতান্ত একটা ছেলেমানুষের মুখ । শিউলি-
বাড়ির অঘ্রাণের আকাশের দিকে পিপাসিতের মত তাকিয়ে আছেন
বিজনবিহারী । দেখে সন্দেহ হয় নিরুপমার, আর সন্দেহ করতে
গিয়ে চোখ দুটোও ঝাপসা হয়ে যায়, যেন ষোল বছর বয়সের
বিজুর প্রাণ একটা স্বপ্নের পথে হাঁটা দিয়ে ফিরে চলেছে ।

যেন দিগনগরের রাস্তা শেষ হয়ে গেল, ধানক্ষেতের ফুরফুরে
হাওয়া পিছনে পড়ে রইল । জলঙ্গীর জল ছলছল করে, একটা
একলা নৌকোর বৈঠা ঝড়ঝড় করে, মৃচিপাড়ার কুকুর জেগে
উঠে ঘুরঘুর করে । কেষ্টনগরের আকাশের ঝিকিমিকি তারা
নিবেছে । পথের আলো নিবেছে । ভোর হয়েছে । ওই তো
বাড়িটা । চেঁচিয়ে ডাকছে বিজু—আমি এসেছি ছোড়দা ।